

宋書

梁 沈 約 撰

中華 書 局

卷二三至卷三四(志)册

# 宋書卷二十三

## 志第十三

#### 天文一

罪惡無狀,投畀有北,灰滅雨絕,勢路無由。宜問羣臣,下及巖穴,知渾天之意者,使述其 官有其器而無本書,口前志亦闕而不論,本欲寢伏儀下,思惟微意,按度成數,以著篇章。 體,而具天地之形,以正黃道,占察發斂,以行日月,以步五緯,精微深妙,百世不易之道也。 具存,考驗天狀,多所違失。惟渾天僅得其情,今史官所用候臺銅儀,則其法也。立八尺圓 闕其文。漢靈帝議郎蔡邕於朔方上書曰:「論天體者三家,宣夜之學,絕無師法。 周髀術數 義。」時閹官用事,邕議不行。 言天者有三家,一日宣夜,二日蓋天,三日渾天,而天之正體,經無前說,馬濤、班志,又

漢末吳人陸績善天文,始推渾天意。 志 第 +  $\equiv$ 天 文 王蕃者,廬江人,吳時爲中常侍,善數術,傳劉洪 六七三

乾象曆。依乾象法而制渾儀,立論考度曰:

見,謂之下規。 下。其二端謂之南極、北極。 百八十二度半强。 然,故曰渾天也。 前儒舊說,天地之體,狀如鳥卵,天包地外,猶殼之裹黃也。 赤道帶天之紘,去兩極各九十一度少强 周天三百六十五度五百八十九分度之百四十五,半露地上, 繞北極徑七十二度,常見不隱,謂之上規,繞南極七十二度,常隱不 北極出地三十六度,南極入地亦三十六度, 周旋無端, 其形渾渾 兩極 半 相 在 去 地

者,亦二十四度,井二十五度是也。 十四少强。 黃道,日之所行也。 半在赤道外,半在赤道內,與赤道東交於角五少弱,西交於奎 其出赤道外極遠者,去赤道二十四度,斗二十一度是也。 其入赤道內極遠

黄道斗二十一度,出辰入申,故日亦出辰入申。 十五度,出寅入戌,故日亦出寅入戌。日晝行地上二百一十九度少弱,故日長,夜行地 夏至,日在井二十五度,去極六十七度少强,是日最北, 行地下二百一十九度少弱,故夜長。 上度稍多,故日稍長,夜行地下度稍少,故夜稍短。 日南至在斗二十一度,去極百一十五度少强是也。 自南至之後,日去極稍近,故景稍短。 日晝行地上百四 日所 去極 在度稍北,故日 日最南,去極最遠,故景最長。 最近, 十六度强,故日短,夜 景最短。 1 稍北, 黄道井二 日 以至於 地

復初焉。斗二十一,井二十五,南北相覺四十八度。 故日稍短,夜行地下度稍多,故夜稍長。日所在度稍南,故日出入稍南,以至於南至而 下百四十六度强,故夜短。自夏至之後,日去極稍遠,故景稍長。日晝行地上度稍少,

.明爲限。日未出二刻半而明,日已入二刻半而昏,故損夜五刻以益晝,是以春秋分之 漏畫五十五刻。 五十刻,不見之漏五十刻,謂之晝夜同。夫天之晝夜,以日出入爲分,人之晝夜,以昏 入酉,故日亦出卯入酉。 日晝行地上,夜行地下,俱百八十二度半强。 [三 故日見之漏 度少强,南北處斗二十一井二十五之中,故景居二至長短之中。奎十四,角五,出卯 春分日,在奎十四少强,秋分日,在角五少弱,此黄赤二道之交中也。 去極俱九十

周三徑一也。考之徑一不啻周三,率周百四十二而徑四十五,則天徑三十三萬九千四 寸四分四百八十七分分之三百六十二。陸續云:天東西南北徑三十五萬七千里,此言 度、春秋考異郵皆云周天一百七萬一千里,一度爲二千九百三十二里七十一步二尺七 百一里一百二十二步三尺二寸一分七十一分分之九。 三光之行,不必有常,術家以算求之,各有同異,故諸家曆法參差不齊。洛書甄燿

志 第十三 <u>倜禮:「日至之景,尺有五寸,謂之地中。」鄭衆說「土圭之長,尺有五寸。以夏至之</u>

冬夏,昏明晝夜,去陽城皆等,無盈縮矣。故知從日邪射陽城爲天徑之半也。 里 日,立八尺之表,其景與土圭等,謂之地中,今顯川陽城地也。」鄭玄云:「凡日景於地千 而差一寸,景尺有五寸者,南戴日下萬五千里也。」以此推之,日當去其下地八 日邪射陽城,則天徑之半也。天體圓如彈丸,地處天之半,而陽城爲中,則 日春秋 、萬里

之數 十四步六寸四分十萬七千五百六十五分分之萬九千三十九,減舊度千五百二十五 周率乘之,徑率約之,得五十一萬三千六百八十七里六十八步一尺八寸二分,回周天 之數也。 求弦法入之,得八萬一千三百九十四里三十步五尺三寸六分,天徑之半,而地 百五十六步三尺三寸二十一萬五千一百三十分分之十六萬七百三十分。 也。減甄耀度、考異郵五十五萬七千三百一十二里有奇。一度凡千四百六里百二 以句股法言之,傍萬五千里,句也,立八萬里,股也,從日邪射陽城,弦也。 倍之,得十六萬二千七百八十八里六十一步四尺七寸二分,天徑之數也。 以句股 上去天 以 里

天東西南北徑三十五萬七千里,然則績亦以天形正圓也。 奇,是以知天體 黄赤二道,相與交錯,其間相去二十四度。 圓 如彈丸。 而陸續造渾象,其形如鳥卵,然則黃道應長於赤道矣。績云 以兩儀推之,二道俱三百六十五度有 而渾象爲鳥卵,則爲自相違

古舊渾象以二分爲一度,凡周七尺三寸半分。 張衡更制,以四分爲一度,凡周一丈四 蕃以古制局小,星辰稠穊;衡器傷大,難可轉移。 更制渾象,以三分爲一度,凡周

天一丈九寸五分四分分之三也。

熾,一夜入水,所經燋竭,百川歸注,足於補復,故旱不爲減,浸不爲益。徑天之數,審說 化 近之。」 生,水生於金,GD是故百川發源,皆自山出,由高趣下,歸注於海。GD日爲陽精,光耀炎 周其下。言四方者,東曰暘谷,至日之所出,西至濛汜,日之所入。莊子又云:『北溟之魚, 而 爲鳥,將徙於南溟。』斯亦古之遺記,四方皆水證也。四方皆水,謂之四海。凡五行相 御史中丞何承天論渾象體曰「詳尋前說,因觀渾儀,研求其意,有以悟天形正圓,而水

構造虛文,託之讖緯,史遷、班固,猶尙惑之。鄭玄有贍雅高遠之才,沈靜精妙之思,超然獨 見,改正其說,聖人復出,不易斯言矣』。 臺,史官禁密,學者寡得聞見,穿鑿之徒,不解機衡之意,見有七政之言,因以爲北斗七星, 非也」。渾儀,羲和氏之舊器,歷代相傳,謂之機衡,其所由來,有原統矣。 今渾天儀日月五星是也。鄭玄說「動運爲機,持正爲衡,皆以玉爲之。視其行度,觀受禪是 太中大夫徐爱曰:「渾儀之制,未詳厥始。王蕃言『虞書稱「在琁璣玉衡,以齊七政」。則 蕃之所云如此。 夫候審七曜,當以運行爲體,設器 而斯器設在候

+

之目,所以先儒以爲北斗七星,天綱運轉,聖人仰觀俯察,以審時變焉。」 儀所造,以緯書爲穿鑿,鄭玄爲博實,偏信無據,未可承用。 夫琔玉,貴美之名,機衡,詳細 鑄銅制範,衡傳云:『其作渾天儀,考步陰陽,最爲詳密。』故知自衡以前,未有斯儀矣。蕃又 准,後世聿遵,孰敢非革。而三天之儀,紛然莫辯,至揚雄方難蓋通渾。 擬象,焉得定其盈縮,推斯而言,未爲通論。 設使唐、虞之世,已有渾儀,涉歷三代,以爲定 云:『渾天遭秦之亂,師徒喪絕,而失其文,惟渾天儀尙在候臺。』案旣非舜之琔玉,又不載今 張衡爲太史令,乃

敗,沈沒戎虜,績、蕃舊器,亦不復存。晉安帝義熙十四年,高祖平長安,得衡舊器,儀狀雖 記古渾儀尺度幷張衡改制之文,則知斯器非衡始造明矣。 衡所造渾儀,傳至魏、晉,中華覆 儀之淺深也。以此而推,則西漢長安已有其器矣。將由喪亂亡失,故衡復鑄之乎? 王蕃又 義答之,而舉此三人以對者,則知此三人制造渾儀,以圖晷緯。問者蓋渾儀之疎密,非問渾 之,鮮于妄人度之,耿中丞象之,幾幾乎莫之違也。』」若問天形定體,渾儀疎密,則雄應以渾 舉,不綴經星七曜。 有宣、蓋之論,其術並疎,故後人莫述。揚雄法言云:「或人問渾天於雄。雄曰:『落下閎營 史臣案:設器象,定其恒度,合之則吉,失之則凶,以之占察,有何不可。 渾文廢絕,故

文帝元嘉十三年,詔太史令錢樂之更鑄渾儀,徑六尺八分少,周一丈八尺二寸六分少,

黄道 尺六寸,以分爲一度,安二十八宿中外宮,以白黑珠及黃三色爲三家星,〔5〕日月五星,悉居 之上,置立漏刻,以水轉儀,昏明中星,與天相應。 地在天內,立黃赤二道,南北二極規二十八宿,北斗極星,五分爲一度,置日月五星於黃道 十七年,又作小渾天,徑二尺二寸,周六

行。」此三說,夏曆皆違之,迹其意,好異者之所作也。 不能 或問 謂之朓。 明日行遲於列宿也。 也。 出,乃見東方。 宿昏俱入西方;後九十一日,是宿在北方,又九十一日,是宿在東方;九十一日,在南方。 數 也。 通 蓋天於揚雄。 天 蓋天之術,云出周公旦訪之殷商,蓋假託之說也。 也。 地 其術云:「天如覆蓋,地如覆盆,地中高 朓,疾也。 相 劉向五紀說,夏曆以爲列宿日月皆西移,列宿疾而日次之,月最遲。故日與列 去 凡八萬里,天地之中,高於外衡六萬里,地上之高,高於天之外衡二萬里也。」 以此明月行之遲於日,而皆西行也。 揚雄曰:「蓋哉!蓋哉!難其八事。鄭玄又難其二事。爲蓋天之學者, 朔而月見東方,謂之側匿。 月生三日,日入而月見西方,至十五日,日入而月見東方,將晦,日未 一而四隤,日月隨天轉運,隱地之高,以爲晝夜 側匿,遲不敢進也。星辰西行,史官謂之逆 向難之以鴻範傳曰:「晦而月見西方, 其書號曰周髀。 髀者表也。周天之 此

晉成帝咸康中,會稽虞喜造安天論,以爲「天高窮於無窮,地深測於不測。 志 第 + 地有居靜之

體,天有常安之形。論其大體,當相覆冒,方則俱方,圓則俱圓,無方圓不同之義也」。〔云〕喜 異之談,失之遠矣。 行寒依於渾,夏依於蓋也」。接此說應作「軒昂」之「軒」,而作「昕」,所未詳也。凡三說皆好 短,天去地高,故晝長也。極之低時,日行地中深,故夜長,天去地下淺,故晝短也。然則天 天運近北,而斗去人遠,自己日去人近,南天氣至,故炎熱也。極之立時,日行地中淺,故夜 以爲「冬至極低,而天運近南,故日去人遠,而斗去人近,北天氣牽,故冰寒也。夏至極起,而 之上。」而吳太常姚信造昕天論曰:「嘗覽漢書云:冬至日在牽牛,去極遠,夏至日在東井,去 族祖河間太守聲又立穹天論云:[10]「天形穹隆,當如雞子幕,其際周接四海之表,浮乎元氣 極近。欲以推日之長短,信以太極處二十八宿之中央,雖有遠近,不能相倍。」今昕天之說,

凡天文經星,常宿中外宮,前史已詳。今惟記魏文帝黃初以來星變爲天文志,以續同

馬彪云。

月,孫權叛命,帝自南征,前驅臨江,破其將呂範等。是後累有征役。七年五月,文帝崩。 黄初四年三月癸卯,[三月犯心大星。十二月丙子,月又犯心大星。占曰:「心爲天王, 魏文帝黃初三年九月甲辰,客星見太微左掖門內。占曰:「客星出太微,國有兵喪。」十

王者惡之。」七年五月,文帝崩。

月,吳遂圍江夏,寇襄陽,魏江夏太守文聘固守得全。大將軍司馬懿救襄陽,斬吳將張霸。 不臣,爲更王。强國弱,小國强。」是時孫權受魏爵號,而稱兵距守。七年五月,文帝崩。八 「太白少陰,弱,不得專行,故以巳未爲界,不得經天而行。 經天則畫見,其占爲兵,爲喪,爲 黃初四年十一月,月暈北斗。占曰:「有大喪,赦天下。」七年五月,文帝崩,明帝卽位, 黃初四年六月甲申,太白晝見。五年十一月辛卯,四三太白又晝見。案劉向五紀論曰:

十日以上,人主有大憂。」一曰:「有赦至。」七年五月,文帝崩,明帝卽位,大赦天下。 <u>黃初五年十月,歲星入太微,逆行積百三十九日乃出。占曰:「五星入太微,從右入三</u> 大赦天下。

徵也。』」案三國史並無熒惑守心之文,宜是入太微。 騎將軍曹洪舜爲庶人。 法,大臣有憂」。 一曰:「執法者誅。 金火尤甚。」十一月,皇子東武陽王鑒薨。 七年正月,驃 曰:『天下鼎立,何地爲正?』對曰:『當驗天文。 至二十七日癸酉,乃出。占曰:「從右入三十日以上,人主有大憂。」又「日月五星犯左右執 黄初六年五月十六日壬戌,熒惑入太微,至二十六日壬申,與歲星相及,俱犯右執法, 四月,征南大將軍夏侯尚薨。五月,文帝崩。蜀記稱「明帝問黃權 往熒惑守心,而文皇帝崩,吳、蜀無事,此其

志

舊布新之象,餘災不盡,爲旱凶飢暴疾。 長大見久災深,短小見速災淺。 是時帝軍廣陵,辛 丑,親御甲胄,跨馬觀兵。明年五月,文帝崩。 黃初六年十月乙未,有星孛于少微,歷軒轅。案占,孛、彗異狀,其殃一也。 爲兵喪除

爲小兵。」五年三月,諸葛亮以大衆寇天水,遣大將軍司馬懿距退之。四五 魏明帝太和四年十一月壬戌,江巴太白犯歲星。占曰:「太白犯五星,有大兵。犯列宿,

有憂。」七月,車騎將軍張邱追諸葛亮,爲其所害。十二月,太尉華歆薨 太和五年五月,日召熒惑犯房。占曰:「房四星,股肱臣將相位也。月五星犯守之,將相

年正月,太后郭氏崩。 曰:「女主當之。」六年三月乙亥,月又犯軒轅大星。一青龍二年十一月乙丑,月又犯鎭星。三 太和五年十一月乙酉,月犯軒轅大星。占曰:「女主憂。」十二月甲辰,月犯鎭星。こじ占

權遣張彌等將兵萬人,錫授公孫淵爲燕王。淵斬彌等,虜其衆。 太和六年十一月丙寅,太白晝見南斗,遂歷八十餘日恒見。占曰:「吳有兵。」明年,孫

當之國,是受其殃。」翼又楚分,孫權封略也。明年,權有遼東之敗。權又自向合肥新城,遣 全琮征六安,皆不克而還。日日又明年,諸葛亮入秦川,據渭南,司馬懿距之。孫權遣陸議、諸 |太和六年十一月丙寅,有星孛于翼,近太微上將星。 占曰:「爲兵喪。」|甘氏曰:「孛彗所

諸將乃退。 葛瑾等屯江夏口,孫韶、張承等向廣陵淮陽,權以大衆圍新城以應亮。 太和六年十二月,陳王植薨。 青龍元年夏,北海王藏薨。 於是帝自東征,權及 三年正月,太后郭

氏崩。

渭南 ,吳亦起兵應之,魏東西奔命。九月,亮卒,軍退,將帥分爭,爲魏所破。 明帝青龍二年二月乙未,太白犯熒惑。占曰:「大兵起,有大戰。」是年四月,諸葛亮據 案占,太白所

犯在南,南國敗,在北,北國敗,此宜在熒惑南也。

是年夏,大疫,冬,又大病,至三年春乃止。正月,太后郭氏崩。四年五月,司徒董昭薨。 青龍二年三月辛卯,月犯興鬼。<br />
興鬼主斬殺。<br />
占曰:「民多病,國有憂, 又有大臣憂。」

葛亮據渭南,司馬懿與相持。孫權寇合肥,又遣陸議、孫韶等入淮、沔,帝親東征。 青龍二年五月丁亥,太白畫見,積三十餘日。<br />
以晷度推之,非秦、魏,則楚也。 |蜀本|秦 是時諸

地,則爲秦、晉及楚兵悉起應占。

青龍二年七月己巳,月犯楗閉。占曰:「天子崩,又爲火災。」三年七月,崇華殿災。

初三年正月,明帝崩。

二年十月戊寅, 月犯太白。占曰:「人君死, 又爲兵。」景初元年七月, 公孫淵叛。

二年正月,遣司馬懿討之。三年正月,明帝崩。

徵也。」九月,亮卒于軍,焚營而退。羣帥交惡,多相誅殘。 投亮營,三投再還,往大還小。占曰:「兩軍相當,有大流星來走軍上及墜軍中者,皆破敗之 蜀後主建興十二年,諸葛亮帥大衆伐魏,屯于渭南,有長星赤而芒角,自東北, 西南流

占曰:「凡月五星犯井鉞,悉爲兵起。」一曰:「斧鉞用,大臣誅。」景初元年,公孫淵叛,司馬懿 魏明帝青龍三年六月丁未,鎭星犯井鉞。 四年閏四月乙已,復犯。 戊戌,太白又犯。

討滅之。

氏崩。 三年正月,明帝崩。 大人憂。行近距爲行陰,其占大水,五穀不成。」景初元年夏,大水,傷五穀。 九月,皇后毛 青龍三年七月己丑,鎭星犯東井。四年三月癸卯,在參,又還犯之。 占曰:「塡星入井,

滅之。 積二百八十餘日。占悉同上。是時<u>公孫淵自立爲燕王,署置百官,發兵距守,遣司馬懿</u>討 青龍四年三月己巳,太白與月俱加丙,畫見。 月犯太白。 景初元年七月辛卯,太白又畫見, 青龍三年十月壬申,太白晝見在尾,歷二百餘日恒見。 占曰:「尾爲燕,燕臣强,有兵。」

青龍四年五月壬寅,太白犯畢左股第一星。 占曰:「畢爲邊兵,又主刑罰。」九月,涼州 青龍三年十二月戊辰,月犯鉤鈐。占曰:「王者憂。」景初三年正月,明帝崩。

塞外胡阿畢師侵犯諸國,西域校尉張就討之,斬首捕虜萬許人。

青龍四年七月甲寅,太白犯軒轅大星。占曰:「女主憂。」景初元年,皇后毛氏崩

者,不加宿也。」宦者在天市爲中外有兵,天紀爲地震。 孛彗主兵喪。 景初元年六月,地震。 九月,吳將朱然圍江夏,荆州刺史胡質擊走之。皇后毛氏崩。二年正月,討公孫淵。三年 犯宦者天紀星。占曰:「大辰爲天王,天下有喪。」劉向五紀論曰:「春秋星孛于東方,不言宿 青龍四年十月甲申,有星孛于大辰,長三尺。乙酉,又孛于東方。十一月己亥,彗星見,

魏明帝景初元年二月乙酉,月犯房第二星。占曰:「將相有憂。」七月,司徒陳矯薨。二

年四月,司徒韓暨薨。

正月,明帝崩。

景初元年十月丁未,月犯熒惑。占曰:「貴人死。」二年四月,司徒韓暨薨。八月,公孫

淵滅。

惡之。 閨 . 月癸丑,月又犯心、中央大星。按占,「大星爲天王,前爲太子,後爲皇子。犯大星,王者 景初二年二月癸丑,月犯心距星,又犯中央大星。五月己亥,又犯心距星及中央大星。 犯前星,太子有憂。 犯後星, 庶子有憂。」三年正月, 帝崩, 太子立, 卒見廢爲齊王。

志第十三 天文

正始四年,秦王詢薨

景初二年八月彗星見張,長三尺,逆西行,四十一日滅。占曰:「爲兵喪。張,周分野,洛

|邑惡之。」其十月,斬公孫淵。 明年正月,明帝崩。

景初二年十月甲午,月犯箕。占曰:「軍將死。」正始元年四月,車騎將軍黃權薨。

首山北流墜襄平城東南。占曰:「圍城而有流星來走城上及墜城中者破。」又曰:「星墜,當其 景初二年,司馬懿圍公孫淵於襄平。八月丙寅夜,有大流星長數十丈,色白有芒鬣,從

下有戰場。」又曰:「凡星所墜,國易姓。」九月,淵突圍,走至星墜所被斬,屠城阬其衆。

景初二年十月癸巳,客星見危,逆行在離宮北,騰蛇南。甲辰,犯宗星。己酉滅。占

宗廟,皆王者崩殞之象也。」三年正月,明帝崩。正始二年五月,吳將朱然圍樊城,司馬懿 曰:「客星所出有兵喪。虛危爲宗廟,又爲墳墓。客星近離宮,則宮中將有大喪,就先君於

率衆距卻之。

占曰:「犯昴,胡不安。」二年六月,鮮卑阿妙兒等寇西方,燉煌太守王延斬之,幷二千餘 三年,又斬鮮卑大帥及千餘級。 魏齊王正始元年四月戊午,月犯昴東頭第一星。 其年十月庚寅,月又犯昴北 頭 第 四

占曰:「尾爲燕,又爲吳,牛亦吳、越之分。太白爲上將,羽林中軍兵。吳、越有兵喪,中 正始元年十月乙酉,彗星見西方,在尾,長三丈,拂牽牛,犯太白。十一月甲子,進犯羽

軍兵動。」二年五月,吳將全琮寇芍陂,朱然圍樊城,諸葛瑾入沮中。 吳太子登卒。 六月,同

馬懿討諸葛恪於皖,恪焚積聚,棄城走。三年,太尉滿寵薨。

南 :星主布帛。占曰:「有錢令。」一曰:「大臣憂。」三年三月,太尉滿竈薨。四年正月,帝加元 正始二年九月癸酉,月犯輿鬼西北星。 西北星主金。三年二月丁未,又犯西南星。西

服,賜羣臣錢各有差。

正始四年十月、十一月,月再犯井鉞。是月,司馬懿討諸葛恪,恪棄城走。五年三月,

曹爽征蜀。

正始五年十一月癸巳,鎭星犯亢距星。占曰:「諸侯有失國者。」嘉平元年,曹爽兄弟

誅。

嚴兵,實始翦魏。三年,誅楚王彪,又襲王凌於淮南。淮南,東楚也。幽魏諸王于鄴。 趙、魏,彗所以除舊布新,主兵喪也。」嘉平元年,司馬懿誅曹爽兄弟及其黨與,皆夷族,京師 七月,又見翼,長二尺,進至軫,積四十二日滅。按占,「七星、張,周分野,翼、軫爲楚,昴爲 癸亥,又見軫,長一尺,積百五十六日滅。九年三月,又見昴,長六尺,色青白,芒西南指。 正始六年八月戊午,彗星見七星,長二尺,色白,進至張,積二十三日滅。七年十一月

正始七年七月丁丑,月犯左角。占曰:「天下有兵,將軍死。」九年正月辛亥,月犯亢南

星。占曰:「兵起。」一曰:「軍將死。」七月乙亥,熒惑犯畢距星。占曰:「有邊兵。」一曰:「刑

罰用。」嘉平元年,曹爽等誅。三年,王淩等又誅。

|懿奏誅曹爽等,天子野宿,於是失勢。 正始九年七月癸丑,鎭星犯楗閉。占曰:「王者不宜出宫下殿。」明年,車駕謁陵,司馬

楚王彪有謀,皆伏誅。人主遂卑。 大臣爲亂。」四月辛已,太白犯輿鬼。 占曰:「大臣誅。」一曰:「兵起。」三年五月,[15] 王淩與 魏齊王嘉平元年六月壬戌,太白犯東井距星。二年三月己未,又犯。占曰:「國失政,

暴貴者,以問知星人浩詳。詳疑有故,欲說其意,不言吳有死喪,而言淮南楚分,吳、楚同占, 權薨,是其應也。故國志書於吳而不書於魏也。是時王淩謀立楚王彪,謂斗中有星,當有 <u>秦秋云逆行。按占,熒惑入南斗,三月,吳王死。一曰:「熒惑逆行,其地有死君。」太元二年</u> 有王者興,故凌計遂定。 吳主孫權赤烏十三年五月,日北至,熒惑逆行入南斗。七月,犯魁第二星而東。漢晉

寅, 月犯東井。 魏 齊王嘉平二年十月丙申,月犯輿鬼。占曰:「國有憂。」一曰:「大臣憂。」三年四月戊 占曰:「軍將死。」一曰:「國有憂。」五月,王凌、楚王彪等誅。七月,皇后甌

當

年三月,吳將朱然、朱異爲寇,鎭東將軍諸葛誕破走之。 嘉平三年五月甲寅,月犯亢距星。[10]占曰:「將軍死。」一曰:「爲兵。」是月,王淩誅。 四

年七月丙午,月又犯鬼西北星。 嘉平三年七月己巳,月犯輿鬼。 占曰:「國有憂。」正元元年,李豐等誅,皇后張氏廢。 九月乙巳,又犯。 四年十一月丁未,又犯鬼積尸。 九月, 五.

齊王嘉平三年十月癸未,熒惑犯亢南星。 占曰:「大臣有亂。」正元元年二月,李豐等謀

亂誅

帝廢爲齊王。

年二月,李豐、豐弟兗州刺史翼、后父光祿大夫張緝等謀亂,皆誅,皇后亦廢。 滅。 後宮且有亂。」四年二月丁酉,彗星見西方,在胃,長五六丈,色白,芒南指貫參, 齊王,高貴鄉公代立。 「胃,兗州之分,參白虎主兵,太微天子廷,執法爲執 五年十一月,彗星又見軫,長五丈,在太微左執法西,東南指,積百九十日滅。 |嘉平||三年十一月癸未,有星孛于營室,西行積九十日滅。 政,孛彗爲兵,除舊布新之象。」正元元 占曰:「有兵喪。 九月,帝廢爲 室爲後宮, 積二十日 按占,

嘉 平五年六月庚辰,月犯箕。 占曰:「軍將死。」正元元年正月,鎮東將軍毌丘儉反,兵

志第十三 天文

敗死。

嘉平 ·五年六月戊午,太白犯角。占曰:「羣臣謀不成。」正元元年,李豐等謀泄,悉誅

嘉平五年七月,月犯井鉞。 正元元年二月,李豐等誅。 蜀將姜維攻隴西,車騎將軍郭

淮討破之。

嘉平五年十一月癸酉,月犯東井距星。占曰:「軍將死。」至六年正月,鎮東將軍豫州刺

史毌 諸葛誕又反淮南,吳遣朱異救之。 案占,「有兵喪,除舊布新之象也。」太平三年,孫綝盛兵圍宮,廢亮爲會稽王,孫休代立,是 南,多與吳同災,是以毌丘儉以孛爲己應,遂起兵而敗,又其應也。 其應也。 見,王者征伐四方。」自後又征淮南,西平巴蜀。是歲,吳主孫亮五鳳元年,斗牛,吳、越分。 東 南其有亂乎」二年正月,毌丘儉等據淮南以叛,大將軍司馬師討平之。 丘儉、前將軍揚州刺史文欽反,被誅。 魏高貴鄉公正元元年十一月,有白氣出斗側,廣數丈,長竟天。王肅曰:「蚩尤之旗也。 故國志又書於吳。 由是淮南江東同揚州地, 及城陷,誕衆吳兵死沒各數萬人,猶前長星之應也 故于時變見吳、楚之分。 後三年,即魏甘露二年, 案占,「蚩尤旗 則魏之淮

高 貴 鄉公正元二年二月戊午,熒惑犯東井北轅西頭第一星。占曰:「羣臣有家坐罪者。」

甘露元年,諸葛誕族滅。

吳孫亮太平元年九月壬辰,太白犯南斗,吳志所書也。 占曰:「太白犯斗,國有兵,大臣

有反者。」其明年,諸葛誕反。又明年,孫琳廢亮,吳、魏並有兵事也。

魏高貴鄉公甘露元年七月乙卯,熒惑犯井鉞。壬戌,月又犯鉞星。二年八月壬子,歲

星犯井鉞。 九月庚寅,歲星又逆行乘鉞星。三年,諸葛誕夷滅。

甘露元年八月辛亥,月犯箕。占曰:「軍將死。」九月丁巳,月犯東井。 占曰:「軍將死。」

二年,諸葛誕誅。

甘露二年六月已酉,月犯心中央大星。景元元年五月,高貴鄉公敗。

甘露二年十月丙寅,太白犯亢距星。 占曰:「廷臣爲亂,人君憂。」景元元年,有成濟

一人参

甘露二年十一月,彗星見角,色白。 占曰:「彗見兩角間,色白者,軍起不戰,邦有大

。」景元元年,高貴鄉公帥左右兵襲晉文王,未交戰,爲成濟所害。

:「兵起。」至景元元年,高貴鄉公敗。 甘露三年三月庚子,太白犯東井。占曰:「國失政,大臣爲亂。」是夜,歲星又犯東井。

歲星 甘露 又犯輿鬼 三年八月壬辰,歲星犯輿鬼質星。 東 南星。 占曰:「鬼東南星主兵。 占曰:「斧質用,大臣誅。」甘露四年四 木入鬼,大臣誅。」景元元年,高貴鄉公敗, 月甲申,

殺尚書王經。

志第十三 天文一

六九二

甘露四年十月丁丑,客星見太微中,轉東南行,[三]歷軫宿,積七日滅。占曰:「客星出

太微,有兵喪。」景元元年,高貴鄉公被害。

魏陳留王景元元年二月,月犯建星。案占,「月五星犯建星,大臣相譖」。是後鍾會、鄧

艾破蜀,會譖艾,遂皆夷滅。

景元二年四月,熒惑入太微,犯右執法。 占曰:「人主有大憂。」又曰:「大臣憂。」後四

年,鄧艾、鍾會皆夷滅。五年,帝遜位。

景元三年十一月壬寅,彗星見亢,色白,長五寸,轉北行,積四十五日滅。占爲兵喪。

日:「彗見亢,天子失德。」四年,鍾會、鄧艾伐圖克之。會、艾反亂皆誅,魏遜天下。

使,大者使大。是年,踵、鄧克蜀,二星蓋二帥之象。二帥相背,又分流南北之應。 鍾會旣 景元四年六月,大流星二,並如斗,見西方,分流南北,光照隆隆有聲。案占,流星爲貴

叛,三軍憤怒,隆隆有聲,兵將怒之徵也。

景元四年十月,歲星守房。占曰:「將相有憂。」一曰:「有大赦。」明年正月,太尉鄧艾、

司徒鍾會並誅滅,特赦益土。咸熙二年秋,又大赦。

天子御駟,彗星掃之,禪代之表,除舊布新之象。白色爲喪。王良在東壁宿,又幷州之分 陳留王咸熙二年五月,彗星見王良,長丈餘,色白,東南指,積十二日滅。占曰:「王良,

也。」八月,晉文王薨。十二月,帝遜位于晉。

軫又楚分也。」三月,皇太后王氏崩。十月,吳將施績寇江夏,萬彧寇襄陽,後將軍田璋、荆 晉武帝泰始四年正月丙戌,彗星見軫,青白色,西北行,又轉東行。[三]占曰:「爲兵喪。

州刺史胡烈等破却之。

泰始四年七月,星隕如雨,皆西流。占曰:「星隕爲民叛,西流,吳民歸晉之象也。」二

年,吳夏口督孫秀率部曲二千餘人來降。

陵主。 行陣之徒,馘斬萬計,皆其徵也。 喪,征吳之役,三河、徐、兗之兵悉出,交戰於吳、楚之地。吳丞相都督以下,梟戮十數,偏裨 斗主殺罰,三台爲三公」。三年,[三]星孛于胃。胃,徐州分。四月,星孛女御。 微,至翼、北斗、三台。占曰:「太微天子廷,大人惡之。」一曰:「有徙王。翼又|楚分也。」「北 于氐。占曰:「天子失德易政。氐又兗州分。」七月,星孛大角。大角爲帝坐。八月,星孛太 五月,又孛于東方。七月,星孛紫宮。 占曰:「天下易主。」五年三月,星孛于柳。 占曰:「外臣 泰始五年九月,有星孛于紫宫,占如上。紫宫,天子內宮。十年,武元楊皇后崩。 泰始十年十二月,有星孛于軫。占曰:「天下兵起。軫又楚分也。」咸寧二年六月,星孛 柳又三河分也。大角、太微、紫宮、女御,並爲王者。」明年吳亡,是其應也。 春秋星孛北方,則齊、魯、晉、鄭、陳、宋、莒之君,並受殺亂 女御爲後宮。 孛主兵

志

**孛大角,項籍以亡,漢氏無事,此項氏主命故也。** 滅。 案泰始末至太康初,災異數見,而晉氏隆盛,吳實滅,天變在吳可知矣。昔漢三年,星 星孛東方,則楚滅陳,三家、田氏分篡齊、晉。漢文帝末,星孛西方,後吳、楚七國誅 後學皆以咸寧災爲晉室,非也 吳、晉之時,天下橫分,大角孛而吳亡,是

與項氏

河事。

竟天。 又是異氣。 晉武帝咸寧 獻帝時又見,長十餘丈,皆長星也。 後二年,傾三方伐吳,是其應。 四年四月,蚩尤旗見。案星傳,蚩尤旗類彗,而後曲象旗。漢武帝時見,長 至武帝崩,天下兵又起,遂亡諸夏。 魏高貴時則爲白氣。 案校衆記,是歲無長星,宜

破吳軍,孫皓面縛請死,吳國遂亡。 國。」是時羊祜 咸寧四 年九月,太白當見不見。占曰:「是謂失舍,不有破軍,必有死王之墓。 表求伐吳,上許之。五年十一月,兵出,太白始夕見西方。 太康元年三月,大 叉有亡

字軒: 戊寅、任城王陵薨。五月己亥、琅邪王伷薨。 轅。 晉武 帝太康二年八月,有星孛于張。 占曰:「後宮當之。」四年三月戊申,星孛于西南。 占曰:「爲兵喪。」周分野,災在洛邑。 十一月戊午,新都王該薨 四年三月癸丑,齊王攸薨。 月,星 四月

太康 太康八年九月,星孛于南斗,長數十丈,十餘日滅。 八年三月,熒惑守心。 占曰:「王者惡之。」太熙元年四月己酉,武帝崩。〔三〕 占曰:「斗主爵祿,國有大憂。」一

黨與,皆夷三族。楊太后亦見殺。 曰:「爲兵喪。」太康末,武帝耽宴遊,多疾病。是月己酉,帝崩。永平元年,賈后誅楊駿及其 曰:「孛于斗,王者疾病,臣誅其父,天下易政,大亂兵起。」太熈元年四月,客星在紫宮。 是年,又誅汝南王亮、太保衞瓘、楚王瑋,王室兵喪之應。 占

### 校勘記

- 官有其器而無本書 各本並奪「其」字,據晉書天文志補。
- (三) 俱百八十二度半强 各本皆無「二」字,今從局本。
- 改正 則天徑三十三萬九千四百一里一百二十二步三尺二寸一分七十一分分之九 二萬九千四百一里一百二十二步二尺二寸 一分 七十 一分分之十」,據錢大昕廿二史考異說 各本並作 三十
- |229 |\_\_\_/ 法改。 得五十一萬三千六百八十七里六十八步一尺八寸二分 「三千」各本並作「二千」,據晉書天文
- 〔五〕東曰暘谷 各本並脱「曰」字,據隋書天文志補
- . ∵ ∪ 凡 五 行 相 生水 生 於金 各本並脱「水生」兩字,據隋書天文志補
- 〔十〕歸注於海 各本並作「歸於注海」,據隋書天文志改。

志第十三 校勘記

家

星」。

- 以白黑珠及黄三色爲三家星 初學記二十七、 御覽八百二引作「以白真珠及青黃三色珠爲三
- ヘガリ 無方圓 不同之義也 「無方圓」三字,各本並脫。 據晉書天文志、隋書天文志補
- 喜族 祖 河間太守聳叉立穹天論 云 「河間太守」, 晉書天文志隋書天文志皆作 河河 間 相。。 展

森楷校勘記 云:「作相是。三國吳志虞翻傳注亦云聳入晉爲河間 相。

- 而斗去 各本並脫「而」字,據晉書天文志、隋書天文志補
- 黄初四年三月癸卯 丑 朔,十五日癸卯。 今據三國志魏志文帝紀、晉書天文志改。 「三月癸卯」各本並作「二月癸卯」。 按是年二月庚申朔,無癸卯,三月己
- 五年十一月辛卯 月庚戌朔,初六日乙卯。十一月庚辰朔,十二日辛卯。 「十一月辛卯」三國志魏志文帝紀、 晉書天文志作「十月乙卯」。 未知孰是。 按是年十
- 誤。 魏明帝太和四年十一月壬戌 魏志此前有八月辛巳、乙未,十月乙卯、庚申,此下有十二月辛未、丙寅,則晉志作七月,必有 十六日壬戌。十一月乙亥朔,無壬戌。三國志魏志明帝紀:「十一月,太白犯歲星,」 月而 疑決志作十一月本不誤,而壬戌日干支則有誤。 「十一月壬戌」晉書天文志作「七月壬戌」。按是年七月丁未朔, 不日,
- 二吾 遣大將軍司馬懿距退之 各本並脫「之」字,據永樂大典七八五七補

- 太和五年五月 各本並奪「五月」之「五」字,據晉書天文志補。
- 月犯鎭星 沈約修宋志, 「鎭星」三國志魏志明帝紀同。晉書天文志作「塡星」。 據各家之作,仍而不改,故或作塡星,或作鎭星,前後參錯雜見。 按鎭星塡星實即一星。 今並據百衲本,
- 一仍其舊不改。
- 皆不克而還 「而還」三朝本作「不吾」,北監本、毛本、殿本、局本作「下吳」,並誤。當是「而還」
- 二字之誤,今改正。
- 月。 三年五月 按三國志魏志齊王芳紀繫此事於五月,今據以改正。 「五月」三朝本原譌「一月」, 涵芬樓影印時,據北監本、毛本、 殿本、局本改作「七
- [10] 月犯亢距星 各本並脫「亢」字,據晉書天文志補。
- (三) 轉東南行 「轉」各本並作「輔」、據晉書天文志改。
- [三] 又轉東行 各本並脫「東」字,據晉書天文志補。
- 晉書武帝紀繫三年正月,晉書天文志作「三年三月」。
- 太熙元年四月己酉武帝崩 二十日己酉,無乙酉。下「是月己酉」,原亦作「是月乙酉」,今幷改正 「己酉」各本並作「乙酉」,據晉書武帝紀改。 按是年四月庚寅朔,

# 宋書卷二十四

## 志第十四

### 天文二

晉惠帝元康二年二月,天西北大裂。按劉向說:「天裂,陽不足,地動,陰有餘。」是時人

主拱默,婦后專制。

是年,鎭、歲、太白三星聚于畢昴。占曰:「爲兵喪。畢昴,趙地也。」後賈后陷殺太子,趙王 亡國。」是春,太白守畢,至是百餘日。占曰:「有急令之憂。」一曰:「相亡。又爲邊境不安。」 廢后,又殺之,斬張華、裴頠,遂篡位,廢帝爲太上皇。 天下從此遘亂連禍。 元康三年四月,熒惑守太微六十日。 占曰:「諸侯三公謀其上,必有斬臣。」一曰:「天子

軒轅爲後宮,太微天子廷,三台爲三司,大陵有積屍死喪之事。」明年,武庫火,西羌反。後 元康五年四月,有星孛于奎,至軒轅、太微,經三台、大陵。 占曰:「奎爲魯,又爲庫兵,

志

第十四

天

文二

六九九

五年,司空張華遇禍,賈后廢死,魯公賈謐誅。又明年,趙王倫篡位。於是三王興兵討倫, 七00

士民戰死十餘萬人。

魁,居中執殺者不直象也。」十月,曰太白晝見。 元康六年六月丙午夜,有枉矢自斗魁東南行。桉占曰:「以亂伐亂。北斗主執殺,出斗 後趙王殺張、裴,廢賈后,以理太子之寃,

因自篡盜,以至屠滅。以亂伐亂,兵喪臣强之應也。

元康九年二月,熒惑守心。占曰:「王者惡之。」八月,熒惑入羽林。占曰:「禁兵大起。」

後二年,惠帝見廢爲太上皇,俄而三王起兵討倫,倫悉遣中軍兵,相距累月。

起。 台星失常,三公憂。太白晝見爲不臣。」是月,賈后殺太子,趙王倫尋廢殺后及司空張 晉惠帝永康元年三月,妖星見南方,中台星坼,太白晝見。 占曰:「妖星出,天下大兵將

華,又廢帝自立。於是三王並起,迭總大權。

相,明年篡位,三王興師誅之。太安二年,石冰破揚州。 永康元年五月,熒惑入南斗。占曰:「宰相 死,兵大起。斗又吳分也。」是時趙王倫爲

明年,趙王篡位,改元,尋爲大兵所滅。 占曰:「牛者七政始,彗出之,改元易號之象也。」天市一名天府,一名天子禖,帝座在其中。 永康元年八月,熒惑入箕。占曰:「人主失位,兵起。」十二月,彗出牽牛之西,指天市。

分。 占曰:「齊有兵喪。」是時齊王冏起兵討趙王倫。倫滅,冏擁兵不朝,專權淫奓,明年 永康二年二月,太白出西方,逆行入東井。占曰:「國失政,臣爲亂。」四月,彗星見齊

誅死。

權,二帝流亡,遂至六夷强,迭據華夏,亦載籍所未有也。 也。 經天,天變所未有也。」石氏說曰:「辰星畫見,其國不亡,則大亂。」是後台鼎方伯,互秉大 日出則星亡,臣不得專也。畫而星見午上者爲經天,其占爲不臣,爲更王。 晉惠帝永寧元年,自正月至于閏月,五星互經天。 星傳曰:「日陽,君道也。 星陰,臣道 今 五 星 悉

犯 殺。」太白 憂。」一曰:「守虛飢; 目。「上 左 角。 永寧元年五月,太白 相 守右掖門。 占曰:「人主憂。」一曰:「左將軍死,天下有兵。」 憂。」熒惑守昴。 守危徭役煩,下屈竭。」辰星入太微。 占曰:「爲兵,爲亂,爲賊。」八月戊午,鎭星犯左執法, 占曰:「趙、魏有災。」 辰星守興鬼。 **晝見。占同前條。七月,歲星守虛危。** 占曰:「爲內亂。」一 占曰:「秦有災。」九月丁未,月 占曰:「木守虚 叉犯 曰:「羣臣 上相。 危,有兵 相

破 軍殺將。 年 曰:「易相 应 月癸酉,歲星畫見。 虚危, 初齊王冏定京都,因留輔政,遂專傲無君。 又齊分也。」十二月,熒惑襲太白于營室。 占曰:「為臣强。」十月,熒惑太白鬭于虛危。 是月,成都、河間檄長沙王义 占曰:「天下兵起,亡君之 占日:「大兵

志

第

+

匹

天

文

討之。冏、乂交戰,攻焚宮闕。冏兵敗夷滅,又殺其兄上軍將軍寔以下二十餘人。 年,成都攻長沙,於是公私飢困,百姓力屈。

台。占曰:「兵喪之象。三台爲三公。」七月,熒惑入東井。占曰:「兵起國亂。」是秋,太白守 沙王义,張方又殺之。三 太微上將。占曰:「上將將以兵亡。」是年冬,成都、河間攻洛陽。三年正月,東海王越執長 晉惠帝太安二年二月,太白入昴。占曰:「天下擾,兵大起。」三月,彗星見東方,指三

其應也。 雷。三占同元康,臣下專僭之象也。是時長沙王擅權,後成都、河間、東海又迭專威命,是 太安二年八月,長沙王奉帝出距二王,庚午,舍于玄武館。是日天中裂爲二,有聲如

鄴中,百姓塗地。有聲如雷,怒之象也。 在,同下有大兵流血。」明年,劉淵、石勒攻略幷州,多所殘滅。王浚起燕、代,引鮮卑攻掠 太安二年十一月辛巳,有星晝隕中天,北下有聲如雷。按占,「名曰營首,營首所

熒惑又犯歲星。占曰:「有大戰。」七月,左衞將軍陳昣率衆奉帝伐成都,回<br/>
六軍敗績,兵逼 曰:「天下有兵。」太安三年正月己卯,月犯太白,占同青龍。 熒惑入南斗,占同永康。 是月, 太安二年十一月庚辰,歲星入月中。占曰:「國有逐相。」十二月壬寅,太白犯月。占

乘輿。 九月,王浚又攻成都于鄴,鄴潰,成都王由是喪亡。帝還洛,張方脅如長安。是時天

下盜賊羣起,張昌尤盛。後二年,惠帝崩。

喪。」一曰:「將軍爲亂。」其所犯守,又兗、豫、幽、冀、揚州之分也。 是年七月,有蕩陰之役。 石勒、李雄等並起微賤,跨有州郡。皇后羊氏數被幽廢。光熙元年,惠帝崩,終無繼嗣 九月,王浚殺幽州刺史和演,攻鄴,鄴潰。於是兗、豫爲天下兵衝。陳敏又亂揚土, 憂,入房、心,爲兵喪;犯尾,將軍與民人爲變;犯箕,女主憂。」一曰:「天下亂。 入南斗,有兵 白犯角、亢,經房、心,歷尾、箕。 九月,入南斗。 占曰:「犯角,天下大戰;犯亢,有大兵,人君 晉惠帝永興元年五月,客星守畢。 占曰:「天子絕嗣。」一曰:「大臣有誅。」七月庚申,太 劉淵、

永興元年七月乙丑,星隕有聲。二年十月,星又隕有聲。按劉向說,民去其土之象也。

是後遂亡中夏。

占曰:「並爲大兵。砰隱有聲,怒之象也。」是後四海雲擾,九服交兵。 永興元年十二月壬寅夜,赤氣亘天,砰隱有聲。二年十月丁丑,赤氣見在北方,東西竟

海王 井 又秦分也。」是年,苟晞破公師藩,至張方破范陽王虓,關西諸將攻河間王顋,顒奔走,東 迎 永興二年四月丙子,太白犯狼星。 殺 占曰:「大兵起。」九月,歲星守東井。 占曰:「有兵。

志第十四 天文二

孛于北斗。 永 興二年八月,星孛于昴、畢。占曰:「爲兵喪。」昴、畢,又趙、魏分也。十月丁丑,有星興二年八月,星孛于昴、畢。占曰:「爲兵喪。」昴、畢,又趙、魏分也。十月丁丑,有星 占曰:「璿璣更授,天子出走。」又曰:「强國發兵,諸侯爭權。」是後皆有其應。

有破軍,必有屠城。」五月,汲桑攻鄴,魏郡太守馮嵩出戰大敗,桑遂害東燕王騰,殺萬餘人, 晉惠帝光熙元年四月,太白失行,自翼入尾、箕。 占曰:「太白失行而北,是謂返生。不

焚燒魏時宮室皆盡。

明年,惠帝崩。

駕。 尋收繆胤、何綏等,肆其無君之心,天下惡之。死而石勒焚其屍柩,是其應也。 光熙元年五月,枉矢西南流。 占曰:「以亂伐亂之象也。」是時司馬越西破河間,奉迎大

終以無禮破滅,內亂之應也。十一月,惠帝崩,懷帝即位,大赦天下。 曰:「土守房,多禍喪。守心,國內亂,天下赦。」又曰:「塡與歲合爲內亂。」是時司馬越秉權, 光熙元年九月丁未,熒惑守心。占曰:「王者惡之。」己亥,塡星守房、心,又犯歲星。占

所殺。 明年正月,東海王越殺諸葛玫等。五月,汲桑破馮嵩,殺東燕王。八月,苟晞大破 熙元年十二月癸未,太白犯塡星。占曰:「爲內兵,有大戰。」是後河間王爲東海王越

汲桑。

光熙元年十二月甲申,有白氣若虹,中天北下至地,夜見五日乃滅。占曰:「大兵起。」

明年,王彌起青、徐,汲桑亂河北,毒流天下。

軍鎭 有聲如雷,怒之象也。 小將別帥之象也。 占曰 ···「流星爲貴使。」是年五月,汲桑殺 鄴 孝 陳帝永嘉元年九月辛亥,有大星自西南流于東北,小者如升相隨,天盡赤,聲如雷 ,而田甄等大破汲桑,斬于樂陵。於是以甄 司馬越忿魏郡以東,平原以南,皆黨於桑,悉以賞甄等, 東燕王騰,遂據河北。 爲汲郡太守,弟蘭鉅鹿太守。 十一月,始遣 於是侵略赤地, 和 郁 小 爲 星 征 一相隨, 北將

之類。 永嘉 此百官庶民將流散之象也。」是後天下大亂,百官萬民,流移轉死 元年十二月丁亥,星流震散。 案劉向說:「天官列宿,在位之象,小星無名者,庶民

其後破軍殺將,不可勝數。 永嘉二年正月庚午,太白伏不見。二月庚子,始晨見東方。 帝崩虜庭,中夏淪覆。 是謂當見不見,占同

高堂沖奏,乘輿宜遷幸,不然必無洛陽。 永嘉三年正月庚子,熒惑犯紫微。占曰:「當有野死之王。 五年六月,劉曜、王彌入京都,燒宮廟,帝崩于 又爲火燒宮。」是時太史令

其年十一月,地動,陳卓以爲是地動應也。 永嘉三年,鎭星久守南斗。 占曰:「鎭星所居者,其國有福。」是時安東琅邪王始有揚

志第十四 天文二

甯平城,石勒攻破其衆,死者十餘萬人。 六月,京都焚滅,帝劫虜庭。 兵起。」四年三月,司馬越收繆胤、繆播等,又三方雲擾,攻戰不休。五年三月,司馬越死於 永嘉三年十二月乙亥,有白氣如帶出南北方各二,起地至天,貫參伐。占曰:「天下大

永嘉五年十月,熒惑守心。後二年,帝崩于虜庭。

永嘉六年七月,熒惑、歲星、鎭星、太白聚牛女之間,裴回進退。 按占曰:「牛,揚州分。」

是後 兩都傾覆,而元帝中興揚土,是其應也。

者惡之。」七月,愍帝崩于寇庭,天下行服大臨。 于平陽,天下猶未敢居其虛位,災在帝也。六月丁卯,太白犯太微。占曰:「兵入天子廷,王 愍帝建武元年五月癸未,太白熒惑合於東井。占曰:「金火合曰爍,為喪。」是時帝雖劫

月己亥, 熒惑在東井, 居五諸侯南, 踟蹰留止, 積三十日。 占曰: 「熒惑守井二十日以上, 大 將誅。」六月丙辰,太白與歲星合于房。占曰:「爲兵饑。」九月,太白犯南斗,占同元年。十 天下之所伐。翼、軫,荆州之分也。」五月戊子,太白入太微,又犯上將。 占曰:「天子自將,上 白犯歲星,在翼。占曰:「爲兵亂。」三年四月壬辰,枉矢出虚、危,沒翼、軫。占曰:「枉矢所觸, 犯東井。占曰:「兵起,貴臣相戮。」八月己卯,太白犯軒轅大星。占曰:「後宮憂。」乙未,太 晉元帝太興元年七月,太白犯南斗。 占曰:「吳、越有兵,大人憂。」二年二月甲申,熒惑

戰,敗績。 他入豫州,略城父、銍二縣民以北,「刊刺史祖約遣軍追之,爲其所沒,遂退守壽春。 王承、鎭南將軍甘卓。 象也。[8] 太白金行而來犯之,天意若曰刑理失中,自毀其法也。」四年十二月丁亥,月犯歲 星在房。 人憂,守五諸侯,諸侯有誅者。」十二月己未,太白入月,在斗。郭景純曰:「月屬坎,陰府法 占曰:「其國兵飢,民流亡。」」永昌元年三月,王敦率江、荆之衆,來攻京都,六軍距 於是殺護軍將軍周顗、尚書令刁協,驃騎將軍劉隗出奔。四月,又殺湘州刺史譙 閏十二月,元帝崩。間一年,敦亦梟夷,枉矢觸翼之應也。十月,石

和二年,蘇峻反,攻宮室,太后以憂逼崩,天子幽劫于石頭,遠近兵亂,至四年乃息。 成帝咸和四年七月,有星孛于西北,二十三日滅。占曰:「爲兵亂。」十二月,郭默殺江 明帝太寧三年正月,熒惑逆行入太微。占曰:「爲兵喪,王者惡之。」閨八月,帝崩。 咸

州刺史劉胤,荆州刺史陶侃討默,明年,斬之。是時石勒又始僭號。 二縣民,於是遣成中洲。明年,胡賊又略南沙、海虞民。是年正月,大赦,伐淮南,討襄陽, 咸和六年正月丙辰,月入南斗。占曰:「有兵。」一曰:「有大赦。」是月胡賊殺略婁、武進

所殘滅。 咸和 六年十一月,熒惑守胃、昴。 占曰:「趙、魏有兵。」八年七月,石勒死,石虎自立,多 是時雖勸、虎僭號,而其强弱常占於昴,不關太微紫宮也。

七〇八

安,郭權以秦州,並歸從。 咸和八年三月己巳, 月入南斗,與六年占同。 於是遣督護高球率衆救彪,彪敗球退。又石虎、石斌攻滅生、權。 其年七月,石勒死,彭彪以譙,石生以長

咸康元年正月,大赦。

不安。」九年六月,月又犯昴。是時石弘雖襲勸位,而石虎擅威暴橫。十月,廢弘自立,遂幽 咸 和八年七月,熒惑入昴。占曰:「胡王死。」石虎多所攻滅。八月,月犯昴。占曰:「胡

將軍、雍州刺史郭權始以秦州歸從,尋爲石斌所滅,徙其衆於靑、徐。 咸和九年三月己亥,熒惑入輿鬼,犯積屍。占曰:「兵在西北,有沒軍死將。」四月,鎭西

時胡賊又圍襄陽,征西將軍庾亮遣寧距退之。六月,旱。 朝廷慮其衆也,加司徒王導大司馬,治兵動衆。又遣慈湖、牛渚、蕪湖三戍。五月乃罷。是 晉成帝咸康元年二月己亥,太白犯昴。占曰:「兵起,歲大旱。」四月,石虎掠騎至歷陽。

咸康元年八月戊戌,[<1] 熒惑入東井。占曰:「無兵兵起;有兵兵止。」是年夏,發衆列

戍。加王導大司馬,以備胡賊。

占同。咸和三年,石虎發衆七萬,四年二月,自襲段遼于薊,遼奔敗。又攻慕容皝於棘城, 咸 康元年三月丙戌,月入昴。占曰:「胡王死。」十一月,月犯昴。 二年八月,月又犯昴。

不剋引退,皝追之,殺數百人。虎留其將麻秋屯令支,皝破秋,幷虜遼殺之。

咸康 二年正月辛巳,彗星夕見西方,在奎。占曰:「爲兵喪。 奎叉爲邊兵。」四年,石虎

伐慕容皝不剋,皝追擊之,又破麻秋。 時戲稱蕃,邊兵之應也。

咸康二年正月辛卯,月犯房南第二星。 占曰:「將相有憂。」五年七月,丞相王導薨。

月,太尉郗鑒薨。六年正月,征西大將軍庾亮薨。

咸康二年九月庚寅,太白犯南斗,因晝見。 占曰:「斗爲宰相,又揚州分,金犯之,死喪

畫見爲不臣,又爲兵喪。」三年,石虎僭稱天王。四年,虎滅段遼而敗於<u>慕容</u>皝。 皝,國

蕃臣。五年,王導薨。

咸 康三年六月辛未,有流星大如二斗魁,色青,赤光耀地,出奎中,沒婁北。 案占爲飢,

五穀不藏。是月,大旱。

占曰 :「國有憂,將死。」三年九月戊子,月犯建星。 咸康三年八月,熒惑入輿鬼,犯積屍。 占曰:「貴人憂。」三年八月甲戌,月犯東井距星。 占曰:「易相。」一曰:「大將死。」五年,丞

相王導薨,庾氷代輔政。 太尉郗鑒、征西大將軍庾亮薨。

萬餘家。 咸康 李壽殺李期。 三年十一月乙丑,太白犯歲星。 五年, 胡衆五萬寇沔南, 略七千餘家而去。 占曰:「爲兵飢。」四年二月,石虎破幽州, 又騎二萬圍陷邾城,殺 遷其人

略五千餘人。

城投江死。〔云〕於是內外戒嚴,左衞桓監、匡術等諸軍至武昌,乃退。 曰:「王者亡地,大兵起。」明年,胡賊大寇沔南,陷邾城,豫州刺史毛寶、西陽太守樊峻皆棄 咸 《康四年四月己巳,太白晝見在柳。 占曰:「爲兵,爲不臣。」七月乙巳,月掩太白。 占 七年,慕容皝自稱爲

燕王。

酉,月犯房上星,亦同占。 案占,「五星災同,金火尤甚。」十一月戊子,太白犯房上星。占曰:「上相憂。」 五年七月己 咸康四年五月戊午,熒惑犯右執法。 占曰:「大臣死,執政者憂。」 九月,太白犯右執法。 是月庚申,丞相王導薨。

「兵起。」是夜,月又犯歲星,在昴。及冬,有沔南、邾城之敗,百姓流亡萬餘家。 咸康五年四月辛未, 月犯歲星, 在胃。占曰:「國飢民流。」 乙未, 月犯畢距星。 占曰:

乙未,太白入月。占曰:「人主死。」四月甲午,C103月犯太白。占曰:「人主惡之。」八年六月, 咸康六年二月庚午朔,流星大如斗,光耀地,出天市,西行入太微。 占曰:「大人當之。」

成帝崩。

法。 占曰:「執法者憂。」六月乙亥,月犯牽牛中央星。占曰:「大將憂。」是時尚書令何充爲 咸康六年三月甲寅,熒惑從行犯太微上將星。占曰:「上將憂。」四月丁丑,熒惑犯右執

月,征西將軍庾亮薨。三月,而熒惑犯上將。九月,石虎大將變安死。庾冰後積年方薨 執法,有譴欲避其咎,明年,求爲中書令。建元二年,庾冰薨,皆大將執政之應也。是歲正

豈冰能修德,移禍於變安乎?

犯軒轅大星。占曰:「女主憂。」七年三月,皇后杜氏崩。 咸康六年四月丙午,太白犯畢距星。 占曰:「兵革起。」一曰:「女主憂。」六月乙卯,太白

咸康七年三月壬午,月犯房。占曰:「將相憂。」八年六月,熒惑犯房上第二星。占曰:

「次相憂。」建元二年,車騎將軍江州刺史庾冰薨。是時驃騎將軍何充居內,冰爲次相也。

秦、魏,則楚也。占曰:「爲臣强,爲有兵。」八月辛丑,月犯輿鬼。占曰:「人主憂。」八年六 咸康七年四月己丑,太白入輿鬼。占曰:「兵革起。」五月,太白晝見。以晷度推之,非

月,成帝崩。

同。 己酉,太白犯熒惑。占曰:「大兵起。」其後庾翼大發兵謀伐胡,專制上流,朝廷憚之。 咸康八年八月壬寅,月犯畢赤星。占曰:「下犯上,兵革起。」十月,月又掩畢赤星。占

太白晝見。 一百餘人。 康 帝建元元年正月壬午,太白入昴。占曰:「趙地有兵。」又曰:「天下兵起。」四月乙酉, 八月丁未,太白犯歲星。占曰:「有大兵。」是年,石虎殺其太子邃及其妻子徒屬 又遣將劉寧寇沒狄道,又使將張舉將萬餘人屯薊東,謀慕容皝。

卷二十 四

建元元年十一月六日,彗星見亢,長七尺,尾白色。占曰:「亢爲朝廷,主兵喪。」二年九

月,康帝崩

比來江東無他故,江道亦不艱難,而石虎頻年再閉關不通信使,此復是天公憒憒無阜白之 建元元年,歲星犯天關。安西將軍庾翼與兄冰書曰:「歲星犯天關,占云:『關梁當澁。』

徴也。」

建元二年閏月乙酉,太白犯斗。占曰:「爲喪,天下受爵祿。」九月,康帝崩,太子立,大

赦賜爵也。

荆州刺史,代己任,爱之尋被廢。明年,桓溫又輒率衆伐蜀,執李勢,送至京都。 更天子之法。」五月辛巳,太白晝見,在東井。占曰:「爲臣强,秦有兵。」六月辛丑,入太微,犯 「大臣有誅。」九月庚戌,月又犯畢。 屛西南。 晉穆帝永和元年正月丁丑,月入畢。 占曰:「兵大起。」戊寅,月犯天關。 占曰:「有亂臣 占曰:「輔臣有冤罷者。」七、八月,月皆犯畢。 占同正月。己未,月犯輿鬼。 是年初,庾翼在襄陽,七月,翼疾將終,輒以子爱之爲 占曰: 蜀本秦

白犯左執法。是歲,司徒蔡謨被廢。 永 和二年二月壬子,月犯房上星。 四月丙戌,月又犯房上星。 占同前。 八月壬申,太

地也

三年六月,大赦。 兵。」四年七月丙申,太白犯左執法。甲寅,月犯房。丁巳,月入南斗犯第二星。乙丑,太白 第四 犯左執法。 戊戌,月犯五諸侯。占曰:「諸侯有誅。」九月庚寅,太白犯南斗第五星。 星,因入魁。 永和三年正月壬午,月犯南斗第五星。 占曰:「將軍死,近臣去。」五月壬申,月犯南斗 占悉同上。 占曰:「有兵。」一曰:「有大赦。」六月,月犯東井距星。 占曰:「將死,國有 是月,陳逵征壽春,敗而還。 十月甲戌,月犯亢。 占曰:「兵起、軍將死。」十一月戊戌、犯上將星。 七月,氏蜀餘寇反亂益土。九月,石虎伐凉

爲兵喪,女主憂。其年八月,石虎太子宣殺弟韜,宣亦死。 州,不克。 是年,褚裒北伐喪衆,又尋薨,太后素服。六年正月,朝會廢樂。 永和四年四月,太白入昴。五月,熒惑入婁,犯鎭星。 七月,太白犯軒轅。占在趙,及 五年正月,石虎僭稱皇帝,尋病

年,劉顯、苻健、慕容儁並僭號。 攻沒南陽。十一月,冉閔殺石遵,又盡殺胡十餘萬人,於是中土大亂。十二月,褚哀薨。八 長一丈。占曰:「爲兵喪。」是年八月,褚裒北征兵敗。十月,關中二十餘壁舉兵歸從,石遵 兵。」十月,月犯昴。占曰:「朝廷有憂,軍將死。」十一月乙卯,彗星見于亢,芒西向,色白,〔1〕〕 |永和五年四月丁未,太白犯東井。 占曰:「秦有兵。 九月戊戌,太白犯左角。 殷浩北伐敗,見廢。 占曰:「爲

石祗 卯,熒惑入輿鬼,犯積屍。占曰:「貴人憂。」五月乙未,熒惑犯軒轅大星。占曰:「女主憂。」 月犯左角,太白晝見在南斗,月犯右執法。占並同上。七年二月,太白犯昴。占同上。乙 有兵。」丁未,月犯箕。占曰:「軍將死。」丙寅,熒惑犯鉞星。占曰:「大臣有誅。」八月辛卯, 月犯五諸侯。占同三年。七月壬寅,月始出西方,犯左角。占曰:「大將軍死。」一曰:「天下 曰:「將相憂。」三月戊戌,熒惑犯歲星。占曰:「爲戰。」六月己丑, 月犯昴。占同上。乙未, 是年,桓溫輒以大衆求浮江入淮北伐,朝廷震懼。八年,豫州刺史謝尚討張遇,爲苻雄所 太微,犯右執法。八月庚午,太白犯軒轅。戊子,太白犯右執法。占悉同上。七年,劉顯殺 太白入畢口,犯左股。占曰:「將相當之。」六月乙亥,月犯箕。丙子,月犯斗。丁丑,熒惑入 及諸胡帥,中土大亂,戎、晉十萬數,各還舊土,互相侵略及疾疫死亡,能達者十二三。 永 和六年二月辛酉,月犯心大星。占曰:「大人憂。心豫州分也。」丁丑,月犯房。占

敗。 斗之間,蓋燕分也。 曰:「內亂兵起。」八月戊戌,熒惑入輿鬼。占曰:「忠臣戮死。」丙辰,太白入南斗,犯第四星。 月癸酉,月犯房。六月辛巳,日未入,有流星如三斗魁,從辰巳上東南行。晷度推之,在箕、 永和 殷浩北伐敗、被廢。 八年三月戊戌,月犯軒轅大星。癸丑,月入南斗犯第二星。五月,月犯心星。四 案占爲營首,營首之下,流血滂沲。七月壬子,歲星犯東井距星。占 十年,桓溫伐苻健,不克而還。

飢民流。」是時帝主幼沖,母后稱制,將相有隙,兵革連起。慕容儁僭稱大燕,攻伐無已,故 月,歲星犯輿鬼東南星。 占,「東南星主兵,兵起」。 十二月,月在東井,犯歲星。 占曰:「將爲亂。」一曰:「丞相免。」九年二月乙巳,入南斗,犯第三星。 三月戊辰,月犯房。八 占日:「秦

冀, 升平元年, 慕容儁遂據臨漳, 盡有幽、幷、靑、冀之地。緣河諸將漸奔散, 河津隔絕矣。 溫破姚襄 月,桓溫伐苻健,破其嶢柳衆軍。 八月己未,太白犯天江。占曰:「河津不通。」十二年六月庚子,太白晝見,在東井。占如上。 有兵。」十一年三月辛亥,月奄軒轅。占同上。四月庚寅,月犯牛宿南星。占曰:「國有憂。」 晷度推之,災在溱、鄭。 九月辛酉,太白犯左執法。十一月,月奄塡星,在輿鬼。 占曰:「溱 沒造父,有聲如雷。占曰:「燕、齊有兵,民流。」戊午,月犯心大星。七月庚午,太白晝見。 用。」二月甲申,月犯心大星。占曰:「王者惡之。」四月癸未,流星大如斗,色赤黃,出織女, 災異數見,殷浩見廢也。 己未,月犯鉞星。七月丁卯,太白犯塡星,在柳。占曰:「周地有大兵。」八月癸酉,月奄建 九月戊寅,熒惑入太微,犯西蕃上將星。十一月丁丑,熒惑犯太微東蕃上相。十年四 永和十年正月乙卯,月食昴。占曰:「趙、魏有兵。」癸酉,填星奄鉞星。 於伊水、自己定周地。十一月,齊城陷,執段龕,殺三千餘人。永和末,鮮卑侵略河、 健壁長安、溫退。十二月、慕容恪攻齊。十二年八月,桓 占曰:「斧鉞

三年,會稽王以郗曇、謝萬敗績,求自貶三等。是時權在方伯,九服交兵,故譴象仍見。

州刺史謝奕薨。三年十月,諸葛攸舟軍入河,敗績。豫州刺史謝萬入潁,衆潰而歸,除名爲 子,月犯畢大星。占曰:「爲邊兵。」一曰:「下犯上。」庚午,太白犯填星,在太微中。占曰: 鈐。案占,「王者惡之」。月犯太白,在昴。占曰:「人君死。」一曰:「趙地有兵,朝廷不安。」六 中央大星。占曰:「牽牛,天將也。犯中央星,大將軍死。」八月丁未,太白犯軒轅大星。甲 月,太白犯東井。七月乙酉,熒惑犯天江。丙戌,太白犯輿鬼。占悉同上。戊子,月犯牽牛 西北,其長半天。三年正月壬辰,熒惑犯楗閉。案占,「人主憂」。三月乙酉,熒惑逆行犯鉤 星,在張。占曰:「兵大起。張,三河分。」十月已未,太白犯哭星。十二月,枉矢自東南流于 兵喪,除舊布新,出天船,外夷侵。一曰:「爲大水。」六月辛酉,月犯房。八月戊午,熒惑犯填 月犯東井。閏月乙亥,月犯歲星,在房。占悉同上。五月丁亥,彗出天船,在胃度中。彗爲 奄歲星,在房。占曰:「民飢。」一曰:「豫州有災。」二年二月辛卯,塡星犯軒轅大星。甲午, 「王者惡之。」二年五月,關中氐帥殺苻生立堅。十二月,慕容儁入屯鄴。八月,安西將軍、豫 占曰:「爲邊兵。」七月辛巳,熒惑犯天江。 占曰:「河津不通。」十一月,歲星犯房。 壬午,月 地有兵。」一曰:「將死。」六月戊戌,太白晝見,在軫。 占同上。 軫,楚分也。 壬子,月犯畢。 晉穆帝升平元年四月壬子,太白入輿鬼。丁亥,月奄東井南轅西頭第二星。 占曰:「秦

民。十一月,司徒會稽王以二鎭敗,求自貶三等。 四年正月,慕容儁死,子暐代立。慕容恪

殺其尙書令陽騖等。五月,天下大水。五年五月,穆帝崩

薨。五月,穆帝崩,哀帝立,大赦賜爵,褚后失勢。七月,慕容恪攻冀州刺史呂護於野王,拔 南。占曰:「有大兵流血。」十二月甲寅,熒惑犯房。丙寅,太白晝見。庚寅,月犯 月壬午,太白入南斗口,犯第四星。占曰:「爲喪,有赦,天下受爵祿。」十月庚戌,天狗見西 之,護奔滎陽。是時桓溫以大衆次宛,聞護敗乃退。 建星。占曰:「大臣相譖。」辛亥,月犯牽牛宿。占曰:「國有憂。」 五年正月,北 下民靡散。」三月丁未,月犯填星在軫。占曰:「爲大喪。」五月壬寅,月犯太微。 曰:「女主憂。」己未,太白入太微右掖門,從端門出。占曰:「貴奪勢。」一曰:「有兵。」又曰: 曰:「人君惡之。」五年正月乙巳,塡星逆行犯太微。 乙丑辰時,月在危宿奄太白。 占曰:「天 「出端門,臣不臣。」八月戊申,太白犯氐。 |升平四年正月乙亥,月犯牽牛中央大星。占曰:「大將死。」六月辛亥,辰星犯軒轅。占 占曰:「國有憂。」丙辰,熒惑犯太微西蕃上將。 九 中郎將郗曇 庚戌,月犯 腱閉。占

畢赤星。占曰:「下犯上。」又曰:「有邊兵。」八月,范汪廢。二三隆和元年,慕容暐遣傅末波寇 兵。」十月丁卯,熒惑犯歲星,在營室。 占曰:「大臣有匿謀。」一曰:「衞地有兵。」丁未,月犯 <u></u>升平五年六月癸酉,月奄氐東北星。占曰:「大將當之。」九月乙酉,奄畢。占曰:「有邊

志 第 + 四

天

河陰,陳祐危逼。

晉哀帝興寧元年八月,星孛大角亢,入天市。按占,「爲兵喪」。三年正月,皇后王氏崩。

一月,哀帝崩。三月,慕容恪攻洛陽,沈勁等戰死。 興寧元年十月丙戌,月奄太白,在須女。占曰:「天下民靡散。」一曰:「災在揚州。」三

年,洛陽沒。其後桓溫傾揚州資實,討鮮卑敗績,死亡太半,及征袁眞,淮南殘破。後氐及

東胡侵逼,兵役無已。

興寧三年正月乙卯,月奄歲星,在參。參,益州分也。六月,鎭西將軍、益州刺史周撫

十月,梁州刺史司馬勳入益州以叛,朱序率衆助刺史周楚討平之。 興寧三年七月庚戌,月犯南斗。 占曰:「女主憂。」歲星犯輿鬼。占曰:「人君憂。」十月,

太白晝見,在亢。占曰:「亢爲朝廷,有兵喪,爲臣强。」哀帝是年二月崩,其災皆在海西也。

明年五月,皇后庾氏崩。

正月,太白入昴。 晉海 西太和元年二月丙子,月奄熒惑,在參。 占曰:「爲內亂。」一曰:「參,魏地。」二年 五年,慕容暐爲苻堅所滅,司、冀、幽、幷四州並屬氐。

太和二年八月戊午,太白犯歲星,在太微。三年六月甲寅,太白奄熒惑,在太微端門

六年,海西公廢。

太和四年二月, 客星見紫宮西垣, 至七月乃滅。占曰:「客星守紫宮, 臣殺主。」閏月乙

亥,月暈軫,復有白暈貫月,北暈斗柄三星。 占曰:「王者惡之。」六年,桓溫廢帝

年,遣使免袁眞爲庶人。桓溫征壽春,眞病死,息瑾代立,求救於苻堅,溫破氐軍。六年,壽 太和四年十月壬申,有大流星西下,聲如雷。案占,「流星爲貴使,星大者使大」。 明

春城陷,聲如雷,將士怒之象也。

「有斬臣。」辛卯,月犯心大星。占曰:「王者惡之。」十一月,桓溫廢帝,幷奏誅武陵王,簡文 太和六年閏月,熒惑守太微端門。占曰:「天子亡國。」又曰:「諸侯三公謀其上。」一曰:

### 校勘記

不許,溫乃徙之新安。

- 十月 「十月」下永樂大典七八五七有「乙未」二字。按是年十月壬午朔,十四日乙未。
- 三年正月東海王越執長沙王乂張方又殺之 改元永興。 越執义,父被殺,在二年,亦不在三年正月。」按永樂大典七八五七作「二年」。 周家祿晉書校勘記云:「太安無三年,是年正月卽
- 名曰營首營首所在 「營首」各本並作「熒首」,據晉書天文志改。
- 左衞 將軍陳診率衆奉帝伐成都 「陳昣」各本並作「陳爾」,據晉書惠帝紀改。蓋陳眇之胗,古

志

第

+

四

校勘記

人書作邸,又譌睞爲隬。

- ハガリ 是年苟晞破公師藩 「藩」各本並作「蕃」、據晉書惠帝紀改。
- 〔六〕陰府法象也 「象」各本並作「家」,據晉書天文志改
- -略城父銍二縣民以北 「銍」宋本原作「銍」,涵芬樓影印百衲本時,從北監本、毛本、殿本、局本

誤改作「鉅」。 按城父、銍二縣,並屬沛郡、「銍」字不誤,今改回

咸康元年八月戊戌 「戊戌」各本並作「戊辰」, 據晉書天文志改。 按是年八月丙申朔, 初三日

戊戌、無戊辰。

た 豫州刺史毛寶西陽太守樊峻皆棄城投江死 「樊峻」各本並作「樊悛」,據晉書庾亮傳、 水經注

改。按晉書成帝紀又作「樊俊」。

- 四月甲午 「甲午」各本並作「甲子」,據晉書天文志改。 按是月已已朔、二十六日甲午、無甲子。
- [11] 色白 各本並脱「色」字,據晉書天文志補。
- 桓溫 破 姚 寒於伊 水 姚 寒」各本並作「姚萇」,據晉書天文志改。 按時與桓溫戰於洛陽者爲姚
- 八月范汪廢 襄, 晉書載記、晉書桓溫傳、通鑑晉太和 周家祿晉書校勘記云:「本紀,范汪廢在十月。」 十二年 可 證

# 宋書卷二十五

## 志第十五

## 天文三

晉簡文咸安元年十二月辛卯,熒惑逆行入太微,二年三月猶不退。 占曰:「國不安,有

憂。」是時帝有桓溫之逼,恒懷憂慘。七月,帝崩。 咸安二年正月己酉,歲星犯塡星,在須女。占曰:「爲內亂。」五月,歲星形色如太白。

占曰:「進退如度,姦邪息。變色亂行,主無福。歲星囚於仲夏,當細小而明,此其失常也。

桓溫曰:「少子可輔者輔之;如不可,君自取之。」賴侍中王坦之毀手詔,改使如王導輔政故 又爲臣强。」六月,太白晝見在七星。乙酉,太白犯輿鬼。占曰:「國有憂。」七月,帝疾甚,詔 溫聞之大怒,將誅坦之等,內亂之應也。是月,帝崩

咸安二年五月丁未,太白犯天關。占曰:「兵起。」六月,庾希入京城,十一月,盧悚入 志 + 五 天 文三

宫,並誅滅。

命惡之。」三月丙午,月奄南斗第五星。占曰:「大臣有憂,憂死亡。」一曰:「將軍死。」七月, 晉孝武寧康元年正月戊申,月奄心大星。案占,災不在王者,則在豫州。[1]一曰:「主

五月、氐賊苻堅伐涼州。七月、氐破涼州、虜張天錫。十一月、桓沖發三州軍軍淮、泗、桓豁 天市。十一月癸酉,太白奄熒惑,在營室。占曰:「金火合爲爍,此災皆爲兵喪。」太元元年 寧康二年正月丁巳,﹝﹞有星孛于女虚,經氐、亢、角、軫、翼、張。 九月丁丑,有星孛于

寧康二年閏月己未,月奄牽牛南星。占曰:「左將軍死。」 三年 五月,北中郎將王坦

之薨。

亦遣軍備境上。

....「執法者死。」太元元年,苻堅破凉州。 十月,尚書令王彪之卒。 寧康三年六月辛卯,太白犯東井。占曰:「秦地有兵。」九月戊申,熒惑奄左執法。 占

入羽林。 中國飢。」一 晉孝武 占曰:「天子有哭泣事,中軍兵起。」十一月己未,月奄左角。占曰:「天子有兵。」一 曰:「有赦。」八月癸酉,太白晝見在氐。氐,兗州分野。 太元 元年四月丙戌,熒惑犯南斗第三星。 丙申,又奄第四星。 九月,熒惑犯哭泣星,遂 占曰:「兵大起,

使 州 三河 曰:「國有憂。」三年六月,熒惑守羽林。 尹 刺 元年 張沙 史彭 衆 五. 屯衞京都。 超圍彭城。四年二月,襄陽城陷,賊獲朱序。 五月,大赦。 萬 於是 征虜謝石次涂中,右衞毛安之、游擊河間王曇之等次堂邑,發丹陽民丁 六月, 兗州刺史謝玄討賊, 大破之, 餘燼皆走。 三年八月,氐賊韋鍾入漢中東下,苻融寇樊、鄧,慕容暐圍襄陽 占曰:「禁兵大起。」九月壬午,太白晝見在角,兗州 彭超捨彭城,獲吉挹。 是時中外連兵,比年荒 彭超等聚 、氏竞 廣 陵 ,

占曰:「女主當之。」九月癸未,皇后王氏崩 太元 四年十一 月丁巳,太白犯哭星。 占曰:「天子有哭泣事。」五年七月丙子,辰星犯軒

儉。

是年,又發揚州萬人戍夏口

月 伐竟陵,桓石虔擊大破之,生禽震,斬首七千,獲生萬人。 目 ,朱綽擊襄陽,拔將六百餘家 奔。」案占,「楚地有兵」。一曰:「軍破民流。」十二月,氐荆州 太元六年十月乙卯,有 奔星東南經翼軫 而 還。 整 如 雷。 星說曰:「光迹相 聲 如雷, 刺史梁成 將帥怒之象也。 、襄陽 連曰流, 太守閣 絕迹 七年九 震 率 而去

衆

參。 九月, 占日 太元 魏有 七年十一 攻沒壽陽。 兵喪。」是月, 月,太白晝見,在斗。占曰:「吳有兵喪。」八年四月甲子,太白 十月,劉牢之破堅將梁成斬之,殺獲萬餘人。 桓沖征沔漢, 楊亮伐蜀, 並拔城略 地。 謝玄等又破堅於淝水, 八月, 苻堅 叉 自將 (書見) 號百 在

斬其弟融,堅大衆奔潰。 九年六月,皇太后褚氏崩。八月,謝玄出屯彭城,經略中州。

八月,苻堅爲其將姚萇所殺。

太元十年十二月己丑,太白犯歲星。占曰:「爲兵饑。」是時河朔未一,兵連在外,冬,

見,在胃。占曰:「魯有兵,臣强。」十二年,慕容垂寇東阿,翟遼寇河上,姚萇假號安定,苻登 太元十一年三月戊申,[三]太白晝見,在東井。占曰:「秦有兵,臣强。」六月甲午,歲星晝

自立隴上,呂光竊據涼土。

太元十一年三月,客星在南斗,至六月乃沒。 占曰:「有兵。」一曰:「有赦。」是後同、確、

|兗、||冀常有兵役。十二年正月,大赦。八月,又赦。

天下亂。」是時琅邪王輔政,王妃從兄國寶以姻昵受寵。 太元十二年二月戊寅,熒惑入月。占曰:「有亂臣死,相若有戮者。」一 又陳郡人袁悅昧私苟進,交遘主 曰:「女親爲敗,

相,扇揚朋黨。 十三年,帝殺悅。於是主相有隙,亂階興矣。

戊子,辰星入月,在危。 太元十二年十月庚午,太白晝見,在斗。十三年閏月戊辰,天狗東北下有聲。十二月 占曰:「熒惑失其常,更且棄其法,諸侯亂其政。」自是後慕容垂、霍遼、姚萇、苻登、慕 占曰:「賊臣欲殺主,不出三年,必有內惡。」是月,熒惑在角亢,形色

猛盛。

鄉,圍泰山,向欽之擊走之。是年,翟遼又攻沒滎陽,侵略陳、項。于時政事多弊,治道陵 容永並阻兵爭强。十四年正月,彭城妖賊又稱號於皇丘,劉牢之破滅之。三月,張道破合

太元十四年十二月,熒惑入羽林。乙未,月犯歲星。占並同上。十五年,翟遼陸掠同、

遲矣。

· 一克,衆軍累討弗克。 |鮮卑又跨略||幷、冀。七月,旱。八月,諸郡大水,兗州又蝗

當之。三台爲三公,文昌爲將相,將相三公有災。入北斗,强國發兵,諸侯爭權,大夫憂。」十 王恭、殷仲堪、桓玄等並發兵表誅王國寶,朝廷從而殺之,幷斬其從弟緒,司馬道子由是失 八月戊戌,入紫微,乃滅。占曰:「北河戒,一名胡門。胡門有兵喪。 一月,太白入羽林。占曰:「天子為軍自守,有反臣。」二十一年九月,孝武帝崩。 太元十五年七月壬申,四有星孛于北河戒,經太微、三台、文昌,入北斗,長十餘丈。 掃太微,入紫微,王者

太元十六年十一月癸巳,月奄心前星。占曰:「太子憂。」是時太子常有篤疾。

勢,禍亂成矣。

太元十七年九月丁丑,歲星、熒惑、塡星同在亢氏。占曰「二星合,是謂驚位絕行,內

外有兵喪與飢,改立王公。」

太元十八年正月乙酉,熒惑入月。占曰:「憂在宮中,非賊乃盜也。」一曰:「有亂臣,若

有戮者。」二十一年九月,帝暴崩內殿,兆庶宣言夫人張氏潛行大逆。于時朝政闇緩,不加

顯戮,但默責而已。又王國寶邪狡,卒伏其辜。

月奄歲星,在尾。占曰「爲飢,燕國亡。」二十年,慕容垂遣息寶伐什圭,爲圭所破,死者數 太元十八年二月,有客星在尾中,至九月乃滅。 占曰:「燕有兵喪。」十九年四月己巳,

安元年,王恭等舉兵顯王國寶之罪,朝廷赦之。是後連歲水旱民飢 太元十九年十月癸丑,太白犯歲星,在斗。占曰:「爲飢,爲內兵。斗,吳、越分。」至隆 萬人。二十一年,垂死,國遂衰亡。

腹喉 等舉兵,而朝廷戮王國寶、王緒。 星見,不出三年,必有亂臣戮死於市。」十二月已已,月犯楗閉及東西咸。 白入太微,國有憂。畫見,爲兵喪。」九月,有蓬星如粉絮,東南行,歷女虛至哭星。占曰:「蓬 (舌, CC) 東西咸主陰謀。」是時王國寶交構朝政, 二十一年九月, 帝崩, 隆安元年, 王恭 太元二十年六月,熒惑入天囷。 〔邑〕占曰:「天下飢。」七月丁亥,太白入太微。 占曰:「太 又連歲水旱,兼三方動衆,民飢。 占曰:「健閉司心

帝崩。 午,太白入天囷。〔+〕占曰:「爲飢。」六月,歲星犯哭星。 太元二十一年三月,太白連晝見,在羽林。占曰:「有强臣,有兵喪,中軍兵起。」四月壬 隆安元年,王恭舉兵脅朝廷,於是中外戒嚴,戮王國寶以謝之。 占曰:「有哭泣事。」是年九月,孝武

殺王 占曰:「軍兵起。」四月丁丑,太白晝見,在東井。秦有兵喪。是月,王恭舉兵,內外戒嚴。尋 晉安帝隆安元年正月癸亥,熒惑犯哭星。占曰:「有哭泣事。」二月,歲星熒惑皆入羽林。

湖,爲所敗,方死。王恭司馬劉牢之反恭,恭敗。桓玄至白石,亦奔退。仲堪還江陵。三年 冬,荆州刺史殷仲堪爲桓玄所殺。 兄弟。於是內外戒嚴,大發民衆。 臺,衞地也。 度失常,歲星畫見在胃。胃,兗州分。是年六月,都恢遣鄧啓方等以萬人殘虜於滑臺。 壁。占曰:「爲飢。衞地有兵。」八月,熒惑守井鉞。占曰:「大臣有誅。」二年六月戊辰,攝提移 國寶等。六月,羌賊攻洛陽,郗恢遣兵救之。 隆安元年六月庚午,月奄太白,在太微端門外。占曰「國受兵。」乙酉,月奄歲星,在東 啓方等敗而還。 九月、王恭、庾楷、殷仲堪、桓玄等並舉兵表誅王愉、司馬尚之 仲堪軍至尋陽,禽江州刺史王愉,楷將段方攻尚之於楊 姚萇死,子略代立。〔六〕什圭自號於中山

聚衆攻沒會稽,殺內史王疑之,劉牢之東討走之。 之。六月,鮮卑攻沒靑州。十月,羌賊攻沒洛陽。桓玄破荆、雍,殺殷仲堪、楊佺期。 相。「云」辛未,辰星犯軒轅星。占悉同上。是年正月,楊佺期破郗恢,奪其任,殷仲堪又殺 隆安二年閏月,太白晝見,在羽林。 。丁丑,月犯東上相。三年五月辛酉,月又奄東上 四年七月,太皇太后李氏崩。 孫恩

隆安四年正月乙亥,月犯塡星,在牽牛。占曰「吳、越有兵喪。女主憂。」二月己丑,有

志第十

五

天

文三

之地。二月,帝戎服遣西軍。丁卯,桓玄至姑孰,破歷陽,司馬尙之見殺,劉牢之降于玄。 表至,逆旨陵上。十月,司馬元顯大治水軍,將以伐玄。元興元年正月,桓玄東下。 孫恩在 斷淮口。 殺,死者數千人。六月,孫恩至京口,高祖擊破之。恩軍蒲洲,於是內外戒嚴,營陣屯守,棚 餘姚,死者十七八。五年二月,孫恩攻句章,高祖拒之。五月,吳郡內史袁山松出戰,爲所 會稽,殺內史謝琰。遣高雅之等討之。七月,太皇太后李氏崩。十月,妖賊大破高雅之於 哭星。十月,奄歲星在北河。占曰:「爲飢。」十二月戊寅,有星孛于貫索、天市、天津。占曰: 子,熒惑犯少微,又守之。占曰:「處士誅。」十月戊子,月犯東蕃次相。四年五月,孫恩復破子,熒惑犯少微,又守之。占曰:「處士誅。」十月戊子,月犯東蕃次相。四年五月,孫恩復破 月癸亥,大角星散搖五色。占曰:「王者流散。」丁卯,月犯天關。占曰:「王者憂。」九月庚 太微、紫宫。占曰:「星者庶民,類衆多西流之象。徑行天子庭,主弱臣强,諸侯兵不制。」七 月乙卯。案占,炎在吳、越。三月甲寅,流星赤色衆多,西行經牽牛、虚、危、天津、閣道,貫 廷閣,易主之象。」經三台,入北斗,占同上條。六月乙未,月又犯塡星,在牽牛。辛酉,又犯 星孛于奎,長三丈,上至閣道紫宮西蕃,入斗魁,至三台、太微、帝座、端門。占曰:「彗拂天子 「貴臣獄死,內外有兵喪。天津爲賊斷,王道天下不通。」十二月,太白在斗畫見,至五年正 臨海,人衆餓死散亡,恩亦投水死。 恩遣別將攻廣陵,殺三千餘人。恩遁據郁洲。 盧循自稱征虜將軍,領其餘衆,略有永嘉、晉安 是月,高祖又追破之。 九月,桓玄 是月,

七,吳郡、吳興戶口減半。 三月,玄剋京都,殺司馬元顯,[10]放太傅道子。七月,大飢,人相食。浙江東餓死流亡十六 又流奔而西者萬計。十月,桓玄遣將擊劉軌,破走奔靑州。

年,玄遂篡位,遷帝尋陽。

房北第二星。九月己丑,歲星犯進賢,熒惑犯西上將。十月甲戌,太白犯泣星。十一月丁 月,歲星犯西上將。 六月甲辰,奄斗第四星。 占曰:「大臣誅,不出三年。」八月癸丑,太白犯 者誅。」十月,客星色白如粉絮,在太微西,至十二月,入太微。 占曰:「兵入天子庭。」二年二 寅,熒惑在東井,熒惑犯輿鬼、積尸。占並同上。八月庚子,太白犯歲星,在上將東南。占 高祖盡誅桓氏。 <u>頤破羌軍。二年十二月,桓玄篡位,放遷帝后於尋陽,以永安何皇后爲零陵君。三年二月,</u> 丑,熒惑犯塡星。辛巳,月犯熒惑。十二月乙巳,月奄軒轅第二星。 占悉同上。 元年冬,索 曰:「楚兵飢。」一曰:「災在上將。」丙寅,太白奄右執法。 九月癸未,太白犯進賢。 占曰:「賢 晉安帝元興元年三月戊子,(三)太白犯五諸侯,因晝見。四月辛丑,月奄辰星。七月戊

辰,月奄歲星於左角。占曰:「天下兵起。」丙辰,熒惑逆行在左執法西北。占曰:「執法者 憂。」四月甲午,月奄軒轅第二星,塡星入羽林。十二月,熒惑太白皆犯羽林。占同上。是 元興三年正月戊戌,熒惑逆行犯太微西上相。占曰:「天子戰於野,上相死。」二月甲

志

荆州刺史司馬休之敗走。是月,劉懷肅擊振滅之。其年二月,巴西人譙縱殺益州刺史毛璩 州刺史綏。桓玄劫帝如江陵。五月,玄下至崢嶸洲,義軍破滅之。桓振又攻沒江陵,幽劫 年二月丙辰,高祖殺桓脩等。三月己未,破走桓玄,遣軍西討。辛酉,誅左僕射王偸及子荆 天子。明年正月,衆軍攻之,振走,乘輿乃旋。七月,永安何皇后崩。三月,桓振又襲江陵,

及璩弟西夷校尉瑾,跨有西土,自號蜀王。

之。十一月,荆州刺史魏詠之薨。二年二月,司馬國璠等攻沒弋陽。四月,羌伐仇池,仇池 亂,河津不通。」是年六月,索頭寇沛土,使僞豫州刺史索度眞戍相縣,太傅長沙景王討破走 月。十一月丙戌,太白奄鉤鈐。占曰:「喉舌臣憂。」十二月己卯,歲星犯天江。占曰:「有兵 寅、熒惑犯右執法。癸卯,熒惑犯左執法。占並同上。十月丁巳,月奄填星營室。占同七 淮南失土,殆不占耳。史闕其說,故不列焉。九月戊子,熒惑犯少微。占曰:「處士誅。」庚 有兵。」一曰「大臣憂。」案江左來,南斗有災,則吳越會稽、丹陽、豫章、廬江各隨其星應之。 塡星,在東壁。 占曰:「其國以伐亡。」一曰:「民流。」八月丁巳,月犯斗第一星。 占曰:「天下 災。」太白犯東井。占曰:「秦有兵。」四月己卯,月犯塡星,在東壁。占曰:「其地亡國。」一 曰:「貴人死。」七月庚辰,太白比晝見,在翼、軫。 占曰:「爲臣强。 荆州有兵喪。」已未,月奄 晉安帝義熙元年三月壬辰,月奄左執法。占同上。丁酉,月奄心前星。占曰:「豫州有

樂期死,乃退。三年十二月,司徒揚州刺史王謐薨。四年正月,太保武陵王遵薨。三月,左 公楊盛擊走之。九月,益州刺史司馬榮期爲其參軍楊承祖所害,時文處茂討蜀屢有功,會

僕射孔安國卒。五年,高祖討鮮卑,幷定舊兗之地。

白皆入羽林。是年二月甲戌,司馬國璠等攻沒弋陽。三年正月,鮮卑寇北徐州,至下邳。八 悉同上。十二月丙午,月奄太白,在危。占曰:「齊亡國。」一曰:「强國君死。」丁未,熒惑、太 軍死,天下有兵。」壬寅,熒惑犯氐。占曰:「氐爲宿宮,人主憂。」六月庚午,熒惑犯房北第 未,月犯房南第二星。乙丑,歲星犯天江。占悉同上。五月癸未,月犯左角。占曰:「左將 年二月,拔廣固,禽慕容超,阬斬其衆三千餘人。 四月,高祖大軍討之。六月,大戰臨朐城,進圍廣固。十月,什圭爲其子僞淸河公所殺。六 月,遣劉敬宣伐蜀。十二月,司徒王謐薨。四年正月,武陵王遵薨。五年,鮮卑復寇淮北。 二星。八月癸亥,熒惑犯斗第五星。丁巳,犯建星。九月壬午,熒惑犯哭星,又犯泣星。占 義熙二年二月己丑,月犯心後星。占曰:「豫州有災。」四月癸丑,月犯太微西上將。己

惑、塡星、太白、辰星聚於奎、婁,從塡星也。 占曰:「益州有兵喪,臣强。」六月辛卯,熒惑犯辰星,在翼。 占曰:「天下兵起。」八月已卯,太 **|義熙||三年正月丙子,太白晝見,在奎。||一月庚寅,月奄心後星。|| 占悉同上。癸亥,熒** 其說見上九年。日日五月己丑,太白晝見,在參。

志第十五

天

文三

於白帝,拔之。

法。十月戊子,熒惑入羽林。占悉同上。五年,高祖討鮮卑。六年,左僕射孟昶仰藥卒。 子,填星犯天廩。占曰:「天下飢,倉粟少。」六月己丑,太白犯太微西上將。 己卯,又犯左執 義熙四年正月庚子,熒惑犯天江。占同上。五月丁未,月奄斗 第 二星。占同上。壬

是後南北軍旅,運轉不息。

救之。 月,熒惑犯氐,占同二年。閏月丁酉,月犯昴。占同二月。辛亥,熒惑犯鉤鈐。占同元年。 者惡之。」是年四月,高祖討鮮卑。 十二月辛丑,太白犯歲星,在奎。占曰:「大兵起。魯有兵。」己酉,月奄心大星。占曰:「王 在東井。 盧循逼郊甸,宮衞被甲。 義熙五年二月甲子,月犯昴。占曰:「胡不安。天子破匈奴。」四月甲戌,熒惑犯辰星, 六年二月,鮮卑滅。 占同三年。五月戊戌,歲星入羽林。占同上。九月壬寅,月犯昴,占同二月。十 皆胡不安之應也。 什圭為其子所殺。十一月, 西虜攻安定, 姚略自以大衆 是時鮮卑跨魯地,又魯有兵之應也。五月,

第五星。 曰:「斗主兵、兵起。」一曰:「將軍死。」太白犯五諸侯。占曰:「諸侯有誅。」五月甲子,月奄斗 義熙六年三月丁卯,月奄房南第二星。占曰:「災在次相。」 己巳,又奄斗第五星。占 占同三月。己亥,月奄昴。 占曰:「國有憂。」一曰:「有白衣之會。」六月己丑,月犯

志

第十五

灭

文三

午,太白在少微而晝見。九月甲寅,太白犯左執法。丁丑,塡星犯畢。占曰:「有邊兵。」是 年六月,臨川烈武王道規薨,時爲豫州。八月,皇后王氏崩。九月,兗州刺史劉藩、尚書僕 孟昶懼王威不振,仰藥自殺。七年二月,劉藩梟徐道覆首,杜慧度斬盧循,並傳首京都。八 湘中,沒巴陵。五月,循等大破豫州刺史劉毅,毅僅以身免。循率衆逼京畿。 年三月,始興太守徐道覆反,江州刺史何無忌討之,大敗於豫章,無忌死之。 射謝混伏誅,高祖西討劉毅,斬之。十二月,遣益州刺史朱齡石伐蜀。九年,諸葛長民伏 星。占悉同上五月。丁亥,月奄牛宿南星。占曰:「天下有大誅。」乙未,太白犯少徼。丙 「秦有兵。」八月壬午,太白犯軒轅大星。 房南第二星。 林邑王范胡達將萬餘人寇九眞,九眞太守杜慧期距破之。七月,朱齡石滅蜀 甲午,太白晝見。占並同上。七月己亥,月犯輿鬼。占曰「國有憂。」一 甲申,月犯心前星。 災在豫州。 丙戌,月犯斗第五 是月,左僕射 四月,盧循寇

飢。」太白犯房南第二星。十一月丙午,太白犯哭泣星。占悉同上。七月,朱齡石剋蜀,蜀 兵,且飢。」七月丁卯,歲星犯塡星,在參。占曰:「歲、塡合爲內亂。」一曰:「益州戰不勝,亡 地。」五虹見東方。占曰:「天子黜,聖人出。」 八月乙未,月犯歲星,在參。占曰:「益州兵 在翼。占同元年。己亥,塡星犯天關。占曰:「臣謀主。」庚子,月犯歲星,在畢。占曰:「有邊 義熙七年四月辛丑,熒惑入輿鬼。占曰:「秦有兵。」一曰:「雍州有災。」六月,太白晝見

民尋又反,又討滅之。八年,誅劉蕃、謝混,滅劉毅。皇后王氏崩。 年,討荆州刺史司馬休之、雍州刺史魯宗之破之也。 九年,誅諸葛長民。十

民。 塡星犯井鉞。是年八月,皇后王氏崩。九月,誅劉藩、謝混,滅劉毅。九年三月,誅諸葛長 月辛亥, 月奄天關。占曰:「有兵。」十月丁丑, 塡星犯東井。占曰:「大人憂。」十二月癸卯, 甲申,太白犯塡星,在東井。占曰:「秦有大兵。」己未,月犯井鉞。八月戊申,月犯 西虜攻羌安定戍,剋之。十二月,朱齡石伐蜀。九年七月,朱齡石滅蜀 義熙八年正月庚戌,月犯歲星,在畢。占同上。七月癸亥,月奄房北第二星。 泣星。十

離其 並起, 望,建國 東井、秦分。十三年、高祖定關中,又其 婁,徐州分。是時慕容超僭號於齊,侵略徐、兗,連歲寇抄,至于淮、泗。 塡星、太白聚于東井,從歲星也。熒惑入輿鬼。 盧循、木末,南北交侵。五年,高祖北殄鮮卑,是四星聚奎之應也。 國家,滅其宗廟。」今案遺文所存,五星聚者有三:周漢以王齊以霸,周將伐殷,五星聚房。 義 君子憂,小人流。 「熙九年二月丙午,熒惑、塡星皆犯東井。 占曰:「秦有兵。」三月壬辰,CIKJ歲星、熒惑、 舊徐,元熙二年,受終納禪,皆其徵也。 五星若合,是謂易行。 應也。 有德受慶,改立王者, 而縱、循羣凶之徒,皆已剪滅, 太白犯南河。 星傳曰:「四星若合, 初義熙三年,四星聚奎,奎、 奄有四方; 是謂太陽, 姚興、譙縱僭為秦、 九年,又 於是天 無德受罰, 其國 聚東井。 人歸 兵喪 齊

志

第十五

平元年 帝都 十五 孫度 尾箕 昔漢 熒惑入輿 義熙三年 復 於洛 平帝元始四年,四星聚柳、張,各五日。柳、張,三河分。後有王莽、赤眉之亂,而光武興 年而 許 燕興之祥,故奉幽州牧劉虞,虞旣距之,又尋滅亡,固已非矣。 ,則孫權也。 ,遂以兗、豫定,是其應也。一曰:「心爲天王,大兵升殿,天下大亂之兆也。」韓馥 ,四星聚心,又聚箕、尾。心,豫州分。後有董卓、李傕暴亂,黃巾、黑山熾擾,而魏 。晉懷帝永嘉六年,四星聚牛、女,後有劉聰、石勒之亂,而元皇 鬼。 九月,四星各一聚,而宋有天下,與魏同 魏文受禪,此爲四星三聚而易行 占曰:「兵喪。」太白犯南河。 度偏 據僻陋,然亦郊祀備物,皆爲改漢矣。 矣。 占曰:「兵起。」後皆 蜀臣 也。 亦引後聚爲劉備之應。 魚緣云。「五星聚冀方,而魏有天下。」 建安二十二年,四星又聚。二 有應 尾為燕,又爲吳,此非公 興復揚土。 案太元十九年、 漢獻 以爲 武 帝 迎 初

占悉同上。六月丙申,月奄氐。占曰:「將死之,國有誅者。」七月庚辰,月犯天關。 九 坐罪者。」二月己酉, (月庚午,歲星犯軒轅大星。 玉 月壬辰,太白犯右執法,晝見。 月犯房北星。 己丑,月犯左角。 占同 五. 月 壬寅, 上。 十年正 七月庚午, 月犯牽牛南星。 月丁 月奄鉤 卯, 月犯 鈴。 乙 丑, 畢。 占曰:「喉舌臣憂。」 歲星犯 占曰 1:「將 軒轅大星。 占曰:「兵 相 有以

伺上。 申,太白從行從右掖門入太微。丁卯,奄左執法。十一月癸亥,月入畢。占同上。乙未,月 癸卯,熒惑從行入太微。甲辰,犯右執法。六月己未,太白犯東井。占曰:「秦有兵。」戊寅, 己卯,塡星入輿鬼。閏月丙午,塡星又入輿鬼。占曰:「爲旱,爲疫,爲亂臣。」五月甲申,彗 起。」熒惑犯井鉞,塡星犯輿鬼,遂守之。占曰:「大人憂,宗廟改。」八月丁酉,月奄牽牛南 癸巳,熒惑犯右執法。八月己酉,月犯牽牛。丁卯,月犯太微。占曰:「人君憂。」九月壬辰, 「天下有大誅。」十月丙戌,月入畢。占同上。十三年五月丙子,月犯軒轅。丁亥,犯牽牛。 公。六月壬子,太白從行入太微右掖門。己巳,月犯畢。占同上。七月,月犯牛宿。占曰: 占曰「爲飢。留房、心之間,宋之分野,與武王伐紂同,得歲者王。」于時晉始封高祖爲宋 犯輿鬼。占曰:「國有憂。」七月辛丑,月犯畢。占同上。八月壬子,月犯氐。占同上。庚 星出天市,掃帝座,在房、心。房、心,宋之分野。案占,得彗柄者興,除舊布新,宋興之象。 西咸。占曰:「有陰謀。」十一年三月丁巳,[1七]月入畢。占曰:「天下兵起。」一曰:「有邊兵。」 星。占同上。九月,塡星犯輿鬼。占曰:「人主憂。」丁巳,太白入羽林。十二月己酉,月犯 入興鬼而暈。占曰:「主憂,財寶出。」一曰:「暈,有赦。」十二年五月甲申,月犯歲星,在左角。 乙卯, 塡星犯太微, 留積七十餘日。占曰:「亡君之戒。」 壬戌, 月犯太微。 十月戊申,月犯畢。 占悉同上。 月犯箕。 占曰:「國有憂。」甲寅,月犯畢。 占

志

微`熒惑繞塡星成鉤已。其年四月二十七日丙戌,從端門出。占曰`「熒惑與塡星鉤己,天

下更紀。」甲申,月入太微。占同上。十一年正月,高祖討司馬休之、魯宗之等,潰奔長安。

高祖還彭城,受宋公。十一月,左僕射前將軍劉穆之卒。明年,西虜寇長安,雍州刺史朱齡

大破之,嵩衆殲焉。 進復攻關。 八月,擒姚泓,[llo]司、克、秦、雍悉平,索頭兇懼。 十四年,

月,前驅定陝、洛。十三年三月,索頭大衆緣河爲寇,高祖討之奔退,其別帥托跋嵩交戰,又

五月,林邑寇交州,交州刺史杜慧度距戰于九眞,大爲所敗。十二年七月,江己高祖伐羌。十

逆行。至恭帝元熙元年三月五日,GRJ出西蕃上將西三尺許,又從還入太微。時塡星在太

石諸軍陷沒,官軍舍而東。至三十二月,安帝崩,母弟琅邪王踐阼,是曰恭帝。

哭星。十二月丁巳,月、太白俱入羽林。二年二月庚午,塡星犯太微。占悉同上。元年七月, 年至是,太白經天者九,日蝕者四,皆從上始。 月庚辰,太白犯太微。七月,月犯歲星。己卯,月犯太微,太白晝見。占悉同上。 高祖受宋王。曰曰二年六月,晉帝遜位,高祖入宮。 晉恭帝元熙元年正月丙午,三月壬寅,月犯太微。占悉同上。乙卯,辰星犯軒轅。 革代更王, 臣民失君之象也。 是夜,太白犯 自義熙元

#### 校勘記

災不 在 王者則在豫州 各本並脱「不」字,據晉書天文志

寧康二年正月丁巳 晉書孝武帝紀作「三月丁巳」。 按是年正月癸未朔,三月壬午朔,正月、三

月均無丁巳日,疑。

朔, 太元十一年三月戊申 無戊申。三月壬 寅朔,初七日戊申。 「三月戊申」各本並作「二月戊申」, 宋志誤,晉志是。 據晉書天文志改。 按是年二月癸酉

太元十五年 七月 壬申 \$\$\$\$\$\$\$\$\$\$\$\$\$\$\$\$\$\$花作「七月丁巳」。按是年七月丁未朔,十一日丁巳,二十

六日壬申。未知孰是。

- ハガン 熒惑入天囷 「天囷」各本並作「天囤」,據晉書天文志改。
- ハベン 楗閉 司心腹喉舌 「腹」各本並作「膓」,據晉書天文志改。
- 太白入天囷 「天囷」各本並作「天囤」,據晉書天文志改。
- 姚萇 死子略代立 周家祿晉書校勘記云:「姚萇死,在晉孝武太元十八年,不在安帝隆安元年。

萇死,子興嗣位,亦無子略代立之文。」

**↑** 九 ∪ 丁丑月犯東上相三年五月辛酉月又奄東上相 字,據晉書天文志補。按隆安二年閏十一月已未朔,十九日丁丑,是月無辛巳,蓋朱志奪去「三 各本並脫「三年五月辛酉,月又奄東上相」十二

年五月」等十二字,今據晉志補入。隆安三年五月丙辰朔,初六日辛酉,十六日辛未,與上年

月干支相接正脗合也。

- 殺司馬元顯 「殺」字下,各本並有「大」字。按司馬元顯未嘗爲大司馬,「大」字衍文,今删去。
- 晉安帝元興元年三月戊子 「三月」各本並作「二月」,據晉書天文志改。按是年二月庚子朔, 無戊子。三月己巳朔,二十日戊子。宋志誤,晉志是。
- 其說見上九年 義熙九年之文,而後有「義熙九年二月丙午,熒惑、塡星皆犯東井。 占曰:『秦有兵。』三月壬辰, 歲星、熒惑、塡星、太白聚于東井,從歲星也」之文。疑「上九年」是「下九年」之誤。 此敍義熙三年天象及此後四五年間應占人事。所謂「其說見上九年」者,前無

- 司馬國璠等攻沒鄒山 前 條有「司馬國璠攻沒弋陽」,本條下有「司馬國璠寇碭山」。 「國璠」各本並作「叔璠」,周家祿晉書校勘記云:「國璠誤叔璠。」按同卷 **今據前後文改**
- 桓謙以 蜀衆聚枝江 各本並奪「桓」字,「謙」字下又衍「之」字。今據晉書桓玄傳 訂
- 二 吾 鄱陽太守虞丘進破賊別帥於上饒 「虞丘進」各本並作「虞丘延」。 張森楷校勘記云:「按武帝
- 紀及虞丘進傳,此是虞丘進事,作『虞丘延』者誤。」按張校是,今改正
- 三月壬辰 丙寅朔,二十七日壬辰。 各本並脫「三月」二字,據晉書天文志補。 按義熙九年二月丙申朔,無壬辰。
- 十一年三月丁巳 「三月」各本並作「二月」,據晉書天文志改。 月甲寅朔,初四日丁巳。 按是年二月乙酉朔,無丁巳。三
- 至恭帝元熙元年三月五日 局本作「三月」。 北監本、殿本作「二月」。 各本並脱「至恭帝元熙」五字,據晉書天文志補。 又三朝本、毛本、
- 十二年七月 「十二年」各本並作「十三年」,據晉書天文志改。「七月」,周家祿晉書校勘記云: 「當作八月。」
- (110) 八月擒姚泓 周家祿晉書校勘記云:「八月,當作七月。」
- 十四年高祖還彭城受宋公十一月左僕射前將軍劉穆之卒明年西虜寇長安雍州刺 史朱 齡石 諸

志

第

+

五.

校

勘記

軍陷沒官軍舍而東 周家祿晉書校勘記云:「按穆之卒以十三年十一月,當與十四年劉裕文互

易前後。明年當作是年,承十四年文。」

〔三〕 元年七月高祖受宋王

「七月」各本並作「十月」,據宋書武帝紀及晉書天文志改。

## 宋書卷二十六

### 志第十六

#### 天文四

帝,內亂之應。 於角。占曰:「爲喪,大人惡之。」一曰:「兵起。」十二月庚子,月犯熒惑於亢。占曰:「爲內亂。」 索頭攻略靑、同、兗三州。 一曰:「貴人憂。角爲天門,亢爲朝廷。」三年五月,宮車晏駕。七月,太傅長沙景王道憐薨。 宋武帝永初元年十月辛丑,熒惑犯進賢。占曰:「進賢官誅。」十一月乙卯,熒惑犯塡星 於是禁兵大出。是後司徒徐羨之、尚書令傅亮、領軍謝晦等廢少

永初元年十二月甲辰,月犯南斗。占曰:「大臣憂。」三年七月,長沙王薨。 索虜寇青、

司二州,大軍出救。

|永初二年六月甲申,太白晝見。占:「爲兵喪,爲臣强。」三年五月,宮車晏駕。 尋遺兵

志第十六 天文四

出救青、同。其後徐羨之等秉權,臣强之應也。

州也。景平元年,廬陵王義眞廢,王領豫州也。 房又爲將相,將相有憂。氐、房又克、豫分。」三年五月,宮車晏駕。七月,長沙王薨,王領兗 |永初二年六月乙酉,熒惑犯氐。乙巳,犯房。占曰:「氐爲宿宮,房爲明堂,人主有憂。

內兵。」三年,索頭攻略青、冀、克三州,禁兵大出,克州失守,虎牢沒。 |永初二年十月,太白犯塡星於亢。亢,兗州分,又爲鄭。占曰:「大星有大兵,金土合爲

虚危,向河津,掃河鼓。 占曰:「爲兵喪。」五月,宮車晏駕。 明年,遣軍救青、同。 二月,太后 永初三年正月丁卯,月犯南斗。占同元年。一曰:「女主當之。」二月辛卯, [1] 有星孛于

亢, 兗州分, 又爲鄭。」其年, 索頭攻圍司、兗, 兗州刺史徐琰委守奔敗, 司州刺史毛德祖距守 永初三年二月壬辰,塡星犯亢。占曰:「諸侯有失國者,民多流亡。」一曰:「廷臣爲亂。

陷沒,緣河吏民,多被侵略。

年,虜攻略靑、兗、司三州。廬陵王義眞廢,王領豫州也。二月,太后蕭氏崩。元嘉三年,司 月辛巳,月犯房。 永初三年三月壬戌,月犯南斗。 占曰:「將相有憂,豫州有災。」癸巳,犯歲星於昴。 占曰:「趙、魏兵飢。」其 占同正月。 五月丙午,犯軒轅。 占曰:「女主當之。」六

徒徐羨之等伏誅。

年,師出救靑、同。景平二年,徐羨之等廢帝徙王。元嘉三年,羨之及傅亮、謝晦悉誅。 太白犯南斗。占曰:「國有兵事,大臣有反者。」辛巳,熒惑犯進賢。 永初三年九月癸卯,熒惑經太微犯左執法。己未,犯右執法。 占曰:「進賢官誅。」明 占悉同上。十月癸酉,

永初三年十一月戊午,有星孛于室壁。 占曰:「爲兵喪。」明年,兵救青、同。 二月,太后

蕭氏崩。營室,內宮象也。

爲明堂,王者惡之。一曰:「將相憂。」景平二年,羨之等廢帝,因害之。元嘉三年,羨之等 永初三年十一月癸亥,月犯亢、氐。占曰:「國有憂。」十二月戊戌, 三 熒惑犯房。房

七尺,十餘日滅。明年五月,羨之等廢帝。 太后蕭氏崩。十月戊午,有星孛于氐北,尾長四丈,西北指,貫攝提,向大角,東行,日長六 少帝景平元年正月乙卯,有星孛于東壁南,白色,長二丈餘,拂天苑,二十日滅。二月,

輿鬼,入軒轅。月犯歲星。十一月癸未,西南有氣,上下赤,中央黑,廣三尺,長三十餘丈, 丈。 元嘉六年五月,太白晝見經天。 元嘉七年三月,太白犯歲星於奎。 六月,熒惑犯東井 文帝元嘉元年十月,熒惑犯心。元嘉三年正月甲寅夜,天東南有黑氣,廣一丈,長十餘

志

七四十

狀 從西行經奎北大星南過,至東壁止。其年,索虜寇青、同,殺刺史,掠居民。遣征南大將軍檀 如旌旗。十二月丙戌,有流星頭如甕,尾長二十餘丈,大如數十斛船,赤色有光照人面,

道濟討伐,經歲乃歸。

<u></u> 氐寇漢中,梁州失戍。 乙未,熒惑犯積尸。 九月丙寅,流星大如斗,赤色,發太微西蕃,北行,未至北斗沒,餘光長 月壬戌夜,白虹見東方。丁丑,太白犯上將。八月癸未,太白入太微右掖門內,犯左執法。 三丈許。十月丙辰,金土相犯,在須女。月奄天關東井。十二月,月犯房鉤鈐。十年,仇池 元嘉八年四月辛未,太白晝見,在胃。 五月,犯天關東井。六月庚午,熒惑入東井。七

月入東井、犯太白。于時司徒彭城王義康專權。 昴、畢,西及五車,東及參。三月丙辰,太白晝見,在參。閏月戊寅,太白犯五諸侯。己丑, 門,犯右執法。七月丙午,月蝕左角。八月癸未,太白犯心前星。乙酉,犯心明堂星。元嘉 十年十月,有流星大如甕,尾長二十餘丈。元嘉十一年二月庚子,月犯畢,入畢口而出,因暈 犯房鉤鈐。己丑,太白入積尸。五月,犯軒轅。月掩南斗第六星。辛酉,熒惑入太微右掖 |元嘉九年正月庚午,熒惑入輿鬼。三月,月犯軒轅。四月,犯左角。歲星入羽林。月

元嘉十二年五月壬戌,月犯右執法。 七月壬戌,熒惑犯積尸,奄上將。 十月丙午,月犯

右執 法。 十二月甲申,太白犯羽林。 十七年,上將執法皆被誅。

兵出 <u>+</u> 元嘉 月戊子, 十三年正月庚午,月犯熒惑。 熒惑入羽林。 後年廢大將軍彭城王義康及其黨與。 二月,月犯 太微 東蕃第 一星。十一月辛亥,歲星 凡所收掩, 皆羽 犯 林 積

惑犯 丁未 上將。 ,太白犯輿鬼。 元嘉十四年正月,有星晡前晝見東北維,在井 九月丙戌, 五. 一月丙子,太白晝見,在太微。 熒惑犯左執法。 其後皇后袁氏崩。 左右,黄赤色,大如橘。 七月辛卯, 丹陽尹劉湛誅。 歲星 入 軒 轅。 月犯 尚書僕射殷景 八 東 月 井。 庚 申 四 熒 月

月癸未,熒惑入羽林。 元嘉 十五年四月己卯,月犯氐。 丁未,月犯東井鉞 十月壬戌,流星大 星。 其後誅丹陽 如鴨子,出文昌,入紫宮,聲如雷 尹劉湛等。

犯太微 章,誅其 法。 白犯畢。 十月, 元嘉十六年二月,歲星逆行犯左執法。 西 黨 上將。 歲星犯左執 與。 歲星熒惑相犯, 尙 太白晝見,在翼。 書僕射、揚州刺史殷景仁薨。 法。 七月,月會塡星。八月,太白犯軒轅。 在亢。 十一月,熒惑犯房北第一星。 九月、熒惑同入太微相犯。 五月丁卯, 太白 畫見胃、昴 太白犯左執 明年,大將軍義康出徙豫 明年,皇后袁氏崩。 間。 法。 月入 熒惑犯 羽 林。 熒惑 右執 太

未,有流星大如桃,出天津,入紫宮,須臾有細流星或五或三相續,又有一大流星從紫宮出, 徐、虎、南克、豫六州,民死太半。 占並云:「天子之使。」又曰:「庶民惟星。 入北斗魁,須臾又一大流星出,貫索中,經天市垣,諸流星並向北行,至曉不可稱數。 元嘉十九年九月,客星見北斗,漸爲彗星,至天苑末滅。元嘉二十年二月二十四日乙 星流,民散之象。」至二十七年,索虜殘破靑、冀、 流星

元嘉二十二年二月,金火木合東井。四月,月犯心。太白入軒轅。七月,太白晝見。其

冬,太子詹事范曄謀反伏誅。

元嘉二十三年正月,金火相樂。其月,索廣寇靑州,驅略民戶。

畫見。八月,征北大將軍衡陽王義季薨。<br />
豫章民胡誕世率其宗族破郡縣,殺太守及縣令。 又占:「流星入北斗,大臣有繫者。」又占:「流星爲民,大星大臣流,小星小民流。」四月,太白 占三衆星並流,將軍並舉兵。隨星所之,以應天氣。」又占三流星入紫宮,有喪,水旱不調。」 數百,至旦日光定乃止,有入北斗紫宮者。占:「流星羣趨所之者,兵聚其下,有大急。」又 元嘉二十四年正月,月犯心大星。天星並西流,多細,大不過如雞子,尾有長短,當有

星入太微。十一月,白氣貫北斗。二十七年夏,太白晝見經天。九月,太白犯歲星。十月, 元嘉二十五年正月,火、水入羽林。月犯歲星。太白晝見經天。元嘉二十六年十月,彗

熒惑入太微。 元嘉二十八年五月,彗星見卷舌,入太微,逼帝座,犯上相,拂屏,出端門,滅 翼、軫,荆州分。 太白晝見犯哭星。 三十年,太子巫蠱咒詛 事覺,遂殺害朝臣。 孝

健元年,荆、江二州反,皆夷滅。卷舌,咒詛之象,彗之所起,是其應也。

|元嘉二十九年正月,太白晝見,經天。 明年,東宮弑逆。

孝武 【孝建元年二月,有流星大如月西行。 其年,豫州刺史魯爽反誅

孝建 元年 九月壬寅,熒惑犯左執 法。 尚書左僕射建平王宏表解職,不許。

孝建 元 年十月乙丑,熒惑犯進賢星。 吏部尚書謝莊表解 職、不許。

孝建 二年 五 |月乙未,熒惑入南斗。 十月甲辰,又入南斗。 大明元年夏,京師疾疫。

孝建 三年四 月戊戌,太白犯輿鬼。 占曰:「民多疾。」明年夏,京邑疫疾

|孝建三年八月甲午,太白入心。 占曰:「後九年,大飢至。」大明八年,東土大飢,民死十

大明元年三月癸亥, 太白在奎南, 犯歲星。 占曰:「有滅諸侯。」三年,司空竟陵王誕

反誅。

大 明 元年六月丙申,月在東壁,掩熒惑。 占曰:「將軍有憂,期不出三年。」至三年,司空

竟陵王誕反。

大明二年三月辛未,熒惑入東井。四月己亥,熒惑在東井北犯軒轅第二星。

其年四月,海陵王休茂爲雍州刺史,五年,休茂反誅。

|大明二年七月己巳,月掩軒轅第二星。十月辛卯,月掩軒轅。十一月丙戌,月又掩軒

轅。軒轅,女主。時民間喧言人主帷薄不修。

|大明二年十一月庚戌,熒惑犯房及鉤鈴。 壬子, 熒惑又犯鉤鈴。 占曰:「有兵。」 其年,

索虜寇壓下,遣羽林軍討破之。

星,一曰刀星,天下有兵,戰鬭流血。月入太微,犯次將。占曰:「有反臣死,將誅。」三月,月 兗州刺史竟陵王誕尋據廣陵反,遣車騎大將軍沈慶之領羽林勁兵及豫州刺史宗殼、徐州刺 大赦,姦臣賊子謀欲殺主。」四月,犯五諸侯。占曰:「諸侯誅。」金、水合西方。占曰:「兵起。」 在房,犯鉤鈐,因蝕。占曰:「人主惡之,將軍死。」三月,土守牽牛。占曰:「大人憂疾,兵起, 曰:「人君有憂,天子惡之。」熒惑守畢。 占曰:「萬民饑,有大兵。」九月,太白犯南斗。 占曰: 史劉道隆衆軍攻戰。及屠城,城內男女道俗,梟斬靡遺。將軍宗越偏用虐刑,先刳腸決眼, 五月,歲星犯東井鉞。占曰:「斧鉞用,大臣誅。」六月,月入南斗。占曰:「大臣大將軍誅。」南 面 大明三年春正月夜,通天薄雲,四方生赤氣,長三四尺,乍沒乍見,尋皆消滅。占名隧 [鞭腹,苦酒灌創,然後方加以刀鋸。 大兵之應也。八月,月犯太白。太白犯房。 占

「大臣有反者。」九月,月在胃而蝕,旣,又於昴犯熒惑。占曰:「兵起,女主當之,人主惡之。」 曰:「女主憂,國王死,民饑。」十月,太白犯哭星。 占曰:「人主有哭泣之聲。」 自後六宮多

喪,公主薨亡,天子舉哀相係。

歲大旱,民饑

主惡之。明年,雍州刺史海陵王休茂反。 生,合八所,並長四尺,乍沒乍見,尋消盡。占曰:「天下有兵。」十二月,月犯箕 曰:「大臣誅。」十二月,月犯心中央大星。 月,有赤氣長一尺餘,在太白帝坐北。 「有反臣,大臣死。」六月,太白犯井鉞。 「有亂臣,太子惡之。」月入南斗魁中。 大明四年正月,月奄氐。占曰:「大將死。」又犯房北第二星。占曰:「有亂臣謀其主。」二 占曰:「兵起,臣欲謀其君。」五月,月入太微。 占曰:「大人憂,女主惡之。」七月,歲星犯積 占曰:「兵起,斧鉞用,大臣誅。」月犯心前 占曰:「大人憂。」十二月,通天有雲,西及 太白犯東井。 雍州兵亂之應也。 東北星。 星。 東 占曰: 占曰: 北 占 並

亡。」四月,太白犯東井北轅。占曰:「大臣爲亂,斧鉞用。」太白 用,人主憂。」六月,有流星白色,大如甌,出王良,西南行,沒天市中,尾長數十丈,沒後餘光 惡之。」有流星數千萬,或長或短,或大或小,並西行,至曉而止。占曰:「人君惡之,民流 曰:「大人憂,天下有兵。」火、土同在須女。占曰:「女主惡之。」三月,月掩 大明 五年正月、歲星犯輿鬼積尸。 占曰:「大臣誅,主有憂,財寶散。」月入南斗魁中。占 犯輿鬼。占曰:「大臣誅,斧鉞 軒轅。占曰:「女主

孝武帝、文穆皇后相係崩,嗣主卽位一年,誅滅宰輔將相,虐戮朝臣,禍及宗室,因自受害。 惑入井中。占曰:「王者亡地,大赦,兵起,爲飢。」月入太微,掩西蕃上將,犯歲星。占曰: 太白入亢,犯南第二星。占曰:「上將有憂,輔臣有誅者,人君惡之。」十月,太白入氐中。 良久。占曰:「天下亂。」八月,熒惑入東井。占曰:「大臣當之。」十月,歲星犯太微上將星。 下凶,有兵喪,天子惡之。」十一月,月掩心前星,又犯大星。占曰:「大人憂,兵起,大旱。」十 二月,太白犯西建中央星。占曰:「大臣相譖。」月犯左角。占曰:「天子惡之。」後三年, 「有反臣死。」大星大如斗,出柳北行,尾十餘丈,入紫宮沒,尾後餘光良久乃滅。 占曰:「天

歲星犯上將。占曰:「輔臣誅,上將憂。」六月,月入太微,犯右執法。占曰:「人主不安,天下 瞅有聲。占曰:「其下有兵,天下亂。」月掩昴七星。占曰:「貴臣誅,天子破匈奴,胡主死。」 飢,爲旱,近臣大臣謀主。」有星前赤後白,大如甌,尾長十餘丈,出東壁北,西行沒天市,啾 疫。」五月,月在張,又入太微,犯熒惑。占曰:「國主不安,女主憂。」火犯木在翼。占曰:「爲 之。」八月,月入南斗魁中。占曰:「大臣誅,斧鉞用,吳、越有憂。」明年,揚、南徐州大旱,田 大驚, 主不吉, 執法誅。」月犯心後星。占曰:「庶子惡之。」 七月, 月犯箕。占曰:「女主惡 二月,月掩左角。占曰:「天子惡之。」三月,熒惑入輿鬼。占曰:「有兵,大臣誅,天下多疾 大明六年正月,月在張,犯歲星。占曰:「民飢流亡。」月犯心後星。占曰:「庶子惡之。」

穀不收,民流死亡。自後三年,帝后仍崩,宰輔及尚書令僕誅戮,索虜主死,新安王兄弟受

害,司徒豫章王子尚薨,羽林兵入三吳討叛逆。

將相誅滅,皇子被害,皇太后崩,四方兵起,分遣諸軍推鋒外討。 占曰:「諸侯人君有入宮者。」十二月,月犯五車。占曰:「天庫兵動。」後二年,帝后崩,大臣 出。」八月,月入哭星中間。太白犯軒轅少微星。占曰:「人主憂,哭泣之聲,民飢流亡。」太白 犯第二星。占曰:「大人憂,吳郡當之。」太白犯輿鬼。占曰:「兵起,大將誅,人主憂,財帛 井。占曰:「大臣爲亂,斧鉞用。」七月,熒惑入東井。占曰:「兵起,大將當之。」月入南斗魁, 有兵、大戰。」六月,月犯箕。占曰:「女主惡之。」太白入東井。占曰:「大臣當之。」太白犯東 水相犯。 入太微。 曰:「天下有兵。」三月,月犯心後星。占曰:「庶子惡之。」四月,火犯金,在婁。占曰:「有喪, 大明七年正月夜,通天薄雲,四方合有八氣,蒼白色,長二三丈,乍見乍沒,名刀星。占 占曰:「天下飢。」熒惑守軒轅第二星。 占曰:「近臣起兵、國不安。」熒惑犯鬼。太白犯右執法。占曰:「大臣誅。」十月、金 占曰:「宮中憂,有哀。」十一月,歲星入氐。

憂,女主惡之。」二月,月犯南斗第四星,入魁中。 四月,月入南斗魁中,犯第三星。占曰:「大人有憂,女主惡之。丹陽當之。」太白入東井,入 大明八年正月,月掩輿鬼。 占曰:「大臣誅。」月入南斗魁中,掩第二星。占曰:「大人 占曰:「大人有憂,女主當之。 豫章受災。」

太微 星大 方賊起,王師水陸征伐,義興晉陵縣大戰,殺傷千計。 占曰:「有喪,大飢。」此後國仍有大喪,丹陽尹顏師伯、豫章王子尙死。 曰:「民飢,吳、越有兵。」七月,歲星入氐。十月,太白守房。 **%犯執** 如五斗甌,赤色有光,照見人面,尾長一丈餘,從參北東行,直下經東井,過南河,沒。占 占曰:「執法誅,近臣起兵,國不安。」六月,歲星犯氐。 占曰:「有兵,大喪。」月掩食房。 占曰:「歲大飢。」有流 明年,昭太后崩。 四

敬淵 將。十一月丁未,太白犯哭星。其月乙卯,月犯心。心為天王。其年,太宰江夏王義恭、尙 尸。輿鬼主斬戮。六月庚午,熒惑入東井。東井,雍州分。其月壬午,有大流星,前赤後 虚,齊地。二月甲申,月入南斗。南斗,揚州分野。又爲貴臣。三月庚子,月入輿鬼,犯積 書令柳元景、尚書僕射顏師伯等並誅。太尉沈慶之薨。廬陵王敬先、南平王敬猷、南安侯 白,入紫宮。景和元年九月丁酉,熒惑入軒轅,在女主大星北。十月,熒惑入太微,犯西上 並 前廢帝永光元年正月丁酉,太白掩牽牛。牽牛越分。 賜死。廢帝殞。明年,會稽太守尋陽王子房、廣州刺史袁曇遠、雍州刺史袁顗、青州 其月庚申,月在虛宿, 犯太白。

曰「有喪事。」明年,羽林兵出討。昭太后崩。 明帝泰始 元年十二月己巳,太白入羽林。 占曰:「羽林兵動。」乙亥,白氣入紫宮。占

刺史沈文秀並反。昭太后崩。

氏。 午, 南並 六師親戎。 右執法。 未,有流星大小西行,不可稱數,至曉乃息。占曰:「民流之象。」四月壬午,熒惑入太微,犯 出,至紫宮西蕃沒。占曰:「有兵。」其月丙辰,黑氣貫宿。〔三占曰:「王侯有歸骨者。」三月乙 畢、昴。占曰:「女主惡之。」其月庚子,月犯輿鬼。占曰:「將軍死。」其月甲寅,流星從五車 解,不許。 星百餘西南行,一大如甌,尾長丈餘,黑色,從河鼓出。又曰:「有兵。」其月壬午,太白在月 月犯南斗。 占曰:「春穀貴。」十一月癸巳,太白犯房。 出 泰始二年正月甲午,熒惑逆行在屛西南。 占曰:「有兵在中。」其月丙申,月暈五車,通 東 月在丙子,歲星畫見南斗度中。 占曰:「其國有軍容,大敗。」其月己卯,竟夜有流 方,爲犯。占曰:「有破軍死將,王者亡地。」七月甲午,月犯心。 心爲宋地。 其月丙 九月、諸方反者皆平、多有歸降者。 昭太后崩。 占曰:「大臣誅。」其月乙卯,熒惑犯氐。氐, 兗州分野。 大將殷孝祖爲南賊所殺。 明年,牛多疾死,詔太官停宰牛。 占曰:「牛多死。」其年,四方反叛,內兵大出, 後失淮北四州地,彭城、兗州並爲虜所沒,民 尚書右僕射蔡興宗以熒惑犯右執法,自 十月辛巳,太白入

「不出六十日,必大赦。」八月癸卯,天子以皇后六宮衣服金釵雜物賜北征將士。 明年二月, 泰始三年六月甲辰,月犯東井。 占曰:「軍將死。」熒惑犯輿鬼。 占曰:「金錢散。」又曰:

護軍王玄謨薨。

流

之驗也。

彭城、宋分也。

是春,穀貴民飢。

泰始四年六月壬寅,太白犯輿鬼。占曰:「民大疾,死不收。」其年普天大疫。

常宰相居之,易相之驗也。七年,晉平王休祐、建安王休仁並見殺。時失淮北,立戍以備防 「易相。」十月壬午,月犯畢。 占曰:「天子用法,誅罰急,貴人有死者。」其月丙申,太白犯亢。 占曰:「收斂國兵以備北方。」其年冬,建安王休仁解揚州,桂陽王休範爲揚州。 泰始五年二月丙戌,月犯左角。占曰:「三年天子惡之。」三月庚申,月犯建星。占曰: 後三年,宮車晏駕。 揚州牧前後

月乙亥,月犯東北轅。占曰:「大人當之。」又曰:「大臣有誅者。」二年,殺揚州刺史王景文。 泰始六年正月辛巳,月犯左角。同前占。八月壬辰,熒惑犯南斗。南斗,吳分。十一 北虜。

星。 角 宮車晏駕。 戌,月入太微,奄屛西南星。占曰:「貴者失勢。」四年七月,建平王景素據京口反。 時廢主 凶慝無度,五年七月殞,安成王入纂皇阼。三年,齊受禪。 曰:「大人當之,國易政。」十月丙戌,歲星入氐。占曰:「諸侯人君有來入宮者。」十一月庚 '太白與木星會,殺軍在外,破軍殺將。 其月丁巳,太白入氐。 氐爲天子宿宮,太白兵凶之 八月己巳,太白犯房北頭第二星。占曰:「王失德。」九月癸卯,太白犯南斗第三星。占 後廢帝元徽三年七月丙申,太白入角,犯歲星。占曰:「角爲天門,國將有兵事。」占,於

王。」又曰:「大人憂。」時廢帝出入無度,卒以此殞,安成王立 天子不可出宫下堂, 元徽 四年三月乙巳四,月犯房北頭第一星,進犯鍵閉星。 多暴事。」九月甲辰, 塡星犯太微西蕃。 占曰:「有謀伏甲兵在宗廟 占曰:「立王。」一曰:「徙

占曰:「有大令。」其月乙丑,月犯南斗第四星。 年,齊受禪。 占曰:「大赦。」五月戊申,太白晝見午上,光明異常。 曰:「大人憂,近期六十日,遠期六百日。」又曰:「人君惡之。」其月丙子,太白犯輿鬼西北 元徽五年正月戊申,月犯南斗第五星。 與前同占。 與前同占。 占曰:「更姓。」六月壬戌,月犯鉤 四月丁巳,熒惑犯輿鬼西北星。 七月,廢帝殞,大赦天下。 鈴星。 占

經天。占曰:「更姓。」閏十二月癸卯夜,月奄南斗第四星。 順帝昇明元年八月庚申,月入南斗,犯第三星。 與前 同占。 與前 同占。 九月丁亥,太白在翼,晝見

#### 校勘記

(一) 二月辛卯 南史宋本紀作「二月丙戌」。 按二月甲戌朔,十三日丙戌,十八日辛卯,未 知孰

十二月戊戌 庚子朔,二十四日癸亥,無戊戌。十二月己巳朔,三十日戊戌。 各本並作「十一月戊戌」。按上有十一月癸亥,此當是十二月戊戌。是年十一月

志第十六 校勘記

(三) 黑氣貫宿 殿本考證云:「宿字上當有脫字。」

[ B ] 元徽四年三月乙巳 「乙巳」下,各本並有「朔」字。按是年三月庚寅朔,十六日乙巳,「朔」字是

行文,今删去。

## 宋書卷二十七

### 志第十七

### 符瑞上

所。 洛出書,而聖人則之。」符瑞之義大矣。 臣賊子,所以多於世也。夫龍飛九五,配天光宅,有受命之符,天人之應。易曰:「河出圖, 推之於兆民之上,自中智以降,則萬物之爲役者也。性識殊品,蓋有愚暴之理存焉。見聖 人利天下,謂天下可以爲利,見萬物之歸聖人,謂之利萬物。力爭之徒,至以逐鹿方之,亂 百姓仰之,歡若親戚,芬若椒蘭,故爲旗章輿服以崇之,玉璽黃屋以尊之,以神器之重, 夫體睿窮幾,含靈獨秀,謂之聖人,所以能君四海而役萬物,使動植之類,莫不各得其

赫胥、燧人之前,無聞焉。

志

第十

七

符瑞上

太昊帝宓犧氏,母日華胥。 燧人之世,有大迹出雷澤,華胥履之,而生伏犧於成紀。

身人首,有聖德。 燧人氏沒,宓犧代之,受龍圖,畫八卦,所謂「河出圖」者也。 有景龍之瑞。

炎帝神農氏,母日女登,遊於華陽,有神龍首處女登於常羊山,生炎帝。 人身牛首,有

聖德,致大火之瑞。嘉禾生,醴泉出。

十年秋七月庚申,天霧三日三夜,晝昏。黃帝以問天老、力牧、容成曰:「於公何如。」天老 雌自舞。麒麟在囿,神鳥來儀。有大螻如羊,大螾如虹。黃帝以土氣勝,遂以土德王。五 星,凡三星,皆黄色,以天清明時見於攝提,名曰景星。黃帝黃服齋于中宮,坐于玄扈洛水 之,是以佞人不敢進。有景雲之瑞,有赤方氣與靑方氣相連,赤方中有兩星,靑方中有一 以女魃止淫雨。天下旣定,聖德光被,羣瑞畢臻。有屈軼之草生於庭,佞人入朝,則草指 壽丘。 拜曰:「龜不違聖智,故燋。」霧除,遊于洛水之上,見大魚,殺五牲以醮之,天乃甚雨,七日七 之,龜燋。史曰:「臣不能占也。其問之聖人。」帝曰:「已問天老、力牧、容成矣。」史北面再 郊而樂之,其鳴音中夷則,與天相副。以是觀之,天有嚴敎以賜帝,帝勿犯也。」乃召史卜 曰:「臣聞之,國安,其主好文,則鳳皇居之。國亂,其主好武,則鳳皇去之。今鳳皇翔於東 之上,有鳳皇集,不食生蟲,不履生草,或止帝之東園,或巢于阿閣,或鳴於庭,其雄自歌,其 黃帝軒轅氏,母曰附寶,見大電光繞北斗樞星,照郊野,感而孕。二十五月而生黃帝於 弱而能言,龍顏,有聖德,劾百神朝而使之。應龍攻蚩尤,戰虎、豹、熊、羆四獸之力。

魚流於海, 得溫 『、書焉。 龍圖 出河,龜書出洛, 赤文篆字, 以授軒轅。 軒轅接萬神於明

庭,今寒門谷口是也

帝摯少昊氏,母曰女節,見星如虹,下流華渚,旣而夢接意感,生少昊。 登帝位,有鳳皇

之瑞。

帝顓頊高陽氏,母曰女樞,見瑤光之星,貫月如虹,感己於幽房之宮, 生顓頊於若水。

首戴干戈,有聖德。 生十年而佐少昊氏,二十而登帝位

帝嚳高辛氏,生而駢齒,有聖德,代高陽氏王天下。 使鼓人拊鞞鼓, 擊鍾磬, 鳳皇鼓翼

而舞。

草生,嘉禾秀,甘露潤,醴泉出,日月如合璧,五星如連珠。 宿。 德,封於唐。 旦龍 生,食物寒而不臭,名曰「箑脯」。 以後,日落一莢,及晦而盡,月小則一 旣 帝堯之母曰慶都,生於斗維之野,常有黃雲覆護其上。 而陰 負 圖 風四合,赤龍感之。孕十四月而 加 夢攀天而上。 至,其文要曰:「亦受天祐。」眉八彩,鬢髮長七尺二寸,面銳上豐下,足 高辛氏衰,天下歸之。 又有草夾階而生,月朔始生一莢,月半而 炭焦而不落,名曰「蓂莢」,一曰「曆莢」。 生堯於丹陵,其狀如圖。 在帝位七十年,景星出翼,鳳皇在庭,朱 厨中自生肉, 及長,觀于三河,常有龍隨之。 及長,身長十尺,有聖 其薄 生十五炭,十 如箑,搖動 歸功於 履翼 則

志

風

出,背甲赤文成字,止于壇。其書言當禪舜。 赤文綠色,臨壇而止,吐甲圖而去。甲似龜,背廣九尺,其圖以白玉爲檢,赤玉爲字,泥以黃 昴。二月辛丑昧明,禮備,至於日昃,榮光出河,休氣四塞,白雲起,回風搖,乃有龍 東序。 約以靑繩。 後二年二月仲辛,率羣臣沈璧于洛。 檢文曰:「闓色授帝舜。」言虞、夏、殷、周、秦、漢當授天命。帝乃寫 遂讓舜。 禮畢,退俟,至于下昃,赤光起,玄龜負 其言,藏 馬銜甲, (書而

階,鳳 蕭 乎。」乃薦 在 井, 伏,樂正 口 位 索輪困,百工相和而歌慶雲。 自上塡之以石,舜服龍工衣自傍而 黑色,身長六尺一寸。舜父母憎舜,使其塗廩,自下焚之,舜服鳥工 十有 帝舜有虞氏,母曰握登,見大虹意感,而生舜於姚墟。 皇巢於庭,擊石拊石,百獸率舞,景星出房, 在 禹於天,使行天子 四年,奏鍾 走。 舜乃擁璿持衡 石笙筦未罷,而天大雷雨,疾風發屋拔 事。 而 笑曰:「! 于 帝乃倡之曰:「慶雲爛兮,糾縵縵兮。 時 和 出。 明哉! 氣普應,慶雲 耕於歷山,夢眉長 夫天下非一人之天下也,亦乃 地出 興焉,若煙 乘黃之馬,西王母獻白環 木,桴鼓播 目重瞳子, 故名重華。 與髮等。 非煙,若 地 及卽帝位,蓂莢 一衣服 鍾 雲非雲,郁 日月光華,旦復旦 磬 見于 飛 亂 去。 行,舞 玉 鍾 郁 龍顏大 石笙筦 玦 叉 紛紛, 舜 使浚 人頓 生於

踊 鼓之,軒乎舞之。 至,黃龍負圖,長三十二尺,廣九尺,出于壇畔,赤文綠錯,其文言當禪禹。 有常,星辰 躍 於其淵、龜鼈咸出其穴、遷虞而 羣臣咸進,稽首曰:「明明上天,爛然星陳。 日月光華,弘予一人。」帝乃再歌曰:「日月 有行。 精華以竭,褰裳去之。」於是八風修通,慶雲叢聚,蟠龍奮迅於其藏,蛟魚 四時從經,萬姓允誠。 事夏。 於予論樂,配天之靈。遷于聖賢,莫不咸聽。 舜乃設壇於河,依堯故事。 至于下昃,榮光休氣

融之神 生,性 者 長 事 於 於 也。 河,有 石 九尺九寸,夢自洗 帝禹 紐 也。 退 南巡狩,濟江, ,降于崇山。 長 入于淵。 虎鼻大口、〇一兩耳參鏤、首戴鉤鈴、胸有玉斗、足文履己、故名 有夏氏,母曰脩己,出行,見流星貫昴,夢接意感,旣而吞神珠。 死,命也。 人白面 禹治水旣畢,天錫玄珪,以告成功。 魚身,出 於河,以手取 乃受舜禪,卽天子之位。 奚憂龍哉」龍 中流有二黃龍負 曰:「吾河精也。」 水飲之。 於是曳 舟, 尾 呼禹曰:「文命治淫。」言訖,授禹 舟人皆懼。 又有白狐九尾之瑞。 洛出龜書六十五字,是爲洪範,此謂「洛出書」 而 逝。 夏道將興,草木暢茂,青龍 馬笑曰:「吾受命於天,屈力以養人。 當堯之世,舜舉之。 文命。 脩己背剖,而生禹 河圖 長 止 ,言治水之 於郊,祝 有 聖德。 禹

鳥 衝卵而 高 辛氏之世 墜之,五色甚好,二人競取,覆以玉筐。 一妃日 簡狄,以春分玄鳥至 之日, 從帝 簡狄先得而吞之,遂孕。 祀郊禖, 與其妹浴 於玄丘 胸剖而生契。長 之水。 有玄

志

第

十七七

符

瑞

上

湯在亳,能修其德。伊擊將應湯命,夢乘船過日月之傍,湯乃東至于洛,觀帝堯之壇 代之。檮杌之神,見于邳山。有神牽白狼銜鉤而入商朝。金德將盛,銀自山溢。 以乙日生湯,號天乙。豐下銳上,晳而有髥,句身而揚聲,身長九尺,臂有四肘,是曰 爲堯司徒,成功於民,受封于商。後十三世,生主癸。主癸之妃曰扶都,見白 退立,黃魚雙踴,黑鳥隨魚止于壇,化爲黑玉。又有黑龜,並赤文成字,言夏桀無道,湯當 命放、集,夢及天而舓之,遂有天下。商人後改天下之號曰殷。 「氣貫月,意感, 湯將奉天 了沈璧 脱湯。

乎! 官,有功於民。后稷之孫曰公劉,有德,諸侯皆以天子之禮待之。初黃帝之世,讖言曰:「西 冰上,大鳥來以一翼藉覆之。姜嫄以爲異,乃收養焉,名之曰棄。枝頤有異相。長爲堯稷 爲西伯,作邑于豐。文王之妃曰太姒,夢商庭生棘, 牢 飛龍盈 北爲王,期在甲子,昌制命,發行誅,旦行道。」及公劉之後,十三世而生季歷。季歷之十年, 前 以爲不祥,棄之阨巷,羊牛避而不踐;又送之山林之中,會伐林者薦覆之;又取而置寒 生昌 高 季歷之兄曰太伯,知天命在昌,適越終身不反。弟仲雍從之,故季歷爲嗣以及昌。昌 .辛氏之世妃曰姜嫄,助祭郊禖,見大人迹履之,當時歆如有人道感己,遂有身而生 於殷之牧野,此蓋聖人在下位將起之符也。季歷之妃曰太任,夢長人感已,溲于豕 ,是爲周文王。龍顏虎肩,身長十尺,胸有四乳。太王曰:「吾世當有興者,其在昌 太子發植梓樹於闕間,化爲松栢棫柞。

昧,榮 七年 火者 字,魚文消。 『姬受命,昌來提,撰爾維鈴報在齊。』」尚出游,見赤人自雒出,授尚書曰:「命曰呂, 封呂望於 度孟津,中流,白魚躍 百諸 子。」文王夢日月著其身,又鸑鷟鳴於岐山。 涯,王下趨拜曰:「望公七年,乃今見光景于斯。」 天遺汝師以佐昌。臣太祖 以告文王,文王幣告羣臣,與發並拜告夢。季秋之甲子,赤爵銜書及豐,止于昌戶,昌拜稽 房,昭理 首受之。 燔 侯,不期而 光並 制禮作樂, 書又曰:「殷帝無道、虐亂天下,皇命已移,不得復久, 四海。」文王旣沒,太子發代立,是爲武王。 魚以告天,天火流 其文要曰:「姬昌,蒼帝子,亡殷者紂王。」將畋,史徧 齊。 出 幕河, 燔魚以告天。 周 會。咸曰:「紂可伐矣。」 神鳥 `德旣隆,草木茂盛, 青雲浮至,青龍臨壇,銜玄甲之圖,坐之而去。 入王 鳳 皇見,莫炭 舟。 下,應以吉也。 史疇爲禹卜畋,得臯陶。 有火自天止于王屋,流爲赤烏,烏銜穀焉。 王俯取魚,長三尺,目下 生。 蒿 武王不從。 堪 乃 爲宮室,因名蒿宮。 與成王觀于河、洛,沈璧。 遂東伐紂,勝於牧野,兵不血 孟春六旬,五緯聚房。 尚立變名答曰:「望釣得玉璜,其文要曰: 及斜殺比干,囚箕子,微子 其兆 武王 有赤文成字,言斜可伐。 如此。」王至于磻谿之水,呂尚釣於 一駢齒望羊 靈祇遠離, ト之,曰:「將大獲, 非熊非羆 武王沒,成王少,周公 禮于洛,亦如之。 0 後有 禮 將伐紂, 万,而 畢,王退俟 穀者,紀后稷之德; 百神 鳳 皇銜 天下 去之,乃伐紂。 吹 至于 去, 歸 王寫以世 孟津 五. 旦攝政 之。 游 佐昌者 至于日 文王 星 乃

言自 龍 余 何 蒼 兕 德兮以感 周 (止于壇, [三] 背甲刻書,赤文成字,周公援筆以世文寫之,書成文消,龜墮甲而去。 公訖于秦、漢盛衰之符。麒麟遊苑,鳳皇翔庭,成王援琴而歌曰:「鳳皇翔兮於紫庭, 靈,賴先王兮恩澤臻,于胥樂兮民以寧。

孔子 肉。 名 子 秋、河、洛凡八十一卷、蓮已備。」天乃洪鬱起白霧摩地、赤虹自 驅 星罄折 有刻文。 車 |孔子曰:「天下已有主也,爲赤劉, 喬 趨 到 氣起,大燿興,玄丘制命,帝卯金。」孔子作春秋,制孝經,旣成,使七十二弟子向北辰 哀 楚西北 而 而 字受紀。」孔子曰:「汝豈有所見邪。」兒曰:「見一禽, 巨如羔羊, 頭上有角, 其末有 孔子 立 往,麟蒙其耳,吐三卷圖,廣三寸,長八寸,每卷二十四字,其言赤劉當起,曰:「周 公十四年,孔子夜夢三槐之間,豐、沛之邦,有赤煙氣起,乃呼顏淵、子夏往視之。 使曾子抱河、洛事北向。 范氏街,見芻兒摘麟,傷其左前足,薪而 跪受而 讀之曰:「寶文出,劉季握。 陳、項爲輔,五星入井從歲星。」兒發薪下麟示孔子, 孔子齋戒向北辰而拜, 卯金 刀,在軫北。 覆之。 孔子曰:「兒來,汝姓 上下,化爲黃玉,長三尺,上 告備于天曰"「孝經四卷,春 字禾子,天下服 爲赤誦

是爲昭 又寢於大澤,夢與神遇。 漢 高 帝 靈后。 父 日 劉 昭 執嘉。 靈后游 執嘉 於洛池, 是時雷電晦冥,太上皇視之,見蛟龍在其上,遂有身而生季, 之母, 有玉 夢赤鳥若龍戲己, 雞銜赤珠, 刻 曰 而 玉英,吞 生執嘉,是爲太上皇帝。 此 者 芸。 昭 靈 后 母: 取 名含 而吞

謂 進。 老父 常 帝 見 者夫人、兒子之貴,皆以 相 食。 呂 臥, 是為 道,願還。」高帝醉,曰 知。」卒與 魯元 心 公 老 東 知 二三臣 嫗 上常有 高 來 喜。 老父 其 日 井 父以足受,笑 守 ·, 直 公主 :「公常奇 處 歲 相 高 秦始 少 蛇 至良前 星 光怪。 好相 日「向 呂后 高帝 帝。 ,亦貴。老父 高 皇帝 帝 至, 怪 曰"「夫人,天下貴 人,相 隆準而 生惠帝、魯元 此 一而墮 而去,良殊大驚。 毎 問 者 日 女, 而 留 二二壯 東南 赤帝子 之,對曰:「季所居,上常有雲氣,故知 四 人多矣, 飲, 君相 行已去,云 欲爲貴 龍顏,美須鬊, 其 星 士行,何畏。」乃前,拔劍 履。顧謂 售輒 一從之。 I。 君貴 有 過,殺之。」 高帝 公主。 無如季 人。 天子氣。」於是東遊以厭之。 數 倍。 占曰 良曰:「孺 適從傍 不 人也。」令相 父去里所復來,曰:「孺子可敎也。 沛令善公, 呂后嘗 ·可言。」高帝被飲,夜行 相,願季 武 見者 左股有七十二黑子。 「以 負 舍來,呂后具言之。 疑嫗 異 義 與 子 自愛。 之,輒 下 兩子居 求不 取天下。」初,張良 二子,見惠帝 取 爲 斬蛇,蛇 履。」 詐, 與。 折其契。 臣 田 欲答之,忽然不見。 良愕然,欲毆 中,有一 有息女,願 何妄許 之。」高帝為沛 分爲 高帝隱 徑 微時,數從王媼、武負貰酒,醉 曰:「夫人所 單父 澤中。 高 兩, 帝追問 遊 老公過,請飲,呂后 劉季。」呂公曰:「非 爲 於下邳沂 於芒、陽 人呂公好 道開 前 之,以其老,乃下 箕箒妾。」 後 老父。 人反曰 以貴 五 公, 而 日 具 過。 Щ 水之上,[三] 相人,見高帝, 入 〈者,乃 澤 以 平明,與我會 L:「有· 老父 呂公妻媼 入秦,五 之 狀 後 告高 間 人來者, 女子 大 因 此 . , 呂后 [:「向 饋之 男。 星 取 所 怒 聚

志

年,張良果得穀城山下黃石,寶而祠之,死與合葬。 以黃石篇爲他人說,皆不省,唯高帝說焉。良曰:「此殆天所授矣。」五年而成帝業。後十三 爲王者師。後十三年,孺子見我濟北穀城山下,黃石卽我也。」旦視其書,乃太公兵法。 我會此。」凡三期而良前至。老父喜曰:「不當如是邪!」即出懷中一卷書與之,曰:「讀之,此 此。」良怪之,跪應曰:「諾。」五日,良往,父已先來,怒曰:「何與長者期而後也。五日,更與

青龍據妾心。」高帝曰:「我是也。吾爲爾成之。」一御而生文帝。 帝擊虜,而薄姬輸織室。 高帝見而美之,內於後宮,歲餘乃得幸。 將見幸,薄姬言:「妾昨夢 文帝之母薄姬,魏豹爲魏王,納之後宮。許負相之,當生天子,魏王別於是背漢,漢高

方在身,夢日入其懷,以告太子。太子曰:「是貴徵也。」生男,是爲武帝。 景帝王皇后初嫁爲金王孫妻,母臧兒卜筮曰:「當貴。」乃奪金氏而內太子宮,生男。男

四 進爲婕妤,居鉤弋宮,大有寵。十四月生男,是爲昭帝,號曰「鉤弋子」。」武帝曰:「聞昔堯十 奇女天子氣。召而見之。武帝自披其手,旣時申,得一玉鉤。由是見幸,號曰「拳夫人」。 (而生,今鉤弋子亦然。) 乃名其門曰堯母門。 武帝趙婕妤,家在河間,生而兩手皆拳,不可開。武帝巡狩過河間,四望氣者言,此有

昭帝元鳳三年正月,四泰山、萊蕪山南,民夜聞訩訩有數千人聲,晨往視之,見大石自

安。 光立宣帝,武帝曾孫,本名病已,在民間白衣三世,如孟言焉 病已,從白衣爲天子者。」時昭帝幼少,霍光輔政,以孟妖言誅之。 柳 立,高丈五尺,大四十八圍, 至入地八尺,三石爲足,立後,白鳥數千集其旁。又上林苑中 樹 博士眭孟占之曰:「石,陰類。 斷 臥地,一朝自起生枝葉,蟲齧其葉成文,曰:「公孫病已立。」陳留襄邑王社忽移至長 泰山,岱宗,王者禪代之處。 將有廢故之家,姓公孫,名 及昭帝崩,昌邑王又廢,

崩 者輒死。 興天下。」 今翁孺之徙,正值其地,日月當之。 ,<br />
晉史卜之,<br />
陰爲陽雄,<br />
土火相乘,故沙鹿崩。<br />
後六百四十五年,<br />
宜有聖女興,其齊田 元帝王皇后,齊田氏之苗裔。祖父翁孺,自東平陵徙元城。 翁孺生禁。 下相者云··「當大貴。」遂爲元帝皇后,生成帝 禁妻李氏方任身,夢月入其懷,生女,是爲元后。 元城郭東有五鹿之墟,即沙鹿 元城建公曰:「昔春秋沙鹿 地。 後八十年,當有貴女 每許嫁, 未行, 所許 乎?

史臣以爲漢興之符也。 初 ,秦始皇世,有長人十二,身長五丈,足跡六尺,見於隴西臨洮,前史以爲秦亡之徵, 自高帝至于平帝,十二主焉。

武將產 「此善事,不可言。」是歲,有嘉禾生產屋景天中,一莖九穗,異於凡禾,縣界大豐,故名光武 光武皇帝,父爲濟陽令。 一,乃開 而居之。 時有赤光,室中盡明,皇考異焉。 濟陽有武帝行宮,常封閉。 使卜者王長卜之。長辟左右曰: 哀帝建平元年十二月甲子夜,光

志

第

+

七

符瑞

上

也。 莽時,善望氣者蘇伯阿望光武所居縣舂陵城郭,暗曰:「氣佳哉 投太守任光。初光武微時,穰人蔡少公曰:「讖言劉秀發兵捕不道,卯金修德爲天子。」國師 白衣老公在道旁,曰:「努力!信都爲長安城守,去此八十里耳。」言畢,失所在。遂至信都, 遣王霸視之。 河北,爲王郎所逼,將南濟滹沱河。導吏還云:「河水流澌, 之符,人應爲大。」光武又夢乘赤龍登天,乃卽位,都洛陽,營宮闕。一夕有門材自至,是時 號,光武辭。前至鄗縣,諸生彊華又自長安詣鄗,上赤伏符,文與脩合。羣下又請曰「受命 公劉子駿名秀。少公曰:「國師公是也。」光武笑曰:「何用知非僕。」道士西門君惠等並云: 比至,而河冰皆合,其堅可乘。旣渡,餘數乘車未畢而冰陷。 而錢文有金,乃改鑄貨泉以易之。 「劉秀當爲天子。」光武平定河北,還至中山,將軍萬脩得赤伏符,言光武當受命。 羣臣上尊 歷運中義,當再受命。」於是改號爲太初元將元年,稱陳聖劉太平皇帝以厭勝之。王 時又有鳳皇集濟陽,於是畫宮爲鳳皇之象。 霸往視,如吏言。」霸慮還以實對,驚動衆心,乃謬云:「冰堅可渡。」帝馳進。 旣而光武起於舂陵之白水鄉,貨泉之文爲「白水眞人」 明年,方士有夏賀良者, 無船可渡。」左右皆恐懼。 前至下博城西,疑所之。有一 ! 鬱鬱葱葱然。」莽忌惡漢, 上言哀帝云 及在

琅邪開陽縣城門,一夕無故自亡,檢所得材,即是也,遂名其門曰開陽門。先是秦穆公時,

陳倉 之貴 微,枝 在於. 陳倉 興、疎矣。 可 外 祠, 臣 曰:「往者周亡,戰國 知 騒 無百 ,常在地 招集英俊,而公孫述稱帝於蜀,天下雲擾,大者 擾 名曰 人掘地得物,若羊非羊,若猪非猪,怪,將獻之。 人以告穆公,穆公發徒大獵,得其雌者,化而 得其雄者王, 葉强 傾 人也?願 詩 遠 年之柄。 擅 隗囂 云 陳寶祠 昔秦 朝 大,故 近 下食死 俱 廷, 皇矣 日 失 發, 至於 其 先 「先生 能 o 八其鹿, 人腦。若欲殺之,以栢東南枝指之,則死矣。」豱 雄南 得其雌者霸。」於是陳倉人遂棄溫而逐二僮子,二僮子 上帝 末 竊 生論之。」 假 並爭,天下分裂,數世然後定。 成帝 號位 流 號 言周 ·,臨下 劉季 有縱橫之事 雲 飛 一, 而 合, 假借 集南陽穰縣,其後 逐而掎之,時民復知漢乎。」彪旣感囂言, 對 有赫 不根 漢之勢, 咸稱 曰:「周之廢 外家、哀、平短 於民,是以卽真 ',其勢然 劉氏,不謀 鑒觀 可 也。 匹 方,求民之瘼。』今民皆謳 也。 興與漢 光武興於南陽。 至於 祚 而 漢 同 爲石,置之浒、渭之間。至文公,爲之立 之後,天下 或 連州 家承 但 辭。 異。 嗣 縱橫之事,復起於今乎。 道逢二僮子,謂之曰:「子知彼乎,名爲 見愚民 三絕,禍 郡, 昔周立 秦之制 方今雄 小 習識 莫 者 光武之初興 不 桀帶 自 ,那縣治 爵五等, 據 劉 引 上 因言曰:「此二僮子,名爲 縣邑。 氏 州 領 起,傷不 吟思 又愍狂狡之不息, 姓號 域者,皆無 而 諸侯 民,主有專己之威 歎 化為雉,飛 暠問 漢 也, 心之故 ·及下。 向 從 + 將 扶風 政, 仰 承 餘 七 而 劉 年間 運 謂漢 國 擁 本根旣 故王氏 人 氏,已 迭 入林 八班彪 衆隴 世 中中 興, 乃 復 業

志

# 著王命論以救時難。辭曰:

未見運世無本,功德不紀,而得堀起在此位者也。世俗見高祖興於布衣,不達其故,以 從民,其揆一焉。是故劉氏承堯之祚,氏族之世,著于春秋。唐據火德,而漢紹之。始 虞,光濟四海,奕世載德,至于湯、武,而有天下。 覩之於人事矣。 可以智力求也。 爲適遭暴亂,得奮其劍。游說之士,至比天下於逐鹿,幸捷而得之。不知神器有命,不 厚利積累之業,然後精誠通于神明,流澤加於生民。故能爲鬼神所福嚮,天下所歸往。 起沛澤,則神母夜號,以章赤帝之符。由是言之,帝王之祚,必有明聖顯懿之德,豐功 昔在帝堯之禪曰:「咨爾舜,天之曆數在爾躬。」舜亦以命禹。 悲夫!此世之所以多亂臣賊子者也。若然者,豈徒闇於天道哉,又不 雖其遭遇異時,禪代不同,至于應天 洎于稷、契,咸佐唐、

叉況 奮六翮之用,紊梲之材,不荷棟梁之任,斗筲之子,不秉帝王之重。 [5]曰:「鼎折足,覆 雖遭罹 何則? 么麼不及數子,而欲誾干天位者乎。是故駑蹇之乘,不騁千里之塗,鵝雀之儔,不 夫 一、餓饉流隸,饑寒道路,思有裋褐之褻,檐石之畜,所願不過一金,然終於轉死溝 厄會,竊其權柄,勇如信、布,强如梁、籍,成如王莽,然卒潤鑊伏鑕,烹菹分裂; 貧窮亦有命也。 況乎天子之貴,四海之富,神明之祚,可得 而妄據哉!故

明,猶能推事理之致,探禍福之機,全宗祀於無窮,垂册書於春秋,而況大丈夫之事乎。 獲於楚。有漢使來,陵母見之,謂曰:「願告吾子,漢王長者,必得天下,子謹事之,無有 言,而陳氏以寧。王陵之母,亦見項氏之必亡,而劉氏之將興也。 是故窮達有命,吉凶由人,嬰母知廢,陵母知興,審此二者,帝王之分決矣。 公餗。」不勝其任也。當秦之末,豪桀共推陳嬰而王之。嬰母止嬰曰:「自吾爲子家婦, 二心。」遂對漢使,伏劍而死,以固勉陵。其後果定於漢,陵爲宰相封侯。夫以匹婦之 而 世貧賤,卒富貴,不祥。不如以兵屬人,事成,少受其利,不成,禍有所歸。」嬰從其 是時陵爲漢將,而母

高祖而夢與神遇,震雷晦冥,有龍蛇之怪。及長多靈異,有殊於衆,是以王、武感物而 力,羣才畢舉,此高祖之大略所以成帝業也。若乃靈瑞符應,又可略聞矣。初劉媼任 己、從諫如從流、趨時如響赴、當食吐哺、納子房之策、拔足揮洗、揖酈生之說、寤戍卒 折契,呂公覩貌而進女;秦皇東遊以厭其氣,呂后望雲而知所處;始受命則白蛇分,西 之言,斷懷土之情;高四皓之名,割肌膚之愛,舉韓信於行陣,收陳平於亡命,英雄陳 入關則五星聚。故淮陰、留侯謂之天授,非人力也。 曰寬明而仁恕,五曰知人善任使。加之以信誠好謀,達於聽受,見善如不及,用人如由 蓋在高祖,其興也有五:一日帝堯之苗裔,二日體貌多奇異,三日神武有徵應,四

識,收陵、嬰之明分,絕信、布之覬覦,距逐鹿之瞽說,審神器之有授,無貪不可幾,爲二 母之所笑,則福祚流于子孫,天祿其永終矣。 天年之壽,〔<〕遇折足之凶,伏鈇鉞之誅。 英雄誠知覺寤,畏若禍戒,超然遠覽,淵然深 應不同斯度,而欲昧於權利,越次妄據,〔七〕外不量力,內不知命,則必喪保家之主,失 歷古今之得失,驗行事之成敗,稽帝王之世運,考五者之所謂,取舍不厭斯位,符

隗囂不納,果敗。

六,當有龍飛之秀,興復祖宗。」及漭篡漢,漢二百一十年矣。 漭十八年而敗,光武興焉。 明帝初生,豐下兒上,赤色似堯,終登帝位。 漢元、成世,道士言:「讖者云:『赤厄三七。』三七,二百一十年,有外戚之篡。 祚極三

蕩蕩 及天而
、之、「二」此皆非常夢也。」
既而入宮,遂登尊位。 少時,相者蘇文見后,「亞鰲曰:「此成湯之骨法也,貴不可言。」后嘗夢登梯,以手捫天,天體 正青而滑,有若鍾乳者,后仰吮之。以訊之占夢。占夢者曰:「堯夢攀天而上,こ口湯夢 和帝鄧皇后,祖父禹,佐命光武,常曰:「我將百萬人,未嘗妄殺一人,子孫當大興。」后

安帝未卽大位,在邸,數有神光赤蛇嘉應,照曜室內,磐紆殿屋牀第之間,後遂入承大

記之。 間,其鋒不可當。」靈帝熹平五年,黃龍見識。光祿大夫橋玄問太史令單颺曰:[三]「此何祥 也。」颺曰:「其國後當有王者興,不及五十年,亦當復見天事恒象,此其徵也。」內黃殷登默 初桓帝之世,有黃星見於楚、宋之分。遼東殷馗曰:「後五十年,當有眞人起於鸝、沛之 其後曹操起於醮,是爲魏武帝。建安五年,於黃星見之,歲五十年矣。 而武帝破袁

紹,天下莫敵。 漢帝禪位於魏,魏王辭讓不受,博士蘇林、董巴上言:「臣聞天之去就,固有常分,聖人當之, 矣,颺之言其驗茲乎。」四月,饒安言白虎見。曰言八月,石邑言鳳凰集,又有麒麟見。十月, 又見識,殷登猶存,歎曰:「黃龍見於熹平也,單颺云:『不及五十年,亦當復見。』今四十五年 望氣者以爲至貴之祥,非人臣之氣。善相者高元呂曰:「其貴不可言。」延康元年三月,黃龍 大也。曹者、衆也。衆而且大、天下之所歸乎。」建安十八年,武帝爲公,又進爵爲王。二十 者名官職不言曹,自漢以來,名官盡言曹,吏言屬曹,卒言侍曹,此殆天意也。」周曰:「魏者, 名也。 也。」舒旣沒,譙周又問術士杜瓊曰:「周徵君以爲當塗高,魏也。 五年,武帝薨,太子丕嗣爲魏王,是爲文帝。文帝始生,有雲青色,圓如車蓋,當其上終日。 春秋讖曰:「代漢者,當塗高也。」漢有周舒者,善內學。人或問之,舒曰:「當塗高者,魏 當塗而高,聖人以類言耳。」又問周曰:「寧復有所怪邪。」周曰:「未達也。」瓊曰:「古 其義何在。」瓊曰:「魏,闕

志

第

昭然不疑。 告上帝,布詔天下。然後改正朔,易服色,正大號,天下幸甚。」其所陳事曰: 所在,卽尊之驗,在於今年此月,昭晢分明。 謹條奏如左。 唯陛下遷思易慮,以時卽位,顯 審。陛下受天之命,符瑞告徵,丁寧詳悉,反覆備至,雖言語相論,無以代此。今旣發詔書, 不稽漏刻,天下已傳矣。所以急天命,明天下不可一日無君。今漢期運已終,妖異絕之已 璽綬未御,固執謙讓,上稽天命,下違民情。臣謹按古之典籍,參以圖緯,魏之行運及天道 故堯捐骨肉而禪有虞,終無客色。舜發壟畝而居天下,若固有之。其相授間,

年。 之分野也。」昔光和七年,自己歲在大梁,武王始受命爲將,討黃巾。是歲改年爲中平元 十二次,所在國天子受命,諸侯以封。周文王始受命,歲星在鶉火,至武王伐紂,十三 年,歲星復在鶉火。故春秋傳曰:「武王伐尉,歲在鶉火。」又曰:「歲之所在,則我有周 年,歲復在大梁,陛下受命。此魏得歲與周文、武受命相 建安元年,歲復在大梁,始拜大將軍。十三年,復在大梁,始拜丞相。今二十五 天有十二次,以爲分野,王公之國,各有所屬。周在鶉火,魏在大梁,歲星行歷,凡 應。

改制天下,口思與詩協矣。顓頊受命,歲在豕韋,衞居其地,亦在豕韋。故春秋傳曰: :「王者布德於子,治成於丑。」此言今年天更命聖人,制法天下,布德於民也。 今年青龍在 |庚子,詩推度災日:「庚者,更也。 子者,茲也。 聖人制法天下治。」又 魏以

「衞,顓頊之墟也。」今十月,斗之所建,則顓頊受命之分也。。魏以十月受禪,此同符始

祖受命之驗也。

德承漢之火,其於行運合於堯、舜授受之次。 |魏之氏族,出自||顓頊,與舜同祖,見于春秋世家。 舜以土德承/堯之火,今魏亦以土

魏王猶未許。太史丞許芝又上天文祥瑞:

+ 蝕。 微,人主改姓。 也。 子明堂政教之首。北斗七星,主尊輔象近臣。紫微者,北極最尊。 晦壬子,日蝕。 文昌、軒轅、太微、鋒炎刺帝坐。 九年正月,白虹貫日。 星出庫樓,歷犯氐、房宿,北入天市,犯北斗、紫微。 氐爲天子宿宮,路寢所止。 日黃昏時,月蝕熒惑,過人定時,熒惑出營室,宿羽林。 建安二十三年三月,弗星晨見東方二十餘日,夕出西方,犯歷五車、東井、五諸侯、 建安十八年秋,歲星、鎭星、熒惑俱入太微,逆行留守帝坐百有餘日。歲星入太 自建安三年十二月戊辰,有新天子氣見於東南,到今積二十三年。建安十年,茀 鎭星入太微,內有兵亂,人主以弱。三者,漢改姓易代之異也。 日者陽精,月爲侯王,而以亥子日蝕,皆水滅火之異也。 湯傳曰:「后妃擅國,白虹貫日。」建安二十一年五月朔己亥,日 **茀者除舊布新,亡惡興聖之異也。** 月爲大臣侯王之象; 熒惑火 此除掃漢家之大異 建安二十四年二月 延康元 房爲天 建安十 年九月

志

赤色;光不明,赤而小,與小星無別,皆漢家衰亡之異也。 之異也。 熒惑火精,行縮日一度有餘。故太史令王昱以爲漢家衰亡之極。熒惑大而 精,漢氏之行。占曰:「漢家以兵亡。」延康元年九月二十日,剝卦天子氣不見,皆崩亡

氣受,眞人出。」言午「許」字,兩日「昌」字,漢當以許亡,魏當以許昌。今際會之期在 也。易運期曰:「言居東,西有午,兩日並光日居下。其爲主,反爲輔,口也五八四十,黃 横一, 聖明聰。[18]四百之外, 易姓而王。 天下歸功致太平。] 此魏王之姓諱著見圖讖 名爲董侯,名不正,蒙亂荒惑,其子孫以弱亡也。孝經中黃讖曰:「日載東,紀火光。不 佐助期又曰:「漢以蒙孫亡。」說者以蒙孫直漢二十四帝, 童蒙愚惑以弱亡。 漢帝少時 塗高者,魏也;魏者,象魏兩闕之名當道而高大者也。魏當代漢,如李雲之言也。春秋 氣見,當塗高已萌,欲使漢家防絕萌牙。今漢都許,日以微弱,當居許昌以失天下。當 「代赤者魏公子。」春秋佐助期日:「漢以許昌失天下。」故白馬令甘陵李雲上事,言許昌 者也。易傳又曰:「聖人清靜行中正,賢人至,民從命,厥應麒麟來。」春秋玉版讖曰: 戊己日見,五色文章皆具,聖人得天受命。黃龍以戊寅見,此帝王受命之符瑞最著明 受命,厥應鳳皇下,天子虜。」易傳又曰:「黃龍見,天災將至,天子絀,聖人出。」黃龍以 ·易傳曰:「上下流通聖賢昌,厥應帝德鳳皇翔,萬民喜樂無咎殃。」 易傳又曰:「聖人

許,是其大效也。 易運期又曰:「鬼在山,禾女運,王天下。」

洛陽 黃天當立。」 年,君將終。 子臣:「天道 於是魏王受漢禪,柴於繁陽,有黃鳥銜丹書, 民 疑年代久遠,傳記者謬誤 譌言虎賁寺有黃人,觀者日數萬, 此魏氏依劉向自云土德之符也。 何祥。」對曰:「 終後四百年,邾王天下。」皆如其言。邾王天下,蓋謂魏國之後。 後五年五月丁亥,臣將死。 道路斷絕。 集于尚書臺,於是改元爲黃初。 先是周敬王之四十七年,宋景公問大夫邢史 中平元年,黃巾 死後五年五月丁卯,吳將亡。 · 賊起,云:「蒼天已死, 漢中平二年, 言四百年則 亡後五

高貴鄉公初生,有光氣照耀室屋,其後卽大位。

陽,男子張嘉、王休獻玉璽,備後稱帝於蜀 侯七傑爭民命,炊骸道路,誰使主者玄且來。」「日之備字玄德,故云「玄且來」也。 爲帝際。」「「〇洛書寶予命曰:「天度帝道備稱皇,以統握契,百成 有天子出 風,從璿璣下來應之。[10]建安二十二年中,屢有氣 曰:「帝三建,九會備。」先是,術士周羣言,西南數有黃氣,直立數丈,如此積年,每有景雲祥 劉 備 其方。」太白、熒惑、鎭星從歲星,又黃龍見犍爲武陽之赤水,九日乃去。 身長七尺七寸,垂手過膝,顧自見耳。 洛書甄燿度曰:「赤三日,德昌九世會備,合 如旗,從西竟東,中天 不敗。」洛書錄運期 而 行。 孝經 圖 書日 關羽在襄 鉤 日「九 命決

孝廉。 詣 許,顧見我去,卽可葬也。」鍾去三十步,便反顧,見三人並乘白鶴飛去。 汙其地,表以惡名,故曰囚卷縣,今嘉興縣也。 祿胙不終。 大口紫髥,長上短下。漢世有劉琬者,能相 夢月入懷,今又夢日入懷,何也。] 壓曰:「日月陰陽之精,極貴之象,吾子孫其興乎。」權方頤 堅 王,夢乘龍上天,顧不見尾。 年,夏口、武昌並言黃龍、鳳皇見。曰三其年,權稱尊號。 東有天子氣。」獻帝興平中,吳中謠言:「黃金車,斑闌 有王者之勢。」於是秦始皇乃改金陵曰秣陵,鑿北山以絕其勢。至吳,又令囚徒十餘萬人掘 而容貌奇異。 地在縣 母任堅,夢腸出繞吳昌門。 鍾乞瓜,鍾厚待之。 孫堅之祖 :城東,冢上數有光怪,雲氣五色上屬天,衍數里。 父老相謂此非凡氣, 初,秦始皇東巡,濟江。望氣者云:「五百年後,江東有天子氣出於吳,而金陵之地, 唯中弟孝廉,形貌奇偉,骨體不恒,有大貴之表,年又最壽。爾其識之。」權時爲 堅妻吳氏初任子策,夢月入其懷,後孕子權,又夢日入懷。 名鍾,家在吳郡富春,獨與母居。性至孝。 三人謂鍾曰:「此山下善,可作冢,葬之,當出 以告鄰母,鄰母曰:「安知非吉祥也。」昌門,吳郭門也。 人,見權兄弟,曰:「孫氏兄弟,雖各才智明達,然 漢世術士言:「黃旗紫蓋,見於斗、牛之間,江 耳。 年至七十一而薨。權子休初封琅邪 遭歲荒,以種 開昌門,出天子。」魏文帝黃初三 天子。君可下山百步 瓜爲業。 告堅曰:「昔任策, 鍾死,即葬其地。 孫氏其 忽有三少年 〈興矣。 堅生

後得大位,其子被廢。

之玄川 中布 八卦 西。 五馬 曹。」及魏 體 乾生其象,坤育其形。 有「討曹」,鑿去爲「計」,以蒼石塞之,宿昔而白石滿焉。當時稱爲祥瑞,班下天下。處士張蔣 此 此言司馬氏之王天下,感德而生,應正吉而王之符也。」騎又爲贊曰:「皇德遐通,實降嘉靈。 尉屬程猗說曰:「夫大者,盛之極也。 金者,晉之行也。 中者,物之會也。 曰:「夫神兆未然,不追往事,此蓋將來之休徵,當今之怪異也。」旣而晉以司馬氏受禪。 馬甲寅述水」凡三十五字。白哥石色蒼,而物形及字,並白石書之,皆隆起。 列 列 、麟、鹿、鳳皇、仙人之象。 而 有石馬十二,其一仙人騎之,其一 漢元、成之世,先識之士有言曰:「魏年有和,當有開石於西三千餘里,繫五馬,文曰 溢 宿彗星之象。 王,中允克明。 涌,石形改易,狀似雲龜,廣一丈六尺,長一丈七尺一寸,白三圍五丈八寸, 之初興也,張掖删丹縣金山柳谷有石生焉,周圍七尋,自己中高一 有文字曰:「上上三天王述大會討大曹金但取之金立中大金馬一疋中正 有玉 關壽無疆,於萬斯齡。」 玄石旣表,素文以成。瑞虎合仁,白麟燿精。 匣開蓋於前,有玉玦二,玉璜一。 始見於建安,形成於黃初,文備於太和。 覊靽,[三]其五有形而不善成,其五成形。 又有麒麟、鳳皇、白虎、馬、牛於 神馬自圖,金言其形。 至靑龍 吉者,福之始也。 仞,蒼質素章,有 魏明 三年, 帝 叉有 大吉關 惡其文 立于川 柳 太 牛 谷

宣帝有狼顧之相,能使面正向後,而身形不異。 魏武帝嘗夢有三匹馬在一槽中共食,

第

其後宣帝及景、文相係爲宰相,遂傾曹氏。 髮,黃單衣,黃巾,柱杖呼民王始語云:「今當太平。」頃之,受魏 臣之相也。」由是得立。 撫軍,懼不立,以相貌示裴秀,秀言於文帝曰:「中撫軍振髮籍地,垂手過膝,天 及嗣晉位,其月,襄武縣言有大人相,長三丈餘,足跡三尺一寸,白 文帝未立世子,有意於齊獻王攸。 禪。 表 武帝時 如此,非人

吳,琅邪武王伷率衆出涂中,亞尼西王渾逼歷陽,王濬已次近路。 越二將,而遠送詣伷,識者咸怪之。吳之未亡也,吳郡臨平湖一旦自開,湖邊得石函,中有 月明、邀侯急、四衢斷絕、不得去。 之左,眼有精光燿。 辰、太白四星聚於牛、女之間,常裴回進退。愍帝建興四年,晉陵武進人陳龍在田中得銅鐸 後元帝興於江左。 吳亡後,蔣山上常有紫雲,數術者亦云,江東猶有帝王氣。又謠言曰: 小青石,刻作皇帝字。舊言臨平湖塞天下亂,開則天下太平。吳人以爲美祥。俄而吳滅。 王伸封東莞, 他, 元帝祖也。 曰:「銅馬入海建業期。」元帝小字銅環。Cliti永嘉初,元帝以安東將軍鎭建業,時歲、鎭星、 五馬游度江,一馬化爲龍。」元帝與西陽、汝南、南頓、彭城五王過江,而元帝升天位。 讖書 武帝咸寧元年,大風吹帝社樹折,有靑氣出社中。 隨惠帝幸鄴。成都王穎殺東安王繇,繇,元帝叔父也,帝懼,欲出奔,而 元帝以咸寧二年夜生,有光照室,室內盡明,有白毛生於日角 有頃,天陰,風雨大至,候者皆休,乃得去。初,武帝伐 占者以爲東莞有天子氣。 孫皓欲降,送天子璽綬,近 時現邪武

毗陵爲晉陵,時元帝始霸江、揚,而戎翟稱制,西都微弱。 干寶以爲晉將滅於西而興於東之 位,果三十八年。先是,宣帝有寵將牛金,屢有功,宣帝作兩口榼,一口盛毒酒,一口盛善 康三年,建鄴有寇,餘姚人伍振筮之,曰「寇已滅矣。三十八年,揚州有天子。」至元帝卽天 忘石瑞,馬後有牛乎。」元帝母夏侯妃與琅邪國小史姓牛私通,而生元帝。愍帝之立也,改 酒,自飲善酒,毒酒與金,金飲之卽斃。景帝曰:「金名將,可大用,云何害之。」宣帝曰:「汝 大樟樹,大三十五圍,枯死積久,永嘉中,忽更榮茂。景純並言是元帝中興之應。初武帝太 口 且 五 徑四寸,其器雖小,形制甚精,上有古文書十八字,其四字可識,云:「會稽徽命。」豫章有 ,柄口皆有龍虎形,又有將雛雞雀集其前,皆驅去復還,至于再三,又有鵝三四頭,高飛 周回東西,晝夜不下,如此者六七日。 會稽剡縣陳淸又於井中得棧鐘,長七寸二分,

逆旅 徒,還家,亦至 異,名爲奇奴。 「室內那得此異物。」嫗遽入之,見帝已覺矣。 嫗密問:「向何所見。」門生曰:「見有一物,五 嫗曰:「室內有酒,自入取之。」帝入室,飲於盎側,醉 武帝居在丹徒,始生之夜,有神光照室,其夕,甘露降于墓樹。皇考以高祖生有奇 此逆旋。 皇妣旣殂,養於舅氏,改爲寄奴焉。少時誕節嗜酒,自京都還,息於逆旅 逆旅 嫗 曰「劉郎在室內,可入共飲酒。」此門生入室,驚出 臥 地。 時司 徒王 謐有門生居在丹 謂 嫗日:

志第十七

符瑞

上

中,女子獨立又爲雙。」二口建戈,「劉」字也。晉氏金行,劉姓又有金,故曰兩金相刻。空穴中,女子獨立又爲雙。」二口建戈,「劉」字也。晉氏金行,劉姓又有金,故曰兩金相刻。空穴 治, 穗。後二年而受晉禪。孔子河雒讖曰:「二口建戈不能方,兩金相刻發神鋒,空穴無主奇入 世之數也。」普嚴以告同學法義。法義以十三年七月,於嵩高廟石壇下得玉壁三十二枚,黃 門曰:「江 興。』義熙元年至元熙元年十一月朔,日有蝕之凡四,皆蝕從上始,臣民失君之象也。 金一餅。漢中城固縣水際,忽有雷聲,俄而岸崩,得銅鐘十二枚。又鞏縣民宋燿得嘉禾九 軍,是漢家苗裔,當受天命。吾以三十二璧,鎭金一餅,與將軍爲信。三十二璧者,劉氏卜 晉陵人車藪善相人,自己相帝曰:「君貴不可言,願無相忘。」晉安帝義熙初,帝始康晉亂,而 傷,通中者數矣,以散傳之,無不立愈。自少至長,目中常見二龍在前,始尙小,及貴轉大。 采如蛟龍,非劉鄭。」門生還以白謐,謐戒使勿言,而與結**厚**。 曰:「去義熙元年,至元熙元年十月,太白星晝見經天凡七。 無主奇入中,爲「寄」字。女子獨立又爲雙,「奴」字。晉旣禪宋,太史令駱達奏陳天文符讖 文書一百六十字。 冀州有沙門法稱將死,語其弟子普嚴曰:「嵩皇神告我云,江東有劉將 興霸業焉。廬江霍山常有鐘聲十二。帝將征關、洛,霍山崩,有六鐘出,制度精奇,上有古 非此藥不能瘳也。」倏忽不見沙門所在。 以散傅創卽愈。 餘散帝寶錄之,後征伐屢被 ,表尋當喪亂,拯之必君也。」帝患手創積年,沙門出懷中黃散一裹與帝曰:「此創難 帝嘗行至下邳,遇一沙門,沙 占曰:『天下革民更王, 異姓 義熙

己,至元年四月二十七日,從端門出積屍,留二百六日,繞鎭星。熒惑與鎭星鉤已天廷,天 得召人。』召人,聖主也。一曰:『彗孛紫微,天下易主。』十四年十月一日,熒惑從入太微鉤 除舊布新之徵。 大人應天命之符。』金雌詩云:『大火有心水抱之,悠悠百年是其時。』火,宋之分野。水,宋 星合,是謂改立。』元熙元年十二月二十四日,四黑龍登天。。揚傳曰:『冬龍見,天子亡社稷, 下更紀。十四年十二月,歲、太白、辰裴回居斗、牛之間經旬。斗、牛,曆數之起。占曰:『三 **掃北斗及紫微中。占曰:『彗星出太微,社稷亡,天下易政。入北斗,帝宫空。』一占:『天下** 聖人受命。』十四年七月二十九日,彗星出太微中,彗柄起上相星下,芒尾漸長至十餘丈,進 亡君之戒。有立王,有徙王。』十四年五月十七日,茀星出北斗魁中。占曰:『星茀北斗中, 月行失道,恒北入太微中。占:『月入太微廷,王入爲主。』十三年十月,鎭星入太微,積留七 出。』義熙七年八月十一日,新天子氣見東南。十二年,北定中原,崇進宋公。歲星裴回房、 十一年五月三日,彗星出天市,其芒掃帝坐。天市在房、心之北,宋之分野。得彗柄者興,此 之德也。金雌詩又曰:『云出而兩漸欲舉,短如之何乃相岨,交哉亂也當何所,唯有隱巖殖 十餘日,到十四年八月十日,又入太微不去,到元熙元年,積二百餘日。 占:『鎭星守太微, 心之間,大火,宋之分野。與武王克殷同,得歲星之分者應王也。十一年以來至元熙元年, 義熙七年七月二十五日,五虹見于東方。 占曰:『五虹見,天子黜,聖人

六, 亢位也。 漢建安二十五年,一百九十六年而禪魏。魏自黃初至咸熙二年,四十六年而 鐘,上有古文十八字,晉自宣帝至今,數滿十八傳。義熙八年,太社生桑,尤著明者也。夫 **犀閾。西者,金鄕之門,爲水所毁,此金德將衰,水德方興之象也。太興中,民於井中得棧** 合成集羣英。』前句則陛下小諱,後句則太子諱也。十一年五月,西明門地陷,水涌出,毀門 邊,則聖諱炳明也。 易曰:『西南得朋。』故能困桓父也。劉向讖曰:『上五盡寄致太平,草付

劍是御服,占者以爲嘉祥。前廢帝永光初,又譌言湘州出天子,幼主欲南幸湘川以厭之,旣 禪堂。「禪」之與「錢」,音相近也。太宗爲徐州刺史,出鎭彭城,昭太后賜以大珠鹿盧劍,此 文帝元嘉中,謠言錢唐當出天子,乃於錢唐置戍軍以防之。其後孝武帝卽大位於新亭寺之 少帝卽位,景平三年四月,有五色雲見西方。時文帝爲荆州刺史,鎭江陵,尋卽大位。 禪晉。晉自泰始至今元熙二年,一百五十六年。三代數窮,咸以六年。」

世者,謬其言耳。三十二者,二三十,則六十矣。宋氏受命至於禪齊,凡六十年云。 史臣謹按,冀州道人法稱所云玉璧三十二枚,宋氏卜世之數者,蓋卜年之數也。

而湘東王卽尊位,是爲明帝。

## 校勘記

- 虎鼻大口 各本並脫「大」字,據元龜四四、御覽八二引帝王世紀補。
- 玄龜青龍蒼兕止于壇 「蒼兕」各本並譌「蒼光」,據元龜二二改。
- 張良遊於下邳沂水之上 漢書張良傳作下邳圯上。服虔曰:「圯音頤。楚人謂橋曰圯。」應劭曰:

「氾水之上也。」文穎曰:「沂水上橋也。」師古曰:「下邳之水,非氾水也,又非沂水。 服說是矣。」

- 武帝巡狩過河間 「狩」各本並作「守」、據漢書外戚傳改。
- Œ. 昭帝元鳳三年正月 「三年」各本並作「二年」,據漢書眭弘傳、漢書五行志、元龜二一改。
- , . 六 ご 大四十八圍 各本並作「大三十八圍」,據漢書眭弘傳、漢書五行志、元龜二一改。
- 越次妄據 「次」各本並作「久」,據漢書序傳及文選卷五二所載改。
- 失天年之壽 「天年」各本並作「大年」,據漢書序傳及文選卷五二所載改。
- /\ えい 凵 相者蘇文見后 「蘇文」各本並作「蘇大」,據後漢書和熹鄧皇后傳李賢注引續漢書改。
- 堯夢攀天而上 各本並作「堯攀天而止」,據後漢書和熹鄧皇后傳補正
- 湯夢及天而呧之 或從也作乱。」段玉裁注云:「呧或作舐、或作狧。」此「呧」字、蓋又「舐」之省文。 「听」後漢書和熹鄧皇后傳作「咶」。按說文:「舓,以舌取食也。 從舌易聲。
- 光祿大夫橋玄問太史令單颺曰 志 第 + 七 校 勘 記 「橋玄」各本並作「喬玄」、據三國志魏志武帝紀改。

- 四月饒安言白虎見 「四月」各本並作「十月」,下又出八月,今據符瑞志改。符瑞志中云:「延康
- 元年四月丁巳,饒安縣言白虎見。」
- 昔光和七年 「七年」各本並作「十七年」。 按後漢書靈帝紀,光和止七年,其年十二月,改元中
- 平。「十」字衍文,今删去。
- 至 魏以改制天下 「改」各本並作「政」,據三國志魏志文帝紀裴注所引改。
- 日載東紀 火光不横一聖明 聰 殿本考證云:「日載東者,曹也。 曹,古文作曆。 不横 一者,丕也。
- 然則『紀火光』,自應作『絕火光』,言炎漢亡也。」
- 子二 反爲 輔 「反」各本並作「及」,據三國志魏志文帝紀裴注改。
- 赤三日德 昌九 世 會備合爲帝際 各本並脫「日」字,「爲」字,據三國志蜀志先主傳補
- 九侯 傑 爭命,民炊骸,道路籍 七 傑爭民 命炊骸道路誰 籍履 使主者玄且 人頭、誰使主者玄且來」。 來 三國志蜀志先主傳載洛書錄運期原文作 與宋書文字稍有異 同 「九侯七
- 每有景雲祥 風從璿 璣下 來應之 各本並脫「來」字,據三國志蜀志先主傳補
- 夏口武 昌並言黃龍鳳皇見 「夏口」三朝本作「舉口」、北監本、毛本、殿本作「舉兵」。今據三國
- 周圍七尋 各本並脫「七」字,據三國志魏志明帝紀裴注引搜神記補

志吳志吳主權傳改

Ę

· 秋補。

其一覊幹 「覊」各本並作「騎」,據三國志魏志明帝紀裴注引魏氏春秋改。

至吾 上上三天王述大會討大曹金但取之金立中大金馬一疋中正大吉關壽此馬甲寅述 水凡 三十五

字 按此白石文三十五字,亦見三國志魏志明帝紀裴注引魏氏春秋。 會 魏氏春秋作「金」。

「討大曹」魏氏春秋作「大討曹」。「中正」魏氏春秋作「在中」。「關」魏氏春秋作「開」。

琅邪武王伷 率衆出涂中 「涂中」各本並作「塗中」,據晉書琅邪武王伷傳改。

臣 元帝· 小字銅環 張森楷校勘記云:「晉書后妃傳言元帝母夏侯氏小字銅環,此直以爲元帝。」

晉陵 人車藪善相人 「車藪」藝文類聚一三引徐爱宋書作「韋藪」。 御覽一二八引徐爱朱書、御

覽七三〇引朱書高祖紀作「幸叟」。

志

第

## 宋書卷二十八

## 志第十八

## 符瑞中

入坑穽, 不行羅網。 而馬足。含仁而戴義,音中鍾呂,步中規矩,不踐生蟲,不折生草,不食不義,不飮洿池,不 麒麟者,仁獸也。 明王動靜有儀則見。 牡曰麒、牝曰麟。 不刳胎剖卵則至。麕身而牛尾,狼項而 牡鳴曰逝聖,牝鳴曰歸和,春鳴曰扶幼,夏鳴曰 一角,黄色

養綏。

漢 武帝元符元年十月,行幸雍,祠五時,獲白麟。

漢武帝太始二年三月,獲白麟。

漢章帝元和 二年以來,至章和元年,凡三年,麒麟五十一 見郡國。

漢安帝延光三年七月,麒麟見潁川陽翟 志 第 + 八 符 瑞

中

延 光三 一年八 月戊子,麒 一瞬見 潁 Ш 陽翟。

延 光 四 年正 月壬午,麒麟見 東郡 濮 陽。

漢 太獻帝 延 康 元 年,麒麟 十見郡 或

吳孫 赤鳥 年八月,武昌言麒麟 見。 又白麟見建業

權

元

晉武 帝 泰 始 元 年十二月,麒麟 見南郡 枝江

晉武 帝 咸 寧五 年二月甲午,白麟 見平原鬲縣。

咸寧 晉武 帝太 五 年九月甲午,麒麟見 康 元 年四 月,白麟 河 見 頓 南 陽城 丘

晉愍帝 建 興 一年九 月丙戌,麒 麟 見 襄平,州 刺 史崔歩以聞。

晉元 帝 太 興 元 年 正 月戊子,麒麟 見 豫章

晉成 帝 咸 和 八年五月己已,麒麟 見遼東

履 腹 正 鶴 而尾繫武。 鳳 頸鷄 凰者,仁鳥也。 喙 鴻 前 小晉中鍾,大晉中鼓。 魚 尾,青首駢 不 刳胎剖 翼 卵 鷺立 則至。 延頸奮翼,五 而鴛 或翔 鴦思。 或集。 光備 首戴 雄 目 德 舉。 鳳 而 背 興 雌 八八風, 負 日 凰 降時 項荷 蛇 頭 義 繭, 燕額 而 食有節, 膺 抱 龜 信, 背鼈 飲 足

鳳皇爲能究萬物,通天祉,象百狀,達王道,率五音,成九德,備文武,正下國。 明,畫鳴曰上朔,夕鳴曰歸昌,昏鳴曰固常,夜鳴曰保長。其樂也,徘徘徊徊,雍雍喈喈。 有儀,往有文,來有嘉,遊必擇地,飲不妄下。 其鳴,雄曰「節節」,雌曰「足足」。 晨鳴曰發 故得鳳之象, 唯

則過之,二則翔之,三則集之,四則春秋居之,五則終身居之。

漢昭帝始元三年十月,鳳皇集東海,遣使祠其處。

漢宣帝本始元年五月,鳳皇集膠東。

本始四年五月,鳳皇集北海。

漢宣帝地節二年四月,鳳皇集魯,羣鳥從之。

漢宣帝元康元年三月,鳳皇集泰山、陳留。

元康四年,南郡獲威鳳。

漢宣帝 神雀 二年二月,鳳皇集京師,羣鳥從之以萬數。

神雀四年春,鳳皇集京師。

神雀四年十月,鳳皇十一集杜陵。

神雀

四

年十二月,鳳皇集

上林

漢宣 |帝甘露三年二月,鳳皇集||新蔡,羣鳥四面行列,皆向鳳皇立,以萬數。

志第十八 符瑞中

漢光武建武十七年十月,鳳皇五,高八九尺,毛羽五采,集潁川郡,羣鳥並從行列,蓋地

數頃,留十七日乃去。

漢章帝元和二年以來,至章和元年,凡三年,鳳皇百三十九見郡國。

漢安帝延光三年二月,車駕東巡。 其月戊子,鳳皇集濟南臺縣丞霍收舍樹上,賜臺長

嶷帛十五匹,收二十匹,尉半之,吏卒人三匹,鳳皇所過亭部,無出今年田租,賜男子爵人

二級。

延光三年十月壬午,鳳皇集京兆新豐西界槐樹。

漢桓帝建和元年十一月,四鳳皇見濟陰已氏。

漢 靈 帝 光和 四年秋,五色大鳥見新城,羣鳥隨之。 民皆謂之鳳皇。

漢獻 帝 延康 元 年八月,石邑縣言鳳皇集。 又郡國十三言鳳皇見。

吳孫權黃武五年七月,蒼梧言鳳皇見。

孫權黃龍元年四月,夏口、武昌並言鳳皇見。

吳孫亮建興二年十一月,大鳥五見于春申。

吳孫晧建衡四年正月,西苑言鳳皇集。

晉武帝泰始元年十二月,鳳皇見上黨高都。

泰始元年十二月,鳳皇二見河南山陽。

泰始元年十二月,鳳皇三見馮翊下邽。

晉穆帝 <u>升平四年二月辛亥,鳳皇將九子見鄖鄉之豐城。</u> 十二月甲子,又見豐城,衆鳥

隨從。

升平五年四月己未,鳳皇集沔北,至于辛酉。 百姓聚觀之。

朱武帝永初元年七月戊戌,鳳皇見會稽山陰。

文帝元嘉十四 年三 |月丙申,大鳥二集||秣陵民王顗園中李樹上,大如孔雀,頭足小高,毛

羽 鮮 明,文采五色,聲音諧從,衆鳥 如 Щ 雞者隨 之,如行三十步頃,東南飛去。 揚州刺 史彭

城王義康以聞。改鳥所集永昌里曰鳳皇里。

孝 武 帝 孝 建元 年正月庚 申,鳳皇見丹徒愒賢亭, 雙鵠爲引, 衆鳥陪從。 征虜將軍 一武昌

王渾以聞。

神 鳥 者,赤神之精 也,知音聲清濁 和 調 者也。 雖赤色而備五采,雞身, 鳴中五音,肅

雍雍。喜則鳴舞,樂處幽隱。風俗從則至。

漢宣 帝 五. 鳳 三年三月辛 丑,神鳥集長樂宮東闕樹上,四又飛下地, 五采炳發, 留十

志第十八 符瑞中

餘刻。

漢章帝元和中,神鳥見郡國。至

**黄龍者,四龍之長也。** 不漉池而漁,德至淵泉, 則黃龍游於池。 能高能下,能細能大,

能幽能冥,能短能長,乍存乍亡。

赤龍、河圖者,地之符也。王者德至淵泉,則河出龍圖

漢惠帝二年正月癸酉,兩龍見蘭陵人家井中。

漢文帝十五年春,黃龍見成紀。

漢宣帝甘露元年四月,黃龍見新豐。

漢成帝鴻嘉元年冬,黃龍見眞定。

漢成帝永始二年二月癸未,「₭〕黃龍見東萊。

漢光武建武十二年六月,黃龍見東阿。

漢章帝 元和二年以來,[+] 至章和元年,凡三年,黃龍四十四見郡國。

元和中,青龍見郡國。

元和中,白龍見郡國。

漢安帝延光元年八月辛卯,黃龍見九眞。

延光 三年九月辛亥,黃龍見濟南 歷 城

延光三年十二月乙未,黃龍見琅邪 諸 縣

延光 四年正月壬午,黃龍二見東郡 濮

漢桓 一帝建和元年二月,黃龍見沛 國 譙

漢桓 帝元嘉二年八月,黃龍見濟陰句陽,又見金城允街

漢桓 帝永康元年八月,黃龍見巴郡

漢獻 帝 延康 元年三月,黃龍見識。又郡國十三言黃龍見。

魏 明帝青龍 元年正月甲申,青龍見郟之摩陂井。 帝親與羣臣共觀之,旣而詔畫工圖

寫, 龍潛而不見。

魏明帝景初元年二月壬辰,山在縣言黃龍見。〔5〕

魏 少帝 正元元年十月戊戌,黃龍 見鄴 井 中。

魏少帝 甘露 元 年六 甘露 月,青龍見元城縣 元年正月辛丑,青龍 界井 見 中。 軹 縣 井中

年二 月,青龍見溫縣井中。

志 第 + 八 符 瑞 中

甘露 三年八月甲戌、黃龍、靑龍仍見頓丘、冠軍、陽夏縣井中。

甘露 四年正月,黃龍二見寧陵縣井中。

魏元帝景元元年十二月甲申,黃龍 見萃縣井中。〔五〕

景元三年二月,青龍見軹縣井中。

劉備未即位前,黃龍見武陽赤水,九日乃去。

吳孫權黃武元年三月,鄱陽言黃龍見。

吳孫權 黃龍元年四月,夏口、武昌並言黃龍見。[10]權因此改元。 作黃龍牙,常在軍中,

進退視其所向,命胡綜爲賦

吳孫權赤烏五年三月,海鹽縣言黃龍見縣井中二。

吳孫休永安四年九月,布山言白龍見。日日

赤烏十一年,雲陽言黃龍見。

黄龍二叉見武陵吳壽,光色炫燿。

永安五年七月,始新言黃龍見。

永安六年四月,泉陵言黃龍見。

泰始元年十二月,青龍見魏郡湯陰。 晉武帝泰始元年十二月,青龍二見濟陰定陶

泰 始元年十二月,黃龍見河南洛陽洛濱。

泰始元 年十二月,白龍二見太原 那

泰始二年七月壬午,黃龍見巴西閬 中。

泰始三年四月戊午,有司奏:「張掖太守焦勝言,氐池縣大柳谷口靑龍見。」「三

晉武帝咸寧二年六月丙申,白龍二見于新興九原居民井中。

咸寧二年十月庚午,黃龍二見于漢嘉靈關

咸寧二年十一月癸巳,白龍二見須度支部。

咸寧五年十一月甲寅,青龍見京兆霸城

晉武帝太康元年八月,白龍三見于永昌。日日

太康三年閏四月己丑,口五白龍二見濟南歷城。

太 康 五年正月癸卯,青龍二見武庫井中,帝親往觀之。

太 康六年九月,白龍見京兆陰槃。

太 康 九年十二月戊申,青龍一見魯國公丘居民井中。

晉惠帝 元 康七年三月己酉朔,成皐 縣 獄 有 龍昇天。

宋武帝 志 第 + 永 八 初 元 年七月,青龍見義興陽羨 符 瑞 中

永初 元年八月,青龍二見南郡江陵。

文帝 元嘉 十三年九月已酉,會稽郡西南向曉,忽大光明,有青龍騰躍凌雲,久而後滅。

吳興 諸處並 以 其日同見光景。 揚州刺史彭城王義康以聞。

二十一年十月己丑,永嘉永寧見黃龍自雲而下,太守臧藝以聞。

元嘉

元嘉 二十五年五月丁丑,黑龍見玄武湖北,苑丞王世宗以 聞。

二十五年五月戊戌,黑龍見玄武湖東北隈,揚州 野 吏張立之以聞。

二十五年八月辛亥,黃龍見會稽,太守孟顗以聞

元嘉 二十五 年,廣陵有龍自湖水中升天,百姓皆見。

孝武 帝孝建 二年七月癸丑,黃龍見石頭城外水濱,中護軍湘東王彧以聞。

孝建 三年五 月己未,龍見臨川郡,江州刺 史東海王禕 以 聞

大明元年五月癸亥,黑龍見晉陵占石邨。 改邨為津里。

上,三千歲常游於卷耳之上。 靈 龜 者,神龜 也。 王者德澤湛清, 知存亡,明於吉凶。 漁獵 山川從時則 禹 與宮室、靈龜見。 世。 五色鮮明, 三百歲游於薬葉之

玄龜書者,天符也。 王者德至淵泉,則雒出龜書。

魏文帝初,神龜出於靈池

吳孫 權 時,靈 龜出會稽章安。

魏元帝 咸熙二年二月甲辰,胸腮縣獲靈龜以獻。

晉長沙王乂坐同產兄楚王瑋事,徙封常山,後還復國。

在常山穿井,入地四丈,得白玉

方三四尺。 玉下有大石,其中有龜長二尺餘,時人以爲復國之祥。

宋文帝元嘉 十九年四月戊申,白龜見吳興餘杭,太守文道恩以獻。

月辛卯,白龜見吳興餘杭,揚州刺史始興王濬以聞。

元嘉二十四年十月甲午,揚州刺史始興王濬獲白龜以獻。

元嘉

二十年四

孝武帝大明 三年三月戊子,毛龜見宣城廣德,太守張辯以獻。

大明 四年六月壬寅,車駕幸籍田 ,白龜見于千畝,尚書右僕射劉秀之以獻。

明 七 年八月乙未,毛龜見新安王子鸞第,獲 以 獻

明帝 泰始二 一年八月丙辰朔,四眼龜見會稽,會稽太守巴陵王休若以獻。

泰始 二年 八月丙寅,六眼龜 見東陽長 山,文如爻卦,太守劉勰以獻。

泰始 六年 九 (月己巳,八眼龜 見吳興故鄣,太守褚淵 以獻

明帝 泰豫 元 年十月壬戌,義興陽羨縣獲毛龜,太守王蘊以獻。

붒

第

+

八

符 瑞 中

龍馬者,仁馬也,河水之精。 高八尺五寸,長頸有翼,傍有垂毛,鳴聲九哀。一作音。

者,王者勞來百姓則至。夏馬駵,黑身白鬣尾,殷馬駱,白身黑鬣尾,周馬騂,赤身黑鬣尾。 騰黃者,神馬也。 其色黃。王者德御四方則出。 白馬朱鬣,王者任賢良則見。 澤馬

漢章帝元和中,神馬見郡國。

晉懷帝永嘉六年二月壬子,神馬鳴南城門。

晉孝武帝太元十四年六月甲申朔,寧州刺史費統上言:「所統晉寧之滇池縣,舊有河

水,周回二百餘里。 六月二十八日辛亥,神馬二匹,一白一黑,忽出於河中,去岸百步。

民董聰見之。」

白象者,人君自養有節則至。

宋文帝元嘉元年十二月丙辰,白象見零陵洮陽。

元嘉六年三月丁亥,白象見安成安復,江州刺史南譙王義宣以聞。

漢武帝元狩二年三月,南越獻馴象。

白狐,王者仁智則至。

晉成帝咸康八年七月,燕王慕容皝上言白狢見國內。

赤熊,佞人遠,姦猾息,則入國。

宋文帝元嘉二十年十二月,白熊見新安歙縣,太守到元度以獻。

九尾狐,文王得之,東夷歸焉。

漢章帝元和中,九尾狐見郡國。

魏文帝黃初元年十一月甲午,九尾狐見鄄城,又見識。

白鹿,王者明惠及下則至。

漢章帝建初七年十月,車駕西巡,得白鹿於臨平觀。

漢章帝元和中,白鹿見郡國。

漢安帝延光三年六月辛未,白鹿見右扶風雅。

延光三年七月,白鹿見左馮翊。日云

志第十八 符瑞中

漢桓帝永興元年二月,白鹿見張掖。

魏文帝黃初元年,郡國十九言白鹿及白麋見。

晉武 帝泰始 八年十月,白鹿見扶風雅,州刺史嚴詢獲以獻。

晉武帝太康元年三月,白鹿見零陵泉陵。

太康 元年五 月甲辰,白鹿見天水西縣,太守劉辛獲 以獻。

太康三年七月壬子,白鹿見零陵,零陵令蔣微獲以獻。

元年九月乙酉,白鹿見交趾武寧。

晉愍帝建武元年五月戊子,白鹿見高山縣。

晉惠帝元康

晉元帝太興三年正月,白鹿二見豫章。

太興三年四月,白鹿見晉陵延陵。

晉元帝永昌元年九月,白鹿見江乘縣。

晉成 帝 咸 和 四年 五. 月甲子,白鹿見零陵洮陽,獲以獻

咸 和 四 年 七 月壬寅,長沙郡 邏吏黃光於南郡道遇白鹿,驅之不去,直來就光,追尋光三

成和九年八月己未,白鹿見<u>長沙</u>臨湘。百餘步。光遂抱取,遣吏<u>李</u>堅奉獻。

晉成帝: 咸康二年七月,白鹿見豫章望蔡,太守桓景獲 以獻。

晉孝武 太元十六年三月癸酉,白鹿見豫章望蔡,獲 以 獻

太元 十八年五月辛酉,白鹿見江乘,江乘令田熙之獲 以 獻

太元二 一十年 九月丁丑,白鹿見巴陵清水山,荆州 刺史殷仲堪 以獻。

月,白鹿見長沙,荆州刺史桓玄以 聞

晉安帝隆安 五 一年七月丙戌,白鹿見東莞莒縣岣峨山,太守劉玄以 年十一 聞。

宋文帝 元 嘉 九 年正 月,白鹿見南譙譙縣,豫州 刺史長沙王義欣以 獻。

元嘉

五.

元嘉 十四年,白鹿見文鄉。

元嘉 十七七 年五月甲午,白鹿 見南汝陰宋縣,太守文道恩以獻。

元嘉 二十年八月,白鹿見譙郡 蘄縣,太守鄧琬 以 獻

元嘉 二十二年二月,白鹿見建康 縣,揚州刺 史始 興王 濬 以 聞

元嘉二十三年二月戊戌,白鹿 元嘉二十二年二月辛未,白鹿 見交州,交州 見南康職縣,南康 刺史 相 檀 劉 和 之 興 以 祖 獻 以

元嘉二十三年六月丙辰,白鹿 元嘉二十七 年二月壬辰朔,白鹿見濟陰,徐州刺史武陵王駿 見彭城彭 城縣,征 北將 軍 衡 陽 以 王 聞 義 季 獲 以

志 + 八 符 瑞 中

元嘉 + 九年八月癸酉,白鹿 見鄱陽,南 中郎將 武陵 王 駿 以 獻

元嘉 干 年 十一 月壬午,白鹿 見南 琅邪,南琅 邪 太守王 僧 虔 以

孝武 元嘉 帝 十 孝 年十一 建 三年三月庚子,白 月癸亥,白鹿 見武 鹿見 臨 建郡,雍州 ]]] 西豐縣。 刺 史朱脩之以

月甲申,白鹿 見 南平

大

明

年

四

月己

丑,白鹿見桂陽

郴

縣

湘

州刺史山陽王休祐

以

獻。

孝武 帝 大 明 元 年 四

大 明 年 正 月癸巳, 白鹿 見南 琅 邪 江乘,南 徐 州 刺 史 劉 延 孫 以

大明 年 <u>:</u> 月辛卯, 白 [鹿見廣 陵新 市,太守柳 光 宗 以 聞

大 明 五. 年 五. 月丙寅, 白鹿見南 東 海 丹徒、 南 徐 州 刺 史 劉 延 孫 以 獻

明 帝 泰始 二年二月乙亥,白鹿 見宣城 宣 城 太 守 劉 轀 以 聞 大

明

八

年

六

月甲子,白鹿見衡

陽

郡,湘

州

刺

史江

夏王

世

子

伯禽

以獻。

泰 始 五. 年二月己亥,白鹿見 長沙 湘 州 刺 史 劉 韞 以 獻

泰始 六年十二月乙未,白鹿 見梁州 梁州 刺 史杜 幼 文 以 聞

後 廢 帝 元徽三年二月甲子,白鹿見鬱洲 青冀 一州刺 史、西海太守 劉善 明 以 獻

三角獸,先王法度修則至。闕

一角獸,天下平一則至。闕

六足獸,王者謀及衆庶則至。闕

比肩獸,王者德及矜寡則至。國

獬豸知曲直,獄訟平則至。

白虎,王者不暴虐,則白虎仁,不害物。

漢宣帝元康四年,南郡獲白虎。

漢安帝延光三年八月戊子,白虎二見潁川陽翟。 漢章帝元和二年以來,至章和元年,凡三年,白虎二十九見郡國。

漢獻帝延康元年四月丁巳,饒安縣言白虎見。 又郡國二十七言白虎見。

吳孫權赤烏六年正月,新都言白虎見。

**晉**武帝泰始元年十二月,白虎見河南陽翟。 |赤鳥十一年五月,鄱陽言白虎仁。

泰始元年十二月,白虎見弘農陸渾。

志第十八

符瑞

中

泰始 年正月己亥,白虎見遼東樂浪。

二年正 月辛丑,白虎見天水 西

泰始

晉武 晉武 帝太康元年八月,白虎見永昌南罕。こむ 帝咸寧三年二月乙丑,白虎見 沛

太康 四年七月丙辰,白虎見建平北 井。

太康 十年十月丁 酉,白虎見犍

晉成帝咸和八年五月已巳,白虎見 新昌

晉簡文帝咸安二年三月,白虎見豫章 南 昌 縣 西鄉 石馬山前

晉孝武太元十四年十一月辛亥,白虎見豫章郡 十九年二月,行鞏令劉啓期言白虎頻見。

十九年二月,行溫令趙邳言白虎頻見

晉安帝隆安五年十一月,襄陽 帝永初元年八月癸巳,白虎見枝江 言騶虞 見於新野。

少帝景平元 年十月,白虎見桂陽耒陽

元嘉十九年十月,白虎見弋陽、期思二縣,南豫州刺史武陵王駿以聞。

元嘉 二十五年二月己亥,白虎見武昌,武昌太守蔡興宗以聞

二十五年十一月丁丑,白虎見蜀郡二,赤虎導前,益州刺史陸徽 以聞

孝武孝建三年三月壬子,白虎見臨 二十六年四月戊戌,白虎見南琅邪牛陽山 ]]] 西豐。 虎隨從,太守王僧達以聞

白狼,宣王得之而犬戎服。 闕

白麞,王者刑罰理則至

晉武帝咸寧元年四月丙戌、乙卯,白麞見琅邪,趙王倫 以獻。

咸寧三年七月壬辰,白麞見魏郡

晉武

帝太康三年八月,白麞見梁國

一蒙,梁相解隆獲以獻

太康 五年九月己酉,白麞見義陽

太康七年五月戊辰,白麞見汲郡

晉穆帝永 晉成帝咸和 和 元年 九年五月癸酉,白麞見吳國吳縣,內史虞潭獲以獻。 八月,白麞見吳國吳縣西界包山,獲以獻

志

第

+

八

符 瑞

永 和 八 年十二月,白麞見丹陽永世,永世令徐該獲以 獻

永和十二年十一月庚午,白麞見梁郡 梁郡 太守劉 遂 獲 以 獻。

晉安帝隆安 五 年十一月,白麞見荆州 荆州 刺史桓玄 以 聞

朱少帝景平元年五月癸未,白麞 見義興陽羨,太守王 準之獲 以 獻。

景平二 文帝元 嘉 年六月,白麞見南郡 五. 年四月乙巳,白麞見汝陽武津,口公太守鄭據 江陽,太守王華獻之太祖 太祖 獲 以獻 時入奉大統,以爲休祥。

元嘉十二年正 月,白麞見東萊黃縣,青 、冀州刺史王方回 以獻

元嘉十九 年 五 月,山陽張 休宗 獲 白麞,南兗州 刺史 臨 Ш 王 義 慶 以 獻。

元嘉 二十年八 月,白麞見江夏安陸,內史劉 思 考 以 獻

元嘉 元嘉 三十五 二十五 年四 年二月己丑,白麞見淮南, 月戊午,白麞見 南 琅邪 太守王 ,太守王遠獲 一休獲 辽 以 獻 獻

元嘉 干 五. 年五 月辛未朔,華林園白麞生二子皆白,園 丞 梅 道念以聞

元嘉 一十七 一十六年五 年正 月已 月丙 丑,自 戌,白麞 麞 克 見 濟陰, 馬頭,豫州刺史南平王 徐州刺 史武 陵 王 駿 鑠 以 以 獻 聞

二十七年四月癸丑,華林園白麞生一白子,園丞梅道念以聞

元 嘉 二十 九 年 六 月壬戌, 白塵 見 晉陵 暨陽 南徐 州 刺 史始興王 濬 以

武 帝 孝 建  $\equiv$ 年 六 月癸巳, 白麞 見 廣 陵 南 兗 州 以 獻

武 帝 大 明 元 年 七 月丁 丑,白麞 見東萊 曲 城 縣, 獲 以 獻

大 明 年 正 月壬 戌,白麞 見 川 陽 Щ 陽 內 史 程 天 祚 以 獻

大 明 年二 月辛 丑 白 鏖 見濟北 濟 北 太 守 殷 孝 祖 以 獻

大 明 五 年 九 月己巳? 白麞 見南陽 雍 州 刺 史永 嘉 王 子 仁 以 獻

大 大 明 明 六 七 年 年 正 四 月庚寅, 月戊辰, 白麞 白麞 見南陽 見營陽 荆州 湘 州 刺 刺 史 史 建 臨 安 海  $\pm$ 王 休 子 頊 以 以 獻 獻

,

明 七 年六 月己已, 白麞 見武 陵 (臨沅) 太守劉 衍 以 獻

大

大 明 七 年 九月癸未,白麞 見南陽 雍 州 刺 史劉 秀 之以 獻

明

帝

泰始

=

年五月癸酉,白

麞

見

南東海丹徒

南

徐

州

刺

史

桂

陽

王 休

範 以

泰始 \_\_\_\_\_ 年 五 月乙卯,白麞 見北海 都昌,青州 刺 史沈 文 秀 以 獻

泰 始 五. 年 正 月癸卯,白麞 見汝陰 樓煩 豫州 刺 史劉 勔 以 獻

後 廢 帝 元 徽 元 年 正 月甲午, 白麞 見海陵 寧海 海陵太守孫 嗣 之以獻 で口む

志

明

帝

泰

豫

元

年

士

月壬戌,白

. 麞見

義興

國

Щ

了 太守

蘊

以

獻

書 卷二十

文帝元嘉二十三年五月甲寅,東宮隊白從陳超獲黑麞於肥如縣,皇太子以獻。

元嘉二十三年十月辛巳,東宮將魏榮獲靑麞於秣陵。

元嘉十年十二月,營城縣民成公會之於廣陵高郵界獲白麞麂以獻。

孝武帝大明元年二月己亥,白麂見會稽諸暨縣,獲以獻

銀麂,刑罰得共,Cioo民不爲非則至。 闕

赤兔,王者德盛則至。 闕

比翼鳥,王者德及高遠則至 闕

赤雀,周文王時銜丹書來至。

晉愍帝建興三年四月癸酉,赤雀見平州府舍。

宋文帝元嘉二十年五月,赤雀集南平郡府,內史臧綽以聞

孝武帝孝建元年五月己亥,臨沂縣魯尚斯軍人於城上獲赤雀,太傅假黃鉞江夏王義恭

以獻。

蒼烏者,賢君修行孝慈於萬姓,不好殺生則來。

宋孝武帝大明元年五月丁丑,蒼烏見襄陽縣。

大明二年四月甲申,蒼烏見襄陽,雍州刺史王玄謨以獻。

甘露,王者德至大,和氣盛,則降。

**栢受甘露,王者耆老見敬,則栢受甘露。** 

漢宣帝元康元年三月,甘露降未央宮。竹受甘露,王者尊賢愛老,不失細微,則竹葦受甘露。

漢宣帝神雀二年二月,甘露降京師。

神雀四年春,甘露降京師。

漢宣帝五鳳二年正月,甘露降京師。

漢成帝元延四年三月,甘露降京師。

漢光武建武中元元年五月,郡國上甘露降。

志第十

八

符瑞中

漢明帝永平十七年正月戊子夜,至三一帝夢見光武帝、光烈皇后,夢中喜覺,悲不

明旦上陵,百官、胡客悉會。太常丞上言,其日陵樹葉有甘露,帝令百官采甘露。 帝自伏御

永平十七年春,甘露仍降京師。

牀,視太后莊器奩中物,流涕,敕易奩中脂澤之具。

生命では、一世界を見る

漢章帝元和中,甘露降郡國。

漢安帝延光三年四月丙戌,甘露下沛國豐。

延光三年七月,甘露下左馮翊頻陽。

漢桓帝永康元年八月,甘露降巴郡。漢桓帝延熹三年四月,甘露降上郡。

魏文帝初,郡國三十七言甘露降。

魏少帝甘露元年五月,鄴及上洛並言甘露降。

魏元帝咸熙二年四月,南深澤縣言甘露降。

吳孫權黃武前,建業言甘露降。

**黃武二年五月,曲阿言甘露降。** 

吳孫權嘉禾五年三月,武昌言甘露降於禮賓殿。三三

能寐。

吳孫權赤烏二年三月,零陵言甘露降

赤烏九年四月,武昌言甘露降。

吳孫晧甘露元年四月,蔣陵言甘露降。

晉武帝咸寧元年四月丙戌,甘露降張掖。晉武帝泰始十年四月乙亥,甘露降西河離石

咸寧元年五月戊午,甘露降淸河釋幕。

咸寧元年九月,甘露降太原晉陽。

咸寧二年五月戊子,甘露降玄菟郡治。

晉武帝太康五年三月乙卯,甘露降東宮。咸寧五年六月戊申,甘露降巴郡南充國。

太康七年四月,甘露降京兆杜陵。

晉惠帝元康四年五月,甘露降樂陵太康七年五月,甘露降魏郡鄴。

郡

晉愍帝建興元年六月,甘露降西平縣。

建興三年八月己未,甘露降新昌縣。

志

第

+

八

符瑞

中

晉愍帝 建武 元 年六月丁丑 ,甘露降 壽春

晉元帝太興 三年四月,甘露降琅 邪 費

晉明帝太寧二年正月,巴郡言 日甘露 降

晉成帝咸 和 四年四月,甘露降武 昌 那閣 前 柳樹,太守詡以聞

咸 和 七年四 月癸巳,甘露降京邑,揚州 刺史王導 以聞

咸和六年三月,甘露降寧州城內北園榛桃樹,刺

史以

聞

咸 和 八年四 月癸卯,甘露降廬江襄安縣蔣胄家。

咸 和 八年 四 月癸卯,甘露降宣城宛陵縣之須 里

咸 和 九年 四 月甲寅,甘露降吳國錢 唐縣 右 郷康 巷之柳樹。

咸和 九年 十二月丙辰,甘露降建 平 陵

咸 和 九年 十二月丁巳,甘露降武 平 陵

晉成 帝 咸 康 元 年四 月癸卯,甘露降 西堂 三桃樹

咸 康 年三月甲戌,甘露降鬱林 城 內

甘露降會稽 咸 康 年四 崩 陰縣,又降吳興武康縣。 月, 甘露降西堂, 又降 尚書 庚申,又降武康 都 坐 桃 樹, 又降會稽永 興縣, 衆官畢賀。 戊午,

咸 康 三年四月戊午,甘露降殿後桃李樹。 五月, 甘露降義興陽羨縣柞樹,東西十四步,

南 北 + 五 步。

咸 康 七年 四月丙子,甘露降彭城王紘第內,衆官畢賀。

元年三月,甘露降 廬江 郡 內桃李樹,太守永以聞

永

和

五.

年十一月,太常劉邵上崇平陵令王昂即

日奉行陵內,甘露降于玄宮前殿。

晉穆 帝永和

晉簡 永 和 文帝 五. 年 十二月己酉,甘露降 咸安二年正 月,甘露降隨 丹陽 郡 湖 灄 熟縣西界劉 陽縣界桑木,沾凝 敷墓松樹、縣 十餘里 令王恬以聞,衆官畢賀。 中。

武 帝 太元 十二年八月,甘露降寧州 ,刺史費統以

界內

聞

晉孝

+ 五 年閏 月,甘露降永平陵

十六年十一 月庚午,甘露降 句 陽 縣

晉安 帝 十七年二月,甘露降南海 元 興二年十月,甘露降 武 番 昌 禺 王 縣 楊 成 基家 樹 竹

元 興 一年三月己卯,甘露 降 丹 徒

元 興三 年 辺 月己 酉 ,甘露降 蘭 臺

宋武 帝 永初 元 年 九月庚辰,甘露降 丹徒 

志 第 + 八 符 瑞 中

永初 完 年十月庚午,甘露降興寧、永寧二陵,彌冠百餘里

元嘉 三年閏正月己丑,甘露降吳興烏程,太守王韶之以聞。

元嘉 四四 年 五月辛巳,甘露降齊郡 西安臨朐 城。

元嘉 四 年十一 月辛未朔,甘露降 初寧陵。

元嘉 四 年十一 月己丑,甘露降南 海 熙安,廣州刺史江桓以聞。

元嘉 八 年 Ė. 月, 甘露降 南海番禺

元嘉 九 年十一 月壬子,甘露降初寧陵

元嘉 + 年八月甲辰,甘露降費縣之沙里, 琅邪太守呂綽以聞。

元嘉 十三年二月丁卯,甘露降上明 巴山

元嘉 十三年二月,甘露降吳興武 康 董道 益

家園

樹。[三]

元嘉 十三年三月甲午,甘露降 初寧陵

元嘉 十六年三月己卯,甘露降 廣 州 城 北門楊樹,刺史陸徽 以 聞

元 元 + + 七 七 年四 年 ,甘露降高 月丁 丑,甘露降 平金鄉 富 . 廣 民 陵 邨 永 方三十里中。 福 里 梁 昌季 家 樹, 徐州刺史趙伯符以聞 南兗州 刺史江 夏王 義恭以聞

十七年十一月乙酉,甘露降樂游苑

元 十八八 年五 月 甲 申, 甘 露 降丹陽秣陵衛 將 軍 下臨川 王 義 慶 園, 揚州 刺 史始

元 嘉 十八年六月,甘露降廣陵 廣陵孟 玉秀家 《樹,南京 兗州刺史臨川王 義 慶以 聞。

元 十九年五 月丁卯,甘露降 建康 司 徒參軍督護 顧俊之宅竹 柳

元嘉 十九年五月乙亥,甘露降馬頭 濟陽宋慶之園樹,太守荀預以聞

年,甘露降益州府內梨李樹,刺史庾俊之以聞

二十一年四月,甘露頻降樂遊苑

元嘉

二十一

元嘉

元嘉 元 = + -二十一年四月,甘露降彭城綏輿里,徐州刺史臧質 年四 月,甘露降義陽 平陽,太守龐秀之以聞

以聞

元 嘉 二十二年十一月辛巳,甘露降 南郡江陵方城里,荆州 刺史南譙王義宣以聞。

元嘉 二十二年十二月丁 酉,甘露降長寧陵,陵令包誕 以 聞

元嘉 二十三年二月丁未,甘露降樂遊苑,苑 丞 張 寶 以 聞

元 十三年 九月丙子,甘露降長 寧陵,陵 令華林 以 聞

元 十三 年 十二 月庚子,甘 露降襄 陽 郡治 雍州 刺 史武 陵王 駿 以 聞。

元 年 十 一月辛丑 ,甘露頻降樂遊苑 苑丞 何道之以 聞

志 第

+

八

符

瑞

中

元嘉 二十四年二月己亥、庚子,甘露頻降景陽山,山監張績以聞

元嘉二十四年二月已亥、癸卯、三月丙辰,甘露頻降景陽山,華林園丞陳襲祖以聞。

元嘉二十四年三月甲寅,甘露降尋陽松滋,江州刺史廬陵王紹以聞

元嘉二十四年四月癸未,甘露降尋陽松滋,丙申,又降江州城內桐樹,丁酉,又降城北

數里之中,江州刺史廬陵王紹以聞。

元嘉二十四年七月乙卯,甘露降京師,揚州刺史始興王濬以聞。

元嘉二十四年七月,甘露降襄城治下无量寺,雍州刺史武陵王駿以聞。

元嘉二十四年十月甲午,甘露降魏興郡內,太守韋寧民以 聞。

元嘉二十三年至二十四年十二月,甘露頻降,狀如細雪,京都及郡國處處皆然,不可

稱紀。

元嘉二十五年十一月庚辰,甘露降南郡,荆州刺史南譙王義宣以聞。

元嘉二十五年十一月乙未,甘露降丹陽秣陵巖山

元嘉二十六年三月壬午,甘露降景陽山,華林園丞梅道念以聞

元嘉二十六年三月庚寅、癸巳,甘露頻降武昌,江州刺史廬陵王紹 以

元嘉二十六年四月甲辰、丙午、戊申,甘露頻降豫章南昌,太守劉思考以聞。

元嘉二十六年七月,甘露降南郡江陵,荆州刺史南譙王義宣以聞

元嘉 二十七年四月乙卯、丙辰、丁巳,甘露頻降豫章南昌。 戊午午時, 天氣清明, 有綵

霧 映覆郡邑,甘露又自雲降。 太守劉思考以聞。

元嘉 二十七年五月甲戌,甘露降東海丹徒,南徐州刺史始興王濬以聞

元嘉 二十八年二月戊辰,甘露降鍾山延賢寺,揚州 刺史廬陵王紹以聞

元嘉 二十八年二月壬午,甘露降徽音殿前果樹。

元嘉 二十八年二月,甘露降合歡殿後香花諸草。

孝武 一帝孝建元年三月丙辰,甘露降華 二年三月己酉,甘露降丹陽秣 陵 林 中里路 園 與之墓樹。

孝建 孝建 二年三月辛亥,甘露降 長寧陵松 樹

孝建 二年三月,甘露降襄陽 民 家 梨樹

孝武 帝大明元 年四 月癸 卯,甘露降華林 園 桐 樹 孝建

二年三月戊午,甘露降丹陽

秣陵

尚書謝莊園竹林,莊以聞。

大明 三年三月己卯,甘露降樂游苑 梅 樹

大明三年三月戊子,甘露降宣城郡舍,太守張辯以聞。

志 第 + 八 符 瑞 中

大 明 四 年 E 月壬 一辰,甘露降初寧陵 松 樹

年二 月丙 申,甘露降長 寧陵松 樹

大明 匹

大明 大明 五 四 年四月辛亥,甘露降吳興安吉,太守歷陽王 年二月乙巳,甘露降 丹陽秣陵龍 山, 丹陽 尹孔 子 靈符 頊 以 聞 以

聞

大明 五 年四 月乙卯,甘露降吳興烏程,太守歷 陽王 子頭 以 聞

大明 六年二 月戊午,甘露降 建康 靈燿寺及諸苑園,及秣陵龍山,至于婁湖。 是日,又降

句容 江寧二 縣

大明 七年三 一月丙申,甘露降尋陽松滋, 太守劉矇以 聞

大明 大明 七 七 年 年 四  $\dot{+}$ 二月辛丑朔, 月己未,甘露降 廿 露降 荆 州 吳 城內,刺 興 、烏程 ,令苟卡 之 以 聞。

史

臨

海

王

子

頊

以

聞。

明帝 泰始 年 匹 月己未,甘 露降 上林苑,苑 令徐承 道 以 獻

泰始 年 四 月 庚 申, 甘露降 . 華 林 園 園令臧延之以 獻

泰始 年 年 十 五 月己亥,甘露降 月庚申, 甘露降 丹陽 晉陵,晉陵太守王蘊 秣 陵縣舍齋前竹, 丹陽 以 聞 尹  $\Xi$ 景文 以

泰始三年十一 月癸亥,甘露降南東海 丹徒建岡 ,徐州刺史桂陽王休範 以

聞。

泰始三年十二月壬午,甘露降崇寧陵,揚州刺史建安王休仁 以 聞。

後 廢 帝元徽四年十一月乙巳,甘露降吳興烏程,太守蕭惠明以聞。

順帝昇明二年十二月,甘露降建康禁中里。

昇明二年十一月,甘露降南東海武進彭山,太守謝朏以聞。

昇明二年十一月,甘露降吳興長城卞山,太守王奐以聞。

威香者,王者禮備則常生。闕

## 校勘記

漢桓帝建和元年十一月 「建和元年」各本並作「元嘉元年」,據後漢書桓帝紀改。

國志吳志吳主權傳、元龜二〇一改。 夏口武昌並言鳳皇見 「夏口」,三朝本作「舉口」,北監本、毛本、殿本、局本作「樊口 \_\_\_\_\_

吳孫晧建衡四年正月西苑言鳳皇集 晧 改寶鼎四 年爲建 衡 元 年。 建衡之三年,西苑言鳳皇見,又改明年爲鳳皇 「建衡」各本並作「寶鼎」,據三國志吳志孫晧傳 元 年。 改。 **浩**傳

29 神 鳥集長樂 宮 東 闕 樹 上 神鳥」漢書宣帝紀作「鸞鳥」。 蓋沈約爲齊明帝諱改。

志第十八 校勘記

- 广. 五 神鳥 見郡國 「神鳥」後漢書章帝紀作「鸞鳥」。 蓋沈約爲齊明帝諱改。
- ヘベン 漢成帝永始二年二月癸未 各本並脫「二月」二字,據漢書成帝紀補。
- フィン 漢章 帝元和二年以來 各本並脫「和二」二字,據後漢書章帝紀補。
- 魏明帝景初元年二月壬辰山在縣言黃龍見 按此條舊在「魏明帝靑龍元年正月甲申」條之上。

元年爲公元二三三年,當在前,景初元年爲公元二三七年,當在後。

今訂正。

黄龍見莘縣 井中 「莘縣」三國志魏志陳留王紀作「華陰縣」。

查青龍

- 聚九九作「樊口」。 夏口 武昌並言黃龍見 今從三國志吳志吳主權傳、元龜二〇一改。 「夏口」三朝本作「舉口」。 毛本作「舉兵」。 北監本、殿本、局本、
- 即今廣 布山言白 西貴縣治。 龍見 「布山」各本並作「市山」,據三國志吳志孫休傳改。 時無縣名「市山」者。 按布山、前漢縣、晉尚未廢。
- 氏池 縣大柳谷口靑龍見 「氐池縣」各本並作「玄池縣」,據晉書武帝紀改。 按續漢書郡國志,張
- 白龍二見須 掖郡 有 氏池 度支部 縣 「須 度支部」四字晉書武帝紀作「于梁國」。
- 白龍三見于永昌 各本並脫「于永昌」三字,據晉書武帝紀補
- 太康三年閏四月己丑 各本並脱「四」字,據晉書武帝紀補

- (1六) 白鹿見左馮翊 「左馮翊」後漢書安帝紀作「陽翟」。
- 二也 白虎見永昌南罕 「南罕」疑「南涪」之誤。 晉書地理志、益州永昌郡有南涪、無「南罕」。
- 白麞見汝陽武津 「汝陽」各本並作「汝南」,據本書州郡志,汝陽太守領武津令,今改正。
- 海陵太守孫嗣之以獻 「海陵 |各本並作「寧海」。 洪頤煊諸史考異云:「案州郡志,寧海令屬海

陵太守、未嘗自立郡。」今據州郡志改。

- 〔10〕刑罰得共 殿本考證云:「共疑作中」。
- 漢明帝永平十七年正月戊子夜 「正月」各本並作「五月」,據後漢書光烈陰皇后傳改。
- 呈 吳孫權嘉不五年三月武昌言甘露降於禮賓殿 按此條舊在「吳孫權赤烏二年」、「赤烏九年」二

條之後。考嘉禾五年爲公元二三六年,當在前,赤烏二年爲公元二三九年,赤烏九年爲公元二

四六年,當在後。今訂正。

- 甘露降丹徒峴山 「峴山」各本並作「現山」,據元龜二〇一改。按宋鮑照有從拜陵登京峴詩。
- 甘露降吳興武康董道益家園樹 「吳興」各本並作「吳縣」。按州郡志,吳興太守領武康令。今

## 宋書卷二十九

## 志第十九

## 符瑞下

嘉禾,五穀之長,王者德盛,則二苗共秀。 於周德、三苗共穂、於商德、同本異稔、於夏

德,異本同秀。

漢宣帝元康四年,嘉穀玄稷,降于郡國。

漢章帝元和中,嘉禾生郡國。

漢安帝延光二年六月,嘉禾生九眞,百五十六本,七百六十八穗。 漢桓帝建和二年四月,嘉禾生大司農帑藏。

漢桓帝永康元年八月、嘉禾生魏郡。

魏文帝黃初元年,郡國三言嘉禾生。

志第十九 符瑞下

吳 孫 權 黄 龍三年十月,會稽南始平言嘉禾生。

孫權 赤鳥 七 年秋,宛陵言嘉禾 生。

帝泰始 八年十月,瀘水胡 王彭護獻嘉禾。

晉武 帝太康四年十二月,嘉禾 生扶 風

太康 五. 年七月,嘉禾生豫章南昌

太康 八年閏三月、嘉禾生東夷校尉 園

太康 八年九月,嘉禾生東萊掖

晉愍帝建興元年八月癸亥,嘉禾生襄平縣,

莖七穗

建興二年六月,嘉禾生平州治,三實同帶。

建興三年七月,嘉禾生襄平縣,異體同帶。

宋文帝元嘉二年十月,嘉禾生潁川陽翟,太守垣苗 以聞

九年三月,嘉禾生義陽,豫州刺史長沙王義欣 以獻

十一 十年八月,嘉禾生汝南苞信,豫州刺史長沙王義欣以 年八月,嘉禾一莖九穗生北汝陰,太守王玄謨以 獻。 獻。

二十年六月,嘉禾一莖九穗生上庸新安,梁州刺史劉眞道以獻。

元嘉二十一 年,嘉禾 生新 野鄧縣,雍州 刺史蕭 思話 以

元嘉二十二年六月,嘉禾生籍田,一莖九穗。

元嘉二十二年七月癸酉,嘉禾生平虜陵,徐州刺史臧質 以

元嘉二十二年九月,嘉禾生太尉府田,太尉江夏王義恭 以 聞

元嘉二十二年九月,嘉禾生揚州東耕田,刺史始興王濬以聞。

元嘉二十二年,嘉禾生華林園,百六十穗,園丞陳襲祖 以聞

元嘉二十二年,嘉禾生潁川曲陽, [三]豫州刺史趙伯符以獻

元嘉二十三年七月乙丑,嘉禾旅生籍田,籍田令褚熙伯以聞

元嘉二十三年七月庚午,嘉禾生丹陽椒唐里,揚州刺史始興王濬以聞。

元嘉二十三年七月庚辰,嘉禾生醴湖屯,屯主王世宗 以 聞

元嘉二十三年八月已酉,嘉禾生華林園,園丞陳襲祖 以聞。

元嘉二十三年九月庚申,嘉禾生沛郡蕭,征北大將軍 衡陽王義季以聞。

二十三年,嘉禾生江夏汝南,荆州刺史南譙王義宣以聞

二十四年七月乙卯,嘉禾旅生華林園及景陽山,園丞梅道念以聞。 太尉江夏王義

恭上事

曰:

元嘉

志

第

十九

緇之羽,河祗開俟淸之源。三代象德,不能過也。 稱揚美烈,追用煉汗。 其頌曰: 以寡立,承乏槐鉉,沐浴芳津,預覩冥慶,不勝抃儛之情。謹上嘉禾甘露頌一篇,不足 汾陽,經始靈囿。 瑞月臻。 表靈,山淵効寶。 今古,採驗圖緯,未有道闕化虧,而禎物著明者也。 臣聞居高聽卑,上帝之功;天且弗違,聖王之德。 前者躬籍南畝、嘉穀仍植、神明之應、在斯尤盛。 蘭林甫樹,嘉露頻流,板築初就,祥穟如積。 伏惟陛下體乾統極,休符襲逮。 若乃鳳儀西郊,龍見東邑,海酋獻改 有幽必闡,無遠弗屆,重譯歲至,休 自皇運受終,辰曜交和,是以卉木 故能影響二儀,甄陶萬 四海旣穆,五民樂業,思述 太平之符,於是乎在。臣 有。 鑒觀

疑, 禛穟秋秀。含滋匪烈,[四] 嗣歲仍富。 徽下武,儷景辰居。軒制合宮,漢興未央。矧伊聖朝,九有已康。率由舊典,思燭前 類斯止。 敍,道致雍熙。 冠 區字。 乃造陵霄,遂作景陽。 二象攸分,三靈樂主。齊應合從,在今猶古。 四民均極,我后體茲。惟機惟神,敬昭文思。九族旣睦,萬邦允釐。德以位 極望江波,逼對岳峙。化德惟達,休瑞惟懋。誕降嘉種,呈祥初構。 於穆不已,顯允東儲。 有鸛景陽,天淵之涘。清暑爽立,雲堂特起。植類斯育,動 生知夙叡、嶽茂淵虛。因心則哲、令問弘敷。 昔在放勳,曆莢數朝。降及重華,倚扇淸庖。 天道誰親,唯仁斯輔。 皇功帝績,理 甘露春 繼

鑠矣皇慶,比物競昭。 倫彼典策,被此 風謠。 資臣六蔽,任兼 兩 司。 旣恋仲袞,又慚鄭

緇。豈忘衡泌,樂道明時。敢述休祉,愧闕令辭。

表 趾 越江。 盛。 宋,靈貺綢 慶。其二極仁所被,罔幽不攘。 **綈狀旣章**,鳥文斯辨。 甘露流液。 地 推功,登徽叡詔。 淵渥 外,改服請教。其六 中領 結響穹陰,儀形鍾陽。其三 德澤,虛寂 軍吉陽縣侯沈演之奏上嘉禾頌 繆。 擢 秀辰畦,揚穎 帝終撝謙,釋思勿休。 说道政。 恩覃隱顯,賞延荒徼。 於皇 茂對盛時,綏萬屢豐。 角澤。 聖辟,承物紀遠。 協化安心,調樂移性。 至和 治人奉天,迺勤迺格。 離穟合豪,榮區蔭斥。其四 所 感,靡况 躬薦宗廟,溫恭 曰:「煥炳禎 河谦 明兩辰 佛彰。 厭厭歸素,秩秩大同。 海夷,山 玉衡從體,瑶光得正。 鴛出丹穴,鷃起 麗, 圖, 率 「華岳燿。 黛耒俶載, 昌輝天行。其一 电。 昭晰瑞典。 盈箱徵 降福 憬琛敻賣, 兼澤委效。 以誠,孝享虔羞 西湘。 殷,貫桑表周。 高廩已積。 運傾方閟, 上藏諸用,下知所從。 理妙位 巨星垂 白鹿 一崇, 嘉 踰 時亨始顯 采,景雲立 **禾重**樛 海,素鳥 今我大 其五 事 神業 日 頒

仰式王度,俯歌南風。 元嘉二十四年八月乙巳,嘉禾生魚城內晉陵,南徐州 鴻名稱首,永保無窮。 其七」 刺史廣陵王 誕 以

二十五年六月壬寅,嘉禾旅 生華林園,十株七百 穗, 園丞梅道念以聞。

二十五年六月壬子,嘉禾生籍田,籍田令褚熙伯以獻

八三

元 嘉 + 五 年 七 月壬辰,嘉 禾生北海,青、冀二州刺 史杜坦以獻

元嘉 二十 五. 年八 月丙午,嘉 禾生太尉江 夏王義恭果園,江夏國 典書令陳穎 以聞。

元嘉 干 五. 年八月壬子,嘉禾生建康 化義里,令丘 珍 孫 以獻

元嘉 二十五 年八月癸丑,嘉禾生華林園,園 丞梅道念 以 獻

元嘉 二十五 年十一月,嘉禾生巴東 荆州刺史南譙 王 一義宣 以 聞

元嘉 二十六年五月癸酉,嘉禾生建康禁中里,揚州 刺史始興王 一濟以獻

元嘉 二十六年六月甲寅,嘉禾生籍田,籍田令褚熙伯 以 獻

元嘉 二十六年七月,嘉禾生巴東胸腮,荆州刺史南 譙王義宣 以

元嘉二十七年十月己丑,嘉禾生北海,青州 刺史杜坦 以 聞

孝武帝孝建二年六月癸巳,嘉禾二株生江夏王義恭東 田

元嘉二十八年七月戊戌,嘉禾生廣陵邵伯埭,兗州刺史江夏王義恭以聞。

孝建二年九月己丑朔,嘉禾異畝同穎生齊郡廣饒縣。

孝建三年七月庚午,嘉禾生吳興武康。

孝武 帝 大 明元 年五月戊午,嘉禾一株五莖生清暑殿鴟尾中。

大明

元年八月甲申,嘉禾生青州,異根同穗。

明帝 大明六年八月辛未,嘉禾生樂陵,青、冀二州刺史劉道隆以聞 大明三年九月乙亥,嘉禾生北海都昌縣,青州刺史顏師伯以聞。 泰始二年七月己酉,嘉禾生會稽永興,太守巴陵王休若以獻。

漢章帝元和中,嘉麥生郡國。

宋文帝元嘉 晉武 元嘉二十五年六月壬子,嘉黍生籍田,籍田令褚熙伯以獻。 帝太康 二十三年,體湖屯生嘉粟,一莖九穗,屯主王世宗以聞。 十年六月,嘉麥生扶風郡,至一 莖四穗。 是歲收三倍。

吳孫權黃龍三年,由拳野稻生,改由拳爲禾興。

吳孫亮五鳳元年,交阯稗草化爲稻。

宋文帝元嘉 元嘉二十八年七月癸卯,尋陽柴桑菽栗旅 二十三年,吳郡嘉 興鹽官縣野稻自生三十許種,揚州刺史始興王濬以聞。 生,彌漫原野,江州刺史建平王宏以聞

漢章帝元和中,嘉瓜生郡國。

志

漢安帝 元初 三年 三月,東平陵有瓜異處共生,八瓜 何帶。

漢桓 帝 建和二年七月,河東有嘉 瓜,兩體共帶。

帝 太康三年六月,嘉瓜異體同帶,生河南洛陽輔國大將軍王濟園

晉武

晉武 帝太康 元年十二月戊子,嘉瓠生寧州,寧州刺史費統 以 聞

宋文帝 元嘉 二十五年四月戊辰,嘉瓠生京邑新園,園 丞徐 道 興以 獻。

孝武 帝大明五年五月,嘉瓜生建康蔣陵里,丹陽尹王僧朗 以 獻。

明帝泰始二年八月戊午,嘉瓜生南豫州, 南豫州刺史山陽王休祐以獻。

文帝元嘉七年七月乙酉,建康領檐湖二蓮一

元嘉 十六年七月壬 申,華林池雙蓮同幹。

元嘉 十年七月己丑,日華林天淵池芙蓉異花 同 蔕。

元嘉 十 九年八月壬子,揚州後池二蓮合華,刺 史始興王濬 以

元嘉 十年五 月,廬陵 郡池芙蓉二花一帶,太守王淵 以 聞

元嘉 元嘉 一十年夏,永嘉郡後池芙蓉二花一帶,太守臧藝以聞。 + 年六月壬寅,日華林天淵池芙蓉二花 蔕, 園丞 陳襲祖 以聞。

元嘉 二 十 年,揚州 後 池芙蓉二花 \_\_\_ 蔕,刺 史始 興王 濬 以 獻

元嘉 二十一年六月丙午,華林園天淵 池 二蓮同 榦, 園 丞 陳襲祖 以 聞

元嘉 二十二年 四月,公 樂游苑池二蓮同 榦, 苑丞梅道念以 聞

元嘉 二十二年七月,東宮玄圃 園 池 二蓮同 榦,內監殿守舍人宮勇民 以聞。

元嘉 二十三年六月壬寅, 華林 天淵 池芙蓉 三花 帶,園 丞 陳 襲 祖 以 聞

元嘉 元嘉 二十三年八 二十三年六月辛丑 月己 西, 一、太子 魚邑三周 西 池 池 一蓮共 蓮 榦, 同 榦 池 袁 統 胡 丞 徐 永 道 加 興 以

(以聞

聞

孝武帝孝建二年六月庚寅,玄武湖二蓮同榦。

孝武 帝 大 明 五. 年,籍田芙蓉 二花 同 帶,大司 農 蕭邃 以 獻

明 帝 泰 始 年八 月 丙辰,五 城 澳 池 蓮 同 榦, 都 水 使 者 羅 僧 愍 以

泰 泰 始 始 五. 年六 年 八月己未,豫 月甲子 ,嘉蓮 州 生 刺 湖 史 熟 Щ 陽 南臺侍 王 休 祐 御 獻 史竺 蓮 一曾度以 花 蔕 聞

泰始六年六月壬子,嘉蓮生東宮玄圃池,皇太子以聞。

志

第

+

九

符

瑞

下

晉武帝泰始二年六月壬申、嘉柰一帶十實,生酒泉。

泰始 七年六月己亥,東宮玄圃池芙蓉二花一帶,皇太子以獻。

晉成帝咸和六年,鎭西將軍庾亮獻嘉橘,一蔕十二實。

晉安帝隆安三年,武陵臨沅獻安石榴,一帶六實。

雲有五色,太平之應也,曰慶雲。 若雲非雲,若煙非煙,五色紛縕,謂之慶雲。

漢宣帝神爵四年春,齋戒之莫,神光顯著。 薦鬯之夕,神光交錯,或降于天,或登于地,

或從四方,來集于壇上。

漢章帝元和三年正月,車駕北巡,以太牢祠北岳山,見黃白氣。

宋孝武帝大明元年五月壬子,紫氣從景陽樓上層出,狀如煙,回薄良久。

明帝泰始二年三月丙午,黃紫雲從景陽樓出,隨風回,久乃消,華林園令臧延之以聞。

泰始二年六月己卯,日入後,有黃白赤白氣東西竟天,光明潤澤,久乃消。

後數有光及五色雲,叉芳香四滿,叉五采雲在松下,狀如 泰始四年十一月辛未,崇寧陵令上書言,自大明八年至今四年二月,宣太后陵明堂前 軍蓋。

泰始七年四月戊申夜,京邑崇虛館堂前有黃氣,狀如寶蓋,高十許丈,漸有五色,道士

白兔,王者敬耆老則見。

漢光武建武十三年九月,南越獻白兔。

章帝元和中,白兔見郡國。

魏文帝黃初中,郡國十九言白兎見。

晉武 帝泰始五年七月已亥,白兔見北海卽墨,卽墨長獲以

獻。

晉武 帝 咸寧二年十月癸亥,白兔二見河南陽翟,陽翟令華衍獲以獻。

咸 寧四 年六月,白兔見天水。

晉武 帝太康二年八月壬子,白兔見彭城

匹

太康二年十月,白兔見趙國

平鄉,趙王倫獲以獻。

太康 年十一月癸未,白兔見北地富平。

晉穆帝 太康 八 永和 年十二 十二年九月甲申,白兔 月庚戌,白兔見陳留 見鄱陽,太守王耆之以獻,幷上頌 酸棗,關內侯成公忠獲以 獻。

晉穆帝 升平 三年十二 月庚 申,北中郎將都曇獻白兔。

+ 九 符 瑞 下

志

第

晉海 西公 太和 九 年四月,陽榖獻 白兔

晉孝武帝太元 十五年三月,白兔 見淮南壽陽。

晉安帝義熙二年四月,無錫獻白兔

義熙二年四月,壽陽獻白兔。

宋文帝元嘉六年九月,長廣昌陽淳于邈獲白兔,青州刺史蕭思話

八 年閏六月丁亥,司徒府白從伊 生於淮南繁昌獲白兔以獻

以獻

十四年 獻

十三年七月甲戌,濟南朝陽

王道獲白兔,青州刺史段宏以獻。

正月丙申,白兔見山 陽縣,山陽太守劉懷之以

元嘉 元嘉 十五. 二十二 年 年三月,白兔見東萊當利,靑州 七月壬 市,山 陽 師齊 獲白兔,南兗州 刺 史杜 刺 驥 史江 以 聞。云 夏王義恭 以獻

元嘉 十 四 年七月丁巳,白兔見兗州 刺 史 徐 瓊 以 聞

+ 四 年 七月已酉,白兔見東莞, 太守趙 球 以 獻

元嘉

7

占

年二

月壬辰,白兔見

竟陵

荆

州

刺

史南

譙

王

義

宣

以

孝武 帝孝建二年正月庚戌,白兔見淮南,太守申坦以聞 + 七年六月丙午,白兔見 南汝陰, 豫州 刺 史 南 平王 鑠 以 獻。

孝建三年閏三月乙丑, 5102白兔見平原, 獲以獻。

孝武大明元年六月庚子,白兔見卽墨,獲以獻。

大明六年六月乙丑,白兔見,青、冀二州刺史劉道隆以獻 大明六年八月辛未,白兔見北海,青、冀二州刺史劉道隆以獻。

斗殞精,王者孝行溢則見。闕

赤烏,周武王時銜穀至,兵不血刃而殷服。

漢章帝元和中,赤烏見郡國。

吳孫權赤烏元年,有赤烏集於殿前。

吳孫休永安三年三月,西陵言赤烏見。

晉元帝永昌二年正月,赤烏見暨陽。

宋武帝永初二年二月,赤烏六見北海都昌。

孝 武 帝 大明五年六月戊子,赤鳥見蜀 郡,益 州 刺史劉思考以獻。

志

第

燕 者 師曠時,衛丹書來至。

漢章 帝 元 和 中,白燕見郡國

晉惠帝 元康元 年七月,白燕二見酒泉祿福,自己太守索靖以

宋文帝 元嘉 元年七月壬戌,白燕集齊郡城,游翔庭宇,經 九日 聞。 乃去,衆燕隨從無數。

元 嘉 十 四 年,白燕集荆州府門,刺史臨川王義慶 以 聞

元 嘉 十八年六月,白燕產丹徒縣,南徐州 刺史南譙王義宣 以聞。

十年五 月,白燕集南 平郡 府內、三內史臧綽以聞

元嘉 二 十 一 年,白燕見廣陵 ,南兗州刺史廣陵王誕 以 獻

元嘉

=

四年

五月辛未,白燕集司徒府

西園,太尉

江

夏王

一義恭

以

聞。

元嘉

元嘉 二十五 年 八 月壬子,白燕見廣 陵城 南竞 州 刺 史徐湛 之 以 聞

元 嘉 一十六年 五 月戊寅, 白燕產衡 陽 王墓亭,郞 中 令朱曠之 獲 以 聞

元嘉 元 嘉 二十 一十七年 七年六 五. 月壬辰,白燕見秣陵 月甲戌,白燕產 京 口 南徐州 丹陽 尹徐湛 刺 史始 之 興王 以 獻 濬 以 聞

孝武 大明二年五月甲子,白燕二產山陽縣舍,南兗州刺 帝大 明二 年五 月乙巳,白燕產 南 郡 江陵民家 荆州 史竟陵王 刺 史 誕 朱 以 脩 獻 之以獻。

大明二年六月甲戌,白燕產吳郡城內,太守王翼之以獻。

大明 大明三年五月甲申,白燕產武陵臨沅民家,郢州刺史孔靈符以聞。 四年六月乙卯,白燕見平昌,青州刺史劉道隆以獻

明帝泰始二年六月,白燕見零陵,獲以獻。

金車,王者至孝則出。闕

三足烏,王者慈孝天地則至。

漢章帝元和中,三足烏見郡國。

象車者,山之精也。王者德澤流洽四境則出。 闕

白烏,王者宗廟肅敬則至。

漢桓帝永壽元年四月,白烏見齊國。〔111〕

晉武 帝咸寧五年 七月戊辰,白烏見濟南隰陰,口巴太守獲以獻。

志

第

十九

符瑞

下

帝太 康 元年五 月庚午,白鳥見襄城。 

太康 + 年五 月丁 丑,白鳥見京兆 長安

南成皇,縣令劉機獲以

元康 元 年五 月戊戌,白烏見梁國 惟陽。

晉惠帝

元

康

元年四月,白鳥見河

聞

元 康 元 年七月辛丑,白鳥見陳留,獲以獻。

元康 四 年十月,白鳥見鄱 陽

晉明帝太寧二年十一月,白烏見京都。

太寧三年三月,白鳥見吳郡海虞,獲以獻,羣官畢賀。

晉孝武帝太元十一年八月乙酉,白烏集江州寺庭,羣烏翔

太元二十一年五月癸卯,白鳥見吳國,獲以獻

宋武帝永初二年六月丁酉,白烏見吳郡婁縣,太守盂顗以獻。

文帝元嘉二年十一月丙辰,白烏見山陽,太守阮寶以 聞

元嘉三年三月甲戌,丹陽湖熟薛爽之獲白烏以獻

元嘉十一年六月乙巳,吳郡海鹽王說獲白鳥,揚州刺 元嘉十三年三月戊辰,義興陽羨令獲白鳥,太守劉禛以獻 史彭城王義康以獻

元嘉 十九年五月,海陵王文秀獲白烏,南兗州刺史臨川王 義慶以 獻。

元嘉 十九年十月,白鳥產晉陵暨陽僑民彭城劉原秀宅樹,原秀以聞。

元嘉二十年七月,彭城劉原秀又獲白烏以獻

元嘉二十四年八月乙巳,白烏見晉陵,南徐州刺史廣陵王誕以獻。

孝武帝大明元年四月甲申,白鳥見南郡江陵。

明帝泰始二年六月丁巳,白鳥見吳郡海鹽,太守顧覬之以獻。

泰始二年九月壬寅,白烏見吳興烏程,太守郄顒以獻。

白雀者,王者爵祿均則至。

漢章帝元和初,白雀見郡國。

魏文帝初,郡國十九言白雀見。

晉武帝太康二年六月丁卯,白雀二見河內南陽,日心太守阮侃獲以獻。 晉武帝咸寧元年,白雀見梁國,梁王肜獲以獻

太康八年八月,白雀見河南洛陽。

太康 + 年五 月丁亥,白雀見宣光北門,華林園令孫邵 獲 以

晉愍帝建武元年四月,尚書僕射刁協獻白雀於晉王

晉孝 武 帝太元 十六年十二月,江北白雀見南海增城縣民吳比屋。

晉安帝隆安五年十一月,白雀見宜都。

晉安帝元興三年六月丙申,白雀見豫章新淦,獲以獻。

宋文帝元嘉元年七月己巳,白雀見齊郡昌國

元嘉八年五月辛丑,白雀集左衞府。元嘉四年七月乙酉,白雀見北海劇。

元 元 嘉 + 年五 月 1 丑,齊郡 西安宗顯 獲 白雀,青州 刺 史段宏 以

獻

元 四 年 五. 月甲 午,白雀 集 費 縣 員 外 ·散騎侍郞 顔敬 家, 獲 以 獻

元嘉十四年,白雀二見荆州府客館。

元 五. 年五月辛未,白雀 集 建 康 都 亭里,揚州 刺 史彭城 義康 以 聞。

元嘉 十五年八月,白雀見西陽,江州刺 史南 譙 王 一義宣以 獻。

元

Ŧī.

年

一六月,

白雀

見建

康

定

陰里,彭

城

王義

康

以

獻

元 嘉 十七年 五月壬寅,白雀二集荆 州後園, 刺 史衡陽王義季 以聞

元嘉 十八八 年 七月,吳郡鹽官于玄獲白雀 ·,太守劉禛 以 獻

元嘉 二十年五 月乙卯,秣陵 衛 猗 之 獲 白 雀 , 丹 陽 尹徐湛 之以 獻。

元嘉二十二年四 月丙子,白雀見東安郡,徐州 刺 史臧 質 以 獻

元嘉二十二年閏 五月丙午,白雀見華林園,員外散騎 侍郎長 沙王 達獲 以 獻。

元嘉二十二年六月庚申,南彭城蕃 縣時佛護獲白雀以獻

元嘉 二十四年 四月,白雀 產吳郡 鹽官民家,太守劉禎 以 獻。

元嘉 二十四 年六月己亥,白雀五 集長沙廟,長沙 王瑾 以 聞

元嘉 二十五 年五月丁丑,白雀二見京都,材官 吏黃公歡、軍 人丁田夫各獲以獻。

元嘉二十七年六月乙卯,白雀見濟南郡,薛榮以獻。

元嘉二十八年八月己巳,崇義軍人獲白雀一 雙,太子 左率王錫以獻。

月癸丑,白雀見會稽山陰,太守

東海

王禕獲

以獻

元嘉二十九年四

孝武 帝孝 建元年五月己亥, 臨沂縣魯尚期於城上得 :白雀, 太傅假黃鉞江夏王

以獻。

孝建二年六月丙子,左衞軍獲白雀以獻。

孝 建 年 閨 亖 月 辛酉,黃門侍郎 庾徽之家 獲白 雀 以 獻。

孝建 年 五 月丁 卯,白雀見 建 康 獲 以 獻

孝武 帝大 明 元 年 四 月戊申, 白雀 見尋陽

大 明 元 年 五. 月 甲 寅 白雀二見渤海, 獲 以

明 元 年 五 月甲子,白雀見建康 獲 以 獻

大 明 元 年六月丁亥,白雀見零陵 祁陽, 獲 以 獻

大 明 元 年 七月辛亥,白雀 見南陽 宛,獲 以 獻

大 明 二年 五. 月丁未,白雀 見 建康, 揚州 刺 史西陽王 子尚 以

獻

大明 二年六月丁亥,白雀見 河東 定襄縣,荆州 刺史朱脩之以 聞

大明 三年四 月庚戌,白雀見秣陵,丹陽 尹劉秀之以 獻

大 明 四 年 五. 月辛巳,白雀見廣陵,侍中顏 師伯 以 獻

大明

三年

五.

月壬午,太宰府崇蓺

軍人獲白雀,太宰江

夏王義恭以獻

大 明 五. 年 应 月 庚戌,白雀見晉陵,太守沈文 叔 以 獻。

大 大 明 明 五. 五. 年 年 Ħ. 五. 月癸未,白雀二見濟南,靑州 月癸未,白雀二見尋陽,江州 刺 刺 史桂 史劉道隆 陽 王 休 以 獻 範 以 獻。

大 明 五年十月,白雀見太原,青州刺史劉道隆以獻

明 六年八月辛巳,白雀 見 層郡,靑、冀二州刺史劉道隆以獻

大 明 七 年四月乙未,白雀集廬陵王第,廬陵王敬先 以 獻。

大 明 七年四日 月乙丑,白雀見歷陽,太守建平王 景素 以 獻。

大 明 七 车 五 月辛未,白雀見汝陰,豫州刺史垣 護之以獻。

大 明 七年六月,白雀見寶城,日公南豫州 刺史尋陽王子房以獻。

大 明 七年 十月丁卯,白雀 見建康, 丹陽 尹永嘉王子仁以獻

大 明 七年 十一月,車駕南巡,肄水師於梁山,口心中江,白雀 四月乙亥,白雀見會稽,東揚州 刺史尋陽王子房以獻 二集華蓋。

永光 范 年六 月丙 子,白雀見彭城,徐州刺 史義陽 王 昶 以 聞

前

廢

帝

永

光

元

年

泰始 明 帝 六年 泰始 七 月 年 壬 七月 年 戊子,白雀見虎檻洲 白雀 二見廬陵吉陽, 都督 內史 江 征 孜 討 以 諸 聞 軍建安王休仁以聞。

明 帝 泰 豫 元 年六 月 辛 丑,白 雀 見廣州 刺刺 史孫超 以 獻

後 廢 帝 元 徽 五. 年 四月己已,白雀二見尋陽柴桑,江州刺史邵陵王 友以獻

八四八

孝武帝大明六年三月丙午,青雀見華林園

明 帝泰始二年九月庚寅,青雀見京城內,南徐州刺史桂陽王休範以獻。

玉馬,王者精明,尊賢者則出。闕

根車者,德及山陵則出。闕

白鳩,成湯時來至。

魏文帝黃初初,郡國十九言白鳩見。

吳孫權赤烏十二年八月癸丑,白鳩見章安。

晉武帝泰始八年五月甲辰,白鳩二集太廟南門,議郎董胄獲以獻。

晉武帝太康二年七月,白鳩見太僕寺。

太康四年十二月,白鳩見安定臨涇。

太康十年正月乙亥,白鳩見河南新城。

以 獻。 宋文帝元嘉 太子率更令何承天 十八年八月庚午,會稽山陰商世寶獲白鳩,眼足並赤,揚州刺史始興王濬 上表曰:

品。 宮之雀, 目 靈於河 旬,時在昧 翫 奇 偉 , 故能 謹考尋先典,稽之前志,王德所覃,物以應顯。 紀, 徵姬文之徽祚。 九服混 旦,黃暉洞照,宇宙開朗,徽風協律,甘液灑津。 心歡盛烈。 蔑以尙茲。 心,萬邦含愛,圓神降祥,方祗薦裕,休珍雜沓,景瑞畢臻。 臣不量 謹獻頌 伏惟陛下重光嗣服,永言祖武,洽惠和於地絡,燭皇明於天 軍懵 一篇。 竊慕擊壤有作,[三]0]相杵成謳。 野思古拙, 意及庸陋,不足以發揮清英,敷讚幽 是以玄扈之鳳,昭帝軒之鴻烈, 雖朱晃瑰瑋於運衡,榮光圖 近又豫白鳩之觀, 去七月上

莫歸。 謯 躔,八維同映。 表粹,離穗合柯。 三極協情, 暮從儀 鳳,棲閣 休祥載臻,榮光播慶。 Ŧi. 靈會性。 翩翩者鳩, 廕 闡 理威冥符,道實玄聖。 亦皎其暉。 宇宙照爛,日月光華。 理 翮台領, 於赫有皇,光天配命。〔三〕朝景升 揚鮮帝畿。 陶 Щ 練澤,是生柔嘉。 匪仁莫集、三三匪德

回

旨,瞻前顧後,亦各其志。

謹冒以聞。

其白鳩頌日

耋,式歌王度。 聲遐宣。 烝哉明后, 味旦乾乾。 窮髮納貢,九譯導言。 晨晞永風,夕漱甘露。 惟德之崇,其峻如山。 伊昔唐萌, 思樂靈臺,四三不遐有固 愛逢 慶祚。 惟澤之贍,其潤 余生旣辰, 如淵。 而年之暮。 禮樂四達,頌 提心命

元嘉二十四年九月,白鳩又見。 庚戌,中領軍沈演之上表日 志 第 + 九 符 瑞 下

旣聞之先說,又親覩嘉祥,不勝藻抃,上頌一首。 囿。 懿,民樂薰風,星辰以之炳煥,日月以之光華。神圖祇緯,盈觀閟序,白質黑章,充牣靈 皇慶,崇讚盛美,蓋率輿誦,備之篇末。 應感之符畢臻,而因心之祥未屬。 臣 陛下道德嗣基,聖明續世,敎淸鳥紀,治昌雲官,禮漸同川,澤浹朱徼。 聞 :貞裕之美,介於盛王,休瑞之臻,罔違哲后。 其頌曰: 以素鳩自遠、选翰歸飛、資性閑淑、羽貌鮮麗、 辭不稽典,文乏采章,[三愧不足式昭 故鳴鳳表垂衣之化,翔鷦徵解網 天嘉明

擢苗。 降爱休。其一於顯盛宋,叡慶遐傳。 依,惟仁是處。育景陽嶽,濯姿帝宇。其四 和於地,神豫于天。其二 烝然戾止,實兼斯容。 壹茲民聽,穆是王風。其五 有哲其儀,時惟皓鳩。性勰五敎,名編素丘。 灼灼縞羽,從化馴朝。其三 豈伊赴林,必周之栩。 禮樂孔秩,靈物咸昭。 聖皇在上,道照鳩軒。 刑曆頒興,理處迭通。 白雀集苞,丹鳳棲郊。 殷曆方昌,婉翹來遊。漢錄克韡,爰 豈伊歸義,必商之所。 稱施旣平,孝 雉飛越常,鷺起西雍 文騶儷跡,嘉穎 思 永言。人 惟德是

玉羊,師曠時來至。闕

玉雞,王者至孝則至。闕

璧流離,王者不隱過則至。 妟

玉英,五常並修則見。 闕

玄圭,水泉流通,四海會同 .则 出。 闕

漢桓帝永興二年四月, 光祿勳府吏舍, 夜壁下有靑氣, 得玉鉤、 玦各一。 鉤長七寸三

分, 玦周五寸四分,身中皆雕鏤。

晉懷帝永嘉六年二月壬子,玉龜出灞水。

晉愍帝建興二年十月,大將軍劉琨掘地得玉璽,使參軍郞碩奉之歸于京師。

建興二年十二月,涼州刺史張寔遣使獻行璽一紐,封送璽使關內侯。

晉愍帝建武元年三月己酉,丹陽江寧民虞由墾土得白麒麟璽一紐,文曰「長壽萬年」。

獻 晉王。

晉成帝咸康八年九月,廬江春穀縣留珪夜見門內有光,取得玉鼎一枚,外圍四寸。 豫

州刺史路 永以獻。 著作郎曹毗上玉鼎頌。

晉安帝 義熙十二年六月,左衞兵陳陽於東府前淮水中得玉璽一 枚。

大明 宋孝武帝大明元 四 年二 月乙巳,徐州刺史劉道隆於汴水得白玉戟,以獻。 年五月戊寅,江乘縣 民朱伯 地 中得玉璧,徑五寸八分,以獻。

志 第 + 儿 符 瑞 下

八五二

明帝泰始五年十月庚辰,郢州獲玄壁,廣八寸五分,安西將軍蔡興宗以獻。

後廢帝元徽四年十一月乙巳,吳興烏程余山道人慧獲蒼玉壁,太守蕭惠開 以獻。

金勝、國平盜賊、四夷賓服則出。

晉穆帝永和元年二月,春穀民得金勝一枚,長五寸,狀如織勝。 明年,桓溫平蜀

永和元年三月,廬江太守路永上言,於春穀城北,見水岸邊有紫赤光,取得金狀如印,

遣主簿李邁表送。

吳孫晧天璽元年,吳郡言掘地得銀一,長尺,廣三分,刻上有年月字。

丹甑五穀豐熟則出。闕

白魚,武王度孟津,中流入于王舟。

宋明帝泰始 二年十月己巳,幸華林天淵池,白魚躍入御舟。

漢章帝元和三年正月,車駕北巡,以太牢具祠北岳,有神魚躍出十數。

木連理,王者德澤純洽,八方合爲 ,則生。

漢章帝元和中,木連理生郡國。

安帝元初三年正月丁丑,東平陵 樹連理。

延光三年七月,潁川定陵有 木 連 理。 漢安帝延光三年七月,左馮翊衙

有木

連 理

三吾

漢桓帝建和二年七月,河 東 有木 連 理

吳孫權黃武四年六月,皖口言有木連理。

魏文帝黃初初,郡國二言木連理

泰始二年八月,木連理生河南成臯。 晉武帝泰始元年十二月,木連理生遼東力城。

泰始 八年正月,木連理生東平范。

八年五月甲辰,木連理生東平壽張。

志 第

+ 九

符 瑞 下

泰始 八 年 十月,木 連 理 生 建 寧

晉武 帝 咸寧元 年正 月, 木 連 理 生汝 陰南頓

咸寧 年四月,木連理 生 清 河 靈

咸寧二年六月,木連 理 生 燕 或

咸寧三年七月壬辰,木 連 理 生始平鄠。

咸寧 咸寧 五年,木連理 四年八月,木連理 生義 陽 生陳留長 垣

咸寧 五年,木連理 生樂安臨濟。

晉武 帝太康元年正 月,木連理生涪陵永平。

太康 元 年四月,木連理 生 頓丘

太康 元年 七月,木 連 理 生馮 翊粟邑。 太康

元

年五

月,木

連理

二生濟陰乘氏,

沛 國

太康 年 正 月, 木 連 理 生榮陽 密

三年 应 [月, 木 連 理 生 琅 邪華。

康

年

+

一月,木

連

理

十三生

南安羱道。

太康三年六月,木連 理生廣陵海 西

太康 四 年正 月,木連 理 生 馮翊 、臨晉, 蜀 郡成都。

太康 四年十二月,木 連 理 生 扶 風

太康 七年三月,木連 理 生河南新安。

太康 七年六月,木連 理 生始興 中宿,南鄉筑陽。

三型

太康 太康 八年九月,木連 八年四月,木連 理 理 生廬陵 生東萊盧 東昌。 鄉

太康 九年九月、木連 理 生陳留浚儀

晉武帝太熙元年二月,木連理 太康十年十一月,木連 生河南梁

理

生鄱

陽

鄡陽。

元康元 晉愍帝建興二年三月庚辰,木連理 晉惠帝元康元年五月,木連理三生成都臨邛 年七月辛丑,梁國內史任式上言,武平界有柞櫟二樹,合爲 生朱提。

體,

連理。

興 二年六月,木連理生襄平。

志

第

4.

九

符 瑞 下 建興二

|年三月,木連理二生益州雙栢

八五六

晉愍帝建武元年閏月乙丑,木連理生嵩山。

建武元年八月甲午,木連理生汝陰。

建武 元 年十一月,木連理生武昌,大將軍王敦以聞晉王。

建武元年十一月癸酉,木連理生汝陰,太守以聞。

晉元帝太興元年七月戊辰,木連理生武昌,大將軍王敦以聞。

太興三年十一月,木連理生零陵永昌。

晉成帝咸和八年五月己巳,木連理生昌黎咸和。

咸康三年三月庚戌,木連理生平州世子府治故園 中。

咸康七年十二月,吳國內史王恬上言,木連理生吳縣 沙 里

晉穆帝永和五年二月癸丑,臨海太守藍田侯述言郡界木連 理

晉孝武帝寧康三年六月辛卯,江寧縣建興里僑民留康家樹,異本 連 理

晉孝武帝太元十一年四月壬申,琅邪費有楡木,異根連理,相去四尺九寸。

太元十八年十月戊午,臨川東興令惠欣之言,縣東南溪傍有白銀樹、芳靈樹、 李樹,並

連理。

太元十九年正月丁亥,華林園延賢堂西北李樹連理。

太元二十一年正月丙子,木連理生南康寧都縣社後。

晉安帝隆安三年十一月,木 連理 生汝陽 太守 垣苗 以 聞。

元興元年正月,木連理生泰山武陽。

宋文帝 元嘉 八 年四月乙亥,東莞 | 莒縣松樹連理, 太守劉 玄 以聞

元嘉八年八月,木連理生東安新泰縣。

立語ユドドリ,大車里上營易合首,大子長弩以間万萬ノ牟ノリ フミモ 生資場 湯県

元嘉 元嘉 十二年二月丁卯,南 九年六月,木連理 生營陽冷道,太守展禽以聞 郡 江 陵 庾 和 園甘樹連理,荆 州 刺 史臨 Щ 王 義慶

元嘉 十四年二月,宮內螽斯堂 前 梨樹 連理 , 豫州 刺 史長 沙 王 義 欣 以 聞

元嘉

十二年三月,馬頭

濟陽

柞

樹

連理

豫州

刺

史長

沙

王

義

欣

以

聞

以獻

元嘉十四年,南郡江陵光禕之園甘李二連理。

元嘉 + 五 年二月,太子家令劉 徵 園 中 林 檎 樹 連 理 微 以 聞

元嘉 十七七 年七月,武昌崇讓 鄕 程 僧 愛 家 候 風 木 連 理,江 州 刺 史臨 Ш 王 義 慶 以 開。

元嘉 十七七 年 十月,尋陽 弘 農 祐 幾 湖 美 蓉 連 理 臨 川 王 義 慶 以 聞

二十年七月 ,盱眙考城 縣 柞樹 二株 連理,南兗 州 刺 史 臨 Ш 王 義 慶 以 聞。

志第十九 符瑞下

元嘉

十八

年

**斗** 二

月,

木

連

理

生

歷

陽

劉

成

之家

南

豫

孙

刺

史

武

陵

王

駿

以

聞

二十年八月, 木連 理 生汝陰,豫州 刺 史劉遵考 以 聞

二十一 一年,木 連 理 生歷陽 烏江 南南 豫 州 刺 史武 陵 王 駿 以 聞

元嘉二十一 年,木連理 生晉陵 無錫 南徐 州 刺史南 譙 王 義 宣 以

元嘉二十二年七月辛巳,南頓 樂連 理 , 豫 州 刺史 ~趙伯 符 以 聞

元嘉二十二年九月,木連理生建康, 建康 令張永 以 聞

元嘉二十二年,木連理生武昌,江州刺史廬 陵王 紹 以 聞

元嘉二十三年,木連理生淮南當塗,揚州刺史始興王 元嘉二十三年二月辛亥,木連理生南陰柔縣,太守以 濬 以 聞

聞

二元

元嘉二十四年二月壬午,臨川 王第梨樹連理,臨川 王 燁 以 聞

元嘉 二十四年七月壬子,晉陵無錫穀櫟樹連 理 南徐 州 刺史廣 陵王 誕 以 聞

元嘉二十四 年七月乙卯,木連理生會稽諸暨,揚州刺史始興王濬以聞。 會稽太守羊玄

保 上 改 連 理 所 生 處康亭村爲「木連理」。

元嘉 二十四 年 七月乙卯,臨 川王第梨樹連理,臨川王燁 以聞

元嘉

五

年

四

月戊辰,木連

理生晉陵,南徐

州

刺史廣

陵王誕

以 聞

元嘉二十八年正月戊子,木連理生專陽柴桑,又生州城內,江州刺史建平王宏以聞

元 嘉 + 九 年 十月丁 未, 木 連 理 生 南 琅 邪 太守 劉 成 以 聞

孝 武 帝 孝 建 年三 月己酉 , 木 連 理 生 南 郡 江 陵 荆 州 刺 史朱 脩之以 聞

孝 建 = 年 五. 月,木連 理 生 北 海 都 昌 冀 州 刺 史垣 護 之 以 聞

孝 建  $\equiv$ 年 七 月 癸未,木 連 理 生 歷 陽 歷陽 太 守 袁 敳 以

聞

孝 武 帝 大 明 元 年 正 月乙亥, 木 連 理 連 生 高 理 平

大 明 元 年 九 月 乙 丑: , 華 林 袁 梨 樹 連 理

大

明

元

年

月

壬

寅

華

林

園

雙

橘

樹

大 明 元 年 + 月 丁 丑 朔, 木 連 理 生 豫 章 南 昌

大 明 年 四 月 辛 丑 , 木 連 理 生 汝 南 豫 州 刺 史 宗 慤 以

年 年 三 九 月丁 午, 亥, 木 木 連 連 理 理 生 華 丹 陽 林 袁 曜 陵 靈 殿 北 范

大

明

四

大

明

 $\equiv$ 

月

甲

生

秣

材

官

將

軍

悅

時

以

聞

聞

大 明 几 年 匹 月 壬 子 , 木 連 理 生 華 林 園 H 觀 臺 北

,

聞

大 大 明 明 四 五. 年 年 閨 六 月 九 月 戊 戌 木 連 木 理 連 生 理 邊 生 城 會 稽 豫 Щ 州 陰, 刺 史 揚 州 垣 護 刺 之 史 西 以 聞 陽 王 子 尚 以

大 明 Ŧi. 年 十 月戊 寅 淮 南 松 木 連 理 豫 州 刺 史 尋 陽 王 子 房 以 聞

志

第

十

九

符

瑞

下

大明 六年二 月乙丑,木連理生晉陵,南徐州刺史新安王子鸞以聞。

大明六年八 大明六年四 月乙丑,木連 月戊辰,木連理 理生彭城城內,徐州刺史王玄謨以聞 生營陽,湘州 刺史建安王休仁 以 聞

大明

七年正

月己酉,

珊瑚

連

理

生鬱林,安始太守劉勔

以聞

明帝 泰始二年七月,木連 理生丹陽秣陵。

泰始 四年三月庚戌,太子西池冬生樹連理,園丞周鷟猗以獻。

泰始六年十二月壬辰,木連理生豫章南昌,太守劉愔之以聞。

泰始六年四月丙午,「圖〇〕木連理生會稽永興,太守蔡興宗以聞。

泰始 七年二月戊寅、木連理生吳郡錢唐、太守王延之以聞。

昇明二年,木連理生豫州界內,刺史劉懷珍以聞。 

比目魚,王者德及幽隱則見。 闕

珊瑚鉤,王者恭信則見。 闕

芝草,王者慈仁則生。 食之令人度世。

漢武帝元封二年,甘泉宮內產芝,九莖連葉。

漢宣帝元康四年,金芝九莖,產于函德殿銅池中。

漢明帝永平十七年春,芝生前殿。

漢桓帝建和元年四月,芝草生中黃藏府。

宋從帝昇明二年,宣城山中生紫芝一株,在所獲以獻。

明月珠,王者不盡介鱗之物則出。

漢高后景帝時,會稽人朱仲獻三寸四寸珠。

漢章帝元和中,郡國獻明珠。

**巨鬯,三禺之禾,一稃二米,王者宗廟修則出。** 

黃帝時,南夷乘白鹿來獻鬯。

漢章帝元和中,秬胚生郡國。

志第十九 符端下華平,其枝正平,王者有德則生。德剛則仰,德弱則低。

漢章帝元和中,華平生郡 國。

平露,如蓋,以察四方之政。 其國不平,則隨方而傾。 闕

蓂莢,一名歷莢,夾階而生,一日生一葉,從朔而生,望而止,十六日,日落一 葉,若月

小,則一葉萎而不落。 堯時生階。闕

**萐甫,一名倚扇,狀如蓬,大枝葉小,根根如絲,轉而成風,殺蠅。 善時生於廚。** 闕

朱草,草之精也,世有聖人之德則生。

漢光武建武中元元年五月,至三京師有赤草生水涯。

漢章帝元和中,朱草生郡國。

魏文帝初,朱草生文昌殿側。 

宋文帝元嘉十一年,朱草生蜀郡郫縣王之家,益州刺史甄法崇以聞。

景星,大星也。狀如半月,於晦朔助月爲明。 闕

賓連闊達,生於房室,王者御后妃有節則生。 闕

渠搜, 禹時來獻裘。 闕

浪井,不鑿自成,王者淸靜則應。 闕

西王母,舜時來獻白環白琯。 闕

越常,周公時來獻白雉、象牙。 闕

漢平帝元始元年正月,越常重譯獻白雉一,黑雉二,詔三公薦宗廟。

漢光武

建武十三年九月、同南越獻白雉。

漢章帝 元和中,白雉見郡國。

漢桓帝永康 元年十一月,白雉見西河。

漢獻帝

延康

元年四月丁巳, 饒安縣言白雉見, 又郡國十九言白雉見。

晉武帝咸寧元 年四月丁巳,白雉見安豐松滋。

咸寧

元

年十二月丙午,白雉見梁國

睢陽,梁王肜獲以獻。

| 咸寧三 一年十一 月,白雉見渤海 饒安,相阮溫獲 以 獻

晉武帝太康 元 年 九月庚戌、三百雉見中山

晉愍帝 建 興 三年 十二月戊午,白雉見襄平。

志 第

+

九

符 瑞

下

建興三年十二月戊午,白雉見。

安帝義熙七年五 月,白雉見豫章南昌。

元嘉 十六年二月,白雉見陳郡,豫州刺史長沙王義欣以 獻。

宋文帝元嘉五年五月庚辰,白雉見東莞莒縣,太守劉玄以聞

元嘉十八年二月癸亥,白雉見南汝陰宋縣,太守文道恩以獻。

元嘉二十年六月,白雉見高平方與縣,徐州刺史臧質以獻。

元嘉二十六年三月戊寅,白雉見東安、沛郡各一,徐、兗二州刺史武陵王獲以獻。

大明 (五年十二月,白雉見秦郡,气灵)南兗州刺史晉安王子勛以獻。

孝武帝大明二年三月己巳,白雉雌雄各一見海陵,南兗州刺史竟陵王誕以獻。

大明八年二月丁卯,白雉見南郡江陵,荆州刺史臨海王子頊以獻。

永光元年三月甲午朔,白雉見新蔡,豫州刺史劉德願以獻 前廢帝永光元年正月丙午,白雉見渤海,青州刺史王玄謨以獻。

黃銀紫玉,王者不藏金玉,則黃銀紫玉光見深山。

宋明帝泰始二年八月,於赭圻城南得紫玉一段,圍三尺二寸,長一尺,厚七尺。 太宗攻

玉女,天賜妾也。 禮含文嘉曰:「禹卑宮室,盡力溝洫,百穀用成,神龍女降。」闕

地珠,王者不以財爲寶則生珠。闕

天鹿者,純靈之獸也。五色光耀洞明,王者道備則至。

角端者,日行萬八千里,又曉四夷之語,明君聖主在位,明達方外幽遠之事,則奉書而

闕

至。闕

周 印者,神獸之名也,星宿之變化。 王者德盛則至。

飛蒐者,神馬之名也,日行三萬里。 禹治水勤勞歷年,救民之害,天應其德而至。 闕

澤獸,黃帝時巡狩至於東濱,澤獸出,能言,達知萬物之精,以戒於民,爲時除害。 賢君

明德幽遠則來。闕

餘者,幽隱之獸也,有明王在位則來,爲時辟除災害。 闕

騕裊者,神馬也,與飛菟同,亦各隨其方而至,以明君德也。 闕

同心鳥,王者德及遐方,四夷合同則至。

跌蹄者,后土之獸,自能言語。 王者仁孝於國則來。 禹治水而至。 闕

志第十九 符瑞下

八六六

紫達,王者仁義行則見。闕

小鳥生大鳥,王者土地開闢則至。闕

河精者,人頭魚身,師曠時所受讖也。

延嬉,王者孝道行則至。闕

大貝,王者不貪財寶則出。闕

威蕤,王者禮備則生於殿前。闕

醴泉,水之精也,甘美。王者修理則出。

漢光武建武中元元年五月,醴泉出京師及郡國。 飲醴泉者, 痼病皆愈; 獨眇者蹇者

不差。

魏文帝初,郡國二言醴泉出。

宋文帝元嘉十二年,衡陽湘鄉醴泉出縣庭,荆州刺史臨川王義慶以聞。

孝武帝孝建三年九月甲戌,細仗隊省井泉春夏深不盈尺,忽至一丈,有五色,水清澄,

醴味,汲引不窮。

孝武帝大明二年三月壬子,北汝陰樓煩平地出醴泉,豫州刺史宗慤以聞。

明帝泰豫元年四月乙酉,會稽山陰思義醴泉出,太守蔡興宗以聞。

日月揚光,日者,人君象也,人君不假臣下之權,則日月揚光明。 闕

芝英者,王者親近耆老,養有道,則生。

漢章帝元和中,芝英生郡國。

碧石者,玩好之物棄則至。闕

玉罋者,不汲而滿,王者淸廉則出。闕

山車者,山藏之精也。 不藏金玉,山澤 以時,通山海之饒,以給天下,則山成其車。 闕

雞駭犀,王者賤難得之物則出。闕

陵出黑丹,王者修至孝則出。闕

神鼎者,質文之精也。 知吉知凶,能 重能輕,不炊而沸,五味自生,王者盛德則 出。

漢武帝元鼎元年五月五日,得鼎汾水上。

志第十九 符瑞下

漢 明帝 永平六年二月、同之廬江太守獻寶鼎。 出王雒山。 雒或作雄

漢 章 帝 建初 七年十月,車駕西巡至槐里,右扶風禁上美陽得銅器於岐山, 似酒尊。 詔

在道 是タ 以 爲 百 官熱酒。

漢 和 帝 永元 元年,竇憲征匈奴,於漠北酒泉得仲山甫鼎,容五斗。

吳 孫 權 赤鳥 十二年六月戊戌,寶鼎出 臨平湖。 叉出 東部酃 縣

吳孫 皓 寶鼎 元年八月,在所言得大鼎

晉愍帝 二年十二月,晉陵武

晉成帝 建興 咸 和 元年十月辛卯,宣城 春穀 進縣民陳龍在 縣 山岸 崩 一獲石 田中得銅鐸五枚。 鼎 重 二斤,受斛餘。

晉成帝 咸康 五年,豫章南昌民 掘 地得 銅 鍾 匹 枚,太守褚裒 以獻

晉穆帝 升平 五年二月乙未,南掖 門有馬足 陷 地,得銅 鍾 枚。

宋文帝 元嘉 十三年四 月辛丑、武昌縣章 山 水 側 自 開 出 神鼎 、江州刺史南 識王 義宣 以獻。

史臨 JII 王 義 慶 以 獻

元

嘉

+

九

年

九月

戊

申,廣陵肥如

石 梁 澗

中

出

石

鍾

九口,大小

行次

引列

南

向

南兗

州刺

元嘉 元嘉二十二年,豫章豫寧縣出銅鍾,江州刺史廣陵王紹以獻 二十一 年十二月,新陽獲古鼎於水側,有篆書四 十二字,雍州刺史蕭思話以獻

孝武帝孝建三年四月丁亥,臨川宜黃縣民田中得銅鍾七口,內史傅徽以獻。

孝建三年四月甲辰,晉陵延陵得古鍾六口,徐州刺史竟陵王誕以獻。

孝武帝大明七年六月,江夏蒲圻獲銅路鼓,四面獨足,郢州刺史安陸王子綏以獻。

明帝泰始四年二月丙申, 豫章望蔡獲古銅鍾, 高一尺七寸,圍二尺八寸, 太守張辯

以獻。

泰始 五年五月壬戌,豫章南昌獲古銅鼎,容斛七斗,江州刺史王景文以獻。

泰始七年六月甲寅,義陽郡獲銅鼎,受一斛,幷蓋並隱起鏤,豫州刺史段佛榮以獻。

從帝昇明二年九月,建寧萬歲山澗中得銅鍾,長二尺一寸,豫州刺史劉懷珍以獻。

漢宣帝元康二年夏,神雀集雍。

元康三年春,神雀集泰山。

宣帝元康三年春、「景」五色雀以萬數,飛過屬縣。

元康 四年三月,神雀五采以萬數,飛過集長樂、未央、北宮、高寢、甘泉泰時殿。 元康四

年,神雀仍集。

漢宣帝五鳳三年正月,神雀集京師。

志第十九 符瑞下

八七〇

漢明帝永平十七年春,神雀五色集京師。

漢章帝元和中,神雀見郡國。

宋文帝元嘉二十二年,白鵲見新野鄧縣,雍州刺史蕭思話 以聞。

元嘉二十六年五月癸酉,白鵲見建康崇孝里,揚州刺史始興王濬以獻。

孝武帝大明七年三月辛巳,白鵲見汝南安陽,太守申令孫以獻。

晉惠帝永嘉元年五月,白鼠見東宮,皇太子獲以獻。

宋明帝泰始三年二月壬寅,白鼠見樂安,青州刺史沈文秀以獻。

漢昭帝始元元年二月,黃鵠下建章宮太液池中。

漢章帝元和二年二月,車駕東巡,柴祭岱宗。 禮畢,黃鵠三十從西南來,經祠壇

北過。

漢武帝太初三年二月五日,行幸東海,獲赤雁。

魏文帝初,鑊中生赤魚。

孫權時,神雀巢朱雀門。

采。 山海經所載玉碧樹之類也。

孫晧天璽元年,臨海郡吏伍曜在海水際得石樹,高三尺餘,枝莖紫色,

詰屈傾靡,

有光

晉武帝泰始一 一年六月壬申,白鴿見酒泉延壽,延壽長王音以獻。

晉成帝咸和九年五月癸酉,白鵝見吳國錢塘,內史虞潭以獻。

安帝義熙元年,南康雩都嵩山有金雞,青黃色,飛集巖間。

宋文帝 志 第 + 九 符 十二年,湘州刺史南平王鑠獻赤鸚鵡。 瑞 下

孝武帝大明三年正月丙申,媻皇國獻赤白鸚鵡各一。

宋文帝元嘉二十四年十月甲午,揚州刺史始興王濬獻白鸚鵡。

孝武帝大明五年正月丙子,交州刺史垣閎獻白孔雀。

明帝泰始三年五月乙亥,白鴝鵒見京兆,雍州刺史巴陵王休若以獻

漢桓帝延熹九年四月,濟陰、東郡、濟北、平原河水淸。

宋文帝元嘉二十四年二月戊戌,河、濟俱淸,龍驤將軍、靑冀二州刺史杜坦以聞

文帝元嘉二十五年五月,征北長史、廣陵太守范邈上言:「所領輿縣,前有大浦,控引潮

流,水常淤濁。 自比以來,源流淸潔,纖鱗呈形。古老相傳,以爲休瑞。」

孝武帝孝建三年九月、濟、河清、冀州刺史垣護之以聞。

孝武帝大明五年九月庚戌,河、濟俱淸,平原太守申纂以聞。

明帝泰始元年二月丙寅,楊、淮水淸潔有異於常,州治中從事史張緒以聞。

漢光武建武初,野繭、穀充給百姓。 其後耕蠶稍廣,二事漸息。

吳孫權黃龍三年夏,野蠶繭大如卵。

孝武帝大明三年五月癸巳,宣城宛陵縣石亭山生野蠶,三百餘里,太守張辯以聞。 宋文帝元嘉十六年,宣城宛陵廣野蠶成繭,大如雉卵,彌漫林谷,年年轉盛。

孝武帝大明三年十一月己巳,肅愼氏獻楛矢石砮,高麗國譯而至。

獨六出。 離騷云:「秋菊之落英。」 左思云「落英飄飆」是也。然則霰爲花雪矣。 草木花多五出,花雪 於是公卿並作花雪詩。史臣按詩云:「先集爲霰。」韓詩曰:「霰,英也。」花葉謂之英。 大明五年正月戊午元日,花雪降殿庭。 時右衞將軍謝莊下殿,雪集衣。還白,上以爲

明帝泰始二年五月甲寅,赭中獲石栢長三尺二寸,廣三尺五寸,揚州刺史建安王休仁

以獻。

泰始三年十一月乙卯,盱眙獲石栢,寧朔將軍段佛榮以獻。 [00]

# 漢和帝在位十七年,郡國言瑞應八十餘品,帝讓而不宣。

### 校勘記

- [一] 會稽南始平言嘉禾生 「南始平」各本並作「南平始」,據三國志吳志吳主權傳改。 按本書州郡
- 志:「臨海太守領始豐令,吳立曰始平,晉武帝太康元年更名。」
- 梁州刺史劉眞道以獻 各本並脱「眞」字,據劉懷肅傳弟子眞道附傳補。
- 嘉禾生潁川曲陽 是曲陽。」按州郡志,豫州潁川太守領曲陽令。 「曲陽」各本並作「陽白」、元龜二〇一作「陽曲」。 孫說是,今改正。 孫彪宋書考論云:「陽白疑
- 含滋匪烈 「含滋」二字、三朝本空白、北監本、毛本、殿本、局本作「于今」。、元義一九二作「含
- 滋」。今據元龜訂正。
- 〔五〕嘉麥生扶風郡 「郡」御覽八三八引晉起居注作「郿」。
- C < 1 元嘉十年七月己丑 此二年之七月、並有己丑日。則此處之元嘉十年恐爲元嘉十七年或十八年之誤。 爲元嘉十九年。元嘉十七年七月丁亥朔,初三日己丑;元嘉十八年七月辛巳朔,初九日己丑。 按元嘉十年七月戊戌朔,是月無己丑。此條之前爲元嘉十六年,此條之後
- [七] 元嘉二十年六月壬寅 「壬寅」元龜二〇一作「壬子」。 按是年六月庚午朔,無壬寅,亦無壬子。

## 日干支當有誤。

- 元嘉二十二年四月 「二十二年」各本並作「二十年」,據元魏二〇一訂正。 按上條有「二十一
- 年六月」,下條有「二十二年七月」,此條當是二十二年四月事
- 青州刺史杜 驥以聞 「杜驥」各本並作 「杜冀」,按本書卷六五杜驥傳,驥時爲靑、冀二州刺史,
- (.)0) 孝建三年閏三月乙丑 「閏三月」各本並作「閏二月」,據建康實錄改。 按是年閏三月丙辰朔,初

十日

乙丑

今據

- 福。 白燕二見酒泉祿福 全碑亦云拜酒泉祿福長。續漢書郡國志、晉書地理志始作「福祿」。 三國志 魏志龐淯傳及皇甫謐列女傳載龐娥事云, 禄 福」各本並作「祥福」,元鑑二二作「福祿」。 禄福 趙君安之女, 今改從漢書地理志及三國志 按漢書地理志酒泉郡有祿 叉云 公禄福 長 尹嘉。 }曹
- 魏志作「祿福」。
- 白燕集南平郡府內 「郡」各本並作「鄕」,據远龜二〇一改。
- 白鳥見齊國 「齊國」各本並作「商國」,據後漢書桓帝紀改
- 白鳥見濟南隰陰 杜 預 左傳哀五年注云濟南有隰陰縣是也。 「濟南隰陰」各本並作「齊南隰」。按齊國 隰陰, 二漢屬平原郡, 無南隰縣。 晉初改隸濟南郡。 晉初濟南郡 有隰陰縣, 晉書地理

志

第

十九九

校勘

記

志已 無此縣、蓋旋廢縣。

白烏見襄城 各本並脫「城」字,據远龜二二補。

白雀二見河內南陽 各本同、元龜二二無「南陽」二字。 據晉書地理志,河內郡屬縣有河陽、

|山

陽、無南陽。 南陽當是河陽或山陽之譌。

晉孝武帝太元十六年十二月 「太元」各本並作「太康」,據元龜二二訂正。 按太康爲晉武帝年

號,孝武帝年號爲太元。

白雀見寶城 「寶城」各本並作「寶成」,按州郡志司州義陽郡下有寶城令。 今據改。

肄水師於梁山 「肄」各本並作「隸」。張森楷校勘記、孫彪宋書考論並云隸當作肄。 按張、孫說

是,今改正。

竊慕擊壤有作「壤」各本並作「轅」,據元龜一九二改。

光天配命 「光」各本並作「先」,據元龜一九二改。

匪仁莫集 四字各本並空白闕文,據远龜一九二補。

思樂靈臺 「靈臺」各本並作「靈基」,據元龜一九二改。 按此用文王靈臺事。

文乏采章 「文」各本並作「分」、據元龜一九二改。

東平陵樹連理 「東平陵」後漢書安帝紀作「東平陸」。

- 木連 理 生遼 東力 城 「力城」各本並作「方城」。 按晉書地理志, 遼東國統力城縣。 「方城」當是
- 力城」之譌。 今改正。
- 木連理生始興中宿南 郷筑陽 「筑陽」各本並作「范陽」。 按續漢書郡國 (法) 筑陽縣屬 南陽郡,

晉初筑陽改屬南鄉郡 ,杜預左傳桓七年注 有 南鄉筑陽 縣 可 證 晉書 [地理志] 筑陽 屬 順 陽 郡

太康中、又改隸順陽。 「范陽」當是「筑陽」之誤,今改 正

木連理 生鄱陽鄡陽 「鄡陽」各本並作「鄡鄕」,按晉書地理志 鄱陽郡 有「鄡陽」,無「鄡鄉

今

三艺 木連理 生南陰柔縣太守以聞 按本書州郡志無「 南陰柔縣」, 此處太守上又 無郡 名, 疑文有

據改。

譌 脫

- 泰始六 年四月丙午 「丙午」各本並作「景午」。 按沈約不當避唐諱、蓋後 人所追改,今改 回
- 刺史劉 懷珍以聞 各本並脱「刺」字、 據南齊書劉懷珍傳補。 按懷珍傳, 懷珍昇明初 爲 豫州
- 漢光武 建武中元元年五月 各本並脫「中元」二字,據後漢書光武紀補

刺

史。

魏文帝 初朱 草生文昌殿側 本條舊在「漢章帝元和中朱草生郡國」條上。 按年代次序, 今前後

志 第 十 九

校 勘

記

對

- 漢光武建武十三年九月 「建武」各本並作「建元」、據後漢書光武紀改。
- 宣吾 晉武帝太康元年九月庚戌 各本並脫「九月」二字、據元龜二二補。按是年九月乙酉朔、二十六
- 白雉見秦郡 「秦郡」各本並作「泰郡」。按州郡志、南兗州下有秦郡、無「泰郡」、今改正。

日

[庚戌]

- に計 漢明帝永平六年二月 「二月」各本並作「三月」,據後漢書明帝紀改。
- 無疑。 斛餘。」二斤作三百斤,斛餘作三斛餘,石鼎作古鼎,義皆較朱志 獲石鼎重二斤受斛餘 據御覽七五六引晉中興書云:「成帝咸和元年,宜城春穀山崩, 「二斤」疑當作「二百斤」。按受斛餘之鼎,豈有僅重二斤之理,文有譌奪 爲長。 得古鼎重三百斤,容可三
- 宣む 宣帝元康三年春 「三年」各本並作「二年」,據漢書宣帝紀改。
- 條有豫州刺史段佛榮,同書建平王宏傳有南豫州刺史段佛榮,蓋卽其人。 寧朔將軍段佛榮以獻 「段佛榮」各本並作「段榮」。按同卷泰始七年六月甲 今補「佛」字。 寅義陽郡獲銅鼎

# 宋書卷三十

## 志第二十

五行一

惩,詳紀條流,誠以一王之典,不可獨闕故也。夫天道雖無聲無臭,然而應若影響,天人之傳,詳紀條流,誠以一王之典,不可獨闕故也。夫天道雖無聲無臭,然而應若影響,天人之 景純等,據經立辭,終皆顯應。闕而不序,史體將虧。 驗,理不可誣。司馬彪纂集光武以來,以究漢事,王沈魏書志篇闕,凡厥災異,但編帝紀而 後也。逮至伏生創紀大傳,五行之體始詳,劉向廣演洪範,休咎之文益備。故班固斟酌經、 已。自黃初以降,二百餘年,覽其災妖,以考之事,常若重規沓矩,不謬前說。又高堂隆、郭 王,多有所闕。故仲尼作春秋,具書祥告,以驗行事。 聽之罪,然未詳舉徵效,備考幽明,雖時列鼎雉庭穀之異,然而未究者衆矣。至於鑑悟後 昔八卦兆而天人之理著,九疇序而帝王之應明。 今自司馬彪以後,皆撰次論序,斯亦 是則九疇陳其義於前,春秋列其效於 雖可以知從德獲自天之祐,違道陷神

志

微,非末學所究。 班固遠采春秋,舉遠明近之例也。又按言之不從,有介蟲之孽,劉歆以爲毛蟲;視之不明, 有蠃蟲之孽,劉歆以爲羽蟲。按月令,夏蟲羽,秋蟲毛,宜如歆說,是以舊史從之。 凡已經前議者,並即其言以釋之,未有舊說者,推準事理,以俟來哲。 五行精

則有龜孽,時則有雞禍,時則有下體生上之痾,時則有靑眚、靑祥。 其性而爲災也。」又曰:「貌之不恭,是謂不肅。 工匠爲輪矢者多傷敗,及木爲變怪。」皆爲不曲直也。 近行傳曰:「田獵不宿,飲食不享,出入不節,奪民農時,及有姦謀,則木不曲直,謂木失 厥咎狂,厥罰恒雨,厥極惡。 惟金沙木。」班固曰:「蓋 時則有服妖,時

## 木不曲直

蔡方等殺太守徐質,據郡反,多所脅略,幷聚亡命。遣二校尉與靑州刺史共討平之。 以舟師征吳,戎卒十餘萬,連旍數百里,臨江觀兵。 古之諸侯,貴臣有害之應也。一說以木冰爲甲兵之象。 少陽,貴臣象也。此人將有害,則陰氣脅木,木先寒,故得雨而冰也。」是年六月,利成郡兵 魏文帝黃初六年正月,雨,木冰。 按劉歆說,木不曲直也。劉向曰:「冰者陰之盛,木者 是歲、旣討察方,又八月,天子自將 太守,

晉元帝太興三年二月辛未,雨,木冰。後二年,周顗、戴淵、刁協、劉隗皆遇害,與春秋

同事,是其應也。一日,是後王敦攻京師,又其象也。

晉穆帝永和八年正月乙巳,雨,木冰。 是年,殷浩北伐,明年,軍敗,十年,廢黜。 叉曰,

荀羡、殷浩北伐,桓溫入關之象也。

滅,是其應也。 九月、王國寶爲中書令、尋加領軍將軍、十七年、殷仲堪爲荆州。 晉孝武帝太元十四年十二月乙巳,雨,木冰。明年二月,王恭爲北蕃,八月,庾楷爲西 日,苻堅雖敗,關、河未一,丁零鮮卑,侵略同、兗,竇揚勝扇逼梁、雍,兵役 雖邪正異規,而終同摧

不已,又其象也。

爲 邪 謀,傷國財力,故木失其性,致毁折也。 吳孫亮建興二年,諸葛恪征淮南,行後,所坐聽事棟中折。恪妄興徵役,奪民農時,作 及旋師而誅滅,於周易又爲棟橈之凶也。

其年 火,又廟梁 月庚寅,梁又折。 晉武 九月,遂更營新廟,遠致名材,雜以銅柱。 帝太康五年五月,宣帝廟地陷梁折。 無故自折。 按地陷者,分離之象,梁折者,木不曲直也。 先是帝多不豫、益惡之。 陳勰爲匠,作者六萬人。 八年正月,太廟殿又陷,改作廟,築基及泉。 明年,帝崩,而王室頻亂,遂亡天下。 孫盛 曰:于時後宮殿有孽 十年四月,乃成。十

晉惠帝太安二年,成都王穎使陸機率衆向京師,擊長沙王乂。 軍始引而牙竿折,俄而

皆姦謀之罰,木不曲直也。

戰敗,機被誅。 其黨下粹等,故穎來伐。 穎尋奔潰, 卒賜死。 機又以穎得遐邇心,將爲漢之代王,遂委質於穎,爲犯從之將。 初,河間王顒謀先誅長沙,廢太子,立類。 長沙知之,誅 此

也,於周易爲「枯楊生華」。 榮華之盛,皆如狂花之發,不可久也。」其後終以逆命,沒又加戮,是其應也。 曰:「鈴閣,尊貴者之儀;鈴下,主威儀之官。 王 敦在武昌,鈴下儀仗生華如蓮花狀,五六日而萎落。 今狂花生於枯木,又在鈴閣之間,言威儀之富, 此木失其性而爲變也。 說此花孽

其性也。 桓玄始篡,龍旂竿折。 夫旂所以擬三辰,章著 玄田獵出入,不絕昏夜,飲食恣奢,土水妨農,又多姦謀,故木失 明也。 旂竿之折,高明去矣。 在位八十日 而 敗。

宋明 帝泰始 二年五月丙午,南琅邪臨沂黃城山道士盛道度堂屋一 柱自然,夜 光 照 室

內。此木失其性也。或云木腐自光。

廢帝昇明元年,吳興餘杭舍亭禾蕈樹生李實。 禾蕈樹、民間所謂胡頹樹。

#### 貌不恭

魏文帝居諒闇之始,便數出遊獵,體貌不重,風尙通脫。 故戴凌以直諫抵罪,鮑勛以迕

旨極刑。 天下化之,咸賤守節,此貌之不恭也。 是以享國不永,後祚短促。 春秋魯君居喪

不哀,在感而有嘉容,穆叔謂之不度,後終出奔。 蓋同事也。

魏尚書鄧颺,行步弛縱,筋不束體,坐起傾倚,若無手足。 此貌之不恭也。 管輅謂之鬼

躁。 鬼躁者,凶終之徵。後卒誅死。

晉惠帝元康中,貴遊子弟相與爲散髮倮身之飲,對弄婢妾。逆之者傷好,非之者負譏。

希世之士,恥不與焉。蓋胡、翟侵中國之萌也。豈徒伊川之民,一被髮而祭者乎。

晉惠帝元康中,賈謐親貴,數入二宮,與儲君遊戲,无降下心。又嘗同弈秦爭道,成都

王穎厲色曰:「皇太子,國之儲貳。 賈謐何敢無禮」 謐猶不悛,故及於禍。 齊王冏旣誅趙倫,因留輔政,坐拜百官,符敕臺府,淫營專驕,不一朝覲。

此狂态不肅

之容也。 天下莫不高其功,而慮其亡也。問終弗改,遂至夷滅。

人君獨立無輔,以至危亡也。 太元中,人不復著峭頭。頭者,元首,峭者,令髮不垂,助元首爲儀飾者也。今忽廢之, 其後桓玄篡位。

舊 爲 展者,齒皆達編上,名曰「露卯」。太元中,忽不徹,名曰「陰卯」。其後多陰謀,遂致

大亂

晉安帝 義熙七年,晉朝拜授劉毅世子。毅以王命之重,當設饗宴親,請吏佐臨視。 至

八八四

日,國 僚不重白,默拜於廐中。 王人將反命、毅方知,大以爲恨,免郎中令劉敬叔官。 識者

怪焉。此墮略嘉禮,不肅之妖也。

陳郡謝靈運有逸才,每出入,自扶接者常數人。 民間謠曰「四人挈衣裙,三人捉坐席」

是也。此蓋不肅之咎,後坐誅。

宋明帝泰始中,幸臣阮佃夫勢傾朝廷,室宇豪麗,車服鮮明,乘車常偏向一邊,

執綏之體。時人多慕效。 此亦貌不恭之失也。時偏左之化行,方正之道廢矣。

後廢帝常單騎遊遨,出入市里營寺,未嘗御輦。終以殞滅。

恒雨

魏明帝太和元年秋,數大雨,多暴雷電,非常,至殺鳥雀。案楊阜上疏,此恒雨之罰也。

時帝居喪不哀,出入弋獵無度,奢侈繁興,奪民農時,故木失其性而恒雨爲災也。

太和四年八月,大雨霖三十餘日,伊、洛、河、漢皆溢,歲以凶饑。

孫亮太平二年二月甲寅,大雨震電,乙卯,雪,大寒。案劉歆說,此時當雨而不當大,大

當復降,皆失時之異也。天戒若曰,爲君失時,賊臣將起。 先震電而後雪者,陰見間隙,起

雨,恒雨之罰也。於始震電之明日而雪大寒,又恒寒之罰也。

劉向以爲旣已震電,則雪不

而 勝陽。 逆殺之禍將及也。 亮不悟,尋見廢。 此與春秋魯隱同也

餘人,沒秋稼千三百六十餘頃。 月,南安霖雨暴雪,折樹木,害秋稼;魏郡、淮南、平原雨水,傷秋稼。 晉武帝泰始六年六月,大雨霖,甲辰,河、洛、沁水同時並溢,流四千九百餘家,殺二百 晉武太康五年七月,任城、梁國暴雨,害豆麥。 是秋,魏郡、西平郡 太康五年九 九

晉惠帝永寧元年十月,義陽、南陽、東海霖雨,淹害秋麥。

縣霖雨暴水,霜傷秋稼。

晉成帝咸康元年八月乙丑,荆州之長沙攸、醴陵、武陵之龍陽三縣,雨水浮漂屋室,殺

人,傷損秋稼。

宋文帝元嘉二十一年六月,京邑連雨百餘日,大水。

孝武帝大明元年正月,京邑雨水。

大明五年七月,京邑雨水。

大明八年八月,京邑雨水。

明帝太始二年六月,京邑雨水。

順帝昇明三年四月乙亥,吳郡桐廬縣暴風雷電,揚砂折木,水平地二丈,流漂居民。

志

服妖

後,二帝不反,天下愧焉。魏明帝著繡帽,被縹紈半袖,嘗以見直臣楊阜。阜諫曰:「此於禮 自作孽不可禳也。帝旣不享永年,身沒而祿去王室,後嗣不終,遂亡天下。 何法服邪。」帝默然。近服妖也。縹,非禮之色,褻服不貳。今之人主,親御非法之章,所謂 覆額者,慚之貌;其緩彌甚,言天下忘禮與義,放縱情性,及其終極,至乎大恥也。永嘉之 顏恰」。而婦人束髮,其緩彌甚,紒之堅不能自立,髮被于額,目出而已。無顏者,愧之言也, 也。初爲白帢,橫縫其前以別後,名之曰「顏」,俗傳行之。至晉永嘉之間,稍去其縫,名「無 軍容,非國容也。」干寶以爲縞素,凶喪之象,曰治恰,毀辱之言也。蓋革代之後,攻殺之妖 魏武帝以天下凶荒,資財乏匱,始擬古皮弁,裁縑帛爲白帢,以易舊服。 傅玄曰:「白乃

於義竟無取焉。蓋服妖也。 亡,長狄見臨洮,爲秦亡之禍。始皇不悟,反以爲嘉祥,鑄銅人以象之。魏法亡國之器,而 魏明帝景初元年,發銅鑄爲巨人二,號曰「翁仲」。置之司馬門外。案古長人見,爲國

魏 若內外不殊,王制失敍,服妖旣作,身隨之亡。|末嬉冠男子之冠,禁亡天下,何晏服婦 大雅云:「玄袞赤舃,鉤膺鏤鍚。」歌其文也。 小雅云:「有嚴有翼,共武之服。」詠其武 尚書何晏,好服婦人之服。傅玄曰:「此服妖也。」夫衣裳之制,所以定上下,殊內外

人之服,亦亡其家。 其咎均也。

於上,而百姓彫困於下,卒以亡國。是其應也。 之,著正交論,雖不可以經訓整亂,蓋亦救時之作也。 故吳之風俗,相驅以急,言論彈射,以刻薄相尙。居三年之喪者,往往有致毁以死。 五六而裳居一二。干寶曰:「上饒奢,下儉逼,上有餘下不足之妖也。」至孫皓,果奢暴恣情 吳婦人之修容者,急束其髮,而劘角過于耳。 蓋其俗自操束大急,而廉隅失中之謂也。 孫休後,衣服之制,上長下短,又積領 諸葛 患

元康 及天下亂擾,宰輔方伯,多負其任,又數改易,不崇實之應也。」 之禍,天子失柄,權制寵臣,下掩上之應也。 白篾 爲純,古喪車之遺象。 末,婦人 晉 興後,衣服上儉下豐,著衣者皆厭梗蓋裙。 出 兩檔,加乎脛之上,此內出外也。 乘者,君子之器,蓋君子立心無恒,事不崇實也。 永嘉末,六宮才人,流徙成、翟,內出外之應也。 爲車乘者,苟貴輕細,又數變易其形,皆以 君衰弱,臣放縱,下掩上之象也。陵遲至 干寶日:「及晉

也。 會 皆此爲先。 氈產 晉武 帝泰始後,中國相尙用胡牀、貂盤,及爲羌養、貂炙。 於胡,而天下以爲絈頭 太康中,天下又以氈爲絈頭 、帶身、衿口,胡旣三制之矣,能无 自後四夷迭據華土,是其應也。」 及絡帶 、衿口。 百姓相 貴人富室,必置其器,吉享嘉 、敗乎。 戲日 , 干寶曰:「元康中, 中國必為胡所破

志

向,正陽也;后北宮,位太陰也;世子居東宮,位少陽也。今居內於東,是與外俱南面也。亢 晉武帝太康後,天下爲家者,移婦人於東方,空萊北庭,以爲園囿。干寶曰:「夫王朝南

陽无陰,婦人失位而干少陽之象也。賈后讒戮愍懷,俄而禍敗亦及。」

昔初作履者,婦人圓頭,男子方頭。圓者,順從之義,所以別男女也。 晉太康初,婦人

皆履方頭,此去其圓從,與男無別也。

之,至危也。杯槃者,酒食之器也,而名曰晉世寧者,言晉世之士,偸苟於酒食之間,而其知 之治也。」又曰:「其治民勞者,舞行綴遠,其治民逸者,舞行綴近。今接杯槃於手上而反覆 心,所以觀事。 太康之中,天下爲晉世寧之舞,手接杯槃反覆之,歌曰:「晉世寧,舞杯槃。」夫樂生人 故記曰:「總干山立,武王之事也,發揚蹈厲,太公之志也,武亂皆坐,周、召

不及遠,晉世之寧,猶杯槃之在手也。」

干寶曰:「男女之別,國之大節,故服物異等,贄幣不同。今婦人而以兵器爲飾,又妖之大 晉惠帝元康中,婦人之飾有五兵佩,又以金、銀、瑇瑁之屬爲斧、鉞、戈、戟,以當笄□。

也。 遂有賈后之事,終以兵亡天下。」

元 康 中,婦人結髮者,旣成,以繒急束其環,名曰擷子紒。始自中宮,天下化之。其後

賈后果害太子。

帝以蕃 臣 也。 元康中,天下始相倣爲楊杖,以柱掖其後,稍施其錞,住則植之。 夫木,東方之行,金之 臣 杖者,扶體之器, 楊其頭者, 尤便用也。 .樹德東方,維持天下,柱掖之應也。 至社稷無主,海內歸之,遂承天命,建都江外, 必傍柱掖者,傍救之象也。 王室多故,而元

獨立之應也。

方而 寶說曰:「夫編者,人之賤服,最處于下,而當勞辱,下民之象也。 荆楚,從之者如流。於是兵革歲起,天下因之,遂大破壞。此近服妖也。」 散 地 )理四方,所以交通王命所由往來也。 而 壅王命之象也。 去之,或投林草,或投坑谷。 元康末至太安間,江、淮之域,有敗編自聚于道, [三]多者或至四五十量。 干寶嘗使人 在位者莫察。 明日視之,悉復如故。民或云見狸銜而聚之,亦未察也。 太安中,發壬午兵,百姓嗟怨。 故今敗編聚於道者,象下民罷病,將相聚爲亂,絕四 敗者,疲斃之象也。 江夏男子張昌遂首亂 道者,

布,諸侯大夫所以服天子也。今無故畢服之,殆有應乎。」其後愍、懷晏駕,不獲厥 晉孝懷永嘉以來, 士大夫竟服生箋單衣。 遠識者怪之,竊指擿曰:「此則古者繐衰之 所

也。 晉金行,赤火色,金之賊也。以朱囊縛紒,臣道上侵之象也。到永昌元年,大將軍王敦 晉元帝太興以來,兵士以絳囊縛紒。 紒在首,莫上焉。周易乾爲首,坤爲囊。 坤,臣道

舉兵內攻,六軍散潰。

志

第二十

五行

爲羽 扇,柄刻木,象其骨形,羽用十,取全數也。 晉中興初,王敦南征,始改爲長柄 下

項。 也。 出, 可捉,而減其羽用八。 以十改八者,[三]將以未備奪已備也。」是時爲衣者,又上短,帶至于掖;著帽者,以帶縛 下逼上,上無地也。 下袴者,直幅爲口無殺,下大失裁也。 識者尤之曰:「夫羽扇,翼之名也。 創爲長柄者,執其柄制 尋有兵亂, 三年而再攻京 羽 翼

晉海西初嗣位,迎官忘設豹尾。 識者以爲不終之象,近服妖也。

易,因醉寓寢,動連日夜。 晉司馬道子於府北園內爲酒鑪列 漢靈帝嘗若此。 肆, 使姬 干寶以爲:「君將失位,降在阜隸之象也。」道子 人酤鬻酒肴, 如裨販者,數遊其中, 身自買

卒見廢徙,以庶人終。

桓玄篡立,殿上施絳綾帳,鏤黃金爲顏,四角金龍,銜五色羽葆流蘇。 羣下竊相謂曰:

「頗類輌車。」 此服妖也。

晉末皆冠小冠,而衣裳博大,風流相倣,輿臺成俗。 識者曰:「此禪代之象也。」永初以

後,冠還大云。

宋文帝元嘉六年,民間婦人結髮者,三分髮,抽其鬟直向上,謂之「飛天紒」。始自東府,

流被民庶。 時司徒彭城王義康居東府,其後卒以陵上徙廢。

孝武帝世,豫州刺史劉德願善御車,世祖嘗使之御畫輪,幸太宰江夏王義恭第。 德願

挾牛杖催世祖 孝武 世,幸臣戴法興權亞人主,造圓頭履,世人莫不效之。其時圓進之俗大行,方格之 云:「日暮宜歸」」又求益僦車。 世祖甚歡。此事與漢靈帝西園蓄私錢同 也。

風盡矣。

明帝初,司徒建安王休仁統軍赭圻,制烏紗帽,反抽帽裙,民間謂之「司徒狀」,京邑翕

然相尙。体仁後果以疑逼致禍。

龜華

晉 惠帝永熙初,衞瓘家人炊飯,墮地,盡化爲螺,出足起行。 螺,龜類,近龜孽也。 干寶

曰:「螺被甲,兵象也。 於周易爲離,離爲戈兵。」明年,瓘誅。

雞禍

魏 明帝景初二年,廷尉府中有雌雞變爲雄,不鳴不將。 干寶曰:「是歲,晉宣帝平遼東,

百姓始有與能之議,此其象也。」然晉三后並以人臣終,不鳴不將,又天意也。

晉惠帝元康六年,陳國有雞生雄雞無翅,旣大,墜坑而死。 王隱曰:「雄, 胤嗣象,坑地

志第二十 五行一

事爲母象,賈后誣殺愍懷,殆其應也。」

陳敏 之事。 晉惠帝太安中,周玘家有雌雞逃承霤中,六七日而下,奮翼鳴將,獨毛羽 敏雖控制江表,終無綱紀文章, 殆其象也。 卒爲玘所滅。 雞禍見玘家,又天意 不變。 其後有

也。

晉元帝太興中,王敦鎭武昌,有雌雞化爲雄。 天戒若曰:「雌化為雄, 臣陵其上。」其後

王敦再攻京師。

晉孝武太元十三年四月,廣陵高平閻嵩家雄雞,生無右翅,彭城到象之家雞, 無右足。

京房易傳曰:「君用婦人言,則雞生妖。」

晉安帝隆安元年八月, 琅邪王道子家青雌雞化爲赤雄,不鳴不將。 後有桓玄之事,具

如其象。

隆安四年,荆州有雞生角,角尋墮落。 是時恒玄始擅西夏,狂慢不肅,故有雞禍。

兵象,尋墮落者,暫起不終之妖也。

晉安帝元興二年,衡陽有雌雞化 爲雄, 八十日而冠萎。 衡陽, 桓玄楚國封略也。 後篡

位八十日而敗,徐廣以爲玄之象也。

宋文帝元嘉十二年,華林園雌雞漸化爲雄。 後孝武卽位,皇太后令行于外,亦猶漢宣

帝時,雌雞爲雄,至哀帝時,元后與政也。

明帝泰始中,吳興東遷沈法符家雞有四距。

青眚青祥

晉武 帝咸寧元年八月丁酉,大風折太社樹,有靑氣出焉。 此青祥也。 占曰:「東莞當有

帝者。」明年,元帝生。 是時帝大父武王封康莞,由是徙封琅邪。 孫盛以爲中興之表。 晉室

之亂,武帝子孫無孑遺,社樹折之應,又恒風之罰也。

晉惠帝元康中,洛陽南山有宝作聲曰:「韓屍屍。」識者曰:「韓氏將死也。 言屍屍者,盡

死意也。」其後韓謐誅而韓族殲焉。 此青祥也。

金珍木

魏文帝黃初七年正月,幸許昌。 許昌城南門無故自崩,帝心惡之,遂不入,還洛陽。 此

金沴木,木動也。 五月,宮車晏駕。 京房易傳曰:「上下咸悖,厥妖城門壞。」

晉元帝太興 二年六月,吳郡米廩無故自壞。 是歲大饑,死者數千。

晉明帝太寧元年, 周筵自歸王敦,四既立宅宇, 而所起五間六架,回一 時躍出墮地,

志第二十 五行一

餘桁 猶三 柱 頭。 此金沴木也。 明年五月、錢鳳謀亂、遂族滅筵、而湖熟尋亦爲墟矣。

晉安帝元興元年正月丙子,司馬元顯將西討桓玄,建牙揚州南門,其東者難立,良久乃

正。近沴妖也。尋爲桓玄所禽。

元興三年五月,樂賢堂壞。 天意若曰,安帝囂眊,不及有樂賢之心,故此堂見沴也。

晉安帝義熙九年五月乙酉,國子聖堂壞。

宋文帝元嘉十七年,劉斌爲吳郡,郡堂屋西頭鴟尾無故落地,治之未畢,東頭鴟尾復

落。頃之,斌誅。

#### 校勘記

(一) 凶喪之象 「象」各本並作「爲」,據晉書五行志改。

有敗編自聚于道 「編」百衲本、北監本、毛本、局本作「編」。 殿本作「騙」。 晉書五行志作「屬」。

下 ·並同。 按廣韻、「屩,草履也」。 疑此編、編皆指草履言之。

以十改八 用 八」,則 者 此當作「以十改八」爲是。 各本並作「以八改十者」、據晉書五行志訂正。 按上文云「羽用十」,又云「減其羽

 $\Gamma$ 周筵自歸王敦 「周筵」各本並作「周延」,據晉書五行志改。 下「延」字,亦並改作「筵」。 晉書周

志第二十 校 勘記

# 宋書卷三十一

## 志第二十一

### 五行二

則有犬禍,時則有口舌之痾,時則有白眚、白祥。惟木沴金。」介蟲,劉歆傳以爲毛蟲。 曰:「言之不從,是謂不义。厥咎僭,厥罰恒陽,厥極憂。 ·五行傳曰:「好戰攻,輕百姓,飾城郭,侵邊境,則金不從革。 時則有詩妖,時則有介蟲之孽,時 謂金失其性而爲災也。」又

#### 金不從革

三祖皆有其事。劉歆以爲金石同類,石圖發非常之文,此不從革之異也。晉定大業,多敝 魏世張掖石瑞,雖是晉氏之符命,而於魏爲妖。 好攻戰,輕百姓,飾城郭,侵邊境,魏氏

志第二十一 五行二

曹氏,石瑞文「大討曹」之應也。

魏 明 帝 青 龍中,盛修宮室,西取長安金狄,承露槃折,聲聞數十里,金狄泣,於是因留霸

城。此金失其性而爲異也。

侵 同 有 占。」飾城郭之謂也。 邊境之謂 石穴,長十餘丈。 吳 (時)歷陽縣有巖穿似印,咸云「石印封發,天下太平」。孫皓天璽元年印發。 也。 故令金失其性,卒面縛而吳亡。 皓初修武昌宮,有遷都之意。 寶鼎三年,皓出東關,遣 丁奉至合肥; 是時武昌爲離宮。 建衡三年, 班固云:「離宮與 略 又 大 舉 出 又陽羨 華里。 城 郭 Щ

性 而 爲變 晉惠 也。 帝永 興元 天戒若日,兵 年,成都伐長沙,每夜戈戟鋒有火光如縣燭。 **猶火也,不**戢將自焚。 成都 不悟,終 以敗亡。 此輕民命,好攻戰,金失其

晉懷帝永 嘉 元 年,項縣 有魏豫州刺史賈逵石碑,生金 可 采。 此金不從革而爲變也。 五.

月,汲桑作亂,羣寇飈起。

晉淸河王 一草爲 世子時,所佩金鈴忽生起如 、粟者。 康王母疑不祥,毁棄之。 及後為惠帝

太子,不終于位,卒爲司馬越所殺。

其性 而 晉元帝永昌元 爲 妖 也。 尋爲敦所襲,遂夷 年,甘卓 將襲王 敦,旣 滅 而 中止。 及還家,多變怪,照鏡不見其頭。 此金失

石虎時,鄴城鳳陽門上金鳳皇二頭,飛入漳河。

晉 海 西太和中,會稽山陰縣起倉,鑿地得兩大船,滿中錢,錢皆輪文大形。 時日向莫,

鑿者 馳以告官。 官夜遣防守甚嚴。 至明旦,失錢所在,唯有船存,視其狀,悉有錢處。

安帝義熙初,東陽太守殷仲文照鏡不見其頭,尋亦誅翦,占與 甘 同

元徽四年,義熙、晉陵二郡,並有霹靂車墜地,如青石,草木燋死。

#### 言之不從

宋後

魔帝

與王 迹, 被誅,门 大如 一淩謀共 魏 齊王 斛 彪 行 嘉 賜 立 死。 之。 數 平初,東郡有譌言云,白馬河出妖馬,夜過官牧邊嗚呼,衆馬皆應。 里,還入河。 遣 此言不從之罰 人謂 日 天 楚王 下事 也。 彪 本封白馬,兗州刺史令狐愚以彪 未可 詩云:「 知, 民之譌言,寧莫之懲。」 願王自愛。」彪答曰:「 知厚意。」事 有智勇,及聞此言, 泄,凌、愚 明日 見其 遂

訓 授 也。 劉禪 若言劉 嗣 位 譙周 已具矣,當授 引晉穆侯、漢靈帝 與人,甚於穆侯 命子 事 靈帝 譏 之曰:「先主諱備,其訓 之祥也。」 蜀果亡,此言 具 也。 之不 後 主諱禪 從 也 丁,其

子是以 或 君 卽 劉 知 位 備 蜀 踰 卒 之不 一劉禪卽位, 年 而 能 後 改元 東遷也。」後又降晉。 者,緣臣子之心,不忍一 未 · 葬, 亦未踰 月,而 吳孫亮、 改元爲建興。 年 晉惠帝、 而 有二 一君也。 宋元凶亦然。 此言之不從也。 今可 謂 亟 亮不終其位,惠帝 而 習鑿 不 知 齒 禮 矣。 禮, 君

志

第

號令非己,元凶尋誅。言不從也。

魏太和中,姜維歸蜀,失其母。 魏人使其母手書呼維令反,幷送當歸以譬之。 維報書

曰:「良田百頃,不計一畝。但見遠志,無有當歸。」維卒不免。

祖宗之號,皆身沒名成,乃正其禮。故雖功赫天壤,德邁前王,未有豫定之典。此蓋言之不 魏明帝景初元年,有司奏帝爲烈祖,與太祖、高祖並爲不毀之廟。從之。 按宗廟之制,

從,失之甚者也。後二年而宮車晏駕,於是統微政逸。

倒畀之。其人亦不自知所以然也。言不從之咎也。 數里。其鄰人有責息於外,歷年不還。乃假之使爲責讓,懼以禍福,負物者以爲鬼神,即傾 其聲之大也;自遠聽之,如人對言,不覺聲之自遠來也。<br />
聲之所往,隨其所向,遠者不過十 吳孫休世,鳥程民有得困疾,及差,能以響言者,言於此而聞於彼。自其所聽之,不覺

魏世起安世殿,晉武帝後居之。安世,武帝字也。

「國家無貽厥之謀,及身而已,後嗣其殆乎,此子孫之憂也。」自永熙後,王室漸亂。 晉武帝每延羣臣,多說平生常事,未嘗及經國遠圖。 此言之不從也。 何曾謂子遵曰: 永嘉中,

天下大壞。及何綏以非辜被誅,皆如曾言。

趙王倫廢惠帝於金墉城,改號金墉爲永安宮。 帝尋復位而倫誅。

爲國 領 其咎也。 王之嗣。 丞相,備九錫,封二十郡,如魏王故事。案周禮,傳國以胤不以勳,故雖公旦之聖,不易成 [副,則不應復開封土,兼領庶職。 晉惠帝永興元年,詔廢太子厚還爲淸河王,立成都王穎爲皇太弟,猶加侍中,大都督, 所以遠絕覬覦,永壹宗祧。後代遵履,改之則亂。 後猶不悟,又立懷帝爲皇太弟。 此言之不從,進退乖爽。 懷終流弑,不永厥祚, **今擬非其實,僭差已甚。** 故帝旣播越,顯亦不終,是 又其應也。 語日 .:「變古易 且. 旣

不從 晉惠帝太安中,周玘於陽羨起宅,始成,而邊戶有聲如人嘆咤者。 也 玘亡後,家誅滅。 此

常,不亂則亡。」此之謂乎。

殺 無幾自 我。 老女子居市,被髮從肆人乞飲,自言:「天帝令我從水門出,而 晉元帝太興四年, 止 如 何? 於是百姓共相恐動,云死者已十數也。 吳郡民訛言有大蟲在紵中及樗樹上,嚙人卽死。 西及京都,諸家有樗紵者,伐去之。 我 誤 由蟲 門。 晉陵民又言曰 若還,天帝必 厂, 見

州 於 是百 人 大食 晉元 姓各 帝永昌元年,寧州刺史王遜遣子澄入質,將渝、濮雜夷數百人。 人 1禁錄 家 小兒,親 小 兄,不得出 有見其蒸煮滿釜 門。 尋又言已得食人之主,官當大航頭大杖考竟。 甑 中者。 又云失兒皆有主名,婦 人尋道,拊 京邑民忽訛 而日有四 心而 言寧

志

第

+

能

論し。

請 治之有方,當得白犬膽 朝 能 叉 治 運,五霸會於戌,戌主用兵。 也。 說 蟲 延卒 奪 病。 濟。 有異謀。 蟲害也。 曰 ,其價十倍。 , 夫 裸 蟲 永昌二年,大將軍王敦下據姑孰。 必入腹者,言害由中不由外也。 以弱 叉云,始在 北 中 案中興之際,大將軍本以腹 是以下逆上,腹心 制 郎將劉遐及淮陵 人類,而人爲之主,今云蟲食人,言本同 强,罪人授首,是用白犬膽可救 外時, 或有自云能行燒鐵者,賃灼百姓,日得五六萬,憊而 以爲藥。 當燒鐵以灼之。 金者晉行,火燒鐵以治疾者,言必去其類 內史蘇峻 內爛 自淮 也。 犬有守禦之性, 白者金色, 而 、泗遂及京都,數日之間,百姓驚擾,人人皆自云已得 率淮、 心受伊 及錢 百姓訛言行蟲病,食人大孔,數日入腹,入腹則死。 於是翕然被燒灼者十七八矣。 鳳 泗 之效也 、呂之任,而元帝末年,遂攻京邑,明帝諒闇, 、沈充等逆兵四合,而爲王師所挫,踰 之衆以救 臭類而 ,朝廷, 相殘 故其謠言首作於淮、泗也。 賊 膽用 也。 而 後已。 武之主也。 來,火與金合德,共 而白犬暴貴,至相 自下 而 四五 上, 日漸靜。 斯 帝王之 月而不 其逆

晉海西時,庾晞四五年中,喜為挽歌,自搖大鈴爲唱,使左右齊和。 又燕會, 輒令倡妓

作新安人歌儛離別之辭,其聲悲切。時人怪之,後亦果敗。〔三

髻,施於木上,呼曰「假頭」。 晉海西公太和以來,大家婦女,緩鬢傾髻,以爲盛飾。 人欲借,名曰「借頭」。 遂布天下。 用髮旣多,不恒戴。 自此以來,人士多離事故, 乃先作假

或亡失頭首,或以草木爲之。

假頭之言,此其先兆

也。

楚之聲。 晉孝武太元中,立內殿名曰淸暑,少時而崩。時人曰,「淸暑」者,反言楚聲也。 有人曰:「非此之謂,豈可極言乎。 讖云,代晉者楚,其在茲乎。」及桓玄篡逆,自號 果有哀

太元中,小兒以兩鐵相打於土中,名曰「鬭族」。 後王國寶、王孝伯一 姓之中,自相攻

擊也。

曰楚。

桓玄出鎭南州,立齋名曰蟠龍。 後劉毅居此齋。 蟠龍,毅小字也。

遜位,出永安宮,封晉主爲平固王,琅邪王德文爲石陽公,並使住尋陽城。 始,以與趙王倫同,又易爲永始。 桓玄初改年爲大亨,遐邇讙言曰:「二月了。」故義謀以仲春發也。 永始,復是王莽受封之年也。 始徙司馬道子于安成,晉主 玄篡立,又改年為建 識者皆以爲言不

從之妖也。厥咎僭。

晉興,何曾薄太官御膳,自取私食,子劭又過之,而王愷又過劭。 王愷、羊琇之疇,盛致

志第

= +

誅死,天下尋亦淪喪。僭踰之咎也。

九〇四

聲色,窮珍極麗。至元康中,夸恣成俗,轉相高尙,石崇之侈,遂兼王、何而儷人主矣。 崇旣

#### 恒暘

所傷。」 茲謂隔。其旱天赤三月,時有雹殺飛禽。上緣求妃,茲謂僭。其旱三月大溫亡雲。 張。厥災荒。其旱陰雲不雨,變而赤煙四際。衆出過時,茲謂廣。其旱不生。 置二郡,張郃西破諸葛亮,斃馬謖。亢陽自大,又其應也。 府,茲謂犯。 魏 明帝太和二年五月,大旱。元年以來,崇廣宮府之應也。又是春,晉宣帝南禽孟達, 陰侵陽。其旱萬物根死,數有火災。 庶位踰節,茲謂僭。 京房易傳曰:「欲德不用,茲謂 其旱澤物枯,爲火 上下皆蔽, 君高臺

卻之,亢陽動衆。 太和五年三月,自去冬十月至此月不雨,辛巳,大雩。 又是時三隅分據,衆出多過時也。 春秋說曰:「傷二穀,謂之不雨。」 是春,諸葛亮寇天水,晉宣王距

嗣 主,轉晉宣王爲太傅,外示尊崇,內實欲令事先由己。 魏 齊王正始元年二月,自去冬十二月至此月不 酮。 去歲正月, 是時宣王功蓋魏朝,欲德不用之 明帝崩。 二月,曹爽白

應也。

魏高貴鄕公甘露三年正月,自去秋至此月旱。 時晉文王圍諸葛誕,衆出過時之應也。

初,壽春秋夏常雨潦,常淹城,而此旱踰年,城陷乃大雨。咸以爲天亡。

吳孫亮五鳳二年,大旱,民饑。是歲閏月,魏將文欽以淮南衆數萬口來奔,孫峻又破魏

軍使者,督徐州諸軍,軍士怨叛。此亢陽自大,勞民失衆之罰也。其役彌歲,故旱亦竟年。 將曹珍于高亭。三月,朱異襲安豐,不克。七月,城廣陵、東海二郡。十二月,以馮朝爲監

吳孫皓寶鼎元年春夏旱。是時皓遷都武昌,勞民動衆之應也。

晉武帝泰始七年五月閏月,旱,大雩。是春,孫皓出華里,大司馬望帥衆次于淮北。 兀

月、北地胡寇金城西平、涼州刺史牽弘出戰,敗沒。

泰始八年五月,旱。是時帝納荀勗邪說,留賈充不復西鎮,而任愷稍疏,上下皆蔽之

應也。又李憙、魯芝、李胤等並在散職,近欲德不用之謂也。

泰始九年,自正月旱,至于六月,祈宗廟社稷山川,癸未雨。去年九月,吳西陵督步闡

據城來降,遣羊祜統楊肇等衆八萬救迎闡。十二月,陸抗大破肇軍,攻闡滅之。 泰始 十年四月,旱。去年秋冬,采擇卿校諸葛沖等女,是春五十餘人入殿簡選。又取

小 將更女數十人,母子號哭於宮中,聲聞于外,行人悲酸。是殆積陰生陽之應也。

帝 咸寧二年五月,旱,大雩,及社稷山川。至六月,乃澍雨。

九〇五

晉武帝太康二年,自去冬旱,至此春平吳,亢陽動衆自大之應也。

太康三年四月,旱。 。乙酉,詔司室齊王攸與尙書、廷尉、河南尹錄訊繫囚,事從蠲宥。

君者、當誅而不赦也。」帝不答。是時荀勗、馮紞僭作威福,亂朝尤甚 太康五年六月,旱。此年正月,天陰,解而復合。 劉毅上疏曰:「必有阿黨之臣,姦以事

太康六年三月、靑、凉、幽、冀郡國旱。

太康六年六月,濟陰、武陵旱,傷麥。

太康七年夏,郡國十三旱。

太康八年四月,冀州旱。

太康九年夏,郡國三十三旱。

太康九年六月,扶風、始平、京兆、安定旱,傷麥。

太康十年二月,旱。

馮紞等,迭居要重。所以無年不旱者,欲德不用,上下皆蔽,庶位踰節之罰也。 晉武帝太熙元年二月,旱。自太康以後,雖正人滿朝,不被親仗,而賈充、荀勗、楊駿、

晉惠帝元康元年七月,雍州大旱,殞霜疾疫。關中飢,米斛萬錢。

元康七年七月,秦雍二州大旱。故其年氐羌反叛,雍州刺史解系敗績。 是年正月,周

處、盧播等復敗,關西震亂。 交兵彌歲,至是飢疫荐臻,戎、晉並困,朝廷不能振,詔聽相賣

響局

元康七年九月,郡國五旱。

晉惠帝永寧元年,自夏及秋,靑、徐、幽、拌四州旱。 是年春,三王討趙王倫,六旬之中,

大小數十戰,死者十餘萬人。十二月,郡國十二又旱。

晉懷帝永嘉三年五月,大旱。襄平縣梁水淡淵竭,河、洛、江、漢皆可涉。是年三月,司

君之心、劉淵、石勒、王彌、李雄之徒、賊害民命、流血成泥、又其應也。

馬越歸京都,遣兵入宮,收中書令繆播等九人殺之。此僭踰之罰也。

又四方諸侯,多懷無

永嘉五年,自去冬旱至此春。去歲十二月,司馬越棄京都,以大衆南出,多將王公朝

士,及以行臺自隨,斥黜禁衞,代以國人。宮省蕭然,無復君臣之節矣。

晉陽秋云:「愍帝在西京,旱傷荐臻。」無注記年月也。

獲雨 澍 晉愍帝建武元年六月,揚州旱。去年十二月,淳于伯冤死,其年卽旱,而太興元年六月 干寶 此 其 日「殺伯之後旱三年」是也。 類 也。 班固曰:「刑罰妄加,羣陰不附,則陽氣勝,故其罰恒暘。」建武元年四 案前漢殺孝婦則旱,後漢有囚亦旱,見謝見理,並

二十一 五行二

志

第

月, 麴允等悉衆禦寇。

五月,祖逖攻譙。

其冬,周訪討杜曾。

又衆出之應也。

九〇八

晉元帝太興四年五月,旱。 是時王敦强僭之釁漸著。又去歲蔡豹、祖逖等,並有征役。

晉元帝永昌元年, 大旱。 是年三月,王敦有石頭之變,二宮陵辱,大臣誅死。 僭踰無

上,故旱尤甚也。

永昌元年閏十一月,京都大旱,川谷並竭。

晉明帝太寧三年,自春不雨,至于六月。去年秋,滅王敦,亢陽動衆自大之應也。

晉成帝咸和元年秋,旱。 是時庾太后臨朝稱制, 羣臣奏事稱「皇太后陛下」。此婦人專

王事,言不從而僭踰之罰也。與漢鄧太后同事。

咸和二年夏,旱。

咸和五年五月,旱。 去年殄蘇峻之黨,此春又討郭默滅之。 亢陽動衆之應 也。

咸和六年四月,旱。 。去年八月,石勒遣郭敬寇襄陽,南中郎將周撫奔武昌。 十月,李雄

使 李壽寇建平,建平太守楊謙奔宜都。 此正月、劉徵略婁縣、於是起衆警備。

咸和八年七月,旱。

咸和九年,自四月不雨,至于八月。

罰,故連歲旱也。至四年,王導固讓太傅,復子明辟,是後不旱,殆其應也。時天下普旱,會 晉成帝咸康元年六月,旱。是時成帝沖弱,不親萬機,內外之政,委之將相。 此僭踰之

**稽餘姚特甚,米斗直五百,民有相鬻。** 

咸康二年三月,旱。

咸康三年六月,旱。

晉康帝 建元元年五月,旱。 是時宰相專政,方伯擅重兵,又與咸康初同 事 也。

晉穆帝永和元年五月,旱。 有司奏依董仲舒術,徙市開水門,遣謁者祭太社。 是時帝

在綴抱,褚太后臨朝如明穆太后故事。

永和 五年七月,不雨,至于十月。 是年二月,征北將軍褚裒遣軍伐沛,納其民以歸。

月,又遣西中郎將陳逵進據壽陽,自以 舟師二萬至于下邳,喪其前驅 而還,達亦 退。

永和六年閏 月,早。 是春,桓溫以大衆出夏口,上疏欲以舟軍北伐,朝 廷駭之。 蕭敬文

盜陪,西蠻校尉采壽敗績。

晉穆帝]升平三年十二月,大旱。 此冬十月,北中郎將都曇 | 帥萬餘人出高平,經略河、

一克;又遣將軍諸葛悠以舟軍入河,敗績。 西中郎將謝萬次下蔡,衆潰 而 歸

升平四年十二月,大旱。

州 刺 史呂護,桓溫出次宛陵,范汪、袁眞並北伐,衆出過時 晉哀 帝隆和元年夏,旱。 是時 桓溫 强态, 權制朝 廷, 也。 僭踰之罰也。 又去年慕容恪圍冀

志第二十一 五行二

晉海 西太和四年十二月,涼州春早至夏。

晉簡 文帝咸安二年十月,大旱民飢。是時嗣主幼沖,桓溫陵僭。

晉孝武帝寧康元年二月,旱。是時桓溫入覲高平陵,闔朝致拜,踰僭之應也

慶擊姚萇墊江,破之,退至五城。<br />
益州刺史竺瑶帥衆成巴東。

寧康三年冬,旱。先是,氐賊破梁、益州,刺史楊亮、周仲孫奔退。

明年,威遠將軍桓石

遁於彭城。 桓嗣以江州之衆次都援序,北府發三州民配何謙救遁。是春,襄陽、順陽、魏興

晉孝武帝太元四年六月,大旱。去歲,氐賊圍南中郎將朱序於襄陽,又圍揚威將軍戴

城皆沒。賊遂略淮南,向廣陵。 征虜將軍謝石率水軍次除中。 兗州刺史謝玄督諸將破之。

太元八年六月,旱。夏初,桓沖征襄陽,遣冠軍將軍桓石虔進據樊城。 朝廷又遣宣城

內史胡彬次峽石爲沖聲勢也。

太元十年七月,旱饑。初八年,破苻堅;九年,諸將略地,有事徐、豫;楊亮、趙統攻討

巴、沔。是年正月,謝安又出鎭廣陵,使子琰進次彭城。

太元十三年六月,旱。去歲,北府遣戍胡陸,荆州經略河南。 是年,郭銓置戍野王,又

遣軍破黃淮。

太元十五年七月,旱。是春,丁零略虎、豫,鮮卑寇河上。朱序、桓不才等北至太行,東

至滑臺,踰時攻討,又戍石門。

婢僕之子,階緣近習,臨民領衆。 太元十七年秋,旱,至冬。 是時茹千秋爲驃騎諮議,竊弄主相威福,又丘尼乳母親黨及 又在所多上春竟囚,不以其辜,建康獄吏枉暴尤甚。 此僭

踰不從,寃濫之罰也。

晉安帝隆安四年五月,旱。去冬桓玄迫殺殷仲堪,而朝廷卽授以荆州之任,司馬元顯

又諷百僚悉使敬己。此皆陵僭之罰也。

隆安五年夏秋,大旱,十二月不雨。 去年夏,孫恩入會稽,殺內史謝琰,此年夏,略吳

又殺內史袁山松。 軍旅東討,衆出過時。

晉安帝元興元年七月,大饑,九月十月不雨。 是年正月,司馬元顯以大衆将討桓玄,旣

而玄至,殺元顯。五月,又遣東征孫恩餘黨,十月,北討劉軌。 元興二年六月,不雨,冬,又旱。 是時桓玄奢僭,十二月,遂篡位。

元興三年八月,不雨。是時王旅四伐,西夏未平。

晉安帝義熙六年九月,不雨。是時王師北討廣固,疆理三州。

**|義熙十年九月,旱,十二月,又旱。井瀆多竭。** 

義熙八年十月,不雨。是秋,王師西討劉毅,分遣伐蜀。

志第二十一 五行二

tı.

朱文帝元嘉二年夏,旱。

元嘉四年秋,京都旱。

元嘉八年五月,揚州諸郡旱。

元嘉十九年、二十年,南兗、豫州旱。

元嘉二十七年八月,不雨,至二十八年三月。 時索虜南寇。

武帝立明堂,造五輅。 孝武帝大明七年、八年,東諸郡大旱,民飢死者十六七。先是江左以來,制度多闕,孝 是時大發徒衆,南巡校獵,盛自矜大,故致旱災。

後廢帝元徽元年八月,京都旱。

詩妖

魏明帝太和中,京師歌兜鈴曹子,其唱曰:「其奈汝曹何。」此詩妖也。 其後曹爽見誅,

曹氏遂廢。

王平遼東,歸至白屋,當還鎭長安。會帝疾篤,急召之。乃乘追鋒車東渡河,終翦魏室,如 魏明帝景初中,童謠曰:「阿公阿公駕馬車,不意阿公東渡河。 阿公東還當奈何」及宣

童謠之言也。

魏齊王嘉平中,有謠曰:「白馬素覊西南馳,其誰乘者朱虎騎。」朱虎者,楚王彪小字也。

王凌、令狐愚聞此謠,謀立彪。 事發,凌等伏誅,彪賜死。

反語 石子墹也。 吳孫亮初,童謠曰:「吁汝恪,何若若,蘆葦單衣篾鈎絡,於何相求成子閣。」成子閣者, 鈎落,鈎帶也。及諸葛恪死,果以葦席裹身,篾束其要,投之石子堈。

恪故吏收歛,求之此堈云。

龜,服之而死。鼉有鱗介,甲兵之象。又白兵祥也。 成。」南郡城可長生者,有急,易以逃也。明年,諸葛恪敗,弟融鎭公安,亦見襲。融刮金印 孫亮初,公安有白鼉鳴。 童謠曰:「白鼉鳴,龜背平,南郡城中可長生,守死不去義無

廢,二十一年而吳平,於是九服歸晉。魏與吳、蜀,並爲戰國,「三公鋤,司馬如」之謂也。 非人,熒惑星也。」言畢上升,仰視若曳一匹練,有頃沒。干寶日,後四年而蜀亡,六年而魏 孫休永安二年,将守質子羣聚嬉戲,有異小子忽來,言曰:「三公鋤,司馬如。」又曰:「我

孫皓初,童謠曰:「寧飲建業水,不食武昌魚,寧還建業死,不止武昌居。」 皓尋遷都武

昌,民泝流供給,咸怨毒焉。

志

+

五

行二

天子。四世治,太平矣。」「意睹聞之,意益張,曰「從大皇帝至朕四世,太平之主,非朕復 孫皓遣使者祭石印山下妖祠。 使者因以丹書巖曰:「楚九州渚,吳九州都。揚州士,作

誰。〕恣虐踰甚,尋以降亡。近詩妖也。

聞之,加王濬龍驤將軍。及征吳,江西衆軍無過者,而王濬先定秣陵。 孫皓天紀中,童謠曰「阿童復阿童,銜刀游渡江。 不畏岸上虎,但畏水中龍。」晉武帝

竊發亂者相繼。 朽,吳當復,在三十年後。」又曰:「雞鳴不拊翼,吳復不用力。」于時吳人皆謂在孫氏子孫,故 而少斷,局縮肉,直斥之也。 晉武帝太康後,江南童謠曰:「局縮肉,數橫目,中國當敗吳當復。」又曰:「宮門柱,且莫 按橫目者「四」字,自吳亡至晉元帝興,幾四十年,皆如童謠之言。 干寶云「不知所斥」,諱之也。 元帝儒

三楊貴盛而族滅,太后 太康末,京、洛始爲「折楊柳」之歌,其曲始有兵革苦辛之詞,終以禽獲斬截之事。 廢黜而 幽死 是時

傷。」又曰:「兩火沒地,哀哉秋蘭。 又爲戟所害。 晉惠帝永熙中,河內溫縣有人如狂,造書曰:「光光文長,大戟爲牆。 楊太后被廢,賈后絕其膳,八日而崩,葬街郵亭北,百姓哀之。 歸形街郵,路人爲歎。」及楊駿居內府,以戟爲衞, 毒藥雖行,戟還自 兩火,武帝諱; 死時,

|楚王尋用事,故言「荆筆楊版」也。 二人不誅,則君臣禮悖,故云「幾作驢」。 永熙中, 童謠曰:「二月末, 三月初, 荆筆楊版行詔書, 宮中大馬幾作驢。」楊駿初專權, **斸**,楊后字也

名也。 叉曰 :「城東馬子莫曨哅,比至三月纏汝鬃。」南風,賈后字也。 晉惠帝元康中,京、洛童謠曰:「南風起,吹白沙,遙望鲁國 鲁,賈謐國也。言賈后將與謐爲亂,以危太子,而趙王因釁咀嚼豪賢,以成篡奪也。 何嵯 白,晉行 峨,千歲髑髏生 也。 沙門, 齒牙。」 太子小

是時愍懷頗失衆望,卒以廢黜,不得其死。

齊東蕃而在許,故曰「龍從南來」,河間水區而在關中,故曰「水從西來」。齊留輔政,居宮西, 來何灌灌。」數月而齊王、成都、河間義兵同會誅倫。按成都西蕃而在鄴,故曰「虎從北來」 篡位,其目實眇焉。趙王倫旣篡,洛中童謠曰:「虎從北來鼻頭汗,龍從南來登城看,水從西 有無君之心,故言「登城看」也。 元康中,天下商農通著大鄣日,童謠曰:「屠蘇鄣日覆兩耳,當見瞎兒作天子。」及趙王

汝南、西陽、南頓、彭城同至江表,而元帝嗣晉矣。 晉惠帝太安中,童謠曰:「五馬游度江,一馬化爲龍。」後中原大亂,宗蕃多絕,唯琅邪、

謠曰:「元超 司 馬越還洛,有童謠曰:「洛中大鼠長尺二,若不蚤去大狗至。」及苟晞將破汲桑,四又 兄弟大落度,上桑打椹爲苟作。」由是越惡晞,奪其兗州,隙難遂構。

按白者晉行,阬器有 晉愍帝 建興中,江南歌謠曰:「訇如白阬破,合集持作甒。揚州破換敗,吳興覆瓿甊。」 口,屬甕,瓦質剛,亦金之類也。「訇如白阬破」者,言二都傾覆,王室大

郡縣。 小也。 壞 於甒也。 而守,相持月餘日,焚燒城邑,井堙木刊矣。鳳等敗退,沈充將其黨還吳興,官軍踵之,蹈藉 也。 及石頭之事,六軍大潰,兵人抄掠京邑,爰及二宮。其後三年,錢鳳復攻京邑,阻水 「合集持作無」者,言元皇帝鳩集遺餘,以主社稷,未能克復中原,偏王江南,故其喩 充父子授首,黨與誅者以百數。所謂「揚州破換敗,吳興覆瓿甊」。<br/>。瓿甊,瓦器,又小

弟蘇石也,峻死後,石據石頭,尋爲諸公所破也。 破。」及明帝崩,成帝幼,爲蘇峻所逼,遷于石頭,御饍不足。「高山崩」,言峻尋死;「石」,峻 晉明帝太寧初,童謠歌曰:「惻力惻力,放馬山側。[三] 大馬死,小馬餓,高山崩,石自

晉成帝之末,民間謠曰:「礚礚何隆隆,駕車入梓宮。」少日而宮車晏駕。

晉成帝咸康二年十二月,河北謠語曰:「麥入土,殺石虎。」後如謠言。

白馬牽旒旐。」又曰:「庾公初上時,翩翩如飛烏。庾公還揚州,白馬牽流蘇。」後連徵不入, 庾亮初出鎭武昌,出石頭,百姓於岸上歌曰:「庾公上武昌,翩翩如飛鳥。 庾公還揚州,

及薨,還都葬。

無幾而庾羲、王洽相繼亡。 庾羲在吳郡,「以」吳中童謠曰:「寧食下湖荇,不食上湖蓴。 庾吳沒命喪,復殺王領軍。」

晉穆帝升平中,童子輩忽歌於道曰「阿子聞」,曲終輒云「阿子汝聞不」。無幾而穆帝崩,

太后哭曰:「阿子汝聞不?」

悉臨,國家其大諱乎。」少時而穆帝晏駕。 升平末,民間忽作廉歌。 有扈謙者聞之,曰:「廉者臨也。歌云『白門廉,宮廷廉』,內外

帝崩。不滿斗,不至十年也。 聞 而惡之,復改年曰興寧。民復歌曰:「雖復改興寧,亦復無聊生。」哀帝尋崩,升平五年,穆 晉哀帝隆和初,童兒歌曰:「升平不滿斗,隆和那得久!桓公入石頭,陛下徒跣走。」帝

馬韁死之。明日,南方獻甘露。 者金行,馬者國族,紫爲奪正之色,明以紫間朱也。海西公尋廢,三子非海西子,並死,縊以 晉海西公太和中,民歌曰:「青青御路楊,白馬紫游韁。汝非皇太子,那得甘露漿。」白

麥,如謠言。 太和末,童謠云:「犁牛耕御路,白門種小麥。」及海西被廢,處吳,民犁耕其門前,以種

小

歌甚美,其旨甚微。海西公不男,使左右向龍與內侍接,生子以爲己子。 晉海西公生皇子,百姓歌云:「鳳皇生一雛,天下莫不喜。本言是馬駒,今定成龍子。」

桓石民爲荆州,鎭 上明、民忽歌曰「黄曇子」。曲終又曰:「黄曇英、揚州大佛來上明。」頃

志

第二十

五

行二

石民死,王忱為荆州。「黃曇子」乃是王忱之字也。忧小字佛大,是「大佛來上明」也。

太元末,京口謠曰:「黃雌雞,莫作雄父啼。一旦去毛衣,衣被拉颯拪。」尋王恭起兵誅

王國寶、旋爲劉牢之所敗也。

司馬道子於東府造土山,名曰靈秀山。 無幾而孫恩作亂,再踐會稽。會稽,道子所封。

靈秀,恩之字也。

庾楷鎭歷陽,民歌曰:「重羅犁,重羅犁,使君南上無還時。」後楷南奔桓玄,爲玄所誅。

殷仲堪在荆州,童謠曰:「芒籠目,繩縛腹。殷當敗,桓當復。」無幾而仲堪敗,桓玄有

并列

其精已去,明將敗也,天公將加譴讁而誅之也。「捻嚨喉」,氣不通,死之祥也。「敗復敗」, 捻曨喉。嚨喉喝復喝,京口敗復敗。」「昔年食白飯」,言得志也。「今年食麥輕」,愛,粗穢, 王恭鎭京口,舉兵誅王國寶,百姓謠云:「昔年食白飯,今年食麥麪。天公誅讁汝,敎汝

作亂、賴得金刀作蕃扞。」「黃」字上,「恭」字頭也。「小人」、「恭」字下也。尋如謠者言焉。 王恭在京口,民間忽云:「黃頭小人欲作賊,阿公在城下,指縛得。」又云:「黃頭小人欲

丁寧之辭也。恭尋死,京都大行咳疾,而喉並喝焉。

晉安帝隆安中,民忽作懊惱歌,其曲中有「草生可擥結,女兒可擥抱」之言。桓玄旣篡

居天位,義旗以三月二日掃定京都,玄之宮女及逆黨之家子女伎妾, 悉爲軍賞。

越,北流淮 、泗、皆人有所獲焉。 時則草可結,事則女可抱,信矣。

桓玄旣篡,童謠曰:「草生及馬腹,烏啄桓玄目。」及玄敗走至江陵,五月中誅,

期焉。

上,猶征鐘之厠歌謠,下體之詠民口也。而云「落地」,墜地之祥,进走之言,其驗明矣。 桓玄時,民謠語云:「征鐘落地桓迸走。」征鐘,至穢之服,桓,四體之下稱。玄自下居

「金刀旣以刻,娓娓金城中。」此詩云襄陽道人竺曇林所作,多所道,行於世。」孟顗釋之曰, 也。 「十一口」者,玄字象也。「木亘」,桓也。桓氏當悉走入關、洛,故云「浩浩鄉」也。「金刀」,劉 倡義諸公,皆多姓劉。「娓娓」,美盛貌也。 司馬元顯時,民謠詩云:「當有十一口,當爲兵所傷。木亘當北度,走入浩浩鄉。」又云:

桓玄得志,童謠曰:「長干巷,巷長干。今年殺郎君,明年斬諸桓。」及玄走而諸桓悉誅

紫,奉以名州,養之已極,而不能懷我好音,舉兵內伐,遂成讎敵也。「蘆生不止自成積」,及紫,奉以名州,養之已極,而不能懷我好音,舉兵內伐,遂成讎敵也。「蘆生不止自成積」,及 盧龍作亂,時人追思童謠,惡其有成積之言。識者曰:「芟夷蘊崇之,又行火焉,是草之窮 晉安帝義熙初,童謠曰:「官家養蘆化成荻,蘆生不止自成積。」其時官養盧龍,寵以金

九二〇

也。 勢,盛其舟艦,卒以滅亡,僵屍如積焉。 伐斫以成積,又以爲薪,亦蘆荻之終也。 其盛旣極,亦將芟夷而爲積焉。」龍旣窮其兵

盧龍據有廣州,民間謠云:「蘆生漫漫竟天半。」後擁有上流數州之地,內逼京輦,應「天

有謠言曰:「盧燈燈,逐水流,東風忽如起,那得入石頭。」盧龍果敗,不得入石頭。 欲與官鬭,「鬭嘆」之應也。「翁年老」,羣公有期頤之慶,知妖逆之徒,自然消殄也。其時復 老,翁年老」。當時莫知所謂。其後盧龍內逼,舟艦蓋川,「健健」之謂也。旣至查浦,屢剋期 義熙三年中,小兒相逢於道,輒舉其兩手曰「盧健健」,次曰「鬭嘆,罽嘆」,末復曰「翁年

吾等與國家同安危而曰元吉,事有成也。」於是協同討滅王敦。[刊] 昔溫嶠令郭景純卜已與庾亮吉凶。景純云「元吉」。」嶠語亮: 「景純每筮,當是不敢盡

苻堅中,童謠曰:「阿堅連牽三十年,後若欲敗時,當在江湖邊。」後堅敗於淝水,在僞位

凡三十年。

苻堅中,謠語云:「河水淸復淸,苻詔死新城。」〔<〕堅爲姚萇所殺,死於新城。

鮮卑也。其羣臣諫堅,令盡誅鮮卑。堅不從。及淮南敗還,爲慕容沖所攻,亡奔姚萇,身死 **苻堅中,歌云:「魚羊田斗當滅秦。」「魚羊」,鮮也。「田斗」,卑也。** 堅自號秦,言滅之者

#### 毛蟲之孽

言水數旣極,火慝得作,而金受其敗也。 陰精,而居于陽。 儀,聖主應天,斯異何爲。」言非亂也。 火始終相乘之數也。 晉武帝太康六年,南陽送兩足虎,此毛蟲之孽也。 金獸也。 自帝受命,至愍懷之廢,凡三十五年。」 南陽,火名也。金精入火,而失其形,王室亂之妖也。六,水數, 京房易傳曰:「足少者,下不勝任也。」干寶曰:「虎者 至元康九年,始殺太子,距此十四年。 識者爲其文曰:「武形有虧, 二七十四, 金虎失

太康九年,荆州獻兩足玃。

角爲四方之象。後河間王數連四方之兵,作爲亂階,殆其應也。 太康七年十一月丙辰,四角獸見于河間,河間王顒獲以獻。 角,兵象也。 董仲舒以四

人欲稱制者,亦尋自死矣。」其後吳興徐馥作亂,殺太守袁琇,馥亦時滅,是其應也。 晉懷帝永嘉五年,偃鼠出延陵,此毛蟲之孽也。郭景純筮之曰:「此郡東之縣, 當有妖

孝,天下之彥士,樂賢堂,所以樂養賢也。晉自喪亂以後,風敎凌夷,秀無策試之才,孝乏四 晉成帝咸和六年正月丁巳,會州郡秀孝於樂賢堂,有麏見於前,獲之。 孫盛曰:「夫秀

志

行之實。嚳興於前,或斯故乎。」

晉哀帝隆和元年十月甲申,有麈入東海第。 百姓讙言曰: 「主入東海第。」 識者怪之。

及海西廢爲東海王,先送此第。

晉孝武太元十三年四月癸巳,於祠畢,有兔行廟堂上。 兔,野物也, 而集宗廟之堂,不

祥莫甚焉。

宋文帝元嘉二十四年二月,雍州送六足麞,刺史武陵王表爲祥瑞。 此毛蟲之孽。

宋順帝昇明元年,象三頭度蔡洲,暴稻穀及園野。

犬禍

公孫淵家有犬冠幘絳衣上屋,此犬禍也。 屋上亢陽高危之地。 天戒若日, 淵亢陽無

上,偷自尊高,狗而冠者也。及自立爲燕王,果爲魏所滅。 京房易傳曰:「君不正,臣欲篡,

厥妖狗出朝門。」

魏侍中應璩在直廬,欻見一白狗,問衆人無見者。 踰年卒。 近犬禍 也。

諸葛恪征淮南歸,將朝會,犬銜引其衣。 恪曰:「犬不欲我行乎。」還坐,有頃復起,犬又

銜衣。乃令逐犬。遂升車入而被害。

晉武帝太康九年,幽州有犬,鼻行地三百餘步。

宿 昔 晉惠帝元康中,吳郡婁縣民家聞地中有犬聲,掘視得雌雄各一。 失所在。 元帝太興中,吳郡府舍又得二物頭 如此。 其後太守張茂爲吳興兵所殺。 還置窟中,覆以磨石,

晉惠帝永興元年,丹陽內史朱逵家犬生三子,皆無頭。 後達爲揚州刺史曹武所殺。

晉孝懷帝永嘉 五年,吳郡嘉興張林家狗人言云:「天下人餓死。」

晉安帝隆安初,吳郡治下狗恒夜吠,聚高橋上。人家狗有限,而吠聲甚衆。 或有 夜出

覘之者,云一狗假有兩三頭,皆前向亂吠。 桓玄將拜楚王,已設拜席,羣官陪位,玄未及出,有狗來便其席,萬衆暀候,莫不驚怪 無幾,孫恩亂於吳會。

宋武帝永初二年,京邑有狗人言。

文帝元嘉二十九年,吳興東遷孟慧度婢蠻與狗通好如夫妻彌年。

明帝初,晉安王子勛稱偽號於尋陽,柴桑有狗與女人交,三日不分離。 孝武孝建初,顏竣爲左衞,於省內聞犬子聲在地中,掘焉得烏犬子。 養久之,後自死。

明帝泰始中,秣陵張僧護家犬生豕子。

志第二十一 五行二

#### 白眚白祥

可掘。 晉武帝太康十年,洛陽宮西宜秋里石生地中,始高三尺,如香鑪形,後如傴人,盤薄不 案劉向說,此白眚也。 明年,宮車晏駕,王室始騷,卒以亂亡。京房易傳曰:「石立如

人, 庶人爲天下雄。」此近之矣。

皆甘心焉。於是方鎭屢革,邊戍仍遷,皆擁帶部曲,動有萬數,其間征伐徵賦,役無寧歲,天 晉成帝咸康初,地生毛,近白眚也。孫盛以爲民勞之異。是後胡滅而中原向化,將相

咸康三年六月,地生毛。下擾動,民以疲怨。

晉孝武太元二年五月, 京都地生毛。 至四年而氐賊攻襄陽,圍彭城,向廣陵,征戍仍

出,兵連不解。

太元十四年四月,京都地生毛。 是時苻堅滅後,經略多事。

太元十七年四月,地生毛。

晉安帝隆安四年四月乙未,地生毛,或白或黑。

晉安帝元興三年五月,江陵地生毛。 是後江陵見襲,交戰者數矣。

晉安帝義熙三年三月,地生白毛

義熙十年三月,地生白毛。 明年,王旅西討司馬休之。 又明年,北掃關、洛。

魏明帝靑龍三年正月乙亥,隕石于壽光。 按左氏傳,隕石,星也。 班固以爲石陰類,又白祥, 劉歆說曰:「庶民、惟

星隕於宋者,象宋襄公將得諸侯而不終也。」秦始皇時有隕石。

臣將危君。 是後司馬氏得政。

晉武帝太康五年五月丁巳,隕石于溫及河陽各二。

太康六年正月,隕石于溫三。

晉成帝咸和八年五月, 星隕于肥鄉

咸和 九年正月,隕石于涼州

吳孫亮五鳳二年五月,陽羨縣離里山大石自立。按京房易傳曰:「庶士爲天子之祥也。」

說曰:「石立於山,同姓。平地,異姓。」干寶以爲孫晧承廢故之家得位,其應也。 或日孫

休見立之祥也。

其

晉惠帝元康五年十二月,有石生于宜年里。

晉惠帝 永康 元年,襄陽郡上言得鳴石,撞之,聲聞七八里。

晉惠帝 太安元年,丹陽湖熟縣夏架湖有大石浮二百步而登岸。民驚躁相告曰:「石來」」

干寶曰:「尋有石冰入建業。」

從 妖 줒 事 何旅 晉武 雨羽。」又曰:「邪人進,賢人逃,天雨毛。」其易妖曰:「天雨毛羽,貴人出走。」三占皆應 帝泰始八年五月,蜀地雨白毛。 固諫,不從。 牙門張弘等因衆之怨, 誣晏謀逆, 害之。 此白祥也。 是時益州刺史皇甫晏冒暑伐汶山胡, 京房易傳曰:「前樂後憂,厥

晉惠帝永寧元年,齊王冏舉義軍。 軍中有小兒出於裏城繁昌縣,年八歲,髮體悉白,頗

能卜。於洪範,則白祥也。

也。

逐亡。 消釋,騰怪 而 無齒, 晉車騎大將軍東嬴 則不得食,妖 而 掘之,得玉馬高 祥 王騰自幷州遷鎭鄴,乃行次眞定。 之 兆,衰亡之徵。 尺許,口 I齒缺。 案占, 騰以馬者國姓,上送之以爲瑞。 此白祥也。 時久積雪,而當門前方數尺獨 是後騰爲汲桑所殺,而 然論者皆云馬 晉 室

屋,良久而轉駃乃消。 宋文帝元嘉中,徐湛之爲丹陽尹。 此白 祥 也 夜西門內有氣如練, 西南指,長數十丈。 又白光覆

前廢帝景和元年,鄧琬在尋陽,種紫花皆白,白眚也。

#### 木沴金

魏 齊王正始末,河南尹李勝治聽事,有小材激墮,檛受符吏石虎項斷之。こ已此木沴金

也。勝後旬日而敗。

晉惠帝元康八年三月,三三郊禖壇石中破爲二。 此木沴金也。 郊禖壇者,求子之神位,

無故而自毁,太子將危之妖也。明年,愍懷廢死。

晉孝武帝太元十年四月,謝安出鎭廣陵,始發石頭,金鼓無故自破。 此木沴金之異也。

天意若日,安徒揚經略之聲,終無其實,鉦鼓不用之象也。八月,以疾還,是月薨。

#### 校勘記

淩愚被誅 張森楷校勘記云:「案令狐愚先死,非與凌並 談。」

晉海 西時庾晞四五年中喜爲挽歌至 時 人怪之後亦果敗 晉書五行志亦以此爲庾晞事。 據世說

新語黜免篇劉峻注引司馬晞傳:「晞字道升、元帝第四子,初封武 陵王, 拜太宰。 太宗卽位、謀

逆,徙新安。 晞未敗四五年中,喜爲挽歌,自搖大鈴, 使左右習和之。 又燕會,倡妓作 新安 人 歌

舞離別之辭,其聲甚悲。 後果徙新安。」則宋書五行志之庾晞,當是武陵王司馬晞,蓋沈約原文

之誤,而晉書五行志又襲宋志之誤。

志第二十一 校勘記

- [1] 太平矣 「矣」三國志吳志孫晧傳作「始」。
- 及苟晞將破汲桑 「苟晞」各本並作「苟希」,據晉書五行志及晉書苟晞傳改。
- 五. 惻 力惻 力放馬 Щ 側 晉書五行志作「惻惻力力,放馬山側」。 世說新語容止篇劉峻注引靈鬼志

作「側側力、放馬出山側」。

亡」,並

同改。

- . ;≺ ∪ 庾羲在吳郡 「庾羲」各本並作「庾義」、據晉書庾亮傳子羲附傳改。 下「無幾而庾義、 王洽相繼
- <del>- L</del> 昔溫 錯簡,插 |嶠令郭景純卜己與庾亮吉凶至 於是協同討滅王敦 在前條「 「鬭嘆之應也」句下。 今據局本及晉書五行志,仍別爲一條。 按本條五十六字, 除局本外, 各本均
- , , , , , 「玄左右稱玄爲桓詔。 堅 河水清復清苻詔死新城 按晉書苻堅載記:「初堅强盛之時,國有童謠 桓胤 三朝本作「苻詔」,北監本、 諫曰:『詔者,施於辭令, 云,河水淸復淸,苻韶死 不以爲稱謂也。 毛本、 殿本、 局本、晉書五行志並作「苻 漢、魏之主,皆無此言。 新城。」晉書桓玄傳: 唯
- ۍر ∪ 將 晉車 軍 騎 つ無「大」字。 大 將 軍 東 嬴 又嬴初封東嬴公, 王騰自幷州遷鎭 鄴 後進爵東燕王,又改封新蔡王。 按晉書高密文獻王泰傳子騰附傳, 此云「東嬴王」,蓋沈約原 騰 永嘉 初, 遷車 騎

聞北

**虜以苻堅爲苻詔耳?』」是苻韶之稱** 

不誤

文之誤。

勘 記 ((0)

「三月」晉書惠帝紀及五行志並作「五月」。

# 宋書卷三十二

## 志第二十二

## 五行三

又曰:「視之不明,是謂不哲。 時則有羊禍,時則有目痾,時則有赤眚、赤祥。惟水沴火。」羸蟲,劉歆傳以爲羽蟲。 五行傳曰:「棄法律,逐功臣,殺太子,以妾爲妻,則火不炎上。」謂火失其性而爲災也。 厥咎舒,厥罰恒燠,厥極疾。 時則有草妖,時則有贏蟲之孽,

#### 火不炎上

后,更立典虞車工卒毛嘉女,是爲悼皇后。 魏明帝太和五年五月,清商殿災。初,帝爲平原王,納河南虞氏爲妃。 后本仄微,非所宜升。 以妾爲妻之罰也。 及卽位,不以爲

魏明帝靑龍元年六月,四洛陽宮鞠室災。

志第二十二 五行三

誠。 勝之。 以報陛下虔恭之德。」不從。 宮室,不知百姓空竭,故天應之以旱,火從高殿起也。 何咎也? 棄 、法度,疲民逞欲,以妾爲妻之應也。 今宜罷散民役,務從節約,清掃所災之處,不敢於此有所營造。 易傳曰:『上不儉,下不節,孽火燒其室。』又曰:『君高其臺,天火爲災。』此人君苟飾 年 於禮寧有祈禳之義乎。」對曰:「夫災變之發,皆所以明教誠也。 四月,崇華殿災,延于南閣。繕復之。 遂復崇華殿,改曰九龍。 至三年七月,此殿又災。帝問高堂隆:「此 案舊占,災火之發,皆以臺榭宮室爲 以郡國前後言龍見者九,故以爲名。 **萐**莆嘉禾,必生此地, 唯率禮修德,可以

遷都 首者。 災。 其說又同。 而 意,更起門殿,事 吳 董 矜慢放 恪果喪衆 孫亮建興元年十二月,武昌端門災。 仲 舒以爲天意欲使定公誅季氏,若曰去其高顯而 肆,孫峻總禁旅,而險害終著。 今此與二事頗類 殄民,峻授政於綝,綝廢亮也。 非時宜,故見 也。 災也。 且門者,號令所出, 京房易傳曰:「君不思道,厥妖火燒宮。」 武昌,孫氏尊號所始,天戒若曰,宜除其貴 改作端門,又災內殿。 或日 孫權毀徹武昌,以增太初宮,諸葛恪有 奢僭者也。 殿者, 聽政之所。 案春秋魯雉門及兩觀 漢武 一帝世 是時 追東 諸葛恪不 (要之 高 秉 廟

胤,明年,又輒殺朱異。 吳 孫 亮 太平元年二月朔,建業 棄法律、逐功臣之罰也。 火。 人火之也。 是秋,孫綝始秉政,矯以亮詔殺呂據、滕

時嬖 人張布專擅國勢,多行無禮,而韋昭、盛冲終斥不用,兼遣察戰等爲使,回蓋擾州郡, 吳孫休永安五年二月,白虎門北樓災。 六年十月,石頭小城火,燒西南百八十丈。

致使<u></u>交趾反亂。是其咎也。

內,聽女口,妻妾數更之罰也。 吳孫皓建衡二年三月,大火,燒萬餘家,死者七百人。案春秋,齊火。 時制令詭暴,蕩棄法度,勞臣名士,誅斥甚衆。 劉向以為桓公好 後宮萬餘,女

晉武帝太康八年三月乙丑,震災西閣、楚王所止坊,及臨商觀牕。

謁數行,其中隆寵佩皇后璽者又多矣。故有大火。

憂之。」楊珧由是乞退。是時帝納馮紞之間,廢張華之功,聽楊駿之讒,離衞瓘之寵。 功臣之罰也。明年,宮車晏駕。其後楚王承竊發之旨,戮害二公,身亦不免。震災其坊,又 火。回時有上書者曰:「漢王氏五侯兄弟迭任,今楊氏三公並在大位。天變屢見,竊爲陛下 十年四月癸丑,崇賢殿災。十月庚辰,含章鞠室、脩成堂前廡、丙坊東屋、煇章殿南閣 此逐

也。 王莽頭,孔子履,漢高斷白蛇劍及二百萬人器械,一時蕩盡。是後愍懷見殺,殺太子之罰 天戒若曰、夫設險擊柝、所以固其國、儲積戎器、所以戒不虞。今冢嗣將傾、社稷將泯、 晉惠帝元康五年閏月庚寅,武庫火。張華疑有亂,先固守,然後救災。是以累代異寶, 天意乎。

而氏

、羌反、太子見廢、則四海可知矣。

禁兵無所復施,皇旅又將誰衞。 帝后不悟,終喪四海,是其應也。 張華、閻纂皆日,武庫火

世,高園便殿火,董仲舒對與此占同。」 納裴頠、劉卞之謀,故后遂與艦誣殺太子也。 曰,臣妾之不可者,雖親貴莫比,猶宜忍而誅之,如吾燔高原陵也。 元康八年十一月,高原陵火。是時賈后凶恣,賈謐擅朝,惡積罪稔,宜見誅絕。 干寶云、「高原陵火,太子廢,其應也。 帝旣眊弱,而張華又不 漢武帝 天戒若

之應。 立,立而復廢者四,又詔賜死,荀藩表全之。 玄之以成都之逼,憂死。 晉惠帝永康元年,帝納皇后羊氏。 永興元年,成都遂廢后,處之金墉城, 后將入宮,衣中忽有火,衆咸怪之。 雖末還在位, 然憂逼折辱,終古未聞。 而殺其叔父同之。 太安二年,后父 此孽火 是後還

法律之應 晉惠帝永興二年七月甲午,尚書諸曹火,延崇禮闥及閣道。 也。 清河王覃入爲晉嗣,不終于位,又殺太子之罰 也。 夫百揆王化之本,王者棄

牧,衆四五萬,攻略郡縣,以爲己邑。都督力屈,嬰城自守,賊遂攻逼襄陽。 晉孝懷帝 永嘉四年十一月,襄陽火,死者三千餘人。 是時 王如 自號大將軍、司 此下陵上,陽失 雍二州

節,火災出也。

處俱 應,數日不絕。 晉元帝太興中,王敦鎭武昌。 班固所謂濫炎妄起,雖興師不能救之之謂也。 武昌火起, 興衆救之。 救於此 而 干寶曰:「此臣而 發於彼,東西南 北數十

亢陽失節之災也。」

晉元帝永昌二年正月癸巳,京都大火。三月,饒安、東光、安陵三縣火,燒七千餘家,死

者萬五千人。

晉明帝太寧元年正月,京都火。是時王敦威侮朝廷,多行無禮,內外臣下,咸懷怨毒。

極陰生陽,故有火災。與董仲舒說春秋陳火同事也。

晉穆帝永和五年六月,震災石虎太武殿及兩廂、端門,光爛照天,金石皆盡,火月餘乃

滅。是年四月,石虎死矣。其後胡遂滅亡。

晉海西太和中,都悟爲會稽。 六月,大旱災,火燒數千家,延及山陰倉米數百萬斛。 炎

烟蔽天,不可撲滅。

晉孝武帝寧康元年三月,京都風,火大起。是時桓溫入朝,志在陵上,少主踐位,人懷

**愛恐。此與太寧火同事。** 

不厲 ·,賞黜無章,有育才之名,無收賢之實。 晉孝武 帝太元十年正月,立國子學。 學生多頑嚚,因風放火,焚房百餘間。 書云"「知人則哲。」此不哲之罰先兆也。 是後考課

志第二十二 五行三

太元十三年十二月乙未,延賢堂災。丙申,螽斯、則百堂及客館、驃騎庫皆災。于時朝

多弊政,衰陵日兆。不哲之罰,皆有象類。主相不悟,終至亂亡云。

晉安帝隆安二年三月,龍舟二乘災。是水沴火也。

晉安帝元興元年八月庚子,尚書下舍曹火。

避寇,盈滿城內。隱之懼有應賊,但務嚴兵,不先救火,由是府舍焚燒蕩盡,死者萬餘人,因 元興三年,盧循攻略廣州,刺史吳隱之閉城固守。是年十月壬戌夜,大火起。時民人

遂散潰,悉爲賊擒。 殆與裏陽火同占也。

晉安帝義熙四年七月丁酉,尚書殿中吏部曹火。

日在聽事上,見天上有一赤物下,狀如信幡,徑集路南人家屋上,火即復大發。。弘知天爲之 義熙十一年,京都所在大行火災,吳界尤甚。火防甚峻,猶自不絕。三弘時爲吳郡,白

災,不罪火主。

宋文帝元嘉五年正月戊子,京邑大火。

元嘉七年十二月乙亥,京邑火,延燒太社北牆。

元嘉二十九年三月壬午,京邑大火,風雷甚壯。

後廢帝元徽三年正月己巳,京邑大火。

#### 恒燠

庶徵之恒燠,劉向、班固以冬亡冰及霜不殺草應之。 京房易傳又曰: 「夏則暑殺人,冬

則物華實。」

吳孫亮建興元年九月,桃李華。 孫權世,政煩賦重,民彫於役。是時諸葛恪始輔政,息

校官,原逋責,除關梁,崇寬厚。此舒緩之應也。一說桃李寒華爲草妖,或屬華孽。

魏元帝景元三年十月,桃李華。自高貴弑死之後,晉文王深樹恩德,事崇優緩,此其應

也。

晉穆帝永和九年十二月,桃李華。 是時簡文輔政,事多弛略,舒緩之應也。

宋順帝昇明元年十月,於潛桃、李、奈結實。

#### 草妖

棃,根傷亦血出。 漢獻帝建安二十五年春正月,魏武帝在洛陽,將起建始殿,伐濯龍祠樹而血出,又掘徙 帝惡之,遂寢疾,是月崩。 蓋草妖,又赤祥也。 是歲,魏文帝黃初元年也。

第二十二 五行三

志

吳孫亮五鳳元年六月,交趾稗草化爲稻。 昔三苗將亡,五穀變種。 此草妖也。 其後亮

立者乎。蜀果亡,如周言。此草妖也。 之會,具而授,若何復。」言曹者衆也;魏者大也;衆而大,天下其當會也;具而授,如何復有 蜀 '劉禪景耀五年,宮中大樹無故自折。 譙周憂之,無所與之言,乃書柱曰:「衆而大,其

天下亂,此湖開,天下平。吳尋亡,而九服爲一。 吳孫晧天璽元年,吳郡臨平湖自漢末穢塞,是時一夕忽開除無草。 長老相傳,此湖塞,

運承 綬。干寶曰:「明年晉平吳,王濬止船,正得平渚,姓名顯然,指事之徵也。 黃狗者,吳以土 綠色。 ,漢,故初有黃龍之瑞,及其季年,而有鬼目之妖,託黃狗之家,黃稱不改,而貴賤大殊。 又有蕒菜生工吳平家,高四尺,如枇杷形,上圓徑一尺八寸,下莖廣五寸,回兩邊生葉 吳孫皓天紀三年八月,建業有鬼目菜生工黃狗家,依緣棗樹,長丈餘,莖廣四寸,厚三 東觀案圖,名鬼目作芝草,蕒菜作平慮。遂以狗爲侍芝郎,平爲平慮郎,皆銀印青

晉惠帝元康二年春,巴西郡界竹生花,紫色,結實如麥,外皮青,中赤白,味甘。

|元康九年六月庚子,有桑生東宮西廂,日長尺餘,甲辰,枯死。 此與殷太戊同妖。 太子

)精微之應也。」

不能悟,故至廢戮也。 班固稱「野木生朝而暴長,小人將暴居大臣之位,危亡國家, 象朝將

爲墟也」。是後孫秀、張林尋用事,遂至大亂。

晉惠帝永康元年四月丁巳,立皇孫臧爲皇太孫。 五月甲子,就東宫。 桑又生於西廂。

明年,趙倫篡位,鴆殺臧。此與愍懷同妖也。

永康元年四月、壯武國有桑化爲柏。 是月,張華遇害。

晉孝懷帝永嘉三年冬,項縣桑樹有聲如解材,民謂之桑林哭。案劉向說,桑者喪也,又

爲哭聲,不祥之甚。是時京師虛弱,胡寇交逼,司馬越無衞上國之心,四年冬,委而南出,至 五年春,薨于此城,石勒邀其衆,圍而射之,王公以下至庶人,死者十餘萬人,又剖越棺焚其

尸。是敗也,中原無所請命,洛京尋沒。桑哭之應也。

鼠,遇臨之益,曰:「後當復有妖樹生,若瑞而非,辛螫之木也。儻有此,東南數百里必有作 永嘉六年五月,無錫縣有四株茱萸樹,相樛而生,狀若連理。先是,郭景純筮延陵偃

逆者。」其後徐馥作亂。此草妖也,郭以爲木不曲直。

永嘉六年七月,豫章郡有樟樹久枯,是月忽更榮茂。 與昌邑枯社復生同占。 懷帝不終

其祚,元帝由支族興之應也。

志 第

+

Ŧi.

行三

晉明帝 太寧元年九月,會稽剡縣木生如人面。 是後王敦稱兵作逆,禍敗無成。 漢。

靈之世,並有此妖,而人貌備具,故其禍亦大。今此但人面而已,故其變亦輕。

戌,吳雄家有死楡樹,是日因風雨起生。 改封琅邪,而猶食吳郡爲邑。是帝越正體饗國之象也。 晉成帝咸和六年五月癸亥,曲阿有柳樹倒地六載,是月忽復起生。 與漢上林斷柳起生同象。 曲阿先亦吳地,象見吳邑雄舍,又 初,康帝爲吳王,于時雖 咸和九年五月甲

天意也。

歲,而簡文居蕃,四海宅心。及得位垂統,則祚隆孝武。識者竊曰西昌脩明之祥,帝諱實應 晉哀帝興寧三年五月癸卯,廬陵西昌縣脩明家有死栗樹,是日忽起生。時孝武年四 是與漢宣帝頗同象也。

業,將集危亡之地。 晉海西太和元年,涼州楊樹生松。天戒若曰,松不改柯易葉,楊者柔脆之木,此永久之 是後張天錫降氐。

淫,厥妖木斷自屬。 晉孝武太元十四年六月,建寧同樂縣枯木斷折,忽然自立相屬。 妃后有專,木仆反立。」是時治道方僻,多失其正。 京房易傳曰:「棄正作 其後張夫人專寵,及

晉安帝元興三年,荆、江二界生竹實如麥。

帝崩,兆庶歸咎張氏焉

晉安帝義熙二年九月,揚州營揚武將軍營士陳蓋家有苦蕒菜,同莖高四尺六寸,廣三

尺二寸。此殆與吳終同象也。

天戒若曰,人君拱默不能聽政,雖居宸極,猶若空宮,雖有御道,未嘗馳騁,皆生蒺蔾若空廢 義熙中,宮城上御道左右皆生蒺蔾。 草妖也。 蒺蔾有刺,不可踐而行,生宮牆及馳道,

義熙八年,太社生薰樹于壇側。 薰於文尚黑,宋水德將王之符也。

也。

### 羽蟲之孽

見薦舉。 鳥胡爲而至哉?其博舉天下儁德茂才,獨行君子,以答曹人之刺。」於是楊彪、管寧之徒,咸 「此詩人所謂汙澤者也。曹詩刺恭公遠君子,近小人。今豈有賢智之士,處于下位,否則斯 魏文帝黃初四年五月,有鵜鶘鳥集靈芝池。 此謂覩妖知懼者也。雖然不能優容亮直,而多溺偏私矣。京房易傳曰:「辟退有 案劉向說,此羽蟲之孽,又青祥也。 詔曰:

黄初末,宮中有灩生鷹,口爪俱赤。此與商紂、宋隱同象。

德,厥妖水鳥集于國井。」

之孽,又赤眚也。 景初元年,又有鷰生鉅鷇於衞國涓桃里李蓋家。 高堂隆曰:「此魏室之大異,宜防鷹揚之臣於蕭牆之內。」其後晉宣王起, 形若鷹,吻似燕。 案劉向說,此羽蟲

志

第

二 十

五行三

遂有魏室。

漢獻帝建安二十三年,禿鶩鳥集鄴宮文昌殿後池。 明年,魏武王薨。

魏文帝黃初三年,又集雒陽芳林園池。七年,又集。 其夏,文帝崩。 景初末,又集芳林

園池。前世再至,輒有大喪,帝惡之。其年,明帝崩。

時諸葛亮連年動衆,志吞中夏,而終死渭南,所圖不遂。 蜀 劉禪建興九年十月,江陽至江州有鳥從江南飛渡江北,不能達,墮水死者以千餘。是 又諸將分爭,頗喪徒旅。 鳥北飛不

能達,墮水死,皆有其象也。亮竟不能過渭,又其應乎。此與漢、楚國烏關墮泗水觕類矣。

魏明帝青龍三年,戴鵟巢鉅鹿人張臶家。蹄博學有高節,不應袁紹、高幹之命,魏太祖

辟 亦 不至,優游嘉遁,門徒數百,太守王肅雅敬焉。時年百餘歲,謂門人曰:「戴鵀陽鳥,而

巢于門陰,此凶祥也。」乃援琴歌詠,作詩一首,旬日而卒。按占,羽蟲之孽也。

也。 帝以問高堂隆,對曰:「詩云:『惟鵲有巢,惟鳩居之。』今興起宮室,而鵲來巢,此宮室未 魏明帝景初元年,陵霄閣始構,有鵲巢其上。鵲體白黑雜色。 此羽蟲之孽,又白黑祥

成,身不 ·得居之之象。天意若曰,宮室未成,cō將有它姓制御之,不可不深慮。」 於是帝改

容動色。

吳孫權赤烏十二年四月,有兩烏銜鵲墮東館。 權使領丞相朱據燎鵲以祭。 案劉歆說,

將相 此 羽蟲之孽,又黑祥也。 倶 殆。 視不明,聽不聰之罰也。 明年,太子和廢,魯王霸賜死,朱據 是時權意溢德衰,信讒好殺,二子將危, 左

陸 議 憂卒,是其應也。 東館,典敎之府,鵲墮東館,又天意乎。

之,皆憂慘,以爲檣末傾危,非久安之象。 吳 孫權 太元二年正月,封前太子和爲南陽王,遣之長沙。 是後果不得其死。 有鵲巢其帆檣。 和故宫僚聞

帝時,有 暴方甚,此 吳孫亮建興二年十一月,大鳥五見于春申。 五. 與桓帝 色大鳥。 同 事 司馬彪云:「政治衰缺,無以 也。 案瑞應圖,大鳥 似鳳 而爲 致鳳,乃羽 吳 人以為 孽者非 蟲 鳳皇, 明年, 改元為五鳳。 孽耳。」孫亮未 ,疑皆是 也。 有德政,孫 峻 漢 桓

吳孫 · 皓建 衡三年,西苑言 鳳 皇集,以之改元。 義同 於 亮。

之甚者也 出, 使 更求 周旋 晉武 小 城邑匝 帝泰始四年 兒。 至,又見之,將入宮,密籠鳥,閉兒戶中。 以問 人。 八月,翟 積日 雉飛 ,宮西有小兒見之,逆自言曰:「服 上閶闔門。 趙 倫旣篡, 明 日 洛陽 視,悉不見。 得異鳥, 留 鳥翳。 莫能名。 」持者 此羽 蟲 即還白倫 之孽,又妖 倫使 人人持 倫

之者,天意若曰,不當 趙 倫 篡位 一,有鶉 入太極殿,雉集 居此位 也。 詩云「鵲之疆疆,鶉之奔奔。 東堂。 按太極 、東堂、皆朝享 人之無良,我以 ·聽政 之所,而鶉、雉 爲 君」。 同 其此 H 集

之謂乎。昔殷宗感雉雊,懼而修德,倫覩二物,曾不知戒,故至滅亡也。

此羽蟲之孽,又黑白祥也。董養曰:「步廣,周之狄泉,盟會地也。 晉孝懷帝永嘉元年二月,洛陽東北步廣里地陷,有鵝出,蒼色者飛翔沖天,白者 白者金色,蒼爲胡象,其 止焉。

晉孝懷帝世,周玘家有鵝在籠中,而頭斷籠外。 玘亡後家誅。

可盡言乎。」是後劉淵、石勸相繼擅華,懷、愍二帝淪滅非所。

之,其一集市北家人舍,亦獲焉。此羽蟲之孽,又黑祥也。閏月戊子,帝崩。 晉明帝太寧三年八月庚戌, 有鳥二, 蒼黑色, 翼廣一丈四尺。 其一集司 徒府, 後有蘇峻、祖 射而殺

峻,有言不從之咎,故白祥先見也。三年二月,峻果作亂,宮室焚毁,化爲汙萊,其應 晉成帝咸和二年正月,有五鷗鳥集殿庭。 此又白祥也。 是時庾亮苟違衆謀,將召蘇 也。

崩。 劉向曰「野鳥入處,宮室將空。」張瓘在涼州正朝,放隹雀諸鳥,出手便死,左右放者悉 晉成帝咸康八年七月,白鷺集殿屋。是時康帝始卽位,此不永之祥也。後涉再春而帝

飛去

成,十九年正月,鵲叉巢其西門。此殆與魏景初同占。學堂,風敎所聚,西門,金行之祥也。 晉孝武帝太元十六年正月, 鵲巢太極東頭鴟尾, 又巢國子學堂西頭。十八年, 東宮始

晉安帝義熙三年,龍驤將軍朱猗戍壽陽。 婢炊飯,忽有羣烏集竈,競來啄噉,婢驅逐不

去。 有獵狗咋殺烏鵲,餘者因共啄狗卽死,又噉其肉,唯餘骨存。 五年六月,猗死。

宋武帝永初三年,臨軒拜徐羨之爲司空,百僚陪位,有二野鸛集太極鴟尾嗚呼。

少帝景平二年春,鸛巢太廟西鴟尾,驅去復還。

文帝元嘉二年春,有江鷗鳥數百,集太極殿前小階內。明年,誅徐羨之等。

#### 羊禍

晉成帝咸和二年五月, 司徒王導廐, 羊生無後足。 此羊禍也。 京房易傳曰:「足少者,

宋孝武帝大明七年,永平郡獻三角羊。 羊禍也。

下不勝任也。」明年,蘇峻入京都,導與成帝俱幽石頭,僅乃発身。是其應也。

#### 赤眚赤祥

公孫淵時,襄平北市生肉,長圍各數尺,有頭目口喙,無手足,而動搖。 此赤眚也。

曰:「有形不成,有體無聲,其國滅亡。」淵尋爲魏所誅。

吳戍將鄧嘉 殺 猪 祠 神,治畢縣之,忽見一人頭往食肉, 嘉引弓射中之,咋咋作聲,繞屋

三月。 近赤祥也。 後人白嘉謀北叛,闔門被誅。 京房易妖曰:「山見葆,江于邑,邑有兵,狀

如人頭赤色。」

吳諸葛恪將見誅、盥洗水血臭、侍者授衣、衣亦臭。 此近赤祥也。

晉武帝太康七年十一月,河陰有赤雪二頃。 此赤祥也。後涉四載而帝崩,王宮遂

亂。[H]

尸流 血之應也。干寶以爲後八載而封雲亂徐州,殺傷數萬人,是其應也。 晉惠帝元康五年三月,呂縣有流血,東西百餘步。[5]此赤祥也。 元康末,窮凶極亂,僵

易傳 懷太子幽于許宮。天戒若曰,不宜緩恣姦人,將使太子冤死。 日 於是王室釁成,禍流天下。淖齒殺齊閔王日,天雨血沾衣,天以告也,此之謂乎。 晉惠帝永康元年三月,尉氏雨血。夫政刑舒緩,則有常燠赤祥之妖。此歲正月,送愍 ...「歸獄不解,茲謂追非,厥咎天雨血,茲謂不親,民有怨心,不出三年,無其宗人。」又 惠帝愚眊不悟,是月愍懷遂 京房

曰:「佞人祿,功臣戮,天雨血。」

之。 祥也。 其息訴稱:「伯督運事訖,無所稽乏,受賕役使,罪不及死。 晉愍帝 是時 ·後將軍褚裒鎭廣陵,[f] 丞相揚聲北伐,伯以督運稽留及役使臧罪,依征軍 建興四年十二月丙寅,丞相府斬督運令史淳于伯,血逆流上柱二丈三尺。 兵家之勢,先聲後實,實是 此赤 法戮

彈劾衆官,元帝又無所問。 同屬於坎,坎爲法家。 屯戍,非爲征軍。 自四年以來,運漕稽停,皆不以軍興法論。」僚佐莫之理。 水平潤下,不宜逆流。 於是頻旱三年。 干寶以爲冤氣之應也。 此政有咎失之徵也。」 郭景純 及有此變,司直 曰:「血者水類,

### 校勘記

- 魏明帝青龍元年六月 「六月」各本並作「九月」,據三國志魏志明帝紀、晉書五行志
- 兼遣察戰等為使 按百衲本所據宋本殘葉,原亦作「察戰」, 「察戰」三朝本、北監本、毛本、殿本並作「蔡戰」,今據局本及晉書五行志改。 涵芬樓影印 時,誤改「蔡戰」。 三國志吳志孫休傳永安

五. 年、「是歲,使察戰到交阯 調孔雀、大豬」。 裴松之注云:「察戰,吳官名號。 今揚都 有察戰巷。」

含章鞠室脩成堂前庶丙坊東屋煇章殿南閣 按唐人諱「昺」,「丙」爲無諱,故唐修晉書襲宋書而改丙坊作「景坊」。 火 「丙坊」 各本作「內坊」,晉書五行志作「景坊 是宋書本作「丙坊」,後又 <u>ــ</u>

譌「丙」爲「內」。 今改正。

. 29 .../ 下莖廣五寸 各本並脫「下」字,據三國志吳志孫皓傳補。

五 揚 州營揚武將軍營士陳蓋家有苦賣菜 各本並脫「營士」二字,據晉書五行志補

宮室未成 各本並脫「宮」字,據三國志魏志高堂隆傳補

第二十二 校勘記

志

- [七] 王宮邃亂 · 張森楷校勘記云: 「王宮疑王室之譌。」
- 晉惠帝元康五年三月呂縣有流血東西百餘步 「五年」晉書惠帝紀繫在「六年」下。「呂縣」上、

晉書惠帝紀有「彭城」二字。

へたし 獻皇后父,蘇峻構逆時,始爲郗鑒參軍。 張森楷校勘記云:按是時後將軍爲元帝子裒,非褚裒也。 元帝子琅邪孝王裒以宣城公拜後將軍,志或以名同致誤。 是時後將軍褚裒鎭廣陵 陸錫熊炳爥偶鈔云:「志所云後將軍褚裒鎭廣陵事,必有誤。 其見郭璞筮卜時,年纔總角,何得有建興末鎭廣陵事。 『褚』字衍文。」 然裒傳無鎭廣陵明文,未敢臆定也。」 夏爲康

# 宋書卷三十三

## 志第二十三

### 五行四

**豕禍,時則有耳痾,時則有黑眚、黑祥。惟火沴水。」魚擊,劉歆傳以爲介蟲之擊,謂蝗屬也。** 曰:「聽之不聰,是謂不謀。厥咎急,厥罰恒寒,厥極貧。 近行傳曰:「簡宗廟,不禱祠,廢祭祀,逆天時,則水不潤下。」謂水失其性而爲災也。 時則有鼓妖,時則有魚孽, 時則有 叉

#### 水不潤下

不復還鄴,而圓丘、方澤、南北郊、社、稷等神位,未有定所。此簡宗廟,廢祭祀之罰也。 自鄴遷洛,營造宮室,而不起宗廟,太祖神主猶在鄴。嘗於建始殿饗祭如家人之禮,終黃初 魏文帝黃初四年六月,大雨霖,伊、洛溢至津陽城門,漂數千家,流殺人。初,帝卽位,

九四九

志第二

十 三

五行四

房易傳 歸 損 獄 不解, 1:「顓事 茲謂追非。 厥災水殺 有知. 人。[三]避遏有德,茲謂狂。厥災水,[三]水流殺人也;已水則  $\Box$ 厥水寒殺 誅罰絕理,厥災水。其水也,雨殺人已隕霜,大風 人。 追誅不解,茲謂不理。 厥水五穀不收。 天黃。 大敗不解,茲 地 饑而不 生 蟲。

謂皆陰。

厥水

流

入國邑,隕霜殺穀。」

皆吳 示 初,羣臣奏宜郊祀,又弗許。 溢 此罰, 案權 吳孫 、一、楚之望,亦不見秩, 反禮 欲 權 稱帝三十年,竟不 其 赤鳥 感 悟也 八 年夏,茶陵縣鴻水溢出,流漂二百餘家,十三年秋,丹陽故鄣等縣又鴻水 於建業創 末年雖 羅陽妖神,以求福 七廟,但有父堅一廟,遠在 南郊,而 北 助。 郊遂無聞焉。 天意若日 .,權簡宗廟,不 且. 長沙 三江 一、五湖 而 郊 衡 禱祠,廢祭祀, 禋 禮 霍、會稽, 闕 嘉禾

震、廢太子 月,薨。 太元元年, 同 日 事也。 權 又有大風涌水 時 信 且赤烏 納 譖 訴, 中 無年不 之異。 雖 陸 議 用兵,百姓愁怨。 是冬, 勳 重, 子和 權南郊。 儲 貮 疑是鑒咎徵乎。 八年秋,將軍 猶不 得其終。 馬茂等又圖 與漢安帝 還 而 寢 疾。 逆云 聽 讒 明 発楊 年 兀

初 逆時,饑不損役。 卽 位 魏 明 便淫 帝景初 奢極 元年 欲 此水不潤下之應也。 ,多占幼女,或奪士妻,崇飾宮室,妨害農戰,觸情恣欲,至是彌甚,號令 九月,淫 193 過常 ,冀、兗、徐、豫四 州 水出, 沒溺 殺 人, 漂失財 產。 帝自

父之禮,昭穆之數有闕。 吳孫亮五鳳元年夏,大水。 亮及休、<br />
皓又並廢二郊,不秩羣神。 亮卽位四年,乃立權廟,又終吳世,不上祖宗之號,不修嚴 此簡宗廟,不祭祀之罰

是時,孫峻專政,陰勝陽之應乎。 吳孫休永安四年五月,大雨,水泉涌溢。 昔歲作浦里塘,功費無數,而田 不可成,士卒

死叛,或自賊殺,百姓愁怨,陰氣盛也。 休又專任張布,退盛沖等,吳人賊之之應也。

吳孫休永安五年八月壬午,大雨震電,四水泉涌溢。

晉武帝泰始四年九月,靑、徐、兗、豫四州大水,七年六月,大雨霖,河、洛、伊、沁皆溢,

二百餘人。帝卽尊位,不加三后祖宗之號,泰始二年,又除明堂南郊五帝坐,同稱昊天上

帝,一位而已。又省先后配地之禮。此簡宗廟,廢祭祀之罰,與漢成帝同事。一曰,昔歲及

此年,藥蘭泥、白虎文秦凉殺刺史胡烈、牽弘,遣田璋討泥。又司馬望以大衆次淮北禦孫皓。

內外兵役,西州饑亂,百姓愁怨,陰氣盛也。咸寧初,始上祖宗號,太熙初,還復五帝位

國 五 大水。去年采擇良家子女,露面入殿,帝親簡閱,務在姿色,不訪德行。有蔽匿者,以 晉武帝咸寧元年九月,徐州水,二年七月癸亥,河南魏郡暴水,殺百餘人,八月,荆州郡

不敬論。 搢紳愁怨,天下非之。 陰盛之應也。

咸寧三年六月,益、梁二州郡國八暴水,殺三百餘人,七月,荆州大水,九月,始平郡大

志

·,十月, 唐、徐、 兗、豫、 荆、 益、 梁七州又水。 是時賈充等用事日盛,而正人疏外者多。

咸寧四年七月,司、冀、兗、豫、荆、揚郡國二十大水。

時平吳後,汪濬爲元功,而詆劾妄加;荀、賈爲無謀,而並蒙重賞。 晉武帝太康二年六月、泰山、江夏大水。 泰山流三百家,殺六千餘人,江夏亦殺人。 收吳姬五千,納之後宮。 是

太康四年七月,司、豫、徐、兗、荆、揚郡國二十大水,傷秋稼,壞屋室,有死者。

此其應也。

太康七年九月,西方安定等郡國八大水。太康六年三月,靑、涼、幽、冀郡國十五大水。

太康八年六月,郡國八大水。

晉惠帝元康二年,有水災。

是時帝卽位已五載,猶未郊祀,烝嘗亦多不身親近。 元康 五 年五月,潁川、淮南 大水,六月,城陽、東莞大水殺人,荆、揚、徐、兗、豫五州又大 簡宗廟,廢祭祀之罰 也。 班固

「王者卽位,必 郊祀 天地,望秩山川。 若乃不敬鬼神,政令違逆,則霧水暴至,百川逆溢,壞

鄉邑、溺人民、水不潤下也。」

|元康六年五月, | 開、揚二州大水。 按董仲舒說,水者陰氣盛也。 是時賈后亂朝,寵樹

賈、郭。女主專政之應也。

元 康八年五月,金墉城井水溢。 漢成帝時有此妖, 班固以爲王莽之象。 及趙倫篡位,

即此應也。倫廢帝於此城,并溢所在,又天意乎。

太子,旋亦禍滅。 元康八年九月,荆、揚、徐、兗、冀五州大水。 是時賈后暴戾滋甚, 韓謐驕猜彌扇, 卒害

元康九年四月,宮中井水沸溢。

晉惠帝永寧元年七月,南陽、東海大水。 是時齊王冏秉政專恣。

陰盛之應。

晉惠帝太安元年七月,克、豫、徐、冀四州水。 時將 相 力政,無尊主心

晉孝懷 帝永嘉 四年四 月,江東 大水。 是時王導等潛懷翼戴之計。 陰氣 盛 也。

太興 晉元帝|太興三年六月,大水。 四年七月,大水。 明 年有 石頭 是時王敦 之敗。 內懷 不臣,傲佷作威。 後終夷滅。

晉元帝永昌 二年五月,荆州 及丹陽 、宣城、吳興、壽 春 大水。

晉明帝太寧元年五月, 丹陽 宣城 、吳興、壽陽大水。 是時王敦疾害忠良,威權

尋亦誅滅。

晉成 帝 咸 和元 年五 月,大水。 是時嗣主幼沖,母后稱制, 庾亮以元舅民望,決事禁中。

第二十三 五行四

志

陰勝陽也。

咸和二年五月戊子,京都大水。 是冬,蘇峻稱兵,都邑塗炭。

咸 和 四年七月,丹陽、宣城、吳興、會稽大水。 是冬,郭默作亂, 荆、 豫共討之,

乃定。

咸和七年五月,大水。 是時帝未親務,政在大臣。 陰勝陽也。

晉成帝咸康 元年八月, 長沙、 武陵大水。 是年三月,石虎掠騎至歷陽,四月, 圍襄陽。

於是加王導大司 馬, 集徒旅. 又使趙胤 、路永、劉仕、王允之、陳光五將軍,各帥 衆戍衛。〔吾〕

百姓愁怨。陰氣盛也。

晉穆帝永 和四年五月,大水。 是時幼主沖弱,母后臨朝,又將相大臣,各爭權政。 與咸

和初同事也。

永和五年五月,大水。

永和六年五月,大水。

叉 《幼主在上,而殷、桓交惡,選徒聚甲, 永 和七年七月甲辰夜、濤水入石頭、死者數百 各崇 私 權。 人。 陰勝陽之應也。 一說濤入石頭,江右以 去年殷浩以私忿廢蔡謨、遐邇非之。

爲兵占。是後殷浩、桓溫、謝尚、荀羨連年征伐

晉穆帝 升平二年五月,大水。 是時恒溫權制朝廷,征伐是專。

升平五 年四月,大水。

江。 丹陽、晉陵、吳國、吳興、臨海五郡又大水,稻稼蕩沒, 晉海 西太和六年六月,京都大水,平地數尺,侵及太廟。 黎庶饑饉。 朱雀大航 初 四 纜 年, 斷, 桓溫 三艘 流 北伐敗 入大

績,十喪其九;五年,又征淮南,踰歲乃克。 晉簡文帝咸安元年十二月壬午, 濤水入石頭。 百姓愁怨之應 明年,妖賊盧竦率其屬數百人入殿,略 也。

取武庫三庫甲仗,游擊將軍毛安之討滅之。

晉孝武帝太元三年六月,大水。是時孝武幼弱,政在

將相

太元五年,大水。去年氏賊攻沒襄陽,又向 廣陵。 於是逼徙江、淮民悉令南渡,三州失

業,道饉相望。 謝玄雖破句難等,自後征戍不已。 百姓愁怨之應也。

太元六年六月、荆、江、揚三州大水。

太元十年夏,大水。 初八年,破苻堅,自後有事 中州,役無已歲。 兵民愁怨之應也。

十三年十二月,濤水入石頭。 明年,丁零、鮮卑寇擾司、克鎭戍,西、北疲於奔命

[十五年七月,兗州大水。是時緣河紛爭,征戍勤悴。

十七年六月甲寅,濤水入石頭,毁大航,漂船舫,有死者,京口西浦,亦濤入殺人。

志

永嘉郡 潮水涌 起, 近海四縣人民多死。 後四年帝崩, 而王恭再攻京師。 京師亦發大衆以

禦之。

太元十九年七月、荆州、彭城大水傷稼。

太元二十年,荆州、彭城大水。

太元二十一年五月癸卯,大水。 是時政事多弊,兆庶非之。

晉安帝隆安三年五月,荆州大水。 去年殷仲堪舉兵向京都。 是年春,又殺都恢。

作威之應也。仲堪尋亦敗亡。

隆安五年五月,大水。 是時司馬元顯作威陵上,又桓玄擅西夏,孫恩亂東國。 陰勝陽

之應也。

旅,方舟萬計,漂敗流斷,骸胔相望。 晉安帝元興二年十二月,桓玄篡位。 江左雖有濤變,公 其明年二月庚寅夜, 濤水入石頭。 未有若斯之甚。 三月,義軍克京 是時貢使商

都,玄敗走。遂夷滅。

元興三年二月己丑朔夜,濤水入石頭,漂沒殺人,大航流敗。

晉安帝義熙元年十二月己未,濤水入石頭

義熙二年十二月己未夜,濤水入石頭。 明年,駱球父環潛結桓胤、殷仲文等謀作亂,劉

雅亦謀反,[刊] 凡所誅滅數十家。

義熙三年五月丙午,大水。

義熙四年十二月戊寅,濤水入石頭。 明年,王旅北討鮮卑。

義熙六年五月丁巳,大水。 乙丑,盧循至蔡洲

義熙八年六月,大水。

義熙九年五月辛巳,大水。

義熙十年五月丁丑,大水;戊寅,西明門地穿涌水出,毀門扉及限;七月乙丑,淮北災風

大水殺人。

義熙十一年七月丙戌,大水,淹漬太廟,百官赴救。 明年,王旅北討關、河。

宋文帝元嘉五年六月,京邑大水。七年,右將軍到彦之率師入河。

元嘉十一年五月,京邑大水。十三年,司空檀道濟誅。

元嘉十二年六月,丹陽、淮南、吳、吳興、義興五郡大水,京邑乘船。 十八年五月,江水汎溢,沒居民,害苗稼。明年,右軍將軍裴方明率雍、梁之衆伐

仇 池。

元嘉

元嘉 十九年、二十年,東諸郡大水。[5]

志 第 二 十 Ξ 五 行 四

九五八

元嘉二十九年五月,京邑大水。

孝武帝孝建元年八月,會稽大水,平地八尺。 後二年, 虜寇青、冀州, 造羽林軍卒討伐。

孝武帝大明元年五月,吳興、義興大水。

大明四年八月,雍州大水。

大明四年,南徐、南兗州大水。

後廢帝元徽元年六月,壽陽大水。

順帝昇明元年七月,雍州大水,甚於關羽樊城時。

昇明二年二月,於潛翼異山一夕五十二處水出,流漂居民。 七月丙午朔,濤水入石頭,

居民皆漂沒。

恒寒

水出。

戰不量敵,茲謂辱命。

其寒雖雨物不茂。」

雹。 罰也」。京房易傳曰:「有德遭險,茲謂逆命。 害正不誅,茲謂養賊。 庶徵之恒寒,劉歆以爲「大雨雪、及未當雨雪而雨雪、及大雨雹、隕霜殺菽草,皆常寒之 寒七十二日,殺飛禽。 厥異寒。 道人始去,茲謂傷。 誅罰過深,當燠而寒,盡六日,亦爲 其寒物無霜而死,涌

殺 未 時 校 可以傷穀 事呂壹專作威福 吳孫權嘉禾三年九月朔,隕霜傷穀。 誅 不原情,茲謂不仁。 也。 壹後亦伏誅。 ,與漢元帝時石顯用事隕霜同應。 其霜夏先大雷風,冬先雨,乃隕霜,有芒角。賢聖遭害,其霜 京房易傳曰:「興兵妄誅,茲謂亡法。厥災霜,夏殺五穀,冬 按劉向說,「誅罰不由君出,在臣下之象也」。 班固書九月二日, 陳壽言朔,皆明

附 木不下地。 佞人依刑, 茲謂私賊。 其霜在草根土隙間。 不教而誅,茲謂虐。 其霜反在

應也。 臣,排陷無辜。自太子登以下,咸患毒之,而壹反獲封侯寵異。 嘉禾四年七月,雨雹,又隕霜。案劉向說,「雹者陰脅陽」。 漢安帝信讒,多殺無辜,亦雨雹。董仲舒曰「凡雹皆爲有所脅,行專壹之政」故也。 與春秋公子遂專任,雨雹同 是時呂壹作威用事,詆毀重

淮南、 吳孫權赤烏四年正月,大雪,平地深三尺,鳥獸死者太半。 襄陽,戰死者千餘人。其後權以讒邪,數責讓陸議,議憤恚致卒。 是年夏,全琮等四將軍攻略 與漢景、武大雪同

事也。

忠諫族誅,而太子終廢。此有德遭險,誅罰過深之應也。 赤烏十一年四月,雨雹。是時權聽讒,將危太子。其後朱據、屈晃以迕意黜辱,陳象以

晉武帝泰始六年冬,大雪。

志第二十三 五行四

泰始 七年十二月,大雪。 明年,有步闡、楊肇之敗,死傷甚衆。

泰始九年四月辛未,隕霜。 是時賈充親黨比周用事。 與魯定公、漢元帝時隕霜同應

也。

晉武帝咸寧三年八月,平原、安平、上黨、秦郡霜害三豆。

咸寧三年八月,河間暴風寒冰,郡國五隕霜傷穀。是後大舉征吳,馬隆又帥精勇討凉

州

咸寧五年五月丁亥,鉅鹿、魏郡雨雹傷禾、麥;辛卯,雁門雨雹傷秋稼。

咸寧五年六月庚戌,汲郡、廣平、陳留、滎陽雨雹,丙辰,又雨雹,損傷秋麥千三百餘頃,

壞 屋百三十餘間,癸亥,安定雨雹,七月丙申,日,魏郡又雨雹,閏月壬子,新興又雨雹,八月

庚子,河東、弘農又雨雹,兼傷秋稼三豆。

晉武帝太康元年三月,河東、高平霜雹,傷桑、麥,四月,河南、河內、 河東、魏郡、弘農雨

雹,傷麥、豆;五月,東平、平陽、上黨、雁門、濟南雨雹,傷禾、麥、三豆。

太康 元年四月庚午,畿內縣二及東平范陽縣雨雹;[10]癸酉,畿內縣五又雨雹。 是時王

濬 有 大功,而權戚互加陷 抑,帝從容不斷。 陰脅陽之應也。

太康二年二月辛酉,殞霜于濟南、琅邪,傷麥;壬申,琅邪雨雪傷麥;三月甲午,河東隕

太康二年五月丙戌,城陽、章武、琅邪傷麥,〇二」庚寅,河東 樂安、東平 濟陰、弘農 濮

陽、齊國、頓丘、魏郡、河內、汲郡、上黨雨雹,傷禾稼。

太康二年六月,郡國十六雨雹。

太康三年十二月,大雪。

太康五年七月乙卯,中山、東平雨雹,傷秋稼。

太康五年七月甲辰,中山雨雹;九月,南安大雪,折木。

太康六年二月,東海霜傷桑、麥。

河間 易城等六縣,高陽北新城等四縣,隕霜傷桑、麥。

|太康六年三月戊辰,齊郡臨菑、長廣不其等四縣,

樂安梁鄒等八縣,

琅邪臨沂等八縣,

太康六年六月,滎陽、汲郡、雁門雨雹。

太康八年四月,齊國、天水二郡隕霜。十二月,大雪。

九年正月,京都大風雨雹,發屋拔木,四月,隴西隕霜。

太康十年四月,郡國八隕霜

晉惠帝元康二年八月,沛及湯陰雨雹

志

九六二

元康三年四月, 滎陽雨雹, 弘農湖、華陰又雨雹,深三尺。 是時賈后凶淫專恋,與春秋

魯桓夫人同事。陰氣盛也。

元康五年六月,東海雨雹,深五寸,十二月,丹陽雨雹。

元康五年十二月,丹陽建業大雪。

元康六年三月,東海隕霜殺桑、麥。

元康七年五月,魯國雨雹,七月,秦、雍二州隕霜殺稼。 万處 万岳 三月 [夏洛][宋希孝] 豕

元康 九年三月旬有八日,河南、滎陽、潁川隕霜傷禾,五月,雨雹。 是時賈后凶躁滋甚,

是冬遂廢愍懷。

晉惠帝永寧元年七月,襄城雨雹。 是時齊王冏專政。 十月,襄城、河南、高平、平陽風

雹,折木傷稼。

雹。

晉惠帝光熙元年閏八月甲申朔,霰雪。 劉向曰:「盛陽雨水湯熱,陰氣脅之,則轉而爲

盛陰雨雪凝滯,陽氣薄之,則散而爲霰。」今雪非其時,此聽不聰之應也。

晉孝懷帝永嘉元年十二月冬,雪平地三尺。

永嘉七年十月庚午,大雪。

晉愍帝建興元年十一月戊午,會稽大雨震雹。 己巳夜,赤氣曜於西北,是夕,大雨震

明 電。 日 便 庚午,大雪。 大雪,皆失節之異也。 案劉向說,「雷以二月出,八月入」。此月雷電者,陽不閉藏也。 是時劉載僭號平陽,李雄稱制於蜀,九州幅裂,西京孤微。 旣發泄 爲 而

君失時之象。

晉元帝太興二年三月丁未,成都風雹殺 人。

太興三年三月,海鹽郡雨雹。 是時王敦陵上。

晉元帝永昌二年十二月,幽、冀、幷三州大雪。

晉明帝太寧元年十二月,幽、冀、幷州大雪。

太寧二年四月庚子,京都大雨雹,燕雀死

太寧三年三月丁丑,雨雹;癸巳,隕霜;四月,大雨雹。 是年帝崩,尋有蘇峻 之亂

是時帝幼弱,政在大臣。

咸 和 九年八月,成都雪。 其日李雄 死

晉成帝咸和六年三月癸未,雨雹。

晉成 帝咸康 二年正月丁巳,皇后見于太廟。 其夕雨雹

晉康 帝 建元元年八月,大雪。是時政在將相,陰氣盛也。 凡雨,陰也,雪又雨之陰也。 出非其時,迫近象也。」 與春秋魯昭公時季孫宿 專政

晉穆帝 永和三年八月,冀方大雪,人馬多凍死。 同

事

劉

向

志 第 \_\_ + Ξ 五. 行 匹

永和五年六月,臨漳暴風震霆,口司兩雹大如升。

永和十年五月,凉州雪。明年八月,枹罕護軍張瓘帥宋混等攻滅張祚,江即更立張曜靈

弟玄靚。口亞京房易傳曰:「夏雨雪,口心戒臣爲亂。」

永和十一年四月壬申朔,雪,十二月戊午,雷,己未,雷。 是時帝幼,母后稱制,政在

大臣。

晉穆帝升平二年正月,大雪。

晉孝武帝太元二年四月己酉,雨雹;十二月,大雪。 是時帝幼弱,政在將相。

太元十二年四月己丑,雨雹。 是時有事中州,兵役連歲。

太元二十年五月癸卯,上虞雨雹。

太元二十一年四月丁亥、雨雹。是時張夫人專幸、及帝暴崩、兆庶尤之。

太元二十一年十二月,連雪二十三日。是時嗣主幼沖,冢宰專政。

晉安帝隆安二年三月乙卯,江刊雨雹。是秋,王恭、殷仲堪入伐,江公終皆誅。

晉安帝元興二年十二月,酷寒過甚。是時桓玄篡位,政事煩苛,是其應也。 劉向曰:「周衰無寒歲,秦滅無燠年。」此之謂也。 晉氏失在

舒緩,玄則反之。 |元興||三年正月甲申,霰雪,又雷。 雷霰不應同日,失節之應也。 二月,義兵起,玄敗。

元興三年四月丙午,江陵雨雹。是時安帝蒙塵。

晉安帝義熙元年四月壬申,兩雹。 是時四方未一、鉦鼓日戒。

義熙五年三月己亥,雪深數寸。

義熙五年五月癸巳,溧陽 雨雹;九月己丑,廣陵雨雹。 明年,盧循至蔡洲。

義熙五年九月己丑,廣陵雨雹。

|義熙六年正月丙寅,雪,又雷。

義熙六年五月壬申,雨雹。

義熙 八年四 月辛未朔,雨雹;六月癸亥,雨雹,大風發屋。 是秋,誅劉藩等。

義熙十年四月辛卯,雨雹。

宋文帝元嘉 九年春,京都雨雹,溧陽、盱眙尤甚,傷牛馬,殺禽獸。

元嘉十八年三月,雨雹。 二十五虜寇青州。[1元]

元嘉二十五年正月,積雪冰寒。

元嘉二十九年五月,盱眙雨雹,大如鷄卵。 三十年,國家禍亂,兵革大起。

明帝 孝武 泰始五 帝大明元年十二月庚寅,大雪,平地二尺餘。 年 四 月壬辰,京邑雨雹。 明年,虜侵冀州 遣 羽 林軍 北討。

志第二十三 五行四

後廢帝元徽三年五月乙卯,京邑雨雹。

#### 雷震

魏明帝景初中,洛陽城東橋、 洛水浮橋桓楹,同日三處俱震, 尋又震西城上候風木飛

鳥。時勞役大起,帝尋晏駕。

吳孫權赤烏八年夏,四回震宮門柱,又擊南津大橋桓楹

孫亮建興元年十二月朔,大風震電;是月又雷 雨。 義同前說。 亮終廢。

晉武帝太康六年十二月甲申朔,淮南郡震電。

太康 太康 十年十二月癸卯,廬江、建安雷電大雨。 七年十二月己亥,毗陵雷電,南沙司鹽都尉戴亮以聞。

輔 寵樹私戚。 晉惠帝永康元年六月癸卯,震崇陽陵標西南 與漢桓帝時震憲陵寢同事也。 后終誅滅。 五百步、標破爲七十片。 是時賈后陷害鼎

晉惠帝永興二年十月丁丑,雷電。

晉懷帝永嘉四年十月,震電。

晉元帝永昌二年七月丙子朔,雷震太極殿柱。曰

永昌二年十一月,會稽、吳郡 雨震電

晉明帝太寧元年七月丙子朔,震太極 殿柱。

晉成帝咸和 元年十月己巳,會稽郡大雨震電。

咸和三年六月辛卯,臨海大雷,破郡府內小屋柱十枚,殺人。

咸和四年十二月,吳郡、會稽震電。 咸和三年九月二日立冬,會稽震電。

咸和四年十二月,丹陽震電。

晉穆帝永和七年十月壬午, 公三雷雨、震電

晉穆帝升平元年十一月庚戌,雷,乙丑,又雷。

升平五年十月庚午,雷發東南

晉孝武帝太元五年六月甲寅,雷震含章殿四柱。

太元五年十二月,雷聲在南方。

晉安帝隆安二年九月壬辰,雨雷。

太元十四年七月甲寅、震宣陽門西柱。

晉安帝 元興三年,永安皇后至自巴陵。 將設儀導入宮,天雷,震人馬各一 九六七 俱**殪**。

志

= +

 $\equiv$ 

五 行 四

晉安帝義熙四年十一月辛卯朔,西北疾風,癸丑,雷。

義熙五年六月丙寅,震太廟,破東鴟尾,徹壁柱

義熙六年正月丙寅,雷又雪。日記

義熙六年十二月壬辰,大雷。

義熙九年十一月甲戌、雷、乙亥、又雷。CIBD

宋文帝元嘉四年十一月癸丑,雷。

元嘉五年六月丙寅,震太廟,破東鴟尾,徹壁柱。

元嘉六年正月丙寅,雷且雪。

元嘉七年十月丙子,雷。

元嘉八年十二月庚辰,雷。

元嘉九年十一月甲戌,雷且雪。

元嘉十四年,震初寧陵口標,四破至地。 十七年,廢大將軍彭城王義康。 骨肉相害,自

此始也。

前廢帝景和元年九月甲午,雷震。

明帝泰始二年九月辛巳,雷震。

泰始四年十月辛卯,雷震。

泰始四年十一月癸卯朔、雷震。

泰始五年十一月乙巳,雷震。

泰始六年十一月庚午,雷。

後廢帝元徽三年九月戊戌,雷。

元徽三年九月丁未,雷。

元徽三年九月戊午,雷震。

元徽三年十月辛未,雷,甲戌,又雷。

從帝昇明三年二月二十四日丙申,震建陽門。

#### 鼓妖

公柩有聲如牛,劉向以爲鼓妖。 其說曰:「聲如此,怒象也。 此其類也。 晉惠帝元康九年三月,有聲若牛,出許昌城。十二月,廢太子,幽于許宮。 明年,賈后遣黃門孫慮殺太子,擊以藥杵,聲聞于外。 將有急怒之謀,以生兵甲之 按春秋晉文

蘇峻 在 歷陽,外營將軍鼓自鳴,如人弄鼓者。峻手自斫之,曰:「我鄉土時有此,則城空

第二十三 五行四

志

矣。」俄而作亂夷滅。此聽不聰之罰,鼓妖先作也。

石虎末,洛陽城西北九里石牛在青石趺上,忽鳴喚,聲聞四十里。 虎遣人打落兩耳及

尾,鐵釘釘四脚。

邑。

於臣。」無雲而雷,此君不恤下,下民將叛之象也。 晉孝武太元十五年三月己酉朔,東北有聲如雷。 及帝崩而天下漸亂,孫恩、桓玄交陵京 案劉向說以爲:「雷當託於雲,猶君託

有兵。 吳興長城縣夏架山有石鼓,長丈餘,面徑三尺所,下有盤石爲足,鳴則聲如金鼓, 晉安帝隆安中大鳴,後有孫靈秀之亂

魚孽

屋,介鱗之物,失其所也。 魏齊王嘉平四年五月,有二魚集于武庫屋上。 邊將其殆有棄甲之變乎。」後果有東關之敗。 此魚孽也。 王肅曰:「魚生於淵,而亢於 干寶又以爲高貴鄉

公兵禍之應。二說皆與班固旨同。

旣極陰,屋上太陽,魚見屋上,象至陰以兵革之禍干太陽也。」至惠帝初,誅楊駿,廢太后,矢 晉武帝太康中,有鯉魚二見武庫屋上。干寶曰:「武庫兵府, 魚有鱗甲, 亦兵類也。 魚

交館閣。元康末,賈后謗殺太子,尋亦誅廢。十年間,母后之難再興,是其應也。 京房易妖曰:「魚去水、飛入道路、兵且作。」 自是禍亂

蝗蟲

構矣。

魏文帝黃初三年七月,冀州大蝗,民饑。 案蔡邕說:「蝗者,在上貪苛之所致也。」是時

孫權歸從,帝因其有西陵之役,舉大衆襲之,權遂背叛。

晉武帝泰始十年六月,蝗。是時間、賈任政,疾害公直。

晉孝懷帝永嘉四年五月,大蝗,自幽、幷、司、冀至于秦、雍,草木牛馬毛鬣皆盡。 是時

天下兵亂,漁獵生民,存亡所繫,唯司馬越、苟晞而已,而競爲暴刻,經略 無章

晉愍帝建興四年六月,大蝗。 去歲胡寇頻攻北地、馮翊、麴允等悉衆禦之。 是時又禦

劉曜,爲曜所破,西京遂潰。

晉元帝太興元年六月,蘭陵合鄉蝗,害禾稼。 乙未,東莞蝗蟲縱廣三百里,害苗稼。

太興元年七月,東海、彭城、下邳、臨淮四郡蝗蟲害禾、豆。

太興元年八月,冀、靑、徐三州蝗食生草盡,至于二年。是時中州淪喪,暴亂滋甚。 太興二年五月,淮陵、臨淮、淮南、安豐、廬江諸郡蝗食秋麥。

志 + ≡ 五 行 <u>Ju</u>

太興三年五月癸丑,徐州及揚州江西諸郡蝗,吳民多餓死。 去年,王敦幷領荆州,苛暴

之釁,自此興矣。 又是年初,徐州刺史蔡豹帥衆伐周撫。

晉孝武帝太元十五年八月, 兗州蝗。是時丁零寇克、豫, 鮮卑逼河南, 征戍不已。

太元十六年五月、飛蝗從南來、集堂邑縣界、害苗稼。是年春、發取江州兵營甲士二千

人家口六七千人,配護軍及東宮,後尋散亡殆盡,又邊將連有征役。

吳孫晧寶鼎元年,野豕入右大司馬丁奉營。三三此豕禍也。 及舉大衆北出, 奉及萬彧等相謂曰:「若至華里,不得不各自還 後奉見遣攻穀陽,無功

也。」此謀泄,奉時雖已死,皓追討穀陽事, 殺其子溫,家屬皆遠徙。豕禍之應也。 襲遂曰:

「山野之獸,來入宮室,宮室將空。」又其象也。

將自致傾覆也。」周馥不悟,遂欲迎天子,令諸侯,俄爲元帝所敗。 豕,北方之畜,胡、狄象也。 晉孝懷帝永嘉中,壽春城內有豕生兩頭而不活。 兩頭者,無上也。 生而死,不遂也。 周馥取而觀之。時通數者竊謂曰:「夫 天意若日, 勿生專利之謀, 是其應也。 石勒亦尋渡

淮,百姓死者十八九。

晉愍帝建武元年,至即有豕生八足。 聽不聰之罰也。 京房易傳曰:「凡妖作,各象其類。

足多者,所任邪也。」是後有劉隗之變。

晉成帝咸和六年六月,錢塘民家豭豕生兩子,皆人面,如胡人狀,其身猶豕。 京房易妖

曰:「豕生人頭豕身者,邑且亂亡。」此豭豕而產,異之甚者也。

晉孝武帝太元十年四月,京都有豕,一頭二身八足。十三年,京都民家豕產子,一頭二

身八足。 並與建武同妖也。 是後宰相沈酗,不恤朝政,近習用事,漸亂國綱,至於大壞也。

# 黑 告 黑 計

晉孝懷帝永嘉五年十二月,黑氣四塞。近黑祥也。

宋文帝元嘉二十六年三月,幸京口。 有黑氣暴起,占有兵。 明年,虜南寇至瓜步,飲馬

于江。

#### 火沴水

之罰 也。 晉武 帝太康五年六月,任城、魯國池水皆赤如血。 京房易傳 曰:「淫於色,賢人潛,國家危,厥異水流赤。」 案劉向說, 近火沴水也。 聽之不聰

志第二十三 五行四

晉穆帝升平三年二月,凉州城東池中有火,四年四月,姑臧澤水中又有火。 此火沴水

之妖也。 明年,張天錫殺中護軍張邕。邕,執政臣也。

晉安帝元興二年十月,錢塘臨平湖水赤。 桓玄諷吳郡使言開除,以爲己瑞。 俄 叫

|玄敗。

# 校勘記

顓事有知 各本並作「顓事者加」,據漢書五行志改。

厥災水殺 人 「災」字各本並作「大水」二字,據漢書五 行志改。

/~ = 厥 災 水 各本並脫「災」字、據漢書五行志補。

 $\Box$ 맫 大雨震電 「電」各本並作「雹」)據三國志吳志孫休傳、晉書五行志改。

五. 又使趙胤路永劉仕王允之陳光五將軍各帥衆戍衞 「趙胤」各本作「趙鳳」。 「劉仕、王允之」各

本作 四月癸卯,石季龍寇襄陽。 「劉允之」,並據晉書成帝紀訂正。 癸丑, 帝分命諸將。 宋志五將軍祇舉四人之名。晉書成帝紀: 「咸康 遣將軍劉仕救歷陽,平西將軍趙胤 屯慈湖, 元年 龍 夏

驤將軍路永戍牛渚,建武將軍王允之戍蕪湖, 司空都鑒使廣陵相陳光帥衆衞京師。」正合朱志

五將之數

- , , 公 江左 雖有濤變 「江左」各本並作「江右」, 據晉書五行志改。 按時稱江北爲江右, 江南爲江左。
- 石 頭 在 江南、當作江左。
- . --劉雅亦謀反 |朝本、北監本、毛本、殿本、局本、晉書五行志並作「劉稚」。 殿本、晉書劉
- 並 作「劉雅」。

等郡

當

有

誤

- 東諸郡 大水 「東」字下,各本並衍「都」字,今删去。 按東諸郡、謂會稽、東陽、臨海、永嘉、新安
- へ 元 U 七月丙 申 百衲本晉書五行志作「七月庚申」。 按是年七月壬戌朔, 無丙申,亦無庚申,日干支
- 畿内 十 縣 年注及晉書地理志,東平有范縣,別有范陽國,所屬 二及東平范陽縣雨雹 「東平范陽縣」晉書五行志作「東平、范陽」。按據杜預左傳莊三 有范陽縣,未知 孰 是。
- 城陽 章 武 琅邪 傷 麥 各本 並脫「傷麥」二字,據晉書五行志補。
- 晉元帝永昌二年十二月幽冀幷三州 按永昌元年冬,元帝死,明帝繼位。 大雪 永昌二年三月朔, 下條又有「晉明帝太寧元年十二月,幽、冀、幷州大 始 改元 太寧。 永昌二年卽太寧元
- 年。 二條實一事,蓋沈約宋志原文之誤。
- 臨漳 志 第 暴 \_\_ 風 + 震霆 三 校 各本 勘 ·並脫「風」字,據晉書五行志補。 記 「霆」晉書五行志作「電

- 枹罕護軍 張 瓘帥宋混等攻滅張祚 「宋混」各本並作「宗混」,據晉書張軌傳
- 更立張曜 靈弟玄靚 「張曜靈」各本並作「張曜」,據晉書張軌傳及晉書五行志補「靈」字。
- [1六] 夏雨雪 各本並脫「雨」字,據漢書五行志補。
- 晉安帝隆安二年三月乙卯 「乙卯」各本並作「己卯」,據晉書五行志改。 按是月癸巳朔,二十
- 是秋 王恭殷仲堪入伐 三朝本、毛本、局本作「入伐」。 北監本、殿本作「內侮」。

三日乙卯,無己卯。

- 二十五虜寇青州 疑「二十五」是「二十三年三月」之譌。 「二十五」三字,文義費解,或有譌奪。 按本紀、魏攻青州、在二十三年三月。
- 吳孫 權赤烏八年夏 「八年」各本並作「三年」,據三國志吳志吳主權傳、晉書五行志改。
- 晉元帝永昌二年七月丙子朔雷震太極 極 卽 太 殿 柱 寧. 元 實 年。 三月 事。 以後、 永昌元年冬, ,應稱太寧,朱書分爲二條,蓋沈約原文之誤。 元帝死, 一殿柱 明帝繼位。 此與又下條 永昌二年三月朔、始改元太寧。 「晉明帝太寧元年七月丙子朔, 永昌二年 震太
- 晉穆 七月 甲午 帝 永 朔,無壬午。 和 七年十月 任年 十月壬戌朔,二十一日 「十月」各本並作「七月」, 壬午。 據晉書穆帝紀、 晉書五行志改。 按是年
- 雷叉雪 三朝本、北監本、毛本作「雷又雷」。 殿本、局本作「雷,丁卯,又雷」。晉書五行志作「雷

記

義熙九年十一月甲戌雷乙亥又雷 是年十一月壬戌朔,十三日甲戌,十四日乙亥。乙丑爲初四日,不當在十三日甲戌之下,故改 殿本作「乙亥」。三朝本、北監本、毛本、局本作「乙丑」。按

從殿本。

至 野豕入右大司馬丁奉營 各本並脱「大」字,據三國志吳志丁奉傳、晉書五行志補。

〔云〕無功反 「反」各本並作「及」,據晉書五行志改。

(三寸) 晉愍帝建武元年 「晉愍帝」各本並作「晉武帝」。按晉元帝稱晉王,改元建武,時愍帝尚在匈

奴庭, 元帝亦未正位稱帝, 故沈約志例稱晉愍帝建武元年。今仍其例, 改作晉愍帝建武元年。

# 宋書卷三十四

# 志第二十四

### 五行五

災也。 固曰:「不言『惟』而獨曰『時則有』者,非一衝氣所診,明其異大也。」華<u>寧劉</u>歆傳以爲贏蟲之 時則有華孽,時則有牛禍,時則有心腹之痾,時則有黃眚、黃祥,時則有金木水火沴土。」班 近行傳曰:「治宮室,飾臺榭,內淫亂,犯親戚,侮父兄,則稼穡不成。」謂土失其性而爲 又曰:「思心不叡,是謂不聖。厥咎瞀,厥罰恒風,厥極凶短折。 時則有脂夜之妖,

### 稼穡不成

孽,謂螟屬也。

吳孫晧時,嘗歲無水旱,苗稼豐美,而實不成,百姓以饑,闔境皆然,連歲不已。 吳人以

志第

爲傷露,非也。 榭 增修苑囿,犯暑妨農,官民疲怠。 之罰,與春秋魯莊公三築臺同應也。 不成。」此其義也。 按劉向春秋說曰:「水旱當書,不書水旱,而曰大無麥禾者,〔1〕土氣不養,稼 時初遷都武昌,尋還建業,又起新館,綴飾珠玉,壯麗過甚,破壞諸宮, ·阴令,「季夏不可以興土功」。 班固曰:「無水旱之災,而草木百穀不熟,皆爲稼穑 **酷皆冒之。此治宮室飾臺** 

又俗云,「多苗而不實爲傷」,又其義也。 晉穆帝永和十年,三麥不登,至關西亦然。 自去秋至是夏,無水旱,無麥者,如劉向說

#### 恒風

茲謂眊。厥風與雲倶起,折五穀莖。臣易上政,茲謂不順。厥風大臟發屋。賦斂不理,茲 之罰也。後踰旬而爽等滅。京房易傳曰「衆逆同志,至德乃潛,厥異風。其風也,行不解, 物不長,雨小而傷。政悖德隱,茲謂亂。厥風先風不雨,大風暴起,發屋折木。守義不進, 大風,執政之憂也。是時曹爽區瞀自專,驕僭過度,天戒數見,終不改革。 此思心不叡,恒風 魏齊王正始九年十一月,大風數十日,發屋折樹,十二月戊子晦,尤甚,動太極東閤 魏齊王嘉平元年正月壬辰朔,回西北大風,發屋折木,昏塵蔽天。按管輅說此爲 時刑,

害五 謂 思 道 禍。 穀。 利 ,茲謂無澤。 厥風絕經紀,止卽溫,溫卽蟲。 棄正作淫,茲謂惑。厥風溫,螟蟲起,害有益人之物。侯不朝,茲謂叛。 厥 風不搖木,旱無雲,傷禾。公常於利,茲謂亂。 侯專封,茲謂不統。 厥風疾而樹不搖,穀不成。 厥風微 m 溫 厥風 一,生 無恒, 一蟲蝗,

城 兩 門飛落。 吳 孫權太元元年八月朔,大風,江海涌溢,平地水深八尺,拔高陵樹二株,石碑蹉動,吳 按華覈對,役繁賦重,區瞀不叡之罰 也。 明年,權薨。

地

變赤,雨殺人。」

軍, 二軍亦退。 吳孫亮建興元年十二月丙申, 明年,恪又攻新城,喪衆太半,還伏誅。 大風震電。 是歲, 魏遣大衆三道來攻,諸葛恪破其東興

風霧之災,與漢五侯、丁 吳孫休永安元年十 、傅同應也。 一月甲午,風 十 二 四 轉 月丁卯夜,又 五,復蒙霧連 日。 大風,發木 是時孫綝一 揚 沙 o 門五侯,權傾吳主, 明日 · 納 誅

晉武帝泰始五年五月辛卯朔,廣平大風折木。

晉武 帝 咸 寧元 年 五月,下邳、廣陵 大風 壞 千 ·餘家,折樹木。

成寧元年五月甲申,廣陵、司吾、下邳大風折木。

咸寧三年八月,河間大風折木。

晉武帝太康二年五月,濟南大風,折木傷麥。

志

第

\_

+

四

五

行

五

太康二年六月,高平大風折木,發壞邸閣四十餘區。

太康八年六月,郡國八大風。

太康九年正月,京都風雹,發屋拔木。 後二年,宮車晏駕。

晉惠帝元康四年六月,大風雨拔樹。

元康五年四月庚寅夜,暴風,城東渠波浪;七月,下邳大風,壞廬舍;九月,雁門、新興、

太原、上黨災風傷稼。明年,氐、羌反叛,大兵西討。

元康九年六月,鹺風吹賈謐朝服飛數百丈。 明年,艦誅。

元康九年十一月甲子朔,京都連大風,發屋折木。十二月,太子廢。

晉惠帝永康元年二月,大風拔木。三月,愍懷被害。己卯,喪柩發許還洛,是日,大風

雷電,幃蓋飛裂。

|永康元年四月,張華第舍飈風折木,飛繒軸六七。是月,華遇害。

永康元年十一月戊午朔,大風從西北來,折木飛石。明年正月,趙王倫篡位。

晉惠帝永興元年正月癸酉,趙王倫祠太廟,(三) 災風暴起,塵沙四合。 其年四月,倫

伏辜。

晉元帝永昌元年七月丙寅,大風拔木,屋瓦皆飛。

永昌元年八月,暴風壞屋,拔御道柳樹百餘株。 其風縱橫無常,若風自八方來者。

月,宮車晏駕。

晉成帝 咸康 四年三月壬辰,成都大風,發屋折木。 四月,李壽襲殺李期。

晉康帝建元元年七月庚申,晉陵、吳郡災風。

晉穆 帝 升平元年八 月丁未,策立皇后何氏。 是日疾風。

升平五年正月戊戌朔,疾風。

晉海西公太和六年二月,大風迅急。

晉孝武 帝 寧康元年三月戊申朔,四 暴風迅起,從丑 上來,須臾轉從子上來,飛沙揚礫

晉孝武帝太元元年二月乙丑朔,至暴風折木。

太元二年閏三月甲子朔,〔云暴風疾雨俱 至,發屋折木。

太元二年六月,長安大風拔苻堅宮中樹。 其後堅再南伐,身戮國亡。

太元四年八月乙未、暴風。

太元十二年正月壬子夜,印暴風。

太元十二年七月甲辰,四大風拔木。

太元十七年六月乙卯,日之大風折木。

志

第

+

四

五

行五

晉安帝元興二年二月甲辰,大風雨,大航門屋瓦飛落。 明年,桓玄篡位,由此門入。

元興三年正月,[10]桓玄遊大航南,飄風飛其轉輗蓋。三月,玄敗。

元興三年五月,江陵大風折木。是月,桓玄敗於崢嶸洲,身亦屠裂。

元興三年十一月丁酉,大風,江陵多死者。[1]

晉安帝義熙四年十一月辛卯朔,西北疾風起。

義熙五年閏十月丁亥,大風發屋。明年,盧循至蔡洲。

義熙六年五月壬申,大風拔北郊樹,樹幾百年也。琅邪、揚州二射堂倒壞。 是日,盧循

大艦漂沒。甲戌,又風,發屋折木。是冬,王師南討。〇日日

義熙十年四月己丑朔,大風拔木。

義熙十年六月辛亥,大風拔木。明年,西討司馬休之。

宋少帝景平二年正月癸亥朔旦、暴風發殿庭、會席翻揚數十丈。三三五月、帝廢。

文帝元嘉二十六年二月庚申、壽陽驟雨,有回風雲霧,廣三十許步,從南來,至城西回

散滅。當其衝者,室屋樹木摧倒。

元嘉二十九年三月,大風,拔木飛瓦。

元嘉三十年正月,大風拔木,雨凍殺牛馬,雷電晦冥。二月,宮車晏駕。

# 孝武帝大明七年,風吹初寧陵隧口左標折。 鍾山通天臺新成, 飛倒, 散落山澗。 明年

閏五月,帝崩。

前廢帝永光元年正月乙未朔,京邑大風。

明帝泰始二年三月丙申,京邑大風。

泰始二年四月甲子,京邑大風。

泰始二年五月丁未,京邑大風。

泰始二年五月己酉,京邑大風。

泰始二年九月乙巳,京邑大風。

後廢帝元徽二年七月甲子,京邑大風。

元徽三年三月丁卯,京邑大風。

元徽三年六月甲戌,京邑大風。

元徽四年十一月辛卯,京邑大風。

元徽五年三月庚寅,京邑大風,發屋折木。

元徽五年六月甲寅,京邑大風。

#### 夜妖

魏高貴鄉公正元二年閏正月戊戌,日四大風晦暝,行者皆頓伏。近夜妖也。劉向曰:「正

而 瞑,陰爲陽,臣制君也。」時晉景王討毌丘儉,是日始發。

冥,故與常風同象也。」劉向春秋說云:「天戒若曰,勿使大夫世官,將令專事,冥晦。 魏元帝景元三年十月,京都大震,晝晦。此夜妖也。 班固曰:「夜妖者,雲風並起而杳 明年,

魯季友卒,果世官而公室卑矣。」魏見此妖,口吾一晉有天下之應也。 於元顯,禍成於桓玄。是其應也。 晉孝武帝太元十三年十二月乙未,大風晦暝。 其後帝崩,而諸侯違命,干戈內侮,權奪

### 嬴蟲之孽

晉孝武咸寧元年七月,郡國螟,九月,青州又螟。

咸寧元年七月,郡國有青蟲食禾稼。

咸寧四年,司、冀、兗、豫、荆、揚郡國皆螟。

帝太康四年,會稽彭蜞及蟹皆化爲鼠,甚衆,覆野,大食稻爲災。

太康九年八月,郡國二十四螟。 螟說與蝗同。 是時帝聽讒訴

太康九年九月、蟲傷稼。

晉惠帝永寧元年七月,梁、益、凉三州螟。 晉惠帝元康二年九月,帶方、含資、提奚、南新、長岑、海冥、列口蟲食禾葉蕩盡。 是時齊王冏秉政。貪苛之應 也。

永寧元年十月,南安、巴西、江陽、太原、新興、北海青蟲食禾葉,甚者十傷五六。

永寧元年十二月,郡國八螟。

牛禍

而 託付不以至公,思心瞀亂之應也。 晉武帝太康九年,幽州塞北有死牛頭語。 師曠曰:「怨讟動於民,則有非言之物 近牛禍也。 是時帝多疾病,深以後事爲念, 而言。」又其

義也。

家。」其年張昌反,先略江夏,騁爲將帥。 歸 天子諸侯不以惠下爲務,又其應也。 如其言占吉凶。」易萌氣樞曰:「人君不好士,走馬被文繡,犬狼食人食,則有六畜祆言。」時 何蚤也。」尋後牛又人立而行。 晉惠帝太安中,江夏張騁所乘牛言曰:「天下方亂,乘我何之」,騁懼而還,犬 騁使善ト者卦之。 於是五州殘亂,騁亦族滅。 謂曰:「天下將有兵亂,爲 京房易妖曰:「牛能言, 禍 叉言曰: 非 止

晉愍帝建武元年,曲阿門牛生犢,江以一體兩頭。

足三尾、皆生而死。 元帝太興元年,武昌太守王諒牛生子,兩頭八足兩尾共一腹。 按司馬彪說,兩頭者,政在私門,上下無別之象也。 三年後死。 京房易傳曰:「足多 又有牛生一

者,所任邪也。足少者,下不勝任也。」其後皆有此應。

其祀。 晉元帝太興四年十二月,郊牛死。 元帝中興之業,實王導之謀也。 按劉向說春秋郊牛死日,宣公區瞀昏亂, 劉隗探會主意,以得親幸,導見疏外。 此區瞀不叡 故天不饗

晉成 帝咸和二年五月,護軍牛生犢,兩頭六足。是冬,蘇峻作亂。 也。

咸和七年, 九德民袁榮家牛產犢,兩頭八足二尾共身。 京房易傳:一殺無罪, 則牛

生妖。」

經日無所見。

所乘牛易取。 桓玄之國在荆州,詣刺史殷仲堪,行至鶴穴,逢一老公,驅青牛,形色瓌異。 乘至零陵涇溪,駿駛非常,江北因息駕飲牛。牛徑入江水不出。」玄遣人覘守, 桓玄卽以

能禁。入方得出。 宋文帝元嘉三年,司徒徐羡之大兒喬之行欲入廣莫門。牛徑將入廷尉寺,左右禁捉不 明日被收。

元嘉二十九年,晉陵送牛,角生右脅,長八尺。 明年二月,東宮爲禍。

孝武帝大明三年,廣州刺史費淹獻三角水牛。

## 黄眚黄祥

蜀 劉備章武二年,東伐。二月,自秭歸進屯夷道。 六月,秭歸有黃氣見,長十餘里,廣

數十丈。後踰旬,備爲陸議所破。近黃祥也。

應我,復何道。」言絕,顚蹶而死,卽失衣冠。取視,俱如常鼠。 更出,語如向日。適欲日中,鼠入復出,出復入,轉更數語如前。 不應。鼠還穴。後至期,更冠幘阜衣出,語曰:「周南,汝日中當死。」又不應。 魏齊王正始中,中山王周南爲襄邑長。 有鼠從穴出,語曰:「王周南,爾以某日死。」南 案班固說,此黃祥也。 日適中,鼠曰:「周南,汝不 鼠復入,斯須 是時

曹爽秉政,競爲比周,故鼠作變也。

五十斛。 宋孝武大明七年春,太湖邊忽多鼠。 明年,大飢。 其年夏,水至,悉變成鯉魚。 民人一日取,轉得三

晉元帝太興四年八月,黃霧四塞,埃氣蔽天。 案楊宣對,近土氣,亂之祥也。

晉元帝永昌二年正月癸巳, 黄霧四塞。

第二十四 五行五

九九〇

厥異黃,厥咎聾,厥災不嗣。 黃者,有黃濁氣四塞天下,蔽賢絕道,故災至絕世也。」 守,而所任非其人。 晉穆帝永和七年三月, 凉州大風拔木, 黄霧下塵。 至九年死,嗣子見弑。 是其應也。 京房易傳曰:「聞善不予,茲謂不知。 是時張重華納醬,出謝艾爲酒泉太

晉安帝元興元年十月丙申朔,黃霧昏濁,不雨

之祥,上表稱慶。 宋文帝元嘉十八年秋七月,天有黄光,洞照于地。 太子率更令何承天謂之榮光,太平

地震

迹。 也。口公 京房易傳曰:「臣事雖正,專必震。」董仲舒、劉向並云「臣下强盛,將動而爲害」之應 吳孫權黃武四年,江東地連震。 是時權受魏爵命,爲大將軍、吳王,改元專制,不修臣

魏明帝青龍二年十一月,京都地震,從東來,日也隱隱有聲,屋瓦搖。

魏明帝景初元年六月戊申,京都地震。 是秋,吳將朱然圍江夏,荆州刺史胡質擊退之。

又公孫淵自立爲燕王,改年,置百官。明年,討平之。

年、赤鳥二年,地連震動,臣下專政之應也。 人,成其威福,無罪無辜,橫受重刑,雖有大臣,不見信任。 赤烏二年正月,地又再震。 是時呂壹專政,步騰上疏曰:「伏聞校事,吹毛求瑕,趣欲陷 冀所以警悟人主,可不深思其意哉。」壹後 如此,天地焉得無變。 故嘉禾六

魏齊王正始二年十一月,四回南安郡地震。

卒敗。

正始三年七月甲申,南安郡地震,十二月,魏郡地震。

正始六年二月丁卯,南安郡地震。 是時曹爽專政,遷太后于永寧宮,太后與帝相泣而

別。連年地震,是其應也。

吳孫權赤烏十一年二月,江東地仍震。是時權聽讒,尋黜朱據,廢太子。

蜀劉 禪炎興元年,蜀地震。 時宦人黃皓專權。 按司馬彪說,奄宦無陽施,猶婦人也。

此皓見任之應,與漢和帝時同事也。是冬蜀亡。

晉武帝泰始五年四月辛酉,地震。 是年冬,新平氐、羌叛。 明年,孫皓大遣衆入渦口。

叛虜寇秦、凉,刺史胡烈、蘇楡並爲所害。

下,由是也。 泰始 七年六月丙 末年所任轉敞,故亦一年六震,是其應也。 申,地震。 武帝世,始於賈充,終於楊駿,阿黨昧利,苟專權寵,終喪天 裴叔則曰:「晉德所以不比隆堯、舜

志

第

十四四

五行五

宋

者,以有賈亢諸人在朝。」

晉武帝咸寧二年八月庚辰,河南、河東、平陽地震。[1]]

咸寧四年六月丁未,陰平、廣武地震;甲子,陰平、廣武地又震。

晉武帝太康二年二月庚申,淮南、丹陽地震。

太康五年二月壬辰,四三地震。

太康六年七月己丑,地震。

太康七年七月,南安、犍爲地震,八月,京兆地震。

太康 八年五月壬子,建安地震,七月,陰平地震,八月,丹陽地震。

太康九年正月、會稽、丹陽、吳興地震,四月辛酉,長沙、南海等郡國八地震,七月至于

八月,地又四震,其三有聲如雷。

太康十年十二月己亥,丹陽地震。

晉武帝太熙元年,任己地震。

晉惠帝元康元年十二月辛酉,京都地震。

城壞,地墜方三十丈。六月,壽春大雷震,山崩地坼,家人陷死,上庸郡亦如之。八月,上谷 元康四年二月,蜀郡山崩殺人,上谷、上庸、遼東地震。 五月壬子,壽春山崩,洪水出,

妖 司 時,郡國地震。一李固以爲:「地,陰也,法當安靜。今乃越陰之職,專陽之政,故應以震。」此 陽地皆震,十二月,京都又震。是時賈后亂朝,據權專制,終至禍敗之應也。漢鄧太后攝政 陷,廣三十丈,長百三十丈,水出殺人。十月,京都地震,十一月,滎陽、襄城、汝陰、梁國、南 地震,水出,殺百餘人。居庸地裂,廣三十六丈,長八十四丈,水出,大饑。上庸四處山崩地 山崩。 事也。 京房易傳曰:「無德專祿,茲謂不順。厥震動,丘陵涌水出。」又曰:「小人剝廬,厥 茲謂陰乘陽,弱勝强。」又曰:「陰背陽,則地裂。 父子分離,夷、羌叛去。」

元康五年五月丁丑,地震,六月,金城地震。

元康六年正月丁丑,地震。

元康八年正月丙辰,地震。

晉惠帝太安元年十月,地震。是時齊王冏專政。

太安二年十二月丙辰,地震。是時長沙王專政。

晉孝懷帝永嘉三年十月,荆、湘二州地震。

時司馬越專政。

永嘉四年四月,兗州地震。

建興三年六月丁 晉愍帝 建興二年四月甲辰,地震。 卯,長安地震。 是時幼主在上,權傾於下,四方雲擾,兵亂不息。

志第二十四 五行五

九九四

晉元帝太興元年四月, 西平地震,涌水出,十二月,廬陵、豫章、武昌、西陵地震,山崩

干寶曰:「王敦陵上之應。」

太興二年五月癸丑,祁山地震,山崩殺人。 是時相國南陽王保在祁山稱晉王,不終之

象也。

太興三年四月庚寅,丹陽、吳郡、晉陵地震。 其年,南平郡山崩,出雄黃數千斤。

晉成帝咸和二年三月,益州地震,四月己未,豫章地震。是年,蘇峻作亂。

咸和九年三月丁酉,會稽地震。是時政在臣下。

晉穆帝永和元年六月癸亥,地震。是時嗣主幼沖,母后稱制, 政在臣下,所以連年

地震。

永和二年十月,地震。

永和三年正月丙辰,地震。

永和 四年十月己未,地震。

永和 五 一年正月庚寅,地震。

永和 九年八月丁酉,京都地震,有聲如雷。

永和 十年正月丁卯,CIED地震,有聲如雷,雞雉瘍呴。

永和 十一年四月乙酉,地震,五月丁未 地

晉 穆帝升平五 年八月,涼州 地震。

晉哀帝隆 和 元 年四月甲戌,地震。 是時政在將相,人主南 面 而已。

隆和二年二月庚寅,三三江陵地震。 隆 和元年四月丁丑,凉州地震,浩亹山崩。 是時桓溫專政。 張天錫降亡之象也

晉海西太和元年二月,涼州地震水涌

晉孝武帝寧康元年十月辛未,地震。 晉簡文帝咸安二年十月辛未,安成地震。 是時嗣主幼沖,政在將相。

寧康二年七月甲午,涼州地震山崩。

晉孝武帝太元二年閏月壬午,地震,五月丁丑,地震。

十一年六月己卯,地震。是後緣河諸將,連歲兵役。

十五年三月己酉朔夜,地震。

十七年六月癸卯、地震、十二月己未、地又震。 是時羣小弄權,天下側目。

晉安帝 十八 隆 年正月癸亥朔,地震,二月乙未,地震。 安 兀 年九月癸酉,地震。 是時幼主沖昧,政在臣下。

志

第

\_ +

四

五 行 五

義熙 四年正月壬子夜,地震有聲,十月癸亥,地震。

義熙 五 年正月戊戌夜,尋陽地震,有聲如雷。 明年,盧循下。

義熙八年,自正月至四月,南康、廬陵地四震。 明年,王旅西討荆、盆

時遣軍經略司、克。

元嘉十二年四月丙辰,京邑地震。

宋文帝元嘉七年四月丙辰,地震。

元嘉十五年七月辛未,地震。

元嘉十六年,地震。

孝武帝大明二年四月辛丑,地震。

落,屋室傾倒,兗州地裂泉涌,二年不已。其後虜主死,兗州刺史夏侯祖權卒。 大明六年七月甲申,地震,有聲自河北來,魯郡山搖地動,彭城城女牆四百八十丈墜

明帝泰始二年四月,地震。

泰始四年七月己酉,東北有聲如雷,地震。

明帝泰豫元年閏七月甲申,東北有聲如雷,地震。

後廢帝元徽二年四月戊申,地震。 元徽五年五月戊申,地震。 七月,帝殞。

朱文帝元嘉二十五年,青州城南地,遠望見地中如水有影,人馬百物皆見影中, 積年

乃滅。

## 山崩地陷裂

楊,其天意矣。 發水同事也。「夫三代命祀,祭不越望,吉凶禍福,不是過也」。 君也,水,陰,民也。天戒若曰,君道崩壞,百姓將失其所也」。與春秋梁山崩,漢齊、楚衆山 吳孫權赤烏十三年八月,丹楊、句容及故鄣、寧國諸山崩,鴻水溢。 國主山川,山崩川竭,亡之徵也。 後二年而權薨,薨二十六年而吳亡。 吳雖帝,其實列國,災發丹 按劉向說,「山,陽,

魏元帝咸熙二年二月,太行山崩。 此魏亡之徵也。 其冬,晉有天下。

晉武帝泰始三年三月戊子,太行山崩。

於北,元帝中興於南,是其應也。 泰始四年七月,泰山崩,墜三里。 京房易傳曰:「自上下者爲崩,厥應泰山之石顚而 此晉之咎徵也。 至帝晏駕,而祿去王室,懷 下, 、愍淪胥

受命,人君虜。」

晉武帝太康五年丙午,宣帝廟地陷。

太康六年三月,南安新興縣山崩,涌水出。

志第二十四 五行五

太康 七 年七月,朱提之大瀘山崩,震壞郡舍,陰平之仇池崖隕。

太康八年七月,大雨。殿前地陷,方五尺,深數丈。

晉惠帝元康四年五月壬子,地陷,方三十丈,殺人。 史闕其處。

元康 四年八月,居庸地裂,廣三十丈,長百三十丈,水出殺人。

晉孝懷帝永嘉元年三月,洛陽東北步廣里地陷。

永嘉二年八月乙亥,至到野城城無故自壞七十餘丈,司馬越惡之,遷于濮陽。 此見沴之

異也。越卒陵上,終亦受禍。

永嘉三年七月戊辰,當陽地裂三所,所廣三丈,長二百餘步。 京房易傳曰:「地坼裂者,

臣 下分離,不肯相從也。」其後司馬越、苟晞交惡,四方牧伯莫不離散,王室遂亡。

永嘉四年四月,湘東酃黑石山崩永嘉三年十月,宜都夷道山崩。

永嘉 晉元帝 太興 四 年八月,常山崩,水出,滹沱盈溢,大木傾拔。 Щ

晉成帝 咸和四年十月,柴桑廬山 西北崖崩。 十二月,劉胤 爲 郭默所 殺。

晉惠帝元 康 九年六月夜, 暴雷 雨。 賈謐齋屋柱陷入地, 壓艦牀帳。 此木沴上, 土失其

性,不能載也。明年,謐誅。

晉惠帝光熙元年五月,范陽地然,可以變。 此火沴土也。 是時禮樂征伐自諸侯出。

晉安帝義熙八年三月壬寅,山陰有聲如雷,地陷深廣各四尺。

義熙十年五月戊寅,西明門地穿,涌水出,毀門扇及限。〔曰〕此水沴土也。

蛇之孽,時則有馬禍,時則有下人伐上之痾,時則有日月亂行,星辰逆行。」 五行傳曰:「皇之不極,是謂不建。 厥咎眊,厥罰恒陰,厥極弱。 時則有射妖,時則有龍

常陰

吳孫亮太平三年,自八月沈陰不雨,四十餘日。 是時將誅孫綝,謀泄。 九月戊午,綝以

兵圍宮,廢亮爲會稽王。此常陰之罰也。

吳孫晧寶鼎元年十二月,太史奏久陰不雨,將有陰謀。 <del>皓</del>深驚懼。 時陸凱等謀因其謁

廟廢之。 及出,留平領兵前驅,凱語平,平不許,是以不果。 **皓旣肆虐,羣下多懷異圖,終至** 

降亡。

宋後廢帝元徽三年四月,連陰不雨

志第二十四 五行五

# 元徽 三年八月,多陰。 後二年,廢帝殞。

#### 射妖

取木葉塞創。

「嘻! 蜀車騎將軍鄧芝征涪陵,見玄猿緣山,手射中之。 吾違物之性,其將死矣。」俄而卒。 芝歎息,投弓水中,自知當死矣。 此射妖也。 曰猿母抱子, 芝射中之, 子爲拔箭, 猿拔其箭,卷木葉塞其創。 芝曰:

者,曰:「馬,國姓也。 晉恭帝之爲琅邪王時,好奇戲,嘗閉一馬於門內,令人射之,欲觀幾箭而死。 而今射之,不祥甚矣。」於是乃止,而馬已被十許箭矣。 此蓋射妖也。 左右有諫

## 龍蛇之孽

俄而桓玄篡位

其主 非嘉 君德國運內相剋伐也。 一廢興之應也。 深群矣。 魏明帝 魏以 青龍 改年,非也。 元年正月甲申,青龍見郟之摩陂井中。 魏土運,青,木色也,而不勝于金,黃得位,青失位之象也。 故高貴鄉公卒敗于兵。 晉武不賀,是也。 干寶曰:「自明帝終魏世,青龍黃龍 案劉向說:『龍貴象,而困井中,諸侯將有幽 凡瑞興非時,則爲妖孽,況困於井, 青龍多見者, 見者,皆

執 之禍也。」魏世龍莫不在井,此居上者逼制之應。高貴鄉公著潛龍詩,卽此旨也。」

魏 高貴鄉公正元元年冬十月戊戌,行己黃龍見于鄴井中。

魏高貴鄉公甘露元年正月辛丑,青龍見軹縣井中,六月乙丑,青龍見元城縣界井中。

甘露二年二月,青龍見溫縣井中。

甘露三年,黃龍靑龍仍見頓丘、冠軍、陽夏縣界井中。

景元三年二月、日記青龍見軹縣井中。

吳孫 · 皓天册中,龍乳於長沙民家,啖鷄鶵。 京房易妖曰:「龍乳人家,王者爲庶人。」其

後皓降。

晉武帝咸寧二年六月丙申,白龍二見于九原井中。

後趙 夫龍 祥。」 相害,二十八年,果有 王 遂 晉武 以 不賀 飛 继 昔龍漦夏庭,禍發周室,龍見鄭門,子產 死 翔 帝太康五年正月癸卯,二龍見于武庫井中。 之象 顯 也。 見 孫盛 也。 爲美,則潛伏 武庫者,帝王威御之器所寶藏也,室宇邃密,非龍 曰:「龍,水物也,何與於人,子產言之當矣。 胡僭竊 幽處,非休祥也。 神器。 勒、虎二逆皆字曰龍, 此之表異, 爲有證矣。」 史臣案 不賀。」帝答曰:「朕德政未修,未有以膺受嘉 漢 恵帝 帝見龍,有喜色,百僚將賀。 二年,兩龍 見蘭陵 但非其所處,實爲妖災。 所處。 井中,本志以爲其 後七年,蕃王 劉毅獨

第

+

四

五

行五

1001

龍爲休瑞,而屈於井中,前史言之已詳。但兆幽微,非可臆斷,故五行、符瑞兩存之。

晉愍帝建興二年十一月,枹罕羌妓產一龍子,色似錦文,嘗就母乳,遙見神光,

放派。

魏氏宮人猥多,晉又過之,宴游是湎,此其孽也。詩云:「惟虺惟蛇,女子之祥。」 徒五敎之府,此皇極不建,故蛇孽見之。漢靈帝時,蛇見御座,楊賜以爲帝溺於色之應也。 數失小兒及猪犬之屬。後一蛇夜出,傷於刃,不能去,乃覺之。發徒攻擊,移時乃死。夫司 晉武帝咸寧中,司徒府有二大蛇,長十許丈,居聽事平橑上,數年而人不知,但怪府中

辱也。齊王冏不悟,雖建興復之功,而以驕陵取禍。負二小蛇出朝市,皆有象類也。 陽景王祠中不見。天戒若日,齊方有劉章定傾之功,若不厲節忠愼,又將蹈章失職奪功之 晉惠帝元康五年三月癸巳,臨菑有大蛇長十餘丈,負二小蛇,入城北門,徑從市入漢城

見於邑,不出三年,有大兵。國有大憂。」其後討滅王敦及其黨與。 晉明帝太寧初,武昌有大蛇,常居故神祠空樹中,每出頭從人受食。京房易妖曰:「蛇

馬福

晉武帝太熙元年,遼東有馬生角,在兩耳下,長三寸。按劉向說,此兵象也。 及帝晏駕

之後,王室毒於兵禍,是其應也。 京房易傳曰:「臣易上,政不順,〔言〕〕厥妖馬生角。」又有「天

子親伐,馬生角」。呂氏春秋曰:「人君失道,馬有生角。」

不能 動。 晉惠帝元康元年十二月,皇太子將釋奠,太傅趙王倫驂乘,至南城門,馬止,力士推之 倫入軺車,乃進。 此馬禍也。 天戒若曰, 倫不知義方, 終為亂逆, 非傅導行禮之

人。倫不悟,故亡。

元康 九年十一月戊寅冬,有牝騮馬驚奔至廷尉訊堂,悲鳴而死。 是殆愍懷冤死之象

也。見廷尉訊堂,又天意乎。

晉孝懷帝永嘉六年二月,神馬鳴南城門。

晉元帝太興二年,丹陽郡 更濮陽楊濱馬生駒,兩頭自頸前別,生而死。 按司馬彪說,政

在私門,二頭之象也。是後王敦陵上。

所在。 晉成帝咸康八年五月甲戌,有馬色赤如血,自宣陽門直走入于殿前,盤旋走出,尋逐莫 己卯,帝不豫,六月崩。 此馬禍,又赤祥也。 張 重華在凉州,將誅其西河相 張祚,

|祚廐馬數十匹,同時悉皆無後尾。

知

角, 由玄不當舉兵向 晉安帝隆安四年十月,梁州有馬生角, 上也。 **覩災不悟,故至夷滅** 刺史郭銓送示都督桓玄。 案劉向說,馬不當生

志

#### 人痾

魏文帝黃初初,淸河宋士宗母化爲鼈,入水。

也。 有氣、數月而能語。郭太后愛養之。又太原民發冢破棺、棺中有一生婦人、問其本事、不知 視其墓木,可三十歲。案京房易傳,至陰爲陽,下人爲上,晉宣王起之象也。 魏 明帝太和三年,曹休部曲兵奚農女死復生。時人有開周世冢,得殉葬女子,數日而 漢平帝

婢血 也。 吳孫 時中外守備,亦悉不見。 是。 亮建興二年,諸葛恪將征淮南, 又眼目視瞻非常,妻問其故,婢蹙然躍起,頭至棟,攘臂切齒曰:「諸葛公乃爲峻 衆皆異之。及還,果見殺。恪已被害,妻在室,使婢沃盥,聞 有孝子著衰衣入其閤。詰問,答曰:「不自覺入

吳孫: 休永安四年,安吳民陳焦死七日,復穿冢出。 干寶曰:「此與漢宣帝同事。 烏程侯

**酷承廢故之家,得位之祥也。**」

所殺。」

獻帝

並有此異,占以爲王莽、曹操之徵。公孫淵炊,有小兒蒸死甑中,其後夷滅。

實水其中。 吳孫 哈寶鼎元年,丹陽宣騫母,年八十,因浴化爲黿。兄弟閉戶衞之,掘堂上作大坎, 黿入坎戲 | 二日,恒延頸外望,伺戶小開,便輪轉自躍,入于遠潭,遂不復還。

與漢靈帝時黃氏母事同。吳亡之象也。

魏 元帝咸熙二年八月,襄武縣言有大人見,長三丈餘,跡長三尺二寸,髮白,著黃巾黃

單衣,柱杖,呼民王始語曰:「今當太平。」尋晉代魏。

晉武帝泰始五年,元城人年七十,生角。案漢志說,殆趙王倫篡亂之象也。

晉武帝咸寧二年二月,琅邪人顏畿病死,棺斂已久,家人咸夢畿謂己曰:「我當復生,可

急開棺。」 遂出之。漸能飲食屈申視瞻,不能行語也。二年復死。其後劉淵、石勒遂亡

晉室

夫,茲謂陰昌,賤人爲王。丈夫化爲女子,茲謂陰勝陽,曰三厥咎亡。」 石勒蕩覆晉室之妖也。 晉惠帝元康中,安豐有女子周世寧,年八歲,漸化爲男,至十七八,而氣性成。 漢哀帝、獻帝時並有此異,皆有易代之兆。京房傳曰:「女子化爲丈 此劉淵、

門者詰之,婦人曰:「我截齊便去耳。」是時齊王冏匡復王室,天下歸功。 晉惠帝永寧初,齊王冏唱義兵,誅除亂逆,乘輿反正。忽有婦人詣大司馬門求寄產。 識者爲其惡之。後

果斬戮。

殺之。 永 明年十二月戊辰,冏敗,即甲子旬也。 寧元年十二月甲子,有白頭公入齊王冏大司馬府,大呼有大兵起,不出甲子旬。 冏

斬之。 妖也。」是後帝北遷鄴,又西遷長安,盜賊蹈藉宮闕,遂亡天下。 晉惠帝太安元年四月癸酉,有人自雲龍門入殿前,北面再拜曰:「我當作中書 干寶 曰三夫禁庭,尊祕之處,今賤人徑入,而門衞不覺者, 宮室將虛, 而下人踰之之 「監。」即收

書郎王導議曰:「此是非常事,不得以常理斷之,宜還前夫。」朝廷從其議。 至女墓,不勝哀情,便發冢開棺,女遂活,因與俱歸。 不樂行,其父母逼强,不得已而去,尋得病亡。 晉惠帝世,梁國女子許嫁,已受禮娉,尋而其夫戍長安,經年不歸。 後其夫還,問女所在,其家具說之。 後婿聞之,詣官爭之,所在不能決。 女家更以適 其夫徑 入,女 秘

有子。 頃漸覺。 晉惠帝世,杜錫家葬,而婢誤不得出。後十餘年,開冢祔葬,而婢尚生。 問之,自謂當一再宿耳。 初婢之埋,年十五六,及開冢更生,猶十五六也。嫁之 其始如瞑,有

晉惠帝光熙元年,會稽謝眞生子,大頭有鬢,兩蹠反向上,有男女兩體。 生便作丈夫

聲,經日死。

咸寧、太康之後,男寵大興,甚於女色,士大夫莫不尙之,天下皆相放効,或有至夫婦離絕, 晉惠、懷之世,京、洛有兼男女體,亦能兩用人道,而性尤淫。 案此亂氣之所生也。 自

怨曠妬忌者。故男女氣亂,而妖形作也。

元帝太興初,又有女子陰在腹上,在揚州,性亦淫。 京房易妖曰:「人生子,陰在首,天

下大亂;在腹,天下有事;在背,天下無後。」

晉孝懷帝永嘉元年,吳郡吳縣萬祥婢生子,鳥頭,兩足馬蹄,一手無毛,黃色,大如枕。

晉愍帝建興四年,新蔡縣東任僑妻胡,年二十五,產二女,相向,腹心合同,自胸以上,

齊以下,各分。 此蓋天下未一之妖也。時內史呂會上言:「案瑞應圖,異根同體謂之連理,

異苗 . 同穎謂之嘉禾。草木之異,猶以爲瑞,今二人同心,易稱『二人同心,其利斷金』。 嘉徴

顯見,生於陝東之國,斯蓋四海同心之瑞,不勝喜踊,謹畫圖以上。」時有識者哂之。

晉中興初,有女子,其陰在腹,當齊下。自中國來江東,性甚淫,而不產。京房易妖曰:

「人生子,陰在首,天下大亂;在腹,天下有事;在背,天下無後。」

上,面處如項,口有齒,都連爲一,胸如鼈,手足爪如鳥爪,皆下句。 晉元帝太興三年十二月,尚書騶謝平妻生女,墮地濞濞有聲,須臾便死。 京房易妖曰:「人生他 鼻目皆在頂

物,非人所見者,皆爲天下大兵。」後二年,有石頭之敗。

晉明帝太寧二年七月,丹陽江寧侯紀妻死,三日復生。 晉成帝咸康四年十一月辛丑,有何一人詣南止車門自列爲聖人所使。

檢問,是東海鄉縣呂暢,辭語落漠,髠鞭三百,造。

錄付光祿外部

咸康 五年四月,下邳民王和僑居暨陽。息女可,年二十,自云:「上天來還,得徵瑞印

聖人使,求見天子。 綬,當母天下。」晉陵太守以爲妖,收付獄。 門候受辭,列姓呂名錫。云王和女可,右足下有七星,星皆有毛,長七 至十一月,有人持柘杖,絳衣,指止車門口,列爲

寸,天今命可爲天下母。奏聞,卽伏誅。幷下晉陵誅可。

晉康帝建元二年十月,衞將軍營督過望所領兵陳瀆女壹,有文在足,曰「天下之母」。

灸之逾明。 京都諠譁。 有司收繫以聞。 俄自建康縣獄亡去。

石虎末,大武殿前所圖賢聖人像人頭,忽悉縮入肩中。

晉孝武帝寧康初,南郡州陵女人唐氏,漸化爲丈夫。

晉安帝義熙七年,無錫人趙朱,年八歲,一旦暴長八尺,髭鬚蔚然,三日而死。

義熙中,東陽人黃氏生女不養,埋之。數日於土中啼,取養遂活。

義熙末,豫章吳平人有二陽道,重累生。

晉恭帝元熙元年,建安人陽道無頭正平,本下作女人形體。

家正炊頃,衣不沾濡。曉在門上求通,言:「我天使也。」」賦令前,因曰:「府君宜起迎我,當大 宋文帝元嘉十七年,劉斌爲吳郡。婁縣有一女,忽夜乘風雨,怳忽至郡城內。 自覺 去

富貴。不爾,必有凶禍。」斌問所以來,亦不自知也。謂是狂人,以付獄,符其家迎之。

數日

乃得去。 後二十日許,斌誅。

武帝大明中,張暢爲會稽郡,妾懷孕,兒於腹中啼,聲聞於外。 暢尋死。

明帝泰豫元年正月,巨人見太子西池水上,跡長三尺餘。 大明末,荆州武寧縣人楊始歡妻,於腹中生女兒。 此兒至今猶存

後廢帝元徽中,南東莞徐坦妻懷孕,兒在腹中有聲。

魏文帝黃初四年三月,宛、許大疫,死者萬數。

元徽中,暨陽縣女人於黃山穴中得二卵,如斗大,剖視有人形。

魏 明帝青龍二年四月,大疫。

青龍三年正月,京都大疫。

吳孫權赤烏 五年,大疫。

吳孫亮 建興 二年四月,諸葛恪圍新城。 大疫,死者太半。

吳孫 晧 鳳皇 二年,疫。

晉武 武帝泰始 十年,大疫。 吳土亦同

晉武 帝 咸寧元年十一月,大疫,京都死者十萬人。

晉武 帝 太康 三年 一春,疫。

志

第

\_ + 四

五 行 五

00九

晉惠帝元康二年十一月,大疫。

元康七年五月,秦、雍二州疾疫。

晉孝懷帝永嘉四年五月,秦、雍州饑疫至秋。

永嘉六年,大疫。

晉元帝永昌元年十一月,大疫,死者十二三。 河朔亦同。

晉成帝咸和五年五月,大饑且疫。

晉穆帝水和九年五月,大疫。

晉海西太和四年冬,大疫。

晉孝武帝太元五年五月,自冬大疫,至于此夏。 多絕戶者。

晉安帝義熙元年十月,大疫,發赤班乃愈。

義熙七年春,大疫。

宋文帝元嘉四年五月,京都疾疫。

孝武帝大明元年四月,京邑疾疫。

大明四年四月,京邑疾疫。

首,而歸過股肱,豈禹、陽罪己之義乎。其令百官各虔厥職。 魏文帝黃初二年六月戊辰晦,日有蝕之。 有司奏発太尉。 後有天地告,勿復劾三公。」 韶曰:「災異之作,以譴元

黃初三年正月丙寅朔,日有蝕之,十一月庚申晦,又日有蝕之。

黃初五年十一月戊申晦,日有蝕之。後二年,宮車晏駕。

具禳祠,於義未聞也。羣公卿士,其各勉修厥職。 天之於人,猶父之於子,未有父欲責其子,而可獻盛饌以求觅也。 旣不能光明先帝聖德,而施化有不合於皇神,故上天有以寤之。 得,則天懼之以災異,所以譴告使得自修也。 魏明帝太和初,太史令許芝奏日應蝕,與太尉於靈臺祈禳。 故日月薄蝕,明治道有不當者。 有可以補股不逮者,各封上之。」 宜勵政自修,以報於神明。 帝詔曰:「蓋聞人主政有不 。今外欲遣上公與太史令 **朕卽位以來**,

魏明帝太和五年十一月戊戌晦,日有蝕之。

太和六年正月戊辰朔,日有蝕之。見吳曆。

魏明帝青龍元年閏月庚寅朔,日有蝕之。

魏齊王正始元年七月戊申朔,日有蝕之。經無。

正始三年四月戊戌朔,日有蝕之。紀無。

志第二十四 五行五

正始六年四月壬子,日有蝕之,十月戊寅朔,又日有蝕之。〔三〕

變,詔羣臣問得失。蔣濟上疏曰:「昔大舜佐治,戒在比周;周公輔政,愼於其朋。 正始八年二月庚午朔,日有蝕之。是時曹爽專政,丁謐、鄧颺等轉改法度。 會有日蝕 齊侯問

災,晏子對以布惠,魯君問異,臧孫答以緩役。塞變應天,乃實人事。」濟旨譬甚切, 而君臣

不悟,終至敗亡矣。

正始九年正月乙未朔,日有蝕之。

魏齊王嘉平元年二月己未,日有蝕之。

魏高貴鄉公甘露四年七月戊子朔,日有蝕之。

君弱臣强。司馬將兵,反征其王。」五月,有成濟之變。

甘露五年正月乙酉朔,日有蝕之。按谷永說,正朝,尊者惡之。 京房占曰:「日蝕乙酉,

魏元帝景元二年五月丁未朔,日有蝕之。

景元三年三月己亥朔,日有蝕之。〔三〕

晉武帝泰始二年七月丙午晦,日有蝕之。

泰始七年五月庚辰,日有蝕之。

泰始八年十月辛未朔,日有蝕之。

泰始九年四月戊辰朔,日有蝕之。

泰始十年三月癸亥,日有蝕之。

晉武帝咸寧元年七月甲申晦,日有蝕之。

咸寧三年正月丙子朔,日有蝕之。

晉武帝太康四年三月辛丑朔,日有蝕之。

太康六年八月丙戌朔,日有蝕之。

太康七年正月甲寅朔,日有蝕之。

震蝕之異,其咎安在?將何施行,以濟其愆。」太尉亮、司徒舒、司空瓘遜位,弗許。

乙亥,詔曰:「比年災異屢發,邦之不臧,實在脍躬。

太康八年正月戊申朔,日有蝕之。

晉惠帝元康九年十一月甲子朔,〔圖〕日有蝕之。 太康九年六月庚子朔,日有蝕之。後二年,宮車晏駕。

晉惠帝永康元年四月辛卯朔,日有蝕之。

晉惠帝永寧元年閏三月丙戌朔,日有蝕之。

曰:「日蝕盡,不出三月,國有凶。」十一月,宮車晏駕。十二月壬午朔,又日有蝕之。 晉惠帝光熙元年正月戊子朔,日有蝕之。 尊者惡之。 七月乙酉朔,又日有蝕之旣。 占

志第二十四 五行五

晉孝懷帝永嘉元年十一月戊申,日有蝕之。

永嘉二年正月丙午朔,日有蝕之。

永嘉六年二月壬子朔,日有蝕之。明年,帝崩于平陽。

晉愍帝建興四年六月丁巳朔, 日有蝕之。十一月,帝爲劉曜所虜。 十二月乙卯朔,又

日有蝕之。明年,帝崩于平陽。

晉元帝太興元年四月丁丑朔,日有蝕之。

晉明帝太寧三年十一月癸巳朔,日有蝕之。

晉成帝咸和二年五月甲申朔,日有蝕之。

晉成帝咸康元年十月乙未朔,日有蝕之。

咸康七年二月甲子朔,日有蝕之。

咸康八年正月己未朔,日有蝕之。 正朝,尊者惡之。六月,宮車晏駕。

晉穆帝永和七年正月丁酉朔,日有蝕之。

永和十二年十月癸巳朔,日有蝕之。

晉穆帝升平四年八月辛丑朔,日有蝕之,不盡如鉤。 明年,宮車晏駕。

晉哀帝隆和元年十二月戊午朔,日有蝕之。

晉海西公太和三年三月丁巳朔,日有蝕之。

太和五年七月癸酉朔,日有蝕之。明年,廢爲海西公。

晉孝武帝寧康三年十月癸酉朔,日有蝕之。

晉孝武帝太元四年閏月己酉朔,日有蝕之。

太元六年六月庚子朔,日有蝕之。

太元九年十月辛亥朔,日有蝕之。

太元十七年五月丁卯朔,日有蝕之。

太元二十年三月庚辰朔,日有蝕之。 明年,· 宮車晏駕。 海西時有此變。 叉日,臣有蔽

主明者。〔三〕

晉安帝隆安四年六月庚辰朔,日有蝕之。

晉安帝远興二年四月癸巳朔,日有蝕之。

晉安帝義熙三年七月戊戌朔,日有蝕之。

義熙十三年正月甲戌朔,日有蝕之。 義熙十年九 月丁已朔,日有蝕之,七月辛亥晦,日有蝕之。〔景〕 明年,宮車晏駕。

晉恭帝元熙元年十一月丁亥朔,日有蝕之。

志第二十四 五行五

宋少帝景平二年二月癸巳朔,〔計〕日有蝕之。

文帝元嘉四年六月癸卯朔,日有蝕之。

元嘉六年五月壬辰朔,日有蝕之。十一月己丑朔,又日有蝕之,不盡如鈎,蝕時星見,

晡方沒,河北地闇。

元嘉十二年正月乙未朔,日有蝕之。〔三〕

元嘉十七年四月戊午朔,日有蝕之。

元嘉十九年七月甲戌晦,日有蝕之。

元嘉二十三年六月癸未朔,日有蝕之。

元嘉三十年七月辛丑朔,日有蝕之,旣,星辰畢見。

孝武帝孝建元年七月丙戌朔,日有蝕之,旣,〔三〕列宿粲然

孝武帝大明五年九月甲寅朔,日有蝕之。

明帝泰始四年八月丙子朔,日有蝕之,〔四〕十月癸酉,又日有蝕之。

泰始五年十月丁卯朔,日有蝕之。

後廢帝元徽元年十二月癸卯朔,日有蝕之。

順帝昇明二年九月乙巳朔,日有蝕之。

吳孫權赤烏十一年二月,白虹貫日,時地又頻震。 權發詔深戒懼天告。

晉武帝泰始五年七月甲寅,日暈再重,白虹貫之。

晉武帝太康元年正月己丑朔,五色氣冠日,自卯至酉。占曰:「君道失明。 丑主斗、牛,

斗、牛爲吳地。」是時孫晧淫暴,四月降。

晉惠帝元康九年正月,日中有若飛鶇者,數月乃消。 王隱以爲愍懷廢死之徵也。

晉惠帝永康元年十月乙未,日鬭,回〕黃霧四塞。占曰:「不及三年,下有拔城大戰。」

晉惠帝永寧元年九月甲申,日有黑子。 按京房占『黑者,陰也。 臣不揜君惡,令下見

百姓惡君〔則有此變。」又曰,臣有蔽主明者。〕四〕

晉惠帝永興元年十一月,黑氣分日。四司

晉惠帝光熙元年五月癸巳,日散,光流如血,所照皆赤。甲午,又如之。 占曰:「君道

失明。」

曰:「凡日蝕皆於晦朔,有不於晦朔者,爲日薄。 晉孝懷帝永嘉元年十一月乙亥,黃黑氣掩日,所炤皆黃。 雖非日月同宿,時陰氣盛,掩薄日光也。 案河圖占曰:「日薄也。」其說

志

類蝕。」

兵,破亡其地。」明年,司馬越殺繆播等,暴蔑人主。 永嘉二年二月癸卯,白虹貫日,青黃暈五重。占曰:「白虹貫日,近臣不亂, 五年,胡破京都,帝遂見虜。 一說王者 則諸侯有

有兵圍之象。

永嘉五年三月庚申,日散,光如血,下流,所照皆赤,日中有若飛鷡者。

晉愍帝建武元年正月庚子,白虹彌天,三日並照,日有重暈,左右兩珥。 占曰:「白虹,

兵氣也。三、四、五、六日俱出並爭,天下兵作,王立亦如其數。」又曰:「三日並出,不過三

下其參分乎。」三月而江東改元朔,胡亦改元朔,跨曹、劉疆宇。於是兵連積世。 旬,諸侯爭爲帝。〔閏〕日重暈,天下有立王。暈而珥,天下有立侯。」故陳卓曰:「當有大慶,天

晉元帝太興四年三月癸亥,日有黑子。四月辛亥,日司帝親錄訊囚徒。

晉元帝永昌元年十月辛卯,四四日有黑子。

晉 明帝 太寧元年正月己丑朔,四日日暈無光,癸巳,黃霧四塞。占曰:「君道失明,臣有

陰謀。」是時王敦陵上,卒伏其辜。

晉成帝咸康元年七月,白虹貫日。四二

咸康八年正月壬申,日中有黑子。 丙子,乃滅。

晉海西公太和四年四月戊辰,日暈厚密,白虹貫日中。

太和六年三月辛未,白虹貫日,日暈五重。十一月,桓溫廢帝。 張重華在涼州,日暴赤

如火,中有三足烏,形見分明,數旦乃止。

晉安帝元興元年二月甲子,日暈,白虹貫日。明年,桓玄篡位。

晉安帝義熙元年五月庚午,日有采珥。

義熙十一年,日在東井,有白虹十餘丈,在南干日。依司馬彪說,則災在分野,羌亡之

象也。

晉恭帝元熙二年正月壬辰,日暈,東西有直珥各一丈,白氣貫之交匝。

晉孝懷帝永嘉五年三月丙申夜,月蝕旣,丁酉夜,又蝕旣。[四]占曰:「月蝕旣盡,夫人

憂。」又曰:「其國貴人死。」

安帝義熙九年十二月辛卯朔旦,月猶見東方。「蜀〕按占謂之「側匿」。

朱文帝元嘉二十九年十一月己卯朔,至己日始出,色赤如血,外生牙,塊疊不圓。 明年

二月,宮車晏駕。

孝武帝大明七年十一月,日始出四五丈,色赤如血,未沒四五丈,亦如之,至于八年春,

凡三,謂日死。閨五月,帝崩。

後廢帝元徽三年三月乙亥,日未沒數丈,日色紫赤無光。

元徽五年三月庚寅,日暈五重,又重生二直,一抱一背。

文帝元嘉中,有兩白虹見宣陽門外。

後廢帝元徽二年八月壬子夜,白虹見。

元徽四年正月己酉,白虹貫日。

從帝昇明元年九月乙未夜,白虹見東方。

## 校勘記

[1] 水旱當書不書水旱而曰大無麥禾者 各本並脫「不書」二字、據漢書五行志、晉書五行志補。

魏齊王嘉平元年正月壬辰朔 按是年正月己丑朔,壬辰爲正月初四日。三國志魏志管輅傳作

### 「歲朝」。

趙王倫祠太廟 各本並脫「趙王倫」三字、據晉書五行志補。

. 29 ... 晉孝武帝寧康元年三月戊申朔 按是年三月戊子朔、二十一日戊申、「朔」字疑衍文。

五 晉孝武帝太元元年二月乙丑朔 按是年二月辛未朔,無乙丑。 太元二年二月乙丑朔,元年當

是二年之譌。

- 太元二年閏三月甲子朔 「二年」各本並作「元年」。 按太元元年無閏月,二年閏三月甲子朔,
- 今改正。
- したし 太元十二年正月壬子夜 「壬子」各本並作「壬午」,據晉書孝武帝紀改。 按是年正月戊戌朔,
- 十五日壬子,無壬午。
- 太元十二年七月甲辰 日甲辰。七月乙未朔,初十日甲辰。 「七月」各本並作「正月」,據晉書五行志改。 前條「太元十二年正月壬子」爲太元十二年正月十五日,本 按是年正月戊戌朔,初七

條接其下,不容爲正月初七日甲辰。 故改從晉書五行志作七月。

- /\ 元 ∪ 太元十七年六月乙卯 十日乙卯,無乙未。 「乙卯」各本並作「乙未」,據晉書孝武帝紀改。 按是年六月丙申朔,二
- 元興三年正月 「三年」各本並作「二年」,據晉書五行志改。 是三年正月間事。 按桓玄以元興二年冬稱帝,此當
- [11] 江陵多死者 各本作「江川多死者」,據晉書五行志改。
- [1三] 王師南討 「王師」各本並作「三帥」,據晉書五行志改。
- 會席翻揚數十丈 魏高貴鄉公正元二年閏正月戊戌 各本並脱「席」字,據經覽八七六引補。 各本並脫「閏」字)「戊戌」晉書景帝紀作「正月戊午」。
- 志 第 + 四 校 勘 記

按是

年正月甲寅朔,初五日戊午,是月無戊戌。 二日乙丑, 司馬 師決無先在正月初五日出兵討儉之理,疑當是閏正月十五日開始 閏正月甲申朔,十五日戊戌。 毌丘儉舉兵在正月十 出 兵。 今補

魏見此妖

「閨」字。

二吾 曲阿門牛 生犢 各本並脫「見」字,據晉書五行志補。 「曲阿門牛」,晉書五行志作「晉陵陳門才牛」,搜神記作「晉陵東門有牛」。

「駛」「「駛」「駛」實卽一字。疑作「駛」作「駛」並不誤。 駿駛非常 ··「駃」。 「駛」三朝本作「駛」,涵芬樓影印百衲本時,修改作「駛」。 按說文,聚爲馬父驢母之駃騠本字,後人始借爲「快」字。 「駛」,馬行疾也。 北監本、毛本、殿本、局本 省文作

將動而爲害之應也 各本並脫「爲」字,據漢書五行志、晉書五行志補。

從東來 「東」下三國志魏志明帝紀有「南」字。

魏齊王正始二年十一月「十一月」三國志魏志齊王芳紀作「十二月」。

河南河東平陽地震 「平陽」各本並作「平阿」,據晉書武帝紀、晉書五行志改。 按平阿,縣名。

平陽,郡名。上平列之河南、河東皆郡名,則下亦宜作平陽。

太康五年二月壬辰 二月乙丑朔,二十八日壬辰。 「二月」各本並作「正月」,據晉書武帝紀改。 按是年正月丙申朔,無壬辰。

- 晉武帝太熙元年 中,泰始二條,咸寧二條,太康七條,此條在太康之後,不當再見泰始,當是太熙之譌,今改 各本並作「泰始元年」。 晉書五行志有記太熙元年正月地震事。按前十一條 Ę
- 永和十年正月丁卯 「丁卯」各本並作「丁酉」,據晉書穆帝紀、 晉書五 行志改。 按是年正 月己
- 酉朔,十九日丁卯,無丁酉。
- 隆和二年二月庚寅 朔,無庚寅。三月丙戌朔,初五日庚寅。 「隆和二年二月」 晉書五行志作「興寧二年三月」。按隆和二年二月丁巳 興寧二年三月庚戌朔,亦無庚寅。
- 亥。 永嘉二年八月乙亥 二年八月癸酉朔,初三日乙亥。 「二年」各本並作「三年」,據晉書孝懷帝紀改。 按三年八月丁酉朔,
- 〔三〕 毁門扇及限 「扇」各本並作「房」,據晉書五行志改。
- 三合 魏高 貴 鄉公正 元元年冬十月戊戌 各本並脫「冬十月」三字,據三國志魏志高貴鄉公紀補
- 景元三年二月 「三年」各本 並 |作「元年」,據三國志魏志陳留王紀改。
- 政不 順 各本 並脫「不順」二字、據漢書五行志、晉書五 行志補
- [1] 茲謂陰勝陽 各本並脫「謂」字,據漢書五行志補
- 十月 戊 寅 朔又 日有 蝕 之 按 正始六年 九月戊寅朔,十月戊 申 朔
- 景 元三 年三月己亥朔 日有蝕之 按是年三月壬寅朔,十一月己亥朔。

- 晉惠帝元康九年十一月甲子朔 書天文志改。 按是年十月爲甲午朔,十一月爲甲子朔,晉書五行志作十一月是。 「十一月甲子朔」各本並作「十月甲子朔」,據晉書惠帝紀、晉
- () 是 臣有蔽主明者 本條之下,各本並接「晉惠帝永興元年十一月黑氣分日」條, 以晉書天文志對

校 ,知是錯簡。 今據晉書五行志校正

- 義熙十年九月丁巳朔日有蝕之七月辛亥晦日有蝕之 巳朔,據晉書安帝紀改。七月辛亥晦上,脫「義熙十一 年」五字,見晉書安帝紀。 「丁巳」各本並作「己巳」,按是年九月丁
- 宋少帝景平二年二月癸巳朔 陳垣朔閏表,景平二年正月癸亥朔,二月壬辰朔。 <del>????!</del>少帝紀、通鑑考異引朱略、建康實錄並作「正月癸巳朔」,南史朱本紀作「二月己卯朔」。 「二月癸巳朔」局本宋書少帝紀同。 癸巳爲二月初二日。 三朝· 日蝕當在朔日, 本、北監本、毛本、殿本 是年正 按
- 元嘉十二年正月乙未朔日有蝕之 按元嘉十二年正月己未朔,元嘉十一年正月乙未朔。

月祇二十九日,疑二月癸巳朔本不誤,後人定朔

有誤。

- 武帝孝建 元年七月丙 戌朔 日有蝕之旣 按是年七月丙申朔,非丙 . 戊
- 明帝 泰始四年八月丙子朔日 有蝕之 按是年八月甲戌朔,丙子爲八月初三日。
- H 晉書 天文志: 作「日闇」、疑「鬭」字 有誤
- 令下見百姓惡君則有此變又曰臣有蔽主明者 「令下見百姓惡君」之下, 各本有奪文錯簡。 今

晉惠帝永興元年十一月黑氣分日 本條各本舊接「太元二十年三月庚辰朔日有蝕之」條下,以

晉書天文志對校,知是錯簡,今據晉書天文志訂正。

三日並 出不過三旬諸侯爭爲帝 本條下各本並接「晉安帝隆安四年六月庚辰朔日有蝕之」條,

以晉書天文志對校,知本條未完,又下有錯簡。今據晉書天文志訂正。

「品売」 四月辛亥 各本並脫「四月」二字。 按上有「三月癸亥」。 是年三月庚申朔,初四日癸亥,無辛

亥。 四月己丑朔,二十三日辛亥。 晉書元帝紀:「太興四年夏四月辛亥,帝親覽庶獄。」 則此爲

四月間事至確。今據晉書元帝紀補「四月」二字。

晉元帝永昌元年十月辛卯 「十月」各本並作「十一月」,據晉書天文志改。按是年十月辛巳朔,

十一日辛卯。十一月庚戌朔、無辛卯。

【中国】 晉明 帝 太寧元年正 月己 丑 朔 按是年正月己卯朔,非己丑 一朔。

晉成 帝 咸 康 元年 七月白虹貫 H 「咸康」三朝本、北監本、毛本、殿本作「咸寧」,局本作「咸和」,

今據晉書天文志改「咸康」。 晉書天文志:「咸康 元年七月,白虹貫 日。」卽此 事。

金 月猶 晉孝懷帝永嘉五年三月丙申夜月蝕旣丁酉夜又蝕旣 見 東方 各本並脫「月」字,據晉書五行志補。 按是年三月戊午朔,無丙申,亦無丁酉。

